

# PHILOSOPHIA M A I G N A N I SCHOLASTICA

SIVE IN FORMAM CONCINNIOREM

& auctiorem Scholasticam digesta & coordinata.

COMPLECTENS EX OPINIONIBUS  
*veteris ac recentioris Philosophiæ notabiliores disqui-  
sitiones, quæ ad usum Scholæ pro juventute instituenda  
desiderantur : distributa in tomos quatuor.*

TOMUS IV.

Authore R. P. JOANNE SAGUENS ejusdem Ordinis  
Minimorum & Urbis Tolosanæ Alumno : hic & Romæ  
olim Veterano Philosophiæ ac Theologiæ Professore.




TOLOSÆ.

Apud JOANNEM VIALAR Typographum, in vico  
Peyrolières, sub Signo S. Thomæ.

M. DCCIII.

---

*Cum Privilegio Regis, & Approbationibus Superiorum.*





## DISPUTATIO DECIMA-OCTAVA

est de Cælis, & dividitur in sex  
articulos.

ART. I. **D**E vulgatis decem Ptolemaica sphaera circulis.

ART. II. De cæteris circulis ad ejusdem sphaera notitiam necessariis.

ART. III. De numero & motu celorum juxta doctrinam Ptolemaicam.

ART. IV. Quid sit de systemate Ptolemaico sentiendum?

ART. V. De systemate Copernicano.

ART. VI. De systemate Mundano Tychonis Brahe.

## DISPUTATIO DECIMA-NONA

est de meteoris & continet articulos  
quatuor.

ART. I. **D**E meteoris igneis.

ART. II. De meteoris aëreis.

ART. III. De meteoris aqueis.

ART. IV. De meteoris terrestribus.

Item continet hic tomus quartus alteram  
Physica partem, qua est de Anima, &  
complectitur quatuor disputationes.





# DISPUTATIO DECIMA SEPTIMA.

DE LUMINE ET COLORE.



OLENT multi hanc disputationem ferè intactam præterire, quâ nulla tamen est inter physicas aut præstantior, aut curiosior; sed etiam solent alii velut in alterum lapsi extremum diffusius eam tradere transferendo in Physicam optica theorematata omnia. Ego verò ut neque in Opticorum jura incurram, neque desim muneri Physicorum, hæc tantummodò tractabo per consequentes sex articulos. Scilicet in *primo* agetur de genesi ac natura luminis contra Cartesium: in *secundo* de substantia luminis: in *tertio* de propagatione luminis: in *quarto* de concursu luminis ad colores & eorum origine: in *quinto* de discrimine inter colores reales & apparentes; & in *sexto* de substantia coloris.



## ARTICULUS I. DE GENESI AC NATURA LUMINIS *contra Cartesium.*

**N**OTANDUM *primò* juxta mentem Cartesii, qui in hoc maxime à exterorum omnium Philosophorum judicio declinavit, lumen neque consistere in productione alienius qualitatis accidentalis, ut Aristotelici docent, neque in

*Tomus IV.*

**A**

I.  
Quid sit  
lumen ad  
mentem  
Cartesii

effluvio alicujus spirituosæ substantiæ, ut alii omnes reputant; sed tantum in ea tendentia, quam habent partes corporis luminosi ad recessum ab illius centro, sive, quod idem est, à centro vorticis, in quo voluntur. Quam doctrinam ut paucis explicem, revocandum est in memoriam Solem & stellas fixas componi ex materia subtili, quæ circa proprium centrum acque axem instar vorticis continuò ac citissime voluitur: quia verò, ut multis experimentis infra referendis deprehendisse se putat Cartesius, corpora omnia, quæ in orbem aguntur, hoc ipso connituntur ad recessum à centro sui motus, hinc intelligit omnes ac singulas particulas totius materiæ subtilis Solem ( idem intelligit de omnibus aliis corporibus ex se ipsis fulgentibus ) componentis perpetuò ad hujusmodi recessum conniti. Tum verò quia Solaris vortex uno eodemque motu secum rapit omnem illam materiam globulosam, à qua ambitur & à qua simul impletur totum illud spatium, quod à Sole ad oculos nostros diffunditur, capropter omnes illi prorsus globuli circumacti eandem cum materia subtili habent tendentiam ad recessum, scilicet à centro Solis, suâque illâ tendentiâ afficiunt moventque oculos, & hoc pacto visionem efficiunt. Itaque tendentia illa ad recessum à centro vorticis luminosi est ipsa actio illuminandi, sive actio lucis, cujus proinde radii ad visionem concurrentes nihil aliud erunt, quàm intelligibiles totidem lineales tendentiæ, sive lineæ, per quas prædicta illa tendentia exercetur: exercetur autem juxta Cartesium non per alias, quàm per rectas à centro ad circumferentiam, quas communiter *radios* vocamus, si- ve aliter, *secantes*, aut quod idem est, *semidiametros*.

II.  
refertur  
adhuc  
expres-  
sius mēs  
Cartesii  
de natu-  
ra lumi-  
nis.

Notandum *secundò* Cartesium hoc pacto vitare tum omnem productionem luminis accidentalis, tum omnem derivationem luminosi effluvi ad nos à Sole aliisque luminaribus pervenientis, & effugere simul difficultates, quas tum hæc, tum illa sententia non paucas paritur; sed incidisse in alias longe graviore atque insolubiles, quæ deinceps aperientur, postquam pauca ejusdem authoris verba retulero, quæ Lectorem juvabunt ut illius mentem faciliùs assequatur. Igitur Parte 3 Princip. Phil. art. 55. sic ait. *Ea enim est lex natura, ut corpora omnia, quæ in orbem aguntur, quantum in se est à centrīs sui motus recedant. Atque hic illam vim, quæ sic globuli secundi elementi nec non etiam materia primi... recedere conantur à suis centrīs, quàm potero accuratissime explicabo: in ea enim sola lucem consistere infra ostendetur.* Deinde Art. 63. addit. *Ac præterea notandum est vim luminis non in aliqua motus*

duratione consistere, sed tantummodo in pressione, sive in prima preparatione ad motum, nisi forte ex ea motus ipse non sequatur. Tum art. 64. subjungit. Quodque forte multis paradoxum videbitur, hæc omnia ita se habere in materia caelesti, etiamsi nulla plane esset vis in Sole aliove astro, circa quod gyratur, adeo ut si corpus Solis nihil aliud esset, quam spatium vacuum, nihilominus ejus lumen non quidem tam forte, sed quantum ad reliqua non aliter, quam nunc cerneremus &c. Et cap. 1. Dioptrices art. 8. Postquam intelleximus non esse tam motum, quam actionem, sive propensionem ad motum in corpore luminoso id, quod lucem illius nominabimus; facile colligere possumus radios hujus lucis nihil esse præter lineas, secundum quas hæc actio tendit. Ex quibus verbis sufficienter patet quæ sit Cartesii mens circa naturam lucis, & simul quàm accurate explicata fuerit in primo prænotato. Sed nunc, ut spero, non minùs solide impugnabitur ostendendo neque ullam talem esse Naturæ legem, quæ corpora in orbem acta connitantur recedere à centro sui motus per secantes, neque talem connisum, si quis esset, ad naturam lucis ejusque actionem explicandam sufficere: si enim hæc duo ostensa fuerint, nulla supererit dubitatio, quin pro chimæricis habendæ sint universæ illæ hypotheses, quas pro luce explicanda Cartesius cogitavit.



## ASSERTIO PRIMA.

*Nulla est Natura lex, ut fingit Cartesius, secundum quam corpora in orbem acta conitantur recedere à centro sui motus per secantes: quo pacto quamvis hypothetice concederetur solem componi ex materia subtili Cartesiana & in orbem acta, hæc nullo modo conitteretur à centro sui motus per secantes: & ideo nulla esset in sole actio lucis: atque idem dicendum de aliis quibuscunque corporibus luminosis.*

III.  
Argui-  
tur attré-  
dendo ad  
partes  
strictè  
coheré-  
tes.

**P**ROBATUR primò. Corpora illa, quæ in orbem aguntur; componuntur vel ex partibus coherentibus atque intertextis, quales illæ sunt, quæ globum aliquem æneum conformant, vel ex partibus tantum adhaerentibus atque contiguïs, quales sunt arenulæ, quæ sabulosam molem coagmenrant: atqui nulla est Naturæ lex, secundum quam sive illa, sive ista in orbem acta conitantur recedere à centro sui motus per secantes: ergo &c. Probatur minor. Et primò quoad illa intellige globum æneum inter duas cuspidés torni velocissime concitatum, & statim concipies nullam in eo globo esse vim, quæ conitatur ad recessum à centro sui motus per secantes; nullus quippe talis conitus potest fieri, quin partes, quæ ad centrum sunt, magis soliro premant eas, quæ sunt ad circumferentiam: at illas magis premere non possunt; quomodo enim magis premerent, nisi recederent ipsæ à centro, à quo tamen non recedunt propter soliditatem totius globi? Sed præterea quoniam in centro globi illius non est nisi una pars ejusdem globi, si quæ est prædicta pressio, necesse est ut exordium habeat ab ea una parte, quæ est in centro; at hæc non potest premere eas omnes, à quibus ambitur, hoc quippe esset simul ac semel tendere in diversa loca. Ergo in globo illo æneo, quamvis velocissime in orbem acta, nulla est talis pressio, atque ideo nulla tendentia ad recessum à centro motus per secantes. Neque obstat quòd hujusmodi globus valide circumactus, si non

## De lumine & colore.

fuerint cuspidēs torni bene intra ipsum obfirmatæ, dissiliat; id siquidem ex inæqualitate impetus impressi provenit, nec unquam accideret, si vera esset opinio Cartesii: quia enim omnes partes in orbem æqualiter tenderent ad recessum à centro motus, non posset globus in hanc potius partem, quàm in alteram dissilire.

*Secundò* quoad ista scilicet corpora, quæ componuntur ex partibus tantum adhærentibus & contiguis, verum quidem est quòd si supra aliquam laminam horizontalem valide circumactam imponantur, patiuntur suarum partium dissociationem atque ita evasione à centro sui motus, ut si super huiusmodi laminam injeceris arenæ granula, hæc è rota dissiliunt. At ita dissiliunt, ut ex hoc dissiluit falsissima convincatur Cartesii sententia; via enim, quam dissiliendo arripiunt, non est aliqua linea secans, sed tangens circuli, supra quem voluebantur; quod est evidens argumentum, nullam in iis granulis præfuisse tendentiam ad recessum à centro sui motus per secantes; alioquin quando ad marginem extremum laminæ pervenerunt atque ita liberam habent facultatem eundi rectè per secantes, non eligerent tangentes, quasi mutato conatu & consilio. Unde si quæ esset in corporibus circumactis tendentia ad recedendum à centro sui motus, ea utique non esset ad recedendum per secantes, sed potius per tangentes. Ergo, &c.

**PROBATUR** *secundò*. Si quæ esset in corporibus circumactis tendentia ad recessum à centro sui motus per secantes, illa utique progigneretur in ipsis à motu, quo circumaguntur: atqui progigni non potest ab eò motu: ergo &c. Major est certa, quia autemquam circumaguntur, nullam habent talem tendentiam, seu propensionem. Minor verò probatur. *Primò* quia tendentia ad recessum à centro per secantes est tendentia ad motum rectum: at hæc ab agitatione circulari progigni non potest, sicuti nec motus rectus: hinc videmus rotam celeriter circumactam secum in orbem abripere aërem ambientem & festucas, quæ volitant intra ipsum, alioquin longe abjiciendas, si eas ad recedendum à centro suæ rotationis compelleret. *Secundò* quia non potest contingere ut unum atque idem mobile ex naturali aliqua lege motus, quo circumagitur, habeat tendentiam ad motum impossibilem, natura quippe nihil frustraneum, atque ita nihil impossibile molitur: at quis non videt impossibilem esse recessum à centro motus cum ipso motu circulari, quo mobile constantè servat eandem ab eodem centro distantiam. *Tertiò* quia cum Cartesius nullum in rebus creatis corporis admittat principium in-

IV.  
Et rur-  
sus at-  
tēdo ad  
partes  
tantum  
adhæ-  
rentes.

V.  
Motus  
circula-  
ris nul-  
lum cau-  
sat reef-  
sum per  
secantes.

Aiii

6 *Physica disput. XVII. Art. I.*

insecum motus, non potest intelligi quomodo corpora in orbem acta habeant propensionem ad motum recessus à centro, nisi extrinsecam; in hoc scilicet sensu, quod talium corporum partes aliæ alias urgeant compellantque à centro ad circumferentiam: at hoc modo partes, quæ sunt viciniotes centro, aut quæ sunt in centro, haberent ex se ipsis propensionem illam ad motum recessus, id est, principium intrinsecum motus, quandoquidem non adessent aliæ, à quibus istæ possent propelli ad recessum à centro, aut inclinari ad illum. Ergo &c.

VI.  
Et ideo  
nulla es-  
set lux  
Solis  
Carte-  
siani.

Ex quibus jam intelligitur sufficienter quod in ea materia subtili circumacta, ex qua Carresius suum Solem componit, nullus revera esse potest conatus recedendi à centro sui motus; ideoque nulla esset lux Solis Cartesiani. Præterquamquod cum ea materia subtilis, quæ vorticem Solarem efficit, nullum aliud repagulum habeat, quàm globulorum ambientium, quos secum abripit, non poterit impedire hoc repagulum, quin illa satiet propensionem, quam habet recedendi à centro sui vorticis: sed si recedit, non utique recedit nisi per tangentes ejusdem vorticis, ut supra dictum est: atque ita rursus nulla esset lux Solis, aut certe non esset illa, quæ ad nos diffunditur: hæc enim diffunditur per lineas à centro rectas. Ergo &c.

VII.  
Oppo-  
nunt dif-  
fensio-  
nem ha-  
benarum  
fundæ  
rotatæ.

Objicies *primò* experimentum lapidis rotati in funda, cujus habenas lapis ille, quò velocius rotatur, eò magis distendit, eo autem experimento supposito argumentum proponitur sub hac forma. Lapis ille distendit magis ac magis habenas fundæ propter motum, quo rotatur: sed distendendo illas recedit magis ac magis à centro sui motus per secantes: ergo magis ac magis recedit à centro sui motus per secantes propter motum, quo rotatur. Major constat expetentiâ. Minor verò patet ex terminis bene intellectis. Nam sumendo fundam in eo statu, quo obtinet habenas magis distentas, tunc major est distantia inter centrum rotationis & lapidem, & hæc distantia, ut mensuratur, ita & augetur per secantes. Consequentia autem legitime iufertur. Unde nihil obstat quominus cum Cartesio statuatur hanc esse Naturæ legem, ut corpora omnia, quæ in orbem aguntur, propendeant & connitantur ad recessum à centro sui motus per secantes, id est, per lineas à centro ad circumferentiam rectas, quas aliter vocare potes *radios*, aut *semidiametros* circuli.

VIII.  
At hæc

Resp. Et contendo tensionem illam habenarum nullo modo esse idoneam ad probandum, quod lapis rotatus continuò nitatur ad re-

cessum à centro sui motus per secantes, cum eadem distensio perinde accidere possit ex conatu ejusdem lapidis ad recessum à centro sui motus per tangentes: nam si semel admittitur lapidem illum in singulis punctis circuli, in quo rotatur, conari ad eundem per tangentes illius circuli, non potest fieri quin eo conatu recedat à centro sui motus, arque ita habenas distendet. Præterea quid est habenas ab eo lapide rotato distendi, nisi quoddam secantes, in quarum extremo lapis continuò reperitur, sunt longiores: at ab extremo unius secantis non potest lapis pervenire ad extremum alterius longioris, nisi cundo per tangentem prioris circuli, sive prioris rotationis, ut non difficilè intelligitur. Atque ita neganda est minor argumenti propositi, cujus aliunde nullam esse vim satis convincitur ex eo, quòd lapis ille, postquam funda laxata est & jam habet liberam omninò facultatem eundi per viam suæ propensionis, non evadit per ullam secantem, sed per aliquam tangentem ultimæ rotationis.

Objicies *secundo* experimentum aliud globuli intra canalem, sive tubum rotatum meabilis; si enim globulum intra tubum immiseris ac tum circumegeris tubum, paulatim globulus ille recedat à centro sui motus per tubum & ex eo dissiliet, ut experientia constet, ex qua sic potest argui. Globulus ille meabilis progrediendo per tubum, in quem immissus fuit, recedit à centro sui motus per secantes; quatenus recedit per tubum, qui successive repræsentat omnes secantes circuli, quem rotatione sua describit: atqui globulus ille non sic recedit, nisi propter motum rotationis communem sibi & tubo: ergo propter rotationem efficitur, ut recedat à centro sui motus per secantes. Atque ita pro regula generali statui potest ea omnia corpora, quæ in orbem aguntur, recedere, aut certe conari ad recessum à centro sui motus per secantes. Qui conatus præterea potest intelligi exemplo formicæ, quæ in eo tubo inclusa interim dum rotaretur tubus, progredieretur intra eum recedendo à centro rotationis; sic enim concipietur globulum meabilem, interim dum rotatur tubus, similiter conari ad recessum à centro suæ rotationis, ac tandem omnino recedere & dissilire. Ergo &c.

Resp. Et dico hujus etiam experimenti rationem perinde reddi, si supponatur globulum meabilem ex vi rotationis propelli ad recessum à centro sui motus per tangentes, per quas successive ac paulatim progreditur, in quantum scilicet tubi continentis angustia patiuntur: licet quippe tubus sit ad instar secantis multiplicis continentis

distensio  
porius  
obstat  
opinio-  
ni Car-  
tesianæ.

IX.  
Addunt  
aliud  
experi-  
mentum  
globuli  
intra tu-  
bum ro-  
tati.

X.  
Sed hoc  
experi-  
mentum  
nihil pa-  
riter ju-  
vat, imo  
obstat.

globulum, habet tamen tubus aliquam latitudinem, quæ permittit globulo inire brevem viam alicujus tangentis & ex ista in aliam progredi, donec tandem è tubo diffiliat ac tunc rursus accipiat tangentem ejus circuli, qui ab extremo tubi, unde diffiliat, describi intelligitur. Itaque neganda est major argumenti propositi propter rationem jam dictam, quæ evidentissime fundatur in eo, quòd si globulus meabilis, de quo agitur, haberet, quandiu rotatur in tubo, propensionem ad eundem per secantes, & revera iret, neque propensionem illam, neque illum motum mutaret, quando liber est extra tubum, & nihilominus mutat. Paritas autem, quæ petitur ex formica, non valet, quia formica motum habet spontaneum, quo contra vim rotationis potest conari ad eundem rectè per secantes. Puto tamen quòd si rotatio vehemens fuerit, idem accadat formicæ quod globulo, scilicet hinc atque inde abripi intra tubum per alias atque alias tangentem, donec è tubo diffiliat, ac rursus per tangentem ejus circuli, quod describit extremitas ejusdem tubi circumacti. Vide fusiùs hæc experimenta & experimentorum schemata apud Cartesium princip. Phil. parte 3. ab Art. 57.

## ASSERTIO SECUNDA.

*Quamvis concederetur Cartesio materiam subtilem, ex qua sydera componuntur, circumagi & conari ad recessum à centro sui motus per secantes, adhuc tamen iste conatus esset omnino tum inutilis, tum insufficientis ad actionem lucis explicandam, etiam communicatus globulis ambientibus & circumactis.*

IXI.  
actio lucis est motus, & ita non est simplex conatus ad motum.

**P**ROBATUR primò. Ad actionem lucis explicandam necessarius est ex parte lucis aliquis motus: ergo ad eam explicandam inutilis est qualiscunque ille conatus, qui affingitur materię subtili componententi sydera, ad recedendum à centro sui motus per secantes. Antecedens constat, quia lux non potest aliter afficere oculum, quàm movendo, cum omnis actio corporea sit motus. Et aliunde si lux non movet oculum, relinquit omnino eum in eodem statu, in quo erat antequam ipsa accederet, atque ita non determinabit illum ad visionem. Ac denique omnis nova visio est mutatio quædam facta in ocu-  
lo



lo : at omnis mutatio supponit motum tanquam causam , à qua producitur. Consequentia verò legitima est, quia conatus ad motum , quandiu nihil nisi conatus est , non est motus ; imò verò est quies , ut intelligi faciliè potest ex mola tunc suspensa , quis enim neget eam quiescere non obstante illa intrinseca propensione , quâ deorsum tendit. Ergo similiter si materia subtilis , quæ Solem cæteraque sydera componit , nihil obtinet præter conatum recedendi à centro sui motus , non movetur : & eodem modo discurrendum est de globulis secundi elementi Cartesiani , qui materiam illam subtilem circumactam ambiunt & implent spatium , quod est inter sydera & oculos nostros : siquidem isti globuli similiter quiescunt , si nihil habent præter illum conatum à materia subtili acceptum : & ita non poterunt afficere oculos actione lucis , quæ actio debet esse aliquis singularis motus , ut dictum est.

**PROBATUR secundò.** Ad explicandam actionem lucis , qualis splendet in flamma , in carbone ignito , &c. omnino inutilis est qualiscunque similis excogitabilis conatus materię subtilis circumactę tendentis ad recessum à centro sui motus & ad eundem conatum determinantis globulosam aliquam materiam circumstantem : ergo non minus est inutilis ad explicandam actionem lucis Solaris , aut cuiusvis alterius syderis. Antecedens constat. Tum quia ipse Cartesius explicans quomodò candela ardeat & cætera quæ ad illius flammam lucentem attinent , Princ. Phil. p. 4. Art. 95. nullius vorticis meminit , nulliusque talis conatus , quo materia subtilis tendat ad evasionem per secantes , ut loco citato videri potest. Tum etiam quia lux flammę præter actionem lucendi exerit aliam , quæ est urendi ; ad unctionem verò ita necessaria est intromissio alicujus spirituosę substantię dissociantis partes rei , quæ uritur , ut quævis alia compulso atque tendentia esset ad hunc effectum inepta. Consequentia verò probatur ; quatenus similitudo , quæ est inter illam lucem superiorem sydeream & hanc igneam inferiorem , satis probat , quòd si hæc gignitur effunditque suos radios sine ullis vorticibus cæterisque hypothesis Cartesianis , illa etiam independentes ab iisdem & gignitur & effunditur. Ergo &c. Vide Lector ea multa argumenta atque experimenta , quibus noster Maiguanus hypotheses illas omnes de luce Cartesiana obnubilat , Phil. Nat. cap. 35. à num. 27. à quibus ego recensendis abstineo , tum ne sim nimius , tum quia continent paulò profundiorē Mathesim ab instituto nostro Physico alienam.

Obijcies primò experimentum cæci , qui solo usu sui baculi opti-

Tomus IV.

B

XII.  
Tumargitur  
excompa-  
ratione  
lucis  
Solaris  
cum ignea.

XIII.  
Oppo-

nūc ex-  
cumdis-  
cernere  
lapidē  
à luto  
per so-  
lam la-  
pidisre-  
sisten-  
tiam.

me discernit lapidem à luto, lutum ab aqua, &c. Unde patet lapidem sese exhibere dignoscibilem à cæco per eam solam actionem, quā resistit baculo: at illa actio nullum importat motum in lapide. Ergo similiter potest Sol sine ullo motu sese exhibere visibilem per solam actionem tendendi, sive per eum conatum, quo secundum hypothesen Cartesii materia subtilis componens Solarem vorticem tendit ad recessum à centro sui motus & efficit, ut ad eum similiter tendant omnes globuli ambientes, qui eodem motu rapiuntur. Neque id ipsum leviter probat illud aliud experimentum adhuc familiarius de omni liquido, quod ad foraminulum vasis, in quo continetur, instat atque urget per eam solam tendentiam, quā deorsum vergit, sicut etiam accidit musto, quod ex uris in lacu pressis eximitur, ut Cartesii exemplum adhibeam, quod fusiùs enarratum vide apud ipsum cap. 1. Dioptrices simul cum superiori de cæco, qui suo scipione velut oculo corpora discernit. Intellige itaque hoc modo, quo liquida per suam tendentiam premunt fundum vasis lateraque in omnem partem, premere materiam Solaris vorticis globulos secundi elementi circumactos, & istos premere oculum tali utique pressione, quæ est actio lucis. Ergo &c.

XIV.  
At hæc  
resistē-  
tia non  
sufficit  
absque  
inter-  
ventu  
iudicii.

Resp. Cæcum non discernere lapidem à luto per solam resistantiam, quam lapis scipioni ejus opponit; sed præterea opus esse ei iudicio, quo agnoscat corpus illud, quod suo scipione tangit, ideo non esse lutum, aut aquam, &c. quia resistit tactui. At verò in casu visionis objectum sese offert oculo perceptibile ac percipitur independentem ab ullo usu iudicii: quapropter necesse est ut objectum moveat potentiam, quod utique non potest fieri, ut probatum est, per solum conatum tendendi in eam, alioquin quies moveret; quod est contra apertissimam notionem quietis. Deinde verò quamvis liquida omnia premant fundum lateraque vasis, in quo continentur; at certum est quòd eā pressione nec illud, nec ista movent; sed in sua quiete relinquunt. Unde à pari licet eodem modo premeretur oculus à conatu materiz sive globulose, sive subtilis tendentis ad recessum à centro sui motus, nihilominus ea pressio oculum non moveret, ideoque non sufficienter afficeret ad visionem, quæ est motio quædam, scilicet activa ex parte lucis, passiva verò ex parte organi. Atque ita, ut vides, experimenta adducta nihil convincunt.

XV.  
Addunt  
sonum

Objicies *secundo* experimentum soni, cujus propagatio talis est, ut ad aures non pervenit aer, qui inter æs campanum v. g. malleumque illisus fuit; sed hic proximiorum commovet & hic alium

donec ille, qui in aure est, eam feriat non tam motu accepto, quàm conatu ad motum. Ubi maxime observanda occurrit mirabilis illa varietas sonorum atque etiam ex partibus oppositis prodeuntium, quos aër in se suscipit transfertque simul ac semel ad aures tympanum; suscipere verò ac transferre non posset, nisi illi potius consisterent in multiplici conatu ad motum, quàm in motu multiplici, quia non potest unum atque idem mobile motus oppositos simul admittere. Ergo quid vetat similiter propagari & in omnem partem à Sole usque ad oculum conatum illum, quo materia vorticis Solaris tendit ad recessum ab ejus centro? In quo casu non opus erit luce, quæ à Sole perveniat ad oculum, sicut ad propagationem soni non opus est aëre, qui à corpore sonoro ad aurem veniat, aderitque illud commodum, quòd facillimè explicabitur hac methodo promptissima illa ac repentina propagatio lucis, de qua deinde disputabitur. Ergo, &c.

Resp. *primò* illisionem illam aëris, quæ fit inter æs campanum & malleum, non contingere sine motu, quem admitto communicari & transferri posse ad aurem eo modo, quem Objiçiens suggerit; sed nego communicari similiter ac transferri posse simplicem aliquem conatum ad motum, quia conatus ad motum non est extra statum quietis. *Secundo*. Fateor aërem non posse simul moveri motibus diversis, sicut nec possunt audiri simul diversi soni, quamvis sæpe intervalla, quibus auditiones sejunguntur, adeò sint exigua, ut pro uno tempore reputentur: at etiam contendendo nec posse eundem aërem simul admittere oppositos conatus ad motum; ut enim motus à motu, ita conatus à conatu opposito impeditur. *Tertiò*. Propagatio soni ad explicandam luminis propagationem nihil juvat, quia lucis propagatio consistit in emissionem alicujus spirituosii effluvii: propagatio autem soni consistit in communicatione alicujus commotionis sonoræ; aut, si quid juvat, probat contra Cartesium lumen non propagari instantaneè, ut infra ostendetur. *Quartò* denique. Si aliqua esset vis hujus argumenti, eo perinde probaretur propagationem odoris non in aliquo effluvio veniente ab aromate ad nares positam esse; sed tantum in aliquo motu aëris interpositi, aut conatu ad motum, quod est contra experientiam. Quæ omnia, si rectè attenduntur, plenissime convincunt quàm falsissima sit opinio Cartesii circa generum & naturam lucis.

percipi  
absque  
inter-  
ventu  
motus,

XVI.  
At ostenditur  
qualiter  
motus inter-  
veniat.



# ARTICULUS II.

## DE SUBSTANTIA LUMINIS.

I.  
Quid  
senserint  
antiqui  
circa  
naturā  
lumi-  
nis.



**N**OTANDUM *primò* omnes fere antiquos Philosophos minimè dubitasse quin lumen esset substantia quædā corporea, sed mobilissima & spargi solita non aliter quā ad instar effluuii exilissimi ad oculos nostros transmissi à corpore luminoso, ac cum tali pernecitate, quæ cujuscumque alterius odoriferi, magnetici, &c. celeritatem mirum in modum superaret. Quare Aristoteles, ut à cæterorum omnium sententia discederet, probandum sibi assumpsit hoc thema lib.2. de ani.c.7. nimirum lumen neque esse corpus, neque ullius corporis defluxum: at quā inepce probaverit non dico, quia patebit ex objectionibus infra solvendis. Non præteribo tamen hinc Aristotelicis intulisse lumen esse qualitatem accidentalem ex subjecto, per quod spargitur, genitam, ita ut non aliter de lumine, quā de reliquis suis accidentibus philosophentur: quamquam si ad locum citatum recte attenditur, inferre potius debuissent lumen nihil esse præter ipsam corporis luminosi præsentiam: nam hæc videtur fuisse mens Aristotelis, si tamen ex stylo ac modo loquendi caliginosissimo, quo Author ille constanter utitur, dijudicari ab ullo Mortali possit, quid prælegerit de lumine sentiendum, ut de omnibus fere aliis.

II.  
Quæ sit  
deñiti-  
tio Arist-  
otelica  
lumi-  
nis, &  
perspi-  
cui.

Notandum *secundò* lumen ex definitione Aristotelica esse *actum perspicui*, quā ratione *perspicuum est*; perspicuum verò illud est (& ecce alteram Aristotelicam definitionem æque parum lucidam ac perspicuam) *quod est quidem visibile, non autem per se, sed per alienum colorem*. Quomodo autem possit aliquid per alienum colorem videri Author non explicat, & explicare tamen debuit, cum non sit creditu facilius, quā si quis diceret posse aliquid audiri per alienum sonum, ut æs campanum per sonum tibie, aut aliquid gustari per alienum saporem, ut saccharum per saporem butyri. Tum vide Interpretum rixas circa legitimum utriusque hujus definitionis sensum, de quo breviter dicam lumen secundum Aristotelem esse id, quod facit objecta perspicua, sive apparentia actu, quæ nimirum per se non habent, nisi

perspicuitatem, sive apparentiam in potentia, id est, visibilitatem. Dupliciter autem potest aliquid fieri perspicuum, aut secundum solam superficiem, & hoc modo corpora opaca videntur, quæ & vocari solent *perspicua terminata*; aut secundum totam suam crassitiem, atque hoc modo videntur ea corpora, quæ transparentia sunt, & diaphana & *perspicua interminata* vocantur. Quorum denique verborum omnium ambages eò revocandæ sunt, ut sciatur lumen nihil aliud esse quàm id, quod illuminat corpora, sive id cujus beneficio videtur aut certè sit aptum videri quidquid videmus. De quo cum nullus dubitet, si cum istis expressissimis terminis proponatur, superest postea inquirendum, quid illud sit, cui vis illuminandi tribuitur, sitne qualitas accidentalis, qualem Peripatetici passim docent, vel effluvium corporalis alicujus substantiæ, ut Recentiores omnes contendunt, si Cartesianos exceperis, contra quos supra actum est.

## ASSERTIO PRIMA.

*Lumen non est qualitas accidentalis, qualem passim in suis scholis docent Peripatetici.*

**P**ROBATUR primò. Corpora alia sunt opaca, sive quæ non illustrantur à lumine nisi secundum superficiem, ut saxa, ligna, metalla, &c. & alia sunt diaphana, quorum tota crassities à lumine illustratur, ut aër, aqua, crystalus, &c. Atqui si lumen esset qualitas accidentalis, qualem Peripatetici docent in suis scholis, omnia corpora essent diaphana. Ergo, &c. Major constat apud omnes, qui præterea noverunt pelluciditatem illam, quæ corpora diaphana, seu transparentia fiunt, non esse æqualem in omnibus, & hæc nihilominus contra evidentissimam experientiam æqualis foret, ut notabo consequenter ad probationem minoris. Probatur itaque jam minor. Corpora, quæ sunt diaphana, ideo talia sunt, quia partes, ex quibus tota eorum moles componitur, afficiuntur lumine, quod supponitur actualiter emitti à corpore luminoso. Atqui si lumen esset qualitas accidentalis, qualem Peripatetici doceant, partes omnes ex quibus componitur tota moles corporum omnium, afficerentur lumine. Ergo, &c. Major iterum constat; quia non potest aliqua pars videri illustrata, quin afficiatur lumine; at corporis diaphani tota moles videtur illustrata: igitur tota afficitur lumine, id est, afficiuntur lumine omnes ac singulæ partes, ex quibus moles illius tota componitur, &c.

III:  
Argui-  
tur ex  
eo, quod  
omnia  
corpora  
essent  
diapha-  
na.

ideo juxta doctrinam Aristotelicam corpus illud diaphanum vocatur. Minor verò probatur: quia juxta eandem doctrinam lumen nullum habet contrarium, quod ipsius generationi obstat, ita ut perinde sit ad generationem luminis in subiecto, quod sit calidum aut frigidum, humidum aut siccum, &c. Ergo hoc ipso quòd partes cujuscunque corporis superficiem componentes afficiuntur lumine, eodem etiam afficerentur partes ad superficiem consequentes, cum istæ non magis quàm illæ contrarietatem ullam habeant, quæ susceptioni sive, quod idem est Peripatetice loquendo, generationi luminis intra ipsas, imò ex ipsis opponantur: atque ita corpora omnia essent diaphana, quatenus tota eorum moles illustraretur & imbueretur eodem lumine, quod ipsorum superficiem illustrare supponitur.

IV.  
Quin  
etiam  
essent  
omnia  
ejusdẽ  
diapha-  
neita-  
tis.

Unde etiam omnia corpora essent æque diaphana, ita ut ferrum esset æque diaphanum ac crystallus ad præsentiam Solis, aut candelæ accensæ, &c. quandoquidem ubi nulla est contrarietas ad susceptionem luminis, sive ad generationem passivam luminis, ibi adest æqualis dispositio ad susceptionem illius: at in ferro nulla est cohærenter ad placita Aristotelica contrarietas ad susceptionem luminis in sensu explicato; alioquin nec susciperetur lumen in partibus, quæ superficiem ferri componunt; de cætero autem sunt homogeneæ cum illis, quæ componunt illius crassitiem: atque ita omnes comparatæ ad invicem sunt æqualiter dispositæ ad hoc ut illustrentur, imò & ad hunc effectum sunt æqualis dispositionis comparatæ ad eas, ex quibus crystallus conflatur: ut enim in partibus crystallinis nulla est qualitas, quæ lumini contrarietur, sic nulla est in particulis ferreis: Ergo, &c.

V.  
vel præ-  
sertim  
quia  
formæ  
Aristo-  
telicæ  
pene-  
trant  
sua sub-  
jecta.

Adde quòd cæteræ omnes qualitates, sive formæ accidentales Aristotelicæ sunt modo quodam penetrativo in suis subiectis, ita ut pervadant illa afficiantque intrinsece; sic gravitas, sapor, odor, calor, &c. non tantum sui subiecti gravis, saporis, odoriferi, calidi, &c. superficiem extimam afficiunt; sed præterea totam intimam illius dimensionem. Ergo si lumen esset forma accidentalis non aliter, quàm penetratione illustraret omnia corpora, quæ proinde efficerentur diaphana. Antecedens conceditur; consequentia verò sic probatur. Ideo cæteræ qualitates sunt modo penetrativo in suis subiectis, quia partes, quæ eorum crassitiem componunt, sunt ejusdem naturæ & temperamenti; unde necesse est ut omnes iisdem qualitatibus sive connaturalibus, sive adventitiis afficiantur, quis autem non videt eandem rationem militare pro lumine? Sed ut vis argumenti clariùs perpendatur, cogita lapidem mediocriter alicujus v. g. digitalis crassitiei ferven-

tissimo Soli ætivo expositum, aut igneæ vividissimæ flammæ admotum: ille itaque lapis non tantum extime, sed etiam intime totus calefit, ut patet experientiâ, quâ si abruptitur intranco calore imbutus. Atqui ut calefit totus, ita totus illustraretur, si lumen esset forma accidentalis perinde ac calor, ut Peripatetici docent: Imo longe celerius introduceretur in eum lumen, quàm calor; quatenus in lapide adfunt qualitates à calore introducendo vincendæ, ut frigus, humiditas, &c. ac nullæ in eo sunt, quæ contrarietatem cum lumine habeant. Ergo, &c.

Neque refugere Adversariis licet ad poros, quorum certa aliqua frequentia, aut dispositio requiratur ad eam luminis susceptionem, per quam multa corpora fiunt diaphana, ut ær, aqua, crystallus, &c. ita ut defectu illius dispositionis laxa, metalla, &c. non possint diaphaneitatem eandem consequi. Non, inquam, id licet. Tum quia pori, præcise ut pori sunt, non sunt susceptivi luminis secundum Aristotelicos, lumen enim suscipi non potest nisi in subiecto corporeo, in quo nimirum non suscipitur, nisi quatenus ex ipso gignitur. Tum quia pori qualiumcunque corporum secundum eisdem Philosophos non sunt vacui, atque ita certis quibusdam particulis materiæ alicujus implentur: omnis autem materia est æqualiter susceptiva luminis, alioquin lumen haberet aliquod contrarium. Tum denique quia pori per se nihil conferunt ad temperiem partium, quæ ab interjectis poris dividuntur: atque ita nihil per se obstant, aut juvant ad introductionem alicujus qualitatis Aristotelicæ; hæc siquidem cum non consistat in corpusculis, non indiget poris, seu foraminulis ad hoc ut se intromittat. Ergo, &c.

Probatur *secundò*. Si lumen esset forma accidentalis, qualem Peripatetici vulgò admittunt, totus ær, qui terram ambit, perpetuò ac constanter illustraretur à luce Solis; atque ita sine ulla vicissitudine noctium læta dies ubique terrarum claresceret. Ergo, &c. Probatur sequela antecedentis in hunc modum. Si lumen est forma accidentalis, qualem Peripatetici vulgò docent, necesse est ut ex quacunque parte æris illustrata communicet se effundatque in proximam: atqui hoc pacto totus ær, qui terram ambit esset perpetuò & constanter illustratus à luce Solis. ergo, &c. Minor patet: quia si qualibet pars æris jam illustrata illustrat necessariò aliam sibi proximam, hæc rursus aliam sibi proximam illustrabit, atque ita illustrabuntur omnes. Sequela verò majoris sufficienter probatur referendo modum, quo Peripatetici affirmant lumen propagari: affirmant siquidem illud non aliter propagari, quàm per continuatam illius generationem ex om-

VI.  
Et om-  
nino  
gratis  
refu-  
giunt  
ad po-  
ros cor-  
porum.

VII.  
Item ar-  
guitur  
ex eo, quod  
totus  
ære con-  
tinuò  
esset lu-  
cidus.

nibus ac singulis partibus mediū, sive spaciū illustrati. Neque enim Aristotelice loquendo Sol lucem suam ad nos transmittit; sed ad instar suæ similem educit ex subiecto sibi proximo, ut ex cælo Veneris, tum cælum Veneris ex cælo Mercurii, deinde cælum Mercurii ex cælo Lunæ, ac tum cælum Lunæ ex igne sublunari, ignis autem sublunaris ex aëre educit lucem similem Solari: & hæc est illa, quæ oculi nostri afficiuntur post adedò multiplicem seriem generationum, quas nihilominus peragi omnes instantaneè prædicant, quia; ut aiunt, lux non habet contrarium. Ergo juxta hanc suppositionem necesse est, ut quælibet pars aëris illustrata illustret aliam sibi proximam; hæc enim cum nihil habeat luci contrarium, non potest impedire quominus illustretur: & quia de omnibus eadem est ratio, totus aër erit perpetuò & constanter illustratus.

VIII.  
transfertur  
ad id probandum  
paritas pul-  
veris ni-  
trati.

Ad cujus argumenti majorem evidentiam cogita superficiem terrestrem esse coopertam ad altitudinem unius v. g. palmi pulvere nitrato, certum est quòd in quacunque parte superficiæ terrestris facta pulveris hujus accensio in totum ambitum propagaretur, nempe quia primus ignis, ut ita loquar, ex aliqua pulveris portione accensus secundum gigneret ex alia sibi proxima, & hic secundus ex alia similiter sibi proxima tertium, &c. Atqui non aliter in totum terræ ambitum propagaretur lumen, nisi quòd communicaretur multò velocius, quatenus aër, qui terram ambit, secundum Aristotelicos est aptior ad susceptionem formæ luminosæ, quàm pulvis nitratus ad susceptionem formæ igneæ. Ergo &c. Imo quod fortè miraberis, vel unius candelæ accensio ad universum Orbem illustrandum sufficeret non minus, quàm una scintilla ad eum accendendum, si ex pulvere nitrato totus constaret: siquidem ut passim docent, lumen non aliter quàm ignis gignitur ex subiecto proxime disposito. Ergo, &c.

IX.  
Quin etiam  
aër nū-  
quam  
posset  
esse ob-  
tenebratus.

Adde quòd aër semel illustratus nunquam verti posset in tenebras. Ergo etiam ex hoc capite totus aër, qui terram ambit, esset perpetuò & constanter illustratus; atque ita frueremur die perenni sine ulla vicissitudine noctium. Consequentia est manifesta. Antecedens verò probatur, quia sicut aër non potest illustrari, nisi per generationem luminis ex ipso juxta doctrinam Aristotelicam, ita non potest obtenebrari nisi per corruptionem ejusdem luminis; corrumpi autem lumen non potest, nisi per qualitatem lumini contrariam atque in aërem introductam: sed nulla est qualitas contraria lumini, ut per eandem doctrinam affirmatur. Ergo, &c. Neque ad solvenda hæc consimiliaque argumenta Adversarios ullatenus juvat id, quod docent de præsentia corporis luminosi concurrente ad generationem luminis,

&c



& similiter de illius absentia concurrente ad luminis corruptionem.

Nam *primò*. Quantum attinet ad præsentiam corporis luminosi, v. g. Solis, certum est quòd non potest censerì præsens oculis statim atque latet sub horizonte, tunc quippe nulli radii directi à Sole ad oculos nostros perveniunt, & nihilominus post occasum Solis sicut & paulo ante exortum aliquandiu luce Solari fruimur non ingrata. Aut si censendus est præsens propter radios, qui in oculos nostros veniunt reflexi à partibus cœli superioribus, dicendum erit Solem adesse nobis continuò præsentem, quia extra ac circa eum umbræ terrestris continuò emittit radios ad partes cœli superiores, à quibus reflecti possunt, sicut vere reflectuntur à luna aliisque planetis. *Secundò*. Quantum spectat ad ejusdem Solis absentiam præter jam dicta, ex quibus constat eum aut nunquam esse absentem, aut non obstante ejus absentia posse lucem vigere, addo quòd quamvis Sol annihilaretur, postquam semel illuxit, non tamen lux deficeret, quia talis annihilatio nullam in aëre produceret qualitatem luminis corruptivam: nihil autem potest corrumpi sine causa aliqua physica corruptente, sicut nihil potest produci sine causa aliqua physica producente. Atque ut hæc veritas magis pateat, repetamus anteriorem suppositionem, quâ fingebatur superficiem terrestrem esse coopertam pulvere nitrato, hic quippe si alicubi semel à Sole irradiante accensus fuerit, quamvis Sol illicò annihilaretur, nihilominus in orbem propagabitur pulveris totius accensio. Ergo à pari discurrendum esset de lumine, cujus capropter tum propagatio, tum conservatio esset independens à præsentia Solis, hoc tantum supposito, quòd semel alicubi esset productum & quòd esset qualitas, ut Aristotelici docent. Denique contra hanc formam luminis accidentalem non levem convictionem afferent argumenta adversus formas omnes tum substantiales, tum accidentales in communi suis locis adducta, quæ opto, ut recolantur. Objectiones quæ contra hanc assertionem fiunt, æque militant contra sequentem: atque ita postquam probata fuerit, proponuntur & solvantur.

X.  
nec potest recurrere ad absentiam corporis luminosi.



## ASSERTIO SECUNDA.

*Lumen est substantia quadam corporea, & consistit in corpusculis purissimis mobilissimis igneis, seu vim igneam habentibus, radiatim emissis à corpore luminoso.*

XI.  
Argui-  
tur ex  
motu lu-  
cis per  
lineas  
rectas.

**P**ROBATUR *primò*. Proprietates lucis tales sunt, ut convenire non possint, nisi substantiæ corporeæ, consistenti scilicet in corpusculis purissimis, mobilissimis, &c. Ergo &c. Probatur antecedens. Inter lucis proprietates notissimæ sunt istæ, nimirum dirigi, reflecti atque etiam refringi per lineas rectas: atqui istæ proprietates tales sunt ut convenire non possint, nisi substantiæ corporeæ consistenti in corpusculis, &c. Ergo &c. Major negatur à nemine. Minor verò probatur experimento hoc familiarissimo radii v. g. Solaris intromissi per foramen fenestræ occlusæ in cubiculum aliàs obscurum; sic quippe intromittitur radius ille lucidus Solaris per obvium foramen, ut postquam illud excessit, non spargatur in orbem; sed per lineam rectam tendat ad pavimentum cubiculi, unde rursus per lineam rectam resiliat in murum servatâ inter angulum incidentiæ & reflexionis æqualitate, non secus ac eam servaret pila lusoria, quæ cum simili obliquitatis impetu jaceretur. Tum verò si lamina quædam vitrea aut alia quævis res diaphana aëre densior radio incidenti objicitur, eam trajicit, sed veluti fractus, id est, ut vocant, *refractus* collineat in aliud incidentiæ punctum conformiter ad leges refractionis naturales notas Dioptriciis. At semper suo in motu, quisquis ille sit, sive directus, sive reflexus, sive refractus, lumen per lineas rectas spargitur.

XII.  
Et ostē-  
datur  
quod è  
contra  
sparge-  
retur  
semper  
sphæ-  
rice.

Jam verò contendo quod si non esset corpus, aut, quod idem est, si esset accidens, quale Aristotelici fingunt educibile ex subjecto, non propagaretur per lineas rectas, sed sphærice. Et ratio evidens est, quia ut non recedamus ab experimento proposito, radius ille Solaris incidens non tantum per incidentiam suam tangit partes aëris illas, quæ sunt in linea recta incidentiæ; sed etiam alias atque alias lateraliter adjacentes: alioquin inter lumen incidens & aërem hinc atque inde circumstantem daretur medium. At talis contactus sufficit ad partes aëris, quæ lateraliter tanguntur, illustrandas, vel non sufficeret ad eas illustrandas, quæ tanguntur in linea recta incidentiæ, cum istæ sint ho-

mogeneæ cum illis, & in utrisque nulla sit contrarietas cum lumine. Ergo partes illæ lateraliter adjacentes illustrarentur, atque ita semel illustratæ per suum contactum alias illustrarent: & sic de omnibus ut intelligere Aristotelici faciliè possunt per ea, quæ docent de propagatione caloris in orbem contingente, quoties aer circumquaque est æque dispositus ad illius susceptionem. Præterea quæcunque alix sunt lucis proprietates, id ipsum probant, ut examinatori patebit, eam scilicet esse corpoream & consistere in corpusculis purissimis mobilissimis igneis, aut vim igneam habentibus, emissis à corpore luminoso & emissionem eâ locali pervenientibus in objecta, à quibus diversimode reflectantur. Ergo, &c.

Probatur *secundò*. Lux habet rationem medii, sive instrumenti idonei ad visionem efficiendam: atqui idonea non esset ad hunc effectum, nisi esset corporea: ergo, &c. Probatur minor. Ad hoc ut lux sit idonea ad visionem efficiendam, debet posse movere certo aliquo modo oculum, quem constat esse primarium organum potentix visivæ: atqui ad eum certo illo modo movendum idonea non esset, nisi esset corporea: ergo, &c. Major constat ex illa vulgari axiomate, quo asseritur objecta movere potentias, sive organa potentiis inservientia: movent autem objecta potentias non aliter, quàm aut per se immediate, si potentiis applicentur, aut si non applicantur, per medium à Natura ad eas movendas institutum; quamquam non desunt objecta ac maxime visibilia, quæ applicata potentiis, sive, ut Philosophi loquuntur, sensibus nullam faciunt sensationem, sed exigunt ad sui sensationem efficiendam distare aliquatenus à potentiis, aut, quod idem est, non conjungi cum illis, nisi mediante influxu utrisque hinc objectis, hinc potentiis congruo. Minor autem probatur. *Primò*. Quia cum oculus sit organum potentix visivæ corporeum, non potest aliam convenientem motionem admittere, quàm corpoream. *Secundò* Quia constat organa cæteris omnibus potentiis, ut olfactui, gustui, auditui, tactuique inservientia corporaliter moveri in ordine ad sensationes ipsi proprias, sicut in tractatu de anima probabitur edisserendo de singulis. Ergo etiam organum visui inserviens corporaliter movetur in ordine ad visionem: non movetur autem ab alio, quàm à luce; aliunde verò lux, nisi fuerit corporea, non potest corporaliter illud movere.

Neque dixeris superius illud axioma de objectis mediate aut immediate moventibus suas potentias intelligi non de motu corporeo locali, sed de motu alterativo, sive intentionali, per quem Aristotelici vulgò mutationes formarum accidentalium designant. Non, inquam,

XIII.  
Itē lux,  
quæ non  
esset cor  
porea,  
non mo  
veret  
organū  
corporeum.

XIV.  
Et præ  
ve ex  
plicante  
modū,

quo ob-  
jecta  
movent  
poten-  
tias.

id dixeris. Tum quia, ut paret, motus ille aëris, qui ad pulsationem campanæ excitatus afficit tympanum auris, est sine dubio localis corporeus: nec minùs aut localis, aut corporeus est incurfus effluvi odoriferi in olfactum, & sic de aliis. Tum etiam quia motus alterativus, quisquis ille est, qui fingitur in scholis Aristotelicis aut spiritualis est, aut corporeus ad eundem modum, quo omne quod est, aut est spiritus, aut est corpus. Atqui motus ad efficiendam visionem, auditionem, &c. concurrens haud dubie non est spiritualis. Ergo &c.

XV.  
Tandem  
lux non  
susceperet  
magis &  
minùs.

Probat *tertio*. *Experientiâ* constat lucem v.g. Solarem ad nos transmissam non esse semper & ubique ejusdem splendoris: atqui si ita est lux consistit in corpusculis purissimis, mobilissimis, &c. ergo &c. Major negari non potest: quis enim non advertit lucem meridianam esse splendidiorem occiduâ, & sub sereno cœlo magis, quàm sub nubilo effulgere? Sequela verò minoris probatur. *Primo*. Quia cùm aër nullam habeat qualitatem contrariam luci, nulla adest ratio conveniens, ob quam non possit in se ipso omnem lucis intensiorem admittere; sicut neque etiam ex parte Solis occurrit causa assignabilis, quæ impediatur quominùs omnem illam lucis intensiorem influat in subiectum absolutissime idoneum. *Secundò*. Quia forma substantialis non per partes; sed tota simul ac cum suis omnibus attributis introducit in subiectum ultimò dispositum: ergo similiter quoties subiectum est ultimò dispositum ad receptionem formæ alicujus accidentalis, v.g. lucis, nihil vetat eam recipi totam simul. Ergo non recipitur per partes, sive per gradus successive acquisitos: & sic non aliter quàm secundum totam sui splendoris intensiorem recipitur; præsertim quia constans illa ultima dispositio, quam Tu in aëre concipis ad admittendum primum gradum splendoris, est similiter ultima ad secundum, & ad tertium, &c.

XVI.  
Et in-  
sufficien-  
ter re-  
fugeret  
ad in-  
equalem  
aëris  
temperem.

Neque respondeas successivam illam gradualem productionem lucis intra aërem revocandam esse ad varias ac multiplices affectiones aëris nubilosi, ita ut aër, quantum est ex se præcise spectato, sit quidem ultimò dispositus ad admittendam totam simul luminis intensiorem, non admittat tamen propter vapores, à quibus obtinet aliquam opacitatem luci contrariam. Non, inquam, id respondeas. Sive quia aër vapidus, si fuerit ultimò dispositus ad admittendum primum gradum splendoris, est etiam ultimò dispositus ad secundum, tertium, &c. Sive etiam quia quamvis supponatur aërem aut iisdem vaporibus infici, aut prorsus nullis, adhuc tamen concipitur discrimen fore maximum inter splendorem lucis Solaris meridianæ & occiduæ. Ergo discrimen illud non omninò refundendum est in vapores; sed potius

refundi debet in majorem minoremve copiam corpusculorum, in quibus hæcenus probatum fuit lucem consistere.

Ad hæc si in re physica suffragiis contendendum occurreret, adderem nostram hanc opinionem de luce corporea esse ipsam expressissimam sententiam D. Aug. ut patet ex lib. 3. de libero arbitrio cap. 5. ubi hæc verba leguntur. *Quia igitur omnis anima omni corpore est melior . . . . in corporibus autem lux tenet primum locum, consequens est ut primo corpori anima extrema proponatur.* Idem Aug. de gen. ad lit. lib. 7. cap. 19. hæc habet. *Anima omnem corpoream materiam dignitate natura præcellit, per lucem tamen & aerem, qua in mundo præcellentia sunt corpora, magisque habent faciendi præstantiam, quam patiendi corpulentiam . . . corpus administrat: ex quo uno & altero textu satis convincitur quænam fuerit mens Augustini, qui ut Platonius erat, socios sui dogmatis habuit plerisque antiquos Ecclesiæ Patres, quos constat Platoni, minime verò Aristoteli adhæsisse.* Nunc verò si lux est corporea, convenienter asseritur eam consistere in corpusculis purissimis mobilissimis igneis, seu vim igneam habentibus; talis quippe ac tanta est conformitas inter activitatem hinc lucis, hinc ignis, ut meritò dijudicetur lucem esse naturæ igneæ. Quo pacto ad eundem modum, quo mare est *congregatio aquarum*, Sol vocari poterit *congregatio ignium*, & ideo radii Solares dicuntur *ignei* Ecclesiastici cap. 43. *Fornacem custodiens in operibus ardoris tripliciter Sol exurens montes, radios igneos exsufflans, &c.* De natura Solis & astrorum ignea fufe & erudite tractat Scheinerus Rosæ Ursinæ lib. 4. part. 2. à cap. 27. quem opto ut legas. Venio jam ad solutionem objectionum, quæ vulgo solent fieri adversus præcedentem doctrinam.

Objicies *primò*. Naturaliter impossibile est unum corpus ab alio penetrari: atqui si lux esset substantia quædam corporea, unum corpus naturaliter aliud penetraret: ergo &c. Major est certa apud omnes. Minor verò probatur, quia, ut evidens est, quando crystallus v. g. & idem dicendum de cæteris corporibus diaphanis, illustratur à luce, sic illustratur, ut nulla in crystallo maneat pars, quæ non sit lucida, ac proinde secum & in toto loco, quem occupat, non habeat lucem: quomodò quippe esset lucida sine luce ipsam sufficiente; afficere autem non potest, nisi in eodem loco coexistat? Sed duo corpora coexistere in eodem loco est ea penetrari: ergo &c.

Adde quòd si lux est substantia quædam corporea, illuminatio v. g. Solis non aliter fieret quàm per motum hujuscemodi substantiæ ab ortu in occasum rapidissime fluentis: atqui non ita fit, ut experien-

XVII.  
Adjungitur  
expressa  
authoritas  
via Augustini.

XVIII.  
Opponunt  
quòd  
daretur  
penetratio  
corporum.

XIX.  
Et addunt  
quòd

motus  
lucis  
perci-  
peretur  
adinstar  
venti.

sia testis est: quandoquidem rapidissimum illum motum nullo sensu percipimus, alioqui tamen percipiendum non aliter, quàm percipitur ventus vehemens ac procellosus; imo multò sensibiliùs percipiendum, quia nulla est venti quantumvis procellosi excursio adeò rapida, quæ possit cum motu lucis ab ortu in occasum diffuentis conferri. Ergo &c.

XX.  
Exponi-  
tur qua-  
liter lux  
absque  
pene-  
tratio-  
ne illu-  
minet.

Resp. & concessâ majori nego minorem, pro cuius probatione soluenda breviter dico lucem non potiùs penetrare corpus diaphanum, quod illustrat, quàm aqua penetret corpus spongiosum, quod madefacit: ut enim aqua non aliter hoc madefacit, quàm implendo poros, ita lux non aliter illud illustrat, quàm pervadendo: unde accidit ut corpora, quæ poros non habent, aut non juxta convenientem seriem ordinatos, non transparent. De cætero lux illa, quæ, ut Adversarii fingunt: coexistere penetrative cum corpore diaphano, non redderet illud diaphanum: quia si illud non trajiceret & trajecta perveniret in oculum, non major esset perspicuitas corporis illius diaphani, quàm si luce nulla afficeretur. Et ratio evidens est, quia ad hoc ut objectum aliquod oculis cernatur, non satis est luce affici, nisi præterea lucem, qua afficitur, in eos emittat, aut emissam reflectat, vel transmittat; aliquin totus ille aër, qui est circa conum terræ umbrosus, per noctem æque ac per diem splendidus appareret; nam iisdem radiis Solaribus illustratur; verùm eos non reflectit & ideo non cernitur, Luna autem (& idem intellige de aliis planetis) cernitur, quia reflectit.

XXI.  
Actum  
qualiter  
oculi  
motum  
illius  
perci-  
piant.

Ad id verò quod additur, dico motum lucis ab ortu in occasum fluentis percipi quidem, sed non nisi ab oculo, quia solus oculus est potentia apta nata percipere talem motum, sicuti solus auditus percipit motum soni, & solus olfactus motum odoris, &c. Tum motus effluviæ magnetici nec visu, nec auditu, &c. percipitur: & nihilominus vim habet, quâ ferrum velocissime trahitur: ergo non esset mirum si motus lucis non perciperetur propter spirituosissimam expirationem, in qua consistit. Quapropter non valet paritas adducta ab Objiciente inter rapiditatem hinc lucis, hinc venti, præsertim quia propagatio lucis non est adeò rapida, qualem multi credunt, ut in articulo sequente probabitur.

XXII.  
Arguit  
ex mo-  
do, quo  
lux de-  
perit.

Objicies *secundo*. Lux à Sole derivata & intra cameram sparsa, statimque fenestram occludis, intercidit, evanescit, deperit: atqui hinc convincitur lucem non esse substantiam corpoream: ergo &c. Majorem probat experientia. Minorem verò probat hæc ratio. Quia si lux est substantia corporea, non potest deperire, nisi prop-

ter causam assignabilem, quæ sit lucis corruptiva; hujusmodi autem causa corruptiva non est oclusio fenestrarum: ergo propter oclusionem fenestrarum non deperiret, sicut propter illam non deperit aer, qui implet cameram. Ergo &c.

Adde quod si lux Solaris esset substantia quædam corporea, Sole absente perinde ac præsentia subsisteret: atqui absente Sole non subsistit: ergo &c. Minor est certa: quia post occasum Solis evanescit ea lux, quæ nostrum hoc hemisphærium occupabat: sequela verò majoris probatur. Quia, ut innumeris experimentis deprehenditur, substantia semel genita ad sui conservationem non indiget præsentia generantis: videmus enim non deperire per noctem ea, quæ per diem calore suo Sol genuerit, sic igitur de nocte non periret ea lux substantialis, quam de die Sol profudisset; sed constanter claret eadem. Ergo &c.

XXIII.  
Et addunt  
quod  
pariter  
subsisteret  
Sole  
absente.

Resp. Lucem illam, quæ intra cameram sparsa supponitur, intercidere quidem oclusâ fenestrâ & evanescere & deperire quoad lucorem; sed non quoad substantiam. Ideo autem deperit quoad lucorem, quia deperit quoad motum cum externa luce continuatum, in quo lucor consistit. Cujus rei exemplum manifestum habes in vento, qui oclusâ fenestrâ similiter intercidit, quin tamen deperat quoad substantiam, quæ intra cameram oclusam manet eadem; at non manet cum eodem motu: & hoc pacto non habet rationem venti. Itaque oclusio fenestrarum non corrumpit lucem; sed interrupt per eam motus continuitatem, quam lux intra cameram sparsa habebat cum externa luce: ea autem continuitate interruptâ tam necesse est lucem non apparere, quàm ventum silete in casu simili, quem dicebam.

XXIV.  
Sed lux  
non de-  
perit  
quoad  
substan-  
tiam, ut  
putant.

Ad instantiam verò additam dico similiter lucem Solarem in suo conservari non dependere à præsentia Solis, nisi quoad effectum lucendi; nam de cætero quamvis Sol illico annihilaretur, lux ante emissâ quoad substantiam non petiret. Quamquam quoad effectum lucendi lux neque omnino indiget præsentia Solis, ut patet experimentaliter in eo lapide Bononiensi, quem *Litesphorum* vocant: si quidem lapis ille, si radiis Solaribus opponitur, eos excipit imbitque velut quædam spongia lucis; tum verò intra locum obscurum aliquandiu fulget, nempe emittendo è suo sinu lucem ante admissam. Quæ & similia responsa ut intelligas, cogita non aliter discurrendum esse de luce, quæ est effluvium Solis, quàm de cæteris effluviis, ut odoriferis, magneticis, &c. quæ substantialia cum sint, possunt subsistere quidem absolute loquendo absque suis fon-

XXV.  
Necpe-  
deret  
quoad  
substan-  
tiam à  
præsen-  
tia So-  
lis.

tibus, ab iis tamen quantum ad solitos effectus pendent, quia scilicet effluvium hoc ipso quod à suo fonte abripitur; cum deperdit motum aut multum certe deperdit de eo motu, quo ante urgebatur ad præstandos effectus sibi convenientes.

XXVI. Objicies *tertiò*. Ex hac opinione, quæ statuit lucem v. g. Solarem esse aliquid substantiale, duo plane absurda consequuntur. *Primum* est, Solem non fore nunc ejusdem molis, sed multò minoris eâ, quam ab exordio suæ creationis obtinuit; impossibile siquidem est non imminui molem corporis, quod è sinu suo profundit jure effluvium, quale esset effluvium lucis substantialis per universum orbem emissæ. Imo omnibus bene attentis ob abundantiam talis ac tanti effluvii lux Solis jam esset exhausta, aut brevi exhaurienda. *Secundum* est, aërem, qui loca hæc sublunaria implet, fore nunc multò densiorem, quàm ab initio creationis: quomodo enim non esset multò densior aër, qui: tot ac tam innumerabilia intra suum admisisset corpuscula luminosi Solaris effluvii. Imo quia non aliter de luce cæterorum syderum, quàm de luce Solis loquuntur Recentiores, hinc plane sequeretur aërem jam ejus densitatis fore, quæ transitum non præberet. Ergo &c.

XXVII. Adde pro tertio absurdo, quod ex prædicta opinione consequitur, non posse concipi quomodo paruum aliquod luminare, uti carbonis igniti, vel candelæ accensæ possit ad eam distantiam, ad quam cernitur circumquaque, emittere lucem consistentem in aliquo substantiali effluvio. Quia quamvis fingas in eo parvo luminari nihil esse præter particulas tenuissimas lucis, adhuc tamen nunquam comprehendes eas ad unius tantum vel alterius milliarii spatium pro visione efficienda occupandum sufficere: & nihilominus constat lucernam accensam non modò ad unum alterumve milliare in orbem; sed etiam ad decem & ultra conspici. Ergo &c.

XXVIII. Resp. Et dico ad *primum* absurdum, quod objicitur, vel Solem sua ad se effluvia revocare & hoc modo non imminui: sicut non imminuitur mare propter continuò emissos vapores, quia isti in illud tandem recidunt versi in pluviam, aut in nivem, &c. vel si utique imminuitur, adeò modicum esse decrementum illud comparatum ad tantam molem, ut pro nullo haberi debeat, sicut pro nullo habetur illud, quod accidit montium jugis, quæ à vento, aut aliter quotidie paululum deteruntur. Tum si granulum moschi per plures annos copiosum odorem spirat, nec percipitur ullatenus decrevisse, vide quantum sit decrementum, quod soli obvenire potuerit.

Ad



Ad secundum verò satis patet solutio ex jam dictis. Quia si Sol sua ad se effluvia revocat, aer per ea non condensabitur nimium, ut putant, sicut non condensatur nimium per vapores à mari emissos & in illud recedentes. Præterquamquod lux concipi debet ad instar spirituosissimæ substantiæ, quæ sicut odorifera, parum apta est ad aerem condensandum. Sed ad abundantiotem solutionem opto ut intelligas Solem (& idem sentiendum de cæteris corporibus luminosis) suam simul emittere & circumagere lucem ad eum modum, quo aromata suam emittunt simul & referunt odorem: unde sicut accidit aromata non sic totum referre odorem, ut non aliquid sparsim relinquunt, ita etiam contingit Solem cum occidit, aliquantum suæ lucis sparsim relinquere: illud autem aliquantulum myopibus, felibus, noctuis, &c. sufficit ad videndum de nocte.

Tum verò ad tertium absurdum, quod veluti consequens ex doctrina nostra objicitur, dico effluviū luminosum esse incomparabiliter spirituosius ac copiosius odorifero, unde non est mirum quod à parvo luminari ad magnam quorundam milliariam distantiam effundatur. Non, inquam, est mirum apud eos, qui observaverint ad implendas peramplas ædes tetro odore sufficere paululum fumigantis ellychnii. De cætero, nisi experientia hunc effectum probaret, quis sibi suavisset unquam tot esse in eo fungo maleolentes particulas, quæ peramplam domum possent inficere: ergo jam idem intellige de particulis ad lucis naturam spectantibus & à parvo luminari emissis. Aut si nondum rem assequeris, noli insimulare doctrinam de substantialitate luminis hæcenus stabilitam; sed agnosce tenuitatem humani ingenii, quod eò assurgere non valet, ut omnia Naturæ arcana comprehendat,

Denique non dissimulandum est multa alia posse objici & solere contra luminis substantialitatem; sed quæ, cum majoris non sint momenti, otiose exetiberentur: sicut neque dissimulanda videtur autoritas D. Thomæ inter Aristotelicos Viros primarii in 2. sent. dist. 13. art. 3, ubi post impugnatam luminis substantialitatem suam de ea profert judicium his verbis. *Unde hæc positio tanquam absurda & extranea relinquenda est; non enim potest sustineri, nisi aliis principiis naturalis Philosophia inventis.*

At sciendum est, ne fortè hæc autoritas quemquam à tuenda veritate deterreat, hanc quæstionem esse purè Philosophicam & de ea Sanctos Patres ac Doctores diversimode sensisse, prout magis inclinabant in Aristotelem, aut Platonem. Sic D. Aug. qui fere nunquam in rebus Physicis à Platone discessit, putavit lucem esse

XXIX.  
Nec effluvia Solaria aerem condensant.

XXX.  
Et explicatur qualiter lucerna possit à longe conspici.

XXXI.  
Tandem opponitur autoritas D. Thomæ aliter sentientis.

XXXII.  
Sed in contrariarum senserunt. D. Aug. D. Bas. &

alii Sancti  
Patres.

substantiam, ut intelligitur ex testimoniis supra citatis, quæ tentavit quidem D. Thomas explicare in Aristotelico sensu; sed frustra; quare subjunxit loco citato ad primum. *Nihilominus Aug. non intendit hoc asserere quasi fidei conveniens; sed sicut utens his, quæ Philosophiam addiscens audierat: & ideo illa auctoritates parum cogunt.* Similis concertatio fuit inter Sanctos Patres circa naturam firmamenti, esset ne illa elementaris aut quintæ cujusdam essentia: & in diversas abiere sententias teste ipso D. Thoma in 2<sup>o</sup> sent. dist. 14. art. 2, ubi hæc habet. *Basilii enim & Augustinus & plures Sanctorum sequuntur in Philosophicis, quæ ad fidem non spectant, opiniones Platonis; & ideo ponunt eorum de natura quatuor elementorum.* Ac deinde. *Dicendum quod alii Sancti hoc tradiderunt non quasi asserentes; sed sicut utens his, quæ in Philosophia didicerant: unde non sunt majoris auctoritatis, quàm dicta Philosophorum quos sequuntur, nisi in hoc quod sunt ab omni infidelitatis suspitione separati: at D. Thomas amplectitur contrariam opinionem, quæ fuit Aristotelis.*

XXXIII.)  
Et in re-  
bus phys-  
icis autho-  
ritates pa-  
rum co-  
gunt.

Hinc vide Lector quàm parum in his rebus physicis cogat auctoritas D. Thomæ, cum non magis cogat, quàm auctoritas Aristotelis, sicut in iisdem non magis cogit Augustini auctoritas, quàm Platonis. Quod obiter notare libuit, ut hinc intelligas, quàm ridicule Aristotelici in rebus Philosophicis omisso ac spreto per sepe ratiocinio ad suffragia & auctoritates confugiant, quasi verò non sit rationabilius mentem non nisi in rebus Fidei capitare.





# ARTICULUS III.

## DE PROPAGATIONE LUMINIS.

**N**OTANDUM est lumen ab omni corpore luminoso cum tanta celeritate emitti, ut plane fateamur nullum in rerum Natura motum fieri, aut certe à nobis agnosci, cujus velocitas cum illa conferri possit. Sed nihilominus fictitiam atque chimæricam censemus opinionem illam, quæ apud Aristotelicos percrebuit de propagatione luminis instantanea: quamvis enim propagatio illa fieret per alterationem, ut falsò putant, adhuc tamen ab instantanea longe differret. Nec desuere Mathematici, inter quos post Vitellionem recensèbo Cartesium in eandem de instantaneitate emissi luminis sententiam declinantes, ad eam tamen probandam utentes alia atque alia methodo, ut intelligetur ex objectionibus infra solvendis. Quapropter operæ pretio dignum est, ut quæstio hæc alioquin jucunda solide decidatur: ubi non est prætermittendum eam de luce reflexa ac refracta perinde ac de directâ intelligi, ita ut qui docent lucem v. g. Solis à Sole ad terram propagari in instanti, asserant eam pro eodem instanti reflecti à terra ad quameunque distantiam, etiamsi per viam, quâ spargitur, plures refractiones patiatur. His præmissis probabitur in assertionem sequente luminis propagationem sive Solaris, sive ignei, sive alterius cujuscunque unquam fieri, imo nec posse fieri in instanti.

I.  
Quid à multis scitatur circa propagationem luminis.



## ASSERTIO UNICA.

*Impossibile est luminis cujuscunque propagationem fieri in instanti, scilicet rigoroſe accepto, de quo agitur: non autem de instanti, ut vocant, morali, sumpto pro aliqua morula insensibili, qualem non negatur sufficere lumini ad suam propagationem, praesertim ad aliquantulam distantiam.*

II.  
Arguitur  
ex notio-  
ne motus  
tum loca-  
lis, tum  
alteratio-  
nis.

**P**ROBATUR *primò*. Motus ille, quo lumen Solis ad oculos nostros propagatur, vel est motus localis proprie dictus, vel est tantum motus improprie dictus, qualem vocare solent Aristotelici *alterativum*, tribuuntque formis accidentalibus productis in subjecto extenso: atqui neuter motus esse potest instantaneus, ergo &c. Major est certa. Quatenus lux illa, quæ nostros afficit oculos, aut processit ipsissima è sinu Solis ad eum modum, quo aqua, quæ ad ripam fluminis abluit manus nostras, processit ipsissima ex fonte, unde effluit; quo pacto motus lucis erit localis proprie dictus. Vel non processit ipsissima è sinu Solis; sed est tantum lux quædam producta ad instar illius, quæ in Sole est; producta, inquam, ab alia luce anteriori & hæc ab alia, &c. quæ similiter est ad instar lucis solaris; quo pacto propagatio lucis non est, nisi quædam continuata lucis productio, sive alteratio, cui Aristotelici tribuunt nomen motus alterativi. Minor verò probatur per partes. Et *Primò* quidem nullum motum localem proprie dictum posse fieri in instanti satis patet ex dictis disp. 8. art. 2. ubi ostensum fuit eum essentialiter consistere in transitu, qui si esset instantaneus, mobile interim dum moveretur, quiesceret: in quo est evidentissima contradictio. *Secundò* neque motus alterativus, si quis esset, qualis fingitur, posset fieri in instanti: supposita enim illà instantaneitate, lux quæ immediate sub Sole gignitur, non prius produceretur, quàm illa, quæ immediate oculos nostros afficit: at hoc videtur ridiculum; quia illa habet pro primo instanti intelligibili causam sui productricem immediate applicatam subjecto, unde est educenda; hæc verò pro illo eodem instanti nondum habet. Ergo produci non potest pro eodem

instanti, quatenus productio æque prima supponit causam productricem æque primo applicatam.

Deinde verò quot sunt particulæ ætheris, aut alterius cuiusvis diaphani intermedii à Sole ad nostros oculos extensi in linea recta, tot sunt veluti lumina partialia producenda secundum doctrinam Aristotelicam: huiusmodi autem fere infinitas productiones, quarum alix ab aliis, id est, posteriores à prioribus pendeant, uno instanti perfici quis intelliget, etiam dato quòd per nullam omnino contrarietatem retardentur? Cujus ratiocinii mei vim ut capias aliquà paritate, supponatur velle Deum suam de arcano aliquo supernaturali mentem quamprimum omnibus Angelis aperire, sic tamen ut subordinatione servatâ eam immediate aperiat primo, primus secundo, secundus tertio, &c. Hac hypothefi factâ dico revelationem non fore instantaneam, quia licet quivis Angelus nulla temporis duratione indigeat sive ad aperiendam mentem suam, sive ad comprehendendâ mentem alterius, fieri tamen non potest, ut pro eodem instanti intelligibili revelatio fiat omnibus, ex eo solùm quòd alii ab aliis eam debeant excipere juxta suppositionem. Ergo à pari, si non displicet paritas, quæ res materialis cum spirituali confertur, communicatio illa productiva lucis, sive motio alterativa, de qua agitur, non potest fieri in instanti. Ergo &c.

Probatur *secundò*. Lux, quæ hic prope oculos nostros gignitur (quod Aristotelici vocant propagari per motum alterativum) est multò debilior illâ, quæ in eadem recta visionis linea gignitur prope Solem: atqui hinc convincitur Aristotelicam lucis propagationem non fieri in instanti: ergo &c. Major est certa, quia in lucerna accensa id experimur, scilicet lucem ab ea emissam vividiorē esse prope, quàm procul; nec aliter discurrendum est de luce Solis, ut faciliè omnes intelligunt. Minor autem sic probatur. Non potest lux per eandem rectam lineam propagata esse debilior prope oculos nostros, quàm prope Solem, quin in decursu propagationis interveniat mutatio facta ex luce vividâ in debilem, & ex debili in debiliorem; ita ut exempli causa lux prope Solem genita & intensa ut octo genuerit deinceps lucem aliam intensam ut sex, &c. Sed talis mutatio non potest fieri in instanti, quia omnis mutatio dicit successionem. Ergo &c.

Deinde verò pro tuenda huiusmodi propagatione instantanea diaphanum, quod reperitur in tota illa linea, quæ à Sole ad oculos nostros extenditur, aut est æqualis dispositionis ad lucem recipiendam, aut inæqualis. Si æqualis, per totum illud spatium propagabitur lux æque intensa, quod est evidentissime falsum, ut experientia

III.  
Et ostenditur specialis repugnancia motus alterativi instantanei

IV.  
Arguitur ex modo, quod lux debilitatur.

V.  
Et aliàs esset ejusdem intensæ sonis.

testatur : si vero inæqualis, hæc inæqualis dispositio rursus probat propagationem lucis non fieri in instanti, quatenus fieri non potest ut subjectum, quod est inæqualiter dispositum ad receptionem aliqujus formæ, eam æque primò ex omni parte recipiat. Ergo &c.

VI.  
Item omnes reflexiones & refractiones essent instantaneæ, quod repugnat.

Probatur *tertio*. Juxta doctrinam, quæ pugnat pro luminis propagatione instantanea, non modò lumen ad quamcunque distantiam dirigitur uno instanti, sed etiam reflectitur & refringitur millies in eodem instanti, si totidem occurrant subjecta reflexionis ac refractionis : quo pacto non solum sufficit unicum instans ad hoc ut Sol lucem suam ad nos dirigat ; sed etiam ut toties reflectat, quot quis voluerit ordinare objecta & specula ad reflexiones ejusdem lucis excipiendas, etiamsi ob inæqualem crassitiem medii pertranscundi necesse foret eam ante & post singulas reflexiones refringi. Atqui impossibile est omnes reflexiones illas & refractiones fieri in instanti. Ergo &c. Major conceditur. Minor verò probatur. *Primò*. Quia omnis refractionis supponit resistantiam ejus medii, per quod lumen refringitur ; si enim medium illud non resisteret, sed liberum præberet transitum, ad quid opus esset lumen refringi ? omnis autem vel minima resistantia retardat motum, illumque proinde efficit successivum. *Secundo*. Quia lumen reflexum sicuti & refractum debilius est directo, & eò debilius, quò sæpius reflexum aut refractum fuit : non est autem debilius, neque debilius ab oculo percipitur, nisi quia debiliore motu in eum incurrit, quod est moveri tardiùs. Atque ita quamvis uno instanti posset perfici directio luminis à Sole ad nos, non tamen uno instanti perfici possent iteratæ ille omnes reflexiones luminis & refractiones. Tum verò quidquid dictum est de luce Solis, de omni alia debet intelligi. Ergo generaliter & absolute loquendo nullius lucis propagatio fit in instanti, ut clariùs patebit ex solutione objectionum sequentium.

VII.  
Opponit quòd nihil possit obliteremurui luminis.

Objicies *primò*. Ad propagationem lucis instantaneam sufficit, ut in toto medio percurrente nihil inveniatur, à quo sisti possit, aut retardari : atqui nihil est, à quo lux in toto medio percurrente sisti possit, aut retardari, siue sit qualitas quædam accidentalis, ut Aristotelici docent, siue sit substantia quædam corporea, ut recentiores putant : ergo &c. Major est certa : quia omnis motus eò velocior est, quò minùs retardatur ab impedimentis occurrentibus ; ac proinde propagatio, cujus velocitati nihil opponitur, est instantanea. Minor verò probatur per partes. Et *primò* quidem stando in doctrina Aristotelica, quæ traditur lucem esse qualitatem accidentalem, certum est nullam occurrere qualitatem assignabilem ei contrariam ; propa-

gatio autem unius qualitatis non potest retardari, nisi ab alia qualitate contraria, ad eum modum, quo propagatio caloris non nisi à frigore retardatur, aut frigoris à calore. *Secundo.* Neque stando in suppositione Recentiorum, qui dicunt lucem esse substantiam, potest aliquid propagationem illius retardare, quia medium percurrendum non caret poris, per quos libere transeat; & aliunde spirituosissima illa est ac mobilissima. Ergo &c.

Deinde si propagatio lucis ad quaecunque distantiam non est instantanea, neque instantanea crit ad distantiam quantumvis modicam v. g. unius pedis, aut unius pollicis, aut etiam unius lineæ: rationes enim superiores, si quid convincunt, perinde convincunt de distantia modica ac de magna. At videtur absurdum dicere propagationem lucis ad modicam distantiam unius pollicis, aut etiam unius lineæ non esse instantaneam: quia si ad talem distantiam quantulacunque mora temporis requireretur, lux Solis non posset, nisi intra plures horas ad nos transmitti, & idem intellige de luce cæterorum syderum juxta proportionem distantiarum, quæ absunt à nobis. Hinc autem plurima inconvenientia sequerentur; ac in primis quòd sydera nunquam viderentur in suis locis, quatenus antequam eorum radii ad nos pervenissent, illa jam præterissent locum, unde cæpisset emissio: & ita non videremus Solem orientem, nisi post unam aut alteram horam ab occasu, quem errorem quis non videt fore intolerabilem? Ergo &c.

Resp. & concessa majori nego minorem, pro cujus probatione solvenda dico duplicem occurrere resistantiam, quæ impedit instantaneitatem lucis transmissæ, negativam scilicet unam, & alteram positivam. Negativa se tenet ex parte spatii, quod ut successivum est, exigit successive illustrari. Sic descensus lapidis per spatium vacuum non esset instantaneus, ut Physici docent, propter solam successionem spatii percurrendi, cujus resistantiam vocant negativam. Resistentia autem positiva se tenet ex parte corporis diaphani, quod occupat spatium percurrendum, quia nullum est adeò diaphanum, ut non sit in eo quædam opacitas: accidit autem propter eam opacitatem, ut lux non continuo incurrat in poros, sed aliquando in partes solidas, quæ transitui ut obsunt, ita saltem aliquam afferunt tarditatem: & id quidem ita necessario accidit, quantumcunque supponatur à Recentioribus lucem esse substantiam spirituosam ac mobilem. Quod verbò spectat ad doctrinam Peripateticam, quæ tradit lucem esse qualitatem accidentalem, perinde puto opacitatem posse accipi pro qualitate contraria, quæ suo modo resistit luci, ut frigus

VIII.  
Aut si quid  
obfisteret,  
motus ille  
estet nimis  
tarditatis.

IX.  
At exponitur  
quid obfistat  
celerrimè  
tati motus  
prædicti.

calori, aut calor frigori : sed quidquid sit hac de re, puto satis me ostendisse lucem non esse huiusmodi qualitatem.

X.  
Et ostenditur qualiter illius tarditas non sit nimia.

Ad id verò, quod subiungit Obijciens, dico ad essentiam motus pertinere, ut non fiat instanti : unde rectissime inferitur non posse lucem ad quantulumcunque distantiam instantanee propagari ; neque tamen hinc ullum subsequitur inconveniens. Nam quia rationabiliter supponitur maximam esse lucis celeritatem, nihil impedit quo minus dicatur eam ad unius v. g. pedis distantiam propagari intra temporis morulam vix præ sui modicitate designabilem, ut intra centies milliesimam partem unius minuti, aut etiam unius tertii, &c. horarii, in quo casu nullo calculo comprobabitur ad lationem radii Solaris desiderari plures horas. Deinde neque pro inconveniente, aut pro intolerabili errore habendum est, quod secundum hanc doctrinam deluce successive propagata nunquam videamus Solem cæteraque sydera in suis locis : nam quæ intolerabilitas erroris est in hoc quod ea similiter non videamus in suis locis ob refractiones, quas intra aërem lux ab illis emissæ patitur ? Quæ intolerabilitas erroris in hoc quod ea videamus longe minora, quàm sint realiter ? aut quæ tandem à pari intolerabilitas erroris est in hoc quod sonum æris campani, aut tormenti bellici explosi non audiamus, nisi paulo post aut explosionem huius, aut pulsationem illius ? Certè nulla, quia mens sensuum errorem corrigit, aut supplet defectum.

XI.  
Opponit demonstrationem præsumptam Vitellionis.

Objicies *secundo*. Supposità luminis propagatione fieri solitè successive, velocior esset propagatio luminis fortioris, quàm debilioris : atqui nihilominus non esset velocior, in quo est manifesta contradictio : ergo &c. Major videtur certa : quia stando in ea hypothesi non aliter de diversis luminibus discurrendum erit, quàm de diversis quibuscunque aliis mobilibus, ex quorum inæquali vi aut debilitate pendet inæqualitas lationis. Minor verò faciliè demonstrari potest sub hac forma exiis, quæ habet Vitellio lib. 2. Perspectivæ prop. 2. *Lumen fortius, quod spatium sibi proportionatum percurrit intra aliquod tempus determinatum, percurrit minorem partem sensibilem illius spatii intra minorem partem sensibilem temporis. Atqui lumen debilius non aliter percurreret spatium sibi proportionatum : neque enim intra partem minimam temporis sensibilem posset percurrere partem spatii minorem minima sensibili, alioquin spatium sensibile ex insensibilibus componeretur. Ergo &c.* Vide apud Vitellionem citatum hanc præsumptam demonstrationem geometricæ propositam ; sed cujus vim hæc forma mea syllogistica, nisi fallor, non minuit.

Deinde



Deinde si ad visionem corporis luminosi non opus est successione temporis, neque etiam opus est ad propagationem luminis ab illo emissi; siquidem corpus luminosum non videtur, nisi per lumen emissum: atqui ad visionem corporis sive fortiter, sive debiliter luminosi & intra quâcunque proportionatam distantiam constituti non opus est successione ulla temporis: idque quotidianâ experientiâ comprobatur; quia statim atque oculos ad Solem convertimus, Solem videmus, perinde ac sine ulla mora videmus lucernæ flammulam admotis in eam oculis, & sic de omnibus, quæ à luce illustrantur & intra nostræ visionis spheram constituuntur. Ergo &c.

Resp. *Primo* negando majorem: quia vis aut debilitas luminis propagati non tam attenditur secundum accelerationem, quam secundum copiam emissionis, in quo sensu lumen copiosius emissum est validius; & è contra debilius, si minus copiose emittitur. Aliunde verò nulla ratio probat diversis luminibus inesse vim accelerationis diversam, quamvis fatear sub uno genere luminis, aut, si malveris dicere, ignis potuisse Deum plures constituere species, quæ vim illam habeant inæqualem.

Vel aliter resp. *secundo* & permissâ majori nego minorem, pro cuius probatione solvenda dico demonstrationem illam Vitellionis, aut ex sensu Vitellionis adductam, peccare in multis. Sive quia gratis supponitur partem aliquam minimam sensibilem tum temporis, tum spatii decurrendi non constare ex insensibilibus, cum revera tamen ex insensibilibus constet, ut si unum horæ secundum assumeretur pro minima sensibili parte temporis, certum est eam ad minus componi ex mille duratiunculis, quarum quælibet est insensibilis: & similiter pars quævis minima sensibilis spatii decurrendi, ut millefima pars unius pollicis ex mille aliis minoribus constat, quæ nullo sensu possunt percipi. Sive etiam quia falsum est correspondere sibi mutuo, hinc minimam partem sensibilem spatii decurrendi, hinc minimam partem sensibilem temporis; potest quippe ab aliquo mobili intra temporis partem valde insensibilem percurri alicujus spatii pars valde sensibilis; quandoquidem tempus, quo tormentum bellicum explosum percurrit unam spatii hexapedam, est valde insensibile, & illud valde insensibilis, quo percurrit unum spatii pedem, cum tamen istæ & similes mensuræ spatii sint valde sensibiles. Denique si quid præsumptâ Vitellionis demonstratione probatur, facile ostenderetur leporem non posse celerius currere, quam testudinem, propter necessariam illam & constantem correspondentiam minimæ partis spatii cum minima parte temporis,

Tomus IV.

E

X I I.  
Et experientiam  
visionis  
factæ in  
instanti.

X I I I.  
Quid intelligi debeat per  
vim luminis.

X I V.  
Et ostenditur error demonstrationis prælatæ.

ut examinanti parebit. Quod cū sit contra experientiam, hinc tutò præsumitur Vitellionem non demonstrative, sed paralogistice conclusisse propagationem lucis instantaneam.

XV.  
Tum licet  
visio, fieret  
in instanti, hinc  
nihil probant.

Ad instantiam verò additam non difficilè respondetur videri quidem Solem cæteraque luminaria & objecta quævis à luce illustrata statim post apertos & converfos in ea oculos; minimè verò per lucem, quæ à Sole aliisve luminariis ad eos pervenerit pro illo eodem instanti; sed per illam quæ ad eos instabat. Unde nihil pro lucis instantaneitate convincitur, sicut non convinceretur sonum propagari in instanti ex eo quòd dum campana pulsatur, aliquis diceret se statim audire sonum post aures arrectas, ad eas siquidem jam instabat sonus, antequam arrigeret. Deinde ut hoc obiter dicam, quamvis lux propagaretur in instanti, non tamen fingendum esset stricte ac rigorose loquendo visionem fieri in instanti; quia non fit visio, nisi per motum localem nervi optici, sive per motionem ipsi à luce impressam, quæ non potest perfici in instanti, licet perficiatur intra temporis morulam adeò modicam, ut quasi pro uno instanti computetur.

XV I.  
Añerunt  
modum,  
quo lux  
propagari  
possit in  
instanti.

Objicies *Tertiò*. Si quid impedit quo minùs admittatur libenter ab omnibus Philosophis propagatio lucis instantanea, id maxime, quia non est intelligibilis modus, quo possit perfici; de cætero quippe omnes naturales effectus faciliùs & convenientiùs explicantur admissà eà doctrinà, quæ tradit lucem propagari instantaneè. At jam modus ille est faciliè intelligibilis per hypothefes Cartesianas: quia enim secundum illas lux Solis consistit in ea vi, quæ materia primi elementi nititur ad recessum à centro sui vorticis Solaris per secantes & eundem nifum communicat materiæ secundi, id est, globulis occupantibus totum illud spatium, quod Solem oculosque nostros interiacet, hinc faciliè contingit, ut lux in instanti promoveatur, ad eundem modum, quo in tubo, seu canali, quem supponamus plenum globulis plumbeis, motus primi in instanti perveniret ad ultimum, quia non potest moveri primus, quin secundum dimoveat è loco suo, nec secundus dimoveri potest, quin dimoveat tertium, &c.

XVII.  
Et addunt  
quòd alijs  
calculi Astronomici  
essent falsi

Tum verò præter istas hypothefes, quarum convenientiam Cartesianus satis explicat in variis locis suæ tum Philosophiæ, tum Dioptriciæ, non contemnenda est ratio, quæ probat tomo 2. epist. 17. calculos Astronomicos, quibus prædicuntur eclipses tam Lunæ, quàm Solis, fore notabiliter erroneos, nisi lumen propagaretur ad nos in instanti. Si enim supponatur lumen in percurrenda dimidia leu;

ca infumere vigefimam quartam partem ejus temporis, quo unus arteriæ pulfus perficitur, hinc fecundum receptiorem doctrinam Aftronomicam de diftantia tum Solis, tum Lunæ à terra non diffici-  
lè computatur luminis lationem à Luna ad nos non poffe perfici-  
nifi unâ horâ, ejufdem verò luminis lationem à Sole ad nos exi-  
gere horas duodecim: atque ita eclipses Lunares non cerneantur  
nifi unâ horâ; eclipses verò Solares nifi horis 12. poft eventum. Si-  
ve quando eclipses cerneantur, jam tunc non effent, non funt enim  
nifi quando & quandiu Sol, Terra & Luna reperiuntur in eadem rec-  
ta linea; vel ita ut Terra fit inter Solem & lunam, & tunc conti-  
git eclipsis lunæ, vel ita ut Luna fit inter Solem & Terram & tunc  
Sol eclipsim patitur. At toto tempore unius horæ, vel faltem toto  
tempore horarum 12 non manent in eadem recta linea. Ergo &c.  
Lege citatam epistolam, ex qua fufius intelliges vim instantiæ.

Resp. *primò* non constare de veritate hypotescon, quæ Carte-  
sius adhibet ad explicandam propagationem lucis instantaneam: ac  
in primis non constat materiam subtilem conari per fecantes ad re-  
cessum à centro sui vorticis Solaris, aut cujusvis alterius lumino-  
si. Imo potius constat non conari ex supra dictis: eo autem cona-  
tu sublato nullâ erit pressio, quæ derivata à materia subtili com-  
municetur globulis ambientibus & deinceps oculis nostris, ut ille  
supponit, ad visionem efficiendam. Vel aliter resp. *secundò* etiam  
admissis suppositionibus Cartesianis propagationem lucis Solaris non  
fore instantaneam ob defectum paritatis adductæ inter globulos im-  
plentes spatium, quod Solem oculosque nostros interioracer, & glo-  
bulos plumbeos qui rubum, seu canalem, implerent. Isti siquidem  
quia undique coercentur, moverentur omnes simul ad motum  
unius primi, ut fateor: at non similiter coercentur globuli Carte-  
siani ad actionem lucis concurrentes: quapropter facilè alij ad alio-  
rum latera diffiunt, sicut accidit particulis aëreis, quoties ab ære  
campano, aut ab explosio-tormento, &c. commoventur; quæ est  
ratio cur propagatio soni sit successiva, quæ instantanea tamen esset  
secundum hypotheses Cartesiani, ut attendenti patebit.

Ad instantiam verò additam dico mirum esse quomodò potuerit  
Cartesius incidere in adèo manifestam petitionem principii; quid  
enim aliud supponit quando probat calculos Aftronicos eclipsi-  
cos fore falsos, nisi sydera, ex quorum situ Aftronomi prædicunt  
futuras eclipses, conspici tunc in suis locis veris, quod est suppo-  
nere propagationem lucis instantaneam. Aut si non supponit ea  
tunc conspici in suis locis veris propter successivam propagationem

XVIII.  
At expo-  
nitur in-  
sufficien-  
tia modi,  
quem as-  
serunt.

XIX.  
Et osten-  
ditur qua-  
re calculi  
Aftrono-  
mici non  
sint falsi.

lucis, quæ interim dum transmittitur, suppeditat astris tempus relinquiendi loca, è quibus cæpit emissio, non est cur objiciat calculos eclipsium Astronomicos fore falsos, quia perinde procedit veritas calculi à loco apparente ad apparentem, sicut à loco vero ad verum; unde est ut sive Sol & Luna videantur continuè in veris locis, si-ve tantùm in apparentibus, ut rationabilius creditur propter multiplices refractiones radiorum, quos emittunt, nihilominus calculi Astronomici quoad omnia, quæ de illis prædicuntur, phænomena sunt veridici. De cætero minimè opus est ut ad percurssionem unius dimidiæ leucæ insumat lux Solaris aut quæcunque alia vigesimam quartam partem ejus temporis, quo semel arteria pulsat: probabile quippe est eam esse lucis celeritatem, ut ad hoc nec forte centies millesimâ ejus temporis parte indigeat; unde pro insensibili evaderet discrimen inter loca vera & apparentia syderum. Vide Lector fulsissimam & doctissimam simul solutionem prædictæ Cartesianæ infinitæ apud nostrum Maiganum in append. 2 § 2 à num. 20.



## ARTICULUS IV.

### DE CONCURSU LUMINIS AD COLORES, & eorum Origine.

I.  
Qualiter  
sit triplex  
motus lu-  
minis.



**N**OTANDUM est primò lumini triplicem motum convenire, directionis scilicet, reflexionis & refractionis. Directionis motus ille est, quo per lineas rectas circumquaque diffunditur, aut emittitur à corpore luminoso; motus verò reflexionis est ille, quo jam emissum incidensque in corpus opacum ab eo resilit ad instar pilæ, quæ adigitur in partem; ac denique motus refractionis ille est, quo incidens in corpus diaphanum pervadit illud insinuando se per poros obvios, in quorum debita ordinatione consistit diaphaneitas, sicut opacitas in debita dispositione partium solidarum, quæ lumini aliàs transituro ob obstant. Hinc quia nullum est corpus, cujus prima superficies (atque ita de aliis, ex quibus more mathematico concipitur tota

moles coalescere) non habeat aliquas partes porulis dissociatas, nullum etiam proinde corpus est, quod non transmittat & reflectat simul aliquid luminis: & sic nullum est adeò diaphanum, quod non sit ex parte opacum, sicuti nullum adeò opacum, quod non sit ex parte diaphanum.

Notandum *secundò* lumen, quod in corpus aut opacum, aut diaphanum incidit, in utrumque incidere vel perpendiculariter, vel oblique. Nunc itaque si perpendiculariter incidit in corpus opacum, resilit similiter ad perpendicularum, & oblique resilit, si incidentia est obliqua, hoc pacto ut angulus resiliencie sive reflexionis sit constanter æqualis angulo incidentiæ, ut multis observationibus & demonstrationibus Opticis probatur. Tum verò lumen, quod perpendiculariter incidit in corpus diaphanum, pergit perpendiculariter intra illud; si autem oblique incidit, pergit oblique, non tamen per unam eandemque lineam rectam, sed per alteram, quæ flectitur versùs perpendicularem, si incidentia luminis sit ex medio minùs denso in magis densum, ut ex aëre in aquam: vel deflectitur à perpendiculari, si incidentia sit ex medio magis denso in minùs densum; ut ex aqua in aërem. Et hæc est luminis fractio, sive refractione illa, cujus varios angulos pro varietate medii, quod trajectitur, & variis modis observant & causas studiosissime inquirunt Optici, ut apud ipsos videre est: ad nostrum quippe instituti physici rationem satis est id obiter prænotasse.

Notandum *tertiò* lumen, quod diversimode sive reflexum, sive refractum incurrit in oculos, diversis modis eos ferire; ac præterea vividius aut languidiùs prout post plures aut pauciores tum reflexiones, tum refractiones in eos pervenit. Quod totum faciliè intelligis exemplo pilæ, quæ pro varietate corporum, à quibus repercutitur, ac mediocorum, per quæ trajectitur aut perpendiculariter, aut oblique, varios ictus infligit, quos insuper experientia manifestat post primam repercussionem ac trajectionem vividiores esse, quàm post secundam, & post secundam rursùs, quàm post tertiam, &c. Quia verò nemini dubium est, quin lumen si minùs ad efficiendos colores, ac certe ad oculis exhibendos concurrat, hinc satis patet quanta in explicando toto isto negotio, quod pertinet ad colores, ratio habenda sit luminis, quod reflexe ac refracte adveniens pulsât oculi retinam, suisque illis pulsibus similes in ea efficit motiones, quæ in cerebrum perductæ & perceptæ non possunt non exhibere pro sui varietate colores varios, ad eum modum, quo non possunt non exhibere sonos varios motiones illæ, quas aër à campana pulsata suscipit transmittitque per idem organum auditus in cerebrum.

II.  
Quid sit  
sentiendū  
de incidē-  
tia lumi-  
nis.

III.  
Qualiter  
diversitas  
colorum  
pendeat  
ex inci-  
dentia lu-  
minis.

IV.  
Proponi-  
tur status  
præsentis  
difficulta-  
tis.

Sed in hac veritate ostendenda, de qua rediturus est sermo, nunc non moror, ut altera non minoris momenti stabiliatur, nempe colores nec pendere, nec resultare ut Aristotelici falsò imaginantur, ex diverso corporum temperamento; unde inferunt colores esse qualitates accidentales secundarias à primariis derivantes. Itaque in assertionem sequente contra Aristotelicos prohibetur originem colorum non esse temperiem corporum: unde à nobis rationabiliùs inferetur non aliam eorum originem esse, quàm configurationes ac colloca-tiones diversas particularum componentium superficiem corporis colorati; propter eas enim necessariò accidit, ut diversa luminis inci-dentis reflexio atque refraçtio fiat, cujus perceptio est sensatio illa, quam vocamus coloris.

## ASSERTIO UNICA.

*Pro explicanda origine & varietate colorum Aristote-  
lici malè recurrunt ad variam temperiem  
corporum coloratorum.*

V.  
Reperitur  
sæpe idè  
color cum  
diverso  
tempera-  
mento.

**P**ROBATUR primò. Multa sunt corpora ejusdem coloris, quæ tamen habent temperiem diversissimam; & multa sunt ejusdem temperiei, quæ tamen habent colorem diversissimum: ergo &c. Consequentia est manifesta. Antecedens verò faciliè probatur frequentissimis experimentis, ex quibus seligò illud, quod obuium est cuivis attendenti ad innumera illa aquarum chimico-medicarum genera, quæ apud Pharmacopolas videntur, & quæ cum sint temperaturæ diversissimæ, ut satis patet ex varietate effectuum, vix tamen inter se colore ullo discernuntur; ita ut in iis ad usum reducendis ipsi Operarii deluderentur, nisi eas suis seorsim tabellis designarent. Et nemo fortè est, cui aliquando non obvenerit, ut pro habendo discrimine inter poculenta & edulia sibi oblata ad olfactum aut ad gustum recurreret, proptereà quòd non valeret illa per colorem discernere, utpote similem, non obstante temperamento dissimili. Est etiam inter quamplurima foliorum, florum, herbarum, seminum, mineralium, lapidum, &c. genera color adeò similis, ut evidentissimum sit varietatem coloris sæpe nullam esse, ubi tamen adest maxima temperamenti varietas.

Sed nunquid etiam multa sunt ejusdem temperamenti aut ferè ejusdem, quæ nihilominus colorem habent mirè varium: nam ut infinita taceam diversissimi coloris pharmaca, edulia, poculenta, quæ ad eundem valetudinis aut restaurandæ, aut tuendæ effectum perinde ac sine delectu adhibentur propter unius aut quasi unius temperamenti convenientiam, in promptu adest notabilis illa differentia coloris inter vinum album & rubrum, quæ si aliquialiter temperamento inter se differunt, at certum est minùs differre, quàm multa alia, quæ adeò notabiles non habent coloris differentiam: cùm tamen si doctrina Aristotelica locum haberet pro explicanda colorum origine, quò major aut minor esset similitudo temperamenti, eò major aut minor omninò futura esset similitudo coloris, quod falsum deprehenditur: præsertim verò inter homines hinc albos, hinc nigros, qui secum invicem temperamento magis conveniunt, quàm cum artoribus, colore tamen minùs conveniunt, ut patet. Ergo &c.

Probatur *secundo*. Plurima sunt corpora, quæ immutato temperamento colorem mutant, & similiter plurima sunt, quæ immutato colore mutant temperamentum: ergo &c. Consequentia est evidens. Antecedens verò probatur. Tum familiari exemplo spumæ, quæ cùm à naturali aquæ elementaris temperamento nihil differat, ab illius tamen colore ita differt, ut ad diversam speciem pertinere videatur, neque aliter asserendum, si ex differentia coloris arguenda esset temperamenti differentia; ut interim nihil dicam de nubibus, aquis marinis, gutturibus columbarum, caudis pavonum, squamis piscium ac de innumeris pannis villosis holosericis, in quibus per solam diversam Solis irradiationem color ita variatur, ut si mutatus color argumentum esset demonstrativum mutati temperamenti, dieneridum foret enumerata illa omnia in alteram naturam degenerasse: quod tamen nemo affirmare præsumperit. Tum etiam frequentissimo experimento eorum omnium, in quibus casu aut aliter sive calefactis, sive frigefactis, &c. ultra mensuram naturalis temperamenti vix ulla coloris mutatio deprehenditur.

Neque obstat quòd tunc fortè aliqua contingat coloris mutatio præ sui modicitate sensum fugiens. Nam si vera esset doctrina Adversariorum, mutatio coloris semper contingeret æque sensibilis ac mutatio temperamenti: unde sicut admodum sensibilis illa est, quæ chalybs v. g. citra ruborem ex frigido abit in calidum, ita admodum sensibilis esset diversitas illa coloris, quem in utroque statu obtineret, cùm tamen vix ulla dignoscatur, nisi calor ad ruborem, aut candorem ejusdem chalybis invalucit. Sed quod plurimum confert

VI.

Item sæpe idem temperamentum cum diverso colore.

VII.

Mutationes coloris & temperamenti non sibi corr: spondent.

VIII.

Et nihilominus deberent sibi omnino correspondere.

ad rem nostram est id, quod quotidie observari potest in eodem chalybe secundum artem temperato, colorem sive albicantem, sive flavum, sive cæruleum, &c. quem Artifex pro modo acrioris aut mitioris temperaturæ ei conciliat, non nisi illius superficiem occupare. Dicant ergo Adversarii cur non occupet insuper crassitiem, cum in eo chalybe in suum pristinum statum frigoris restituto inauditum sit superficiem esse unius temperamenti, crassitiem verò alterius. Ergo &c.

IX.  
Qualiter  
colores  
pendeant  
à corporū  
superficie  
illumina-  
ta.

Ad-hæc ut opposita sententia apertissimæ falsitatis arguatur, sint ex hypothesi duo corpora, quæ sint omnino ejusdem temperamenti, id est, æque calida aut æque frigida, æque humida aut æque sicca, ut volueris, hac tamen conditione obtentâ, ut particulæ, quæ superficiem eorum componunt, non sint similis figuræ vel certe similem posituram non habeant. Quâ hypothesi factâ & aliàs non negandâ, cum evidens sit apud Aristotelicos nec figuram, nec situm ullam in temperamento differentiam importare parumque referre ad obtinendum eundem gradum uti primum, aut secundum caloris, quod corpus sit figuræ pyramidalis aut cubicæ, & quod plano incumbat aut perpendiculariter, aut oblique, quis statim non advertit ea corpora, quamvis ejusdem temperamenti, ut supponitur, nihilominus non apparitura ejusdem coloris? Et ratio est, quia corpora secundum superficiem dissimilia non possunt parere similem luminis reflexionem: & hæc cum sit dissimilis, non potest producere similem motionem, sive similem sensationem in oculo, id est, sensationem similis coloris. Ergo pro explicanda colorum origine ex parte corporis colorati non est recurrendum ad intrinsicam temperiem illius, sed tantum ad dispositionem extrinsecam superficiei, lævis nimirum aut asperæ, suppressæ aut prominentis, rigidæ aut mollis, &c. Non habet autem superficies corporea lævorem aut asperitatem, suppressionem aut prominentiam, rigiditatem aut mollietatem, &c. nisi ex figura & positura particularum, ex quibus constat.

X.  
Et quali-  
ter possit  
homo cæ-  
cus judi-  
care deco-  
loribus.

Hinc apud me incredibile non est id quod Robertus Boyleus inter experimenta & considerationes de coloribus cap. 3. n. 11. refert de homine, qui biennis in omnimodam cæcitatem lapsus, eâ tactus subtilitate pollebat, ut æniarum, quas inter pollicem indicemque probabat, colores, maxime primarios, dignosceret suisque compelleret nominibus pronuncians audacter hunc esse album, illum cæruleum, &c. nisi quod non ita facile dignoscebat album à nigro, & rubrum à cæruleo, nam inter istos aliquando errabat; sed inter alios nunquam. Motivum autem credibilitatis præter illud, quod nobis suggerit opi-

niò



nio hæcenus stabilita, adest alterum quod desumo ex praxi eorum, qui solo tactu dijudicant inter aurum verum & spurium, idemque præstant in monetis argenteis: quia enim suum illud iudicium non fundant, nisi in levitate vel asperitate superficiali, quâ dignoscunt tactu sciuntque requisitam ad qualitatem auri & argenti, perinde ex consequenti dijudicant monetam auream vel argenteam, quam digitis probant, esse ejus coloris, quem in utraque oculi discernunt. Atque ita sine ullo visus subsidio palpantes monetam auream sibi oblatam, possent, si veram discernere, pronunciare audacter, ut solebat cæcus, de quo dictum est, eam esse coloris flavi, sive potius aurei. Ergo ex his omnibus patet veritas assertionis.

Objicies *primò*. Ad omnem mutationem temperamenti semper consequitur mutatio aliqua coloris saltem modica: ergo pro explicanda colorum origine recte recurritur ad variam temperiem corporum coloratorum. Consequentia est manifesta. Antecedens verò probatur. Tum ratione philosophica, quæ suadet non aliter de colore discutendum esse, quàm de mollietate, duritie, gravitate, levitate, sapore, odore, cæterisque qualitatibus secundariis, quarum mutatio semper ac necessariò consequitur ad mutationem temperamenti. Tum etiam experimento frequentissimo, quo, ut ad alia corpora non recurratur, in humano patet vix ullam temperamenti mutationem contingere, quæ non cognoscatur præsertim ex vultu, cujus colorem habemus pro indicio valetudinis, ægritudinis, amoris, odii, spei, timoris, aut cujusvis alterius passionis, quæ suo adventu temperamentum mutaverit. Nisi præterea sensibilius adhuc experimentum petas ex fructibus, quos, prout diversimode temperantur ad maturitatem obtinendam, videmus diversis coloribus investiri. Ergo &c.

Resp. negando antecedens: quamvis enim admittam sæpe id ita evenire, ut mutato temperamento mutetur color, nego tamen id accidere semper, sicuti certe non accideret in eo casu, quo vice particularum componentium superficiem v. g. ligni, substitueret Deus alias alterius naturæ, sed figuræ & posituræ ejusdem: in eo quippe casu color omninò idem cerneretur, quamvis temperies esset omninò alia. Ad probationem verò antecedentis solvendam hoc alium observandum est, posse dupliciter contingere mutationem alicujus temperamenti, vel sine diversa configuratione & positione & multitudine partium componentium superficiem corporis, vel cum illa: si absque illa, quod rarò accidit, non mutatur color: si verò cum illa, ut accidit frequentissime, color mutatur. Verùm hinc nihil probabilitatis infertur in gratiam doctrinæ Aristotelicæ, quia nihil concludi potest;

Tomus IV.

F

XI.  
Mutatio  
coloris se-  
quitur, ut  
ajunt, mu-  
tationem  
tempera-  
menti.

XII.  
Sed id non  
semper ac-  
cidit, &  
ideo nihil  
probat.

nisi mutationem temperamentum esse causam remotam & accidentalem mutati coloris; minime verò causam per se & formalem & proximam, pro qua consultò assignavimus dispositionem extrinsecam corporis colorati. Deinde verò neque mollietates, durities, gravitas, &c. sunt formæ accidentales resultantes ex temperamento, ut illi putant; sed omnino aliter sentiendum est, ut satis suo loco probatum fuit, vel occurreret probandum:

XIII.  
Addunt  
tempera-  
mentum  
variari  
per partes  
acquisitas  
aut deper-  
ditas.

Objicies *secundo*. Non potest temperamentum alicujus corporis utrunque mutari, quin fiat in eo vel acquisitio quædam novarum partium, vel aliqua deperditio veterum: atqui si ita est, non alia erit causa & origo varietatis colorum, quam varietas temperamentum: ergo &c. Majorem faciliè admittunt Recentiores, cum quibus agitur argumento ad hominem: quia enim nullas accidentales formas in temperamento agnoscunt, hinc necesse est, ut sentiant mutationem temperamentum non provenire ex formis quibusdam aut corruptis, aut genitis, sed ex partibus aut deperditis, aut acquisitis. Minor verò terè non eget probatione, quatenus satis evidens est à partibus non iisdem non posse eodem modo reflecti lumen ad representandos eosdem colores: at si in mutatione temperamentum novæ aliquæ partes accedunt, vel aliquæ veteres depereunt, jam non sunt in utroque statu, scilicet ante & post mutationem temperamentum, eadem partes. Ergo &c.

XIV.  
Et infe-  
runt cor-  
pora non  
fore intus  
colorata.

Præterea verò loquendo coherentè ad superiorem doctrinam dicendum foret solam superficiem corporum esse coloratam, quia in ea tantum reperitur extrinseca illa dispositio requisita ad representandum colorem: & nihilominus quis ille est, qui sibi suaderi unquam patiatur non esse intra crassitiem corporis homogenei eosdem colores, qui in superficie splendent. Ergo &c.

XV.  
At illa si-  
ve acqui-  
sitio si-  
ve deper-  
ditio non  
probat va-  
riationem  
coloris.

Resp. Et admissa majori nego absolute minorem, quia licet ut plurimum varietatem temperamentum colorum varietas consequatur; at non consequitur necessariò, cum non impossibile sit, ut duo corpora diversæ naturæ sub eodem colore spectentur, modò partes utriusque superficiem componentes similem figuram & situm habeant. Itaque licet mutatio temperamentum fiat per accessionem aliquam novarum partium, aut per aliquam veterum deperditionem, non tamen absolute necesse est colorem mutari, quia depereunces possunt relinquere configurationem totius illarum, & accedentes possunt non immutare. Quamquam si contrarium accidit, hinc tantum arguitur, ut superius monebam, varietatem temperamentum esse causam remotam & accidentalem variati coloris,

Ad id verò, quod subiungitur, breviter dico in hoc differre superficiem ultimam corporis homogenei ab aliis non ultimis, quæ more mathematico concipiuntur illud componere, quod illa sit colorata actu, quia actu reflectit lumen, aliæ verò sint tantum in potentia coloratæ, id est, idoneæ ad similem colorem exhibendum per similem luminis reflexionem, quamquam interdum in corpore homogeneo, ut in ferro temperato, accidit non eosdem à partibus externis & internis colores repræsentari. Verùm hoc quod attinet ad differentiam inter colores actu & in potentia magis intelligetur ex dicendis in decursu hujus disputationis.

XVI.  
Et ostenditur qualiter partes internæ sint coloratæ.



## ARTICULUS V.

### DE DISCRIMINE INTER COLORES reales & apparentes.

**N**OTANDUM est in controversiis omnibus, quas cum secta Aristotelica agitamus circa colores, nihil adeò frequenter occurrere ac discrimen illud, quod obiicit inter colores veros & apparentes, affirmans istos revera nihil aliud esse, quàm lumen modificate reflexum, aut refractum; at illos independentem à lumine reflexo, aut refracto constanter iuhzere suis subiectis. Enumerant autem Peripatetici inter colores apparentes, quos & phantasticos & delusorios & spurios vocant, fulgentissimos illos, quos aliquando in iride, in nubibus, in caudis pavonum, in collis columbarum, &c. contemplamur; cæteros verò quos continuò & undequaque videmus in tabellis, tapetibus, pannis, metallis, &c. pro veris & genuinis recipiunt. Quapropter ad lites istas de coloribus scholasticas breviter componendas, instituti mei ac propositi omnino est, ut demonstrarem in assertionem sequente colores, sicut nulli sunt qui non appareant, ita nullos apparere, qui non sint veri: ac proinde nullum esse reale discrimen inter eos, quos pro apparentibus enumerant, & alios quos pro veris admittunt. Unde dabitur locus inferendi utro-

I.  
quid vulgò sentiât de coloribus veris & apparentibus.

que perinde consistere in luce reflexa, aut refracta conformiter ad dispositionem subiecti, quod cum reflexe, aut refracte emittit.

## ASSERTIO UNICA.

*Nullum datur discrimen reale, quale admittunt Aristotelici, inter colores veros & apparentes.*

II.  
Arguitur  
ex nulli-  
tate dis-  
criminis  
inter so-  
nos veros  
& appa-  
rentes.

**P**ROBATUR primò. Nullum datur discrimen reale inter sonos; odores, sapes veros & apparentes: ergo nec inter colores. Antecedens adeò certum est, ut hactenus nemini distinctio illa in mentem venerit; & ita sane, quia cum auditus non habeat, nisi sonum pro objecto, quidquid à veritate & realitate soni alienum est, non potius percipi potest ab auditu, quàm ab olfactu; & ideo quidquid auditus percipit, id totum pro vero sono accipitur, & pariter pro vero odore, quidquid percipit odoratus, &c. Consequentia verò simul & paritas probantur hac evidentissima ratione. Quia si quidquid degenerat à veritate & realitate soni, non percipitur auditu, ita nec percipietur visu quidquid degenerat à veritate & realitate coloris. At non precipitur auditu quidquid degenerat à veritate & realitate soni, quandoquidem id, quod non est vere & realiter sonus, non est magis sonus, quàm odor. Ergo similiter quidquid degenerat à veritate & realitate coloris non percipitur visu; quatenus id, quod non est verè & realiter color, non est potius color, quàm sonus. Unde rectissime infertur vere & realiter esse colorem, quemcumque visus advertit, sicut vere & realiter est sonus quicumque auditur; & vere ac realiter est odor, quicumque afficit odoratum. Ergo, quæ erat consequentia & paritas probanda, si soni non sunt alii veri, alii apparentes; & si odores non sunt alii veri, alii apparentes; &c. ita neque sunt admittendi colores alii veri, alii apparentes; & ita ruit vulgatissimum illud discrimen, quod ab Aristotelicis inter colores veros & apparentes recipitur.

III.  
Et proba-  
tur colo-  
res appa-  
rentes ne-  
cessario  
esse veros.

Præterea per colores apparentes quid aliud vulgò intelligitur, nisi colores plantastici ac delusorii, eo quòd conspiciantur veluti inhærentes subiecto, cui tamen revera non inhærent? At delusorii non sunt, nec minùs vere inhærent suo subiecto, quandiu inhærentes conspiciuntur, quàm cæteri, quos veros & reales vocant. Si enim rem bene capio, aut si Adversarii eam capere non recusant, nullum

subiectum potest naturaliter sub alia, quàm sub propria specie apparere, sive, quod in idem recidit, nullum subiectum naturaliter potest emittere speciem, nisi sui, minimè verò alterius, ita ut proximo portento reputaretur, si homo emitteret speciem leonis, aut leo speciem hominis. Igitur non potest quodcunque subiectum emittere speciem sui, ut ita colorati, quin revera sit ita coloratum: præsertim verò id non potest contingere, si supponitur colorem proprium occultatum, esse contrarium ei, qui apparet, uti si color occultatus niger, ille verò, qui apparet, albus supponitur. Nam in hoc casu necesse foret, ut duo illi colores contrarii saltem transcurrenter inhzrent uni eidemque subiecto; imo quandiu color albus nigrum sub se occultans appareret, tamdiu inhzreret ei uterque, quod est naturaliter impossibile. Neque dicas colorem apparentem non vere inhzrere, si enim est vere accidens, ut in sententia Aristotelica negari non potest, vere inhzret alicui subiecto: non adest autem aliud subiectum assignabile præter illud, quod apparet coloratum. Ergo &c.

Probat *secundò*. Ex duplici tantum capite solent Aristotelici probare suum illud discrimen inter colores veros & apparentes. Unum est, quia isti facile evanescent; alterum verò, quia non cernuntur, nisi ex certo aliquo, ut aiunt, puncto visionis; cum è contra illi perennes sint & undequaque iidem cernantur. Atqui ex utroque illo capite nihil recte concluditur pro discrimine, de quo agitur, admittendo. Ergo &c. Major constat; aut si quædam alia ratio ad probandum illud discrimen adduci solet, ea hand dubie minùs convincit & faciliùs impugnatur. Minorem verò quoad utramque partem sic probo. Et *primò* quidem ad veritatem coloris non est necessaria diutior illius duratio, sicut ad veritatem vitæ non est necessaria diuturnitas: unde sicuti ridicule loqueretur, qui assereret non vixisse vere parvulos, quorum vita extincta fuisset uno aut altero minuto post natiuitatem; ita parum philosophice loquitur quisquis contendit non fuisse verè coloratam iridem, cuius colores intra pauca minuta evanuerint, & ita de aliis. *Secundò* parum etiam interest ad veritatem coloris, quòd ex uno tantum aut ex pluribus punctis, unde oculus prospicit, videatur: satis quippe est quòd videatur ex uno, ex quo utique non videretur, nisi esset: visio enim colorem non efficit, sed supponit.

Atque ut exemplo & paritate familiari utar, vox illa reflexa, quæ vocatur *echo*, non certe ex locis omnibus circumquaque audietur, sed ex quibusdam certis & determinatis, in quibus exigat

IV.  
Colores  
sunt veri,  
licet non  
diu per-  
manent.

V.  
Item licet  
ex uno  
tantum

puncto  
conspi-  
ciatur.

aurem constitutam : & nihilominus pro vero sono accipitur perinde ac si circumquaque & undique audiretur . Unde rursus sicut ridicula esset assertio ejus , qui diceret vocem illam echus non esse veram , sed dummodo apparentem eo quod certum aliquod distantie punctum exigat , in quo ad eam ex toto & integre audiendam auris debeat esse posita ; ita parum philosophica est assertio eorum omnium , qui contendunt colores , qui in pavonis cauda irradiati à Sole rutilant , non esse veros , sed dummodò apparentes , quia non videntur , nisi ab oculo ad certam aliquam distantiam constituto . Ergo &c.

VI.  
Tum co-  
lores ,  
quos vo-  
cant appa-  
rentes , diu  
& undi-  
que viden-  
tur.

Præterea multi ex iis coloribus , quos vocant apparentes neque brevi evanescent , neque exigunt prospici ex certis quibusdam ac determinatis punctis distantie ; sed undequaque prospiciuntur & sæpe diutius durant , quàm plurimi , qui pro veris & genuinis in schola Aristotelica admittuntur . Quod ne gratis dixisse videar , assumo in exemplum colores , quos prisma crystallinum Solaribus radiis obiectum projicit super parietem exquisitissime dealbatum . Colores itaque illi , quos constat esse valde rutilos & varietatem iridis imitari & aliàs apud Peripateticos non haberi , nisi pro apparentibus , nunquid perseverant tota die & rursus nunquid videntur , ut experientia docet , ex quocunque loco intuearis parietem ? Quid igitur est in causa cur non nisi pro apparentibus habeantur ? An quia depercutit statimque deficiunt Solares radii ? Sed si ita est , cogita quantum magis pro apparentibus , sive quanto minus pro veris habendi essent plurimi illi , qui varia herbarum & florum genera exornantes vix perseverant iidem toto unius diei spatio , quamvis Sol constanter fulgeat . An verò quia cæteri vulgares colores non exigunt adeò splendidam Solis irradiationem ? Sed quid tum ? Varii soni varias exigunt rei sonorum percussiones : an igitur si terribilissimum aliquem sonum audires , diceres eum non esse verum sonum , quia soni cæteri non adeò validam rei sonorum percussione desiderant ? Certe sic discurrere esset nugari , perinde ac si negares eum esse verum sonum , quia non auditur continuò , sed statim deficit : & nihilominus non aliter discurrunt Aristotelici , quando affirmant colores fulgentissimos iridis non esse veros , quia intra tempus brevissimum evanescent . Ubi est cæteroquin advertendum eos non deficere , nisi quia deficit nubes rorida , quæ in imbrem resolvitur , nullumque esse colorem adeò tenacem , qui similiter non deficiat ; si accidit ut male pereat subjectum , cui adhæret , aut adhære con-  
cipitur.

Denique ut de spuma aquea nihil dicam, de qua eadem difficultas potest urgeri, quæro ab Adversariis sitne verus an falsus, genuinus an spurius color ille candidus & albicans vitri tusi? Si verus & genuinus; ergo vitrum absque ulla mutatione sui temperamentum colorem verum obtinuit & diversum ab eo subalbido, quæm habebat antequam tunderetur; neque enim tusio immutavit temperamentum, hoc verò repugnat doctrinæ Aristotelicæ in proxime superiori articulo impugnatz. Si è contra falsus & spurius: ergo gratis dicunt colores appatentes, qui falsi & spurii reputantur, brevè interciderè, nec nisi ad certam distantiam cerni & peculiarem Solis irradiationem exigere; quia experimentaliter certum est colorem vitri tusi perennem esse, ac tum sine ulla peculiari aut Solis irradiatione, aut oculi positione spectari perinde omnino ac cæteros.

Verùm difficultas adhuc gravior evadit, si loco vitri tusi proponatur in exemplum pannus holofericus damascenus unicolor, id est, habens suum fundum simul cum floribus elatioribus contextum ex filis unius coloris, v.g. albi: quia hoc genus panni ex sua contextura id habet proprium, ut invariato lumine Solis, invariato etiam situ oculi nunc videas in eo horizontaliter jacente fundum albicans, flores verò subfuscus; nunc è contra si tantum in occidentem vertitur ora, quæ ad ortum spectabat, flores albicantes, fundum verò subfuscum. Isti itaque colores, quos vocare liceat alternantes vel sunt ambo veri, vel ambo falsi, vel unus verus & alter falsus? Si *tertium*, dicant cur hic potius quàm ille verus aut falsus putari debeat. Si *secundum*, quomodo potest esse falsa albedo filorum, ex quibus pannum supposuimus contextum, nisi falsam quoque asserveris albedinem nivis, chartæ, parietis, &c. Ergo superest ut *primum* admittatur, scilicet utrumque, sive albicantem in fundo, sive subfuscum in floribus, aut è contra, esse verum colorem non obstante facili illà alterius in alterum mutatione ex eo pendente, quod panni contextura aliter & aliter luci alioquin eidem obijciatur: unde accidit ut diversimode reflectatur ad oculum. Accidunt in multis aliis pannis holofericis villosis similes mutationes, quæ non parum confirmant nostram hanc assertionem ulterius stabilendam solutione objectionum sequentium.

Obijcies *primò*. Non potest fieri, ut singulæ partes alicujus subiecti simul vere afficiantur coloribus diversis: atqui sæpissime id continget, si nullum esset discrimen inter colores veros & appatentes: ergo &c. Major est certa etiam apud Recentiores, qui colorem in lucis modificatione constituunt; nam ab iisdem partibus alicujus subiecti non potest fieri diversa luminis modificatio. Minor vero sic

VII.  
Afferitur  
experi-  
mentum  
vitri tusi.

VIII.  
Et additur  
aliud pan-  
ni holoferi-  
ci damas-  
ceni uni-  
coloris.

IX.  
Arguitur  
quod ali-  
quid effectus  
simul ejus-  
dem & di-  
versi colo-  
ris.

probatur. *Primo*. Quia sæpissime contingit, ut idem subjectum non censeatur ab iisdem spectatoribus ejusdem coloris, eo quod aliis quidem sub specie unius coloris, aliis verò sub specie alterius compareat ob diversas oculorum dispositiones; in quo casu si omnes colores apparentes reputandi essent pro veris, unum illud atque idem subjectum secundum easdem sui partes simul vere afficeretur coloribus diversis, ut albedine quæ appareret uni spectatori, & rubedine, aut nigredine, quæ appareret alteri. *Secundo*. Id ipsum etiam contingit sæpissime quamvis oculi spectatorum sint æqualiter dispositi, æque sani ac perspicaces, si fuerint præsertim ad valde inæqualem distantiam constituti: quatenus objecta remotissima non aliter, quàm nigra cernuntur, licet sint rubra, aut alba, aut alterius coloris cujuscvis fulgentissimi. Ergo &c.

X.  
Et addunt,  
quod esset  
simul co-  
loris ma-  
gis & mi-  
nus inten-  
si.

Adde quod similiter non possunt eadem partes unius subjecti obtinere simul majorem & minorem intensiorem alicujus coloris, v. g. obtinere albedinem intensam ut sex, & simul obtinere illam intensam tantum ut quatuor. Sed id possibile esset, imo frequenter contingeret juxta præcedentem doctrinam de tollendo omni discrimine inter colores veros & apparentes. Ergo &c. Major rursus constat: quia illud esset omnino idem ac obtinere simul & non obtinere albedinem intensam ut sex, in quo est contradictio manifesta. Sequela verò minoris sic probatur: Si omnis color apprensus est verus juxta præcedentem doctrinam, vera etiam erit quæcunque coloris intensio apprensus, ita ut quoties albedo alicujus subjecti apparebit intensa ut quatuor, toties verum erit eam esse intensam ut quatuor: & rursus quando apparebit intensa ut sex, tunc erit vere intensa ut sex. Atqui possibile est & præterea frequenter accidit, ut eadem albedo ejusdem subjecti appareat uni quidem spectatori tantum intensa ut quatuor, alteri verò intensa ut sex; imo & eidem spectatori in diversis locis, unde respiciat, successive constituto, aut inæqualiter ad videndum disposito, sive hæc inæqualitas veniat ex parte oculi, sive procedat ex parte luminis. Ergo &c.

XI.  
Sed ostenditur in  
quo consistat hinc  
identitas,  
hinc di-  
versitas  
colorum.

Resp. aut potius responsioni præmitto veritatem coloris spectatam ex parte subjecti nihil aliud esse, quàm veram ac realem dispositionem ad lucem certo aliquo modo reflectendam: tum verò hanc reflexionem non tantum fieri à singulis partibus, quæ superficiem subjecti componunt, sed etiam à singulis faciebus prominentibus cujuscunque partis. Unde quia non omnes facies sunt ejusdem asperitatis, aut levioris, aut sitis, &c. accidit ut eadem partes ex diversis locis consideratæ possint sub diversis coloribus apparere: ac prop-  
terea



tereâ ad iudicium ferendum de coloribus sive gemmarum, sive pannorum, sive tabellarum, &c. perquiri & seligi solet ab oculo locus ille, unde spectati magis emicant. Nunc itaque distinguo maiorem in hunc modum. Non potest fieri ut singulæ partes alicujus subiecti secundum eandem facies spectatæ simul vere afficiantur coloribus diversis, concedo maiorem; secundum diversas, nego maiorem, & applicatâ ad minorem eandem distinctione nego consequentiam. Ac tum ad ulteriorem solutionem dico ex eadem omnino luminis reflexi modificatione posse quidem consequi, ut ab oculis diversimode dispositis, aut ad diversam distantiam constitutis diversi colores percipiantur. Verùm hæc diversitas nullam in subiecto diversitatem importat; quare hinc non potest inferri subiectum simul vere affici diversis coloribus, aut colores illos diversos esse simul veros ex parte subiecti; sed tantum esse simul veros ex parte spectantium; nam cum ex parte spectantium color nihil aliud sit, quàm talis aut talis sensatio, ut dubitari non potest, quin spectator vere habeat talem sensationem, ita dubitari non potest quin ex parte spectatoris verus sit color ille, quem percipit.

Postmodum ad instantiæ additæ solutionem applicetur eadem distinctio, cujus vim fortè melius intelliges exemplo saporis, qui licet unus ( unitate, inquam, simplici aut composita ) ex parte rei sapidæ propter certam ac determinatum ex parte illius dispositionem pro excitanda singulari aliqua & individua sensatione, nihilominus sæpe est multiplex ex parte gustantium, qui non modò non conveniunt in gradu saporis dulcis aut amari, sed etiam quandoque ita dissentiunt, ut dulcis ab uno, amarus reputetur ab altero. Quid ergo dicendum in eo casu? Nihil aliud certè, nisi quòd sapores illi, quantumvis contrarii, sunt simul veri ex parte gustantium propter contrarias gustus dispositiones; sed non sunt simul veri ex parte rei gustabilis, quæ per se ad sui saporis speciem immittendam non habet nisi unum genus movendi gustum, quamquam illa unius generis motio diversas per accidens sensationes in gustu diverso efficiat, sicuti videmus ex illo uno movendi genere, quod corpusculis lucis competit, diversos effectus subsequi in oculo, quem illuminant, luto quod indurant, cera quam liquefaciunt, &c. Et hæc est instantiæ solutio, cui faciliè per te ipsum aptabis formam scholasticam.

Objicies *secundo*. Non possunt de eodem subiecto ferri duo iudicia contraria, aut etiam contradictoria simul vera: sed ita esset sublato discrimine, quod Aristotelici admittunt inter colores veros

*Tomus IV.*

*G*

XII.  
Ac tum  
unde pen-  
deat maior  
aut minor  
ejusdem  
coloris in-  
tensio.

XIII.  
Addunt  
quòd pos-  
set contra-

dictoriè  
judicari  
de colori-  
bus.

& apparentes : ergo &c. Major per se patet ; sequela verò minoris sic probatur. Sublato omni discrimine inter colores veros & apparentes, viso quocunque colore verum erit iudicium, quo enunciabitur subjectum esse viride, si tale apparet, & simul verum erit iudicium, quo enunciabitur illud idem subjectum esse cæruleum, si tale apparet. Atqui facilè contingere potest, ut illud unum & idem subjectum appareat viride uni spectatori & cæruleum alteri : imo & eidem aut ad diversam distantiam constituto, aut oculos habenti diversimode affectos. Ergo &c.

XIV.  
Quin etià  
de magni-  
tudine &  
parvitate  
corporū.

Adde quòd sublato prædicto discrimine æque asserendum esset baculum esse fractum sub aqua, cui ex parte immergitur, quia fractus apparet, & stellas esse multo minores Lunâ, quia tales apparent, &c. Imo quia unum & idem objectum aliter atque aliter magnum, aliter atque aliter coloratum, figuratum, exornatum, &c. apparet oculo nude inspicienti & eidem inspicienti per telescopia & microscopia, & uno verbo per diversa genera quorumcunque perspicilliorum excavata, explanata, angulosa, &c. hinc cum veritate asseri posset unum illud & idem objectum esse huius & alterius magnitudinis, huius & alterius coloris, figuræ, &c. In quo esset contrarietas, aut etiam contradictio manifesta tantò intolerabilior, quanto facilius vitatur admittendo, prout revera admittendum est, sensum ac speciatim visum posse decipi, proptereaque adhibito consilio ac iudicio discernendum esse inter objecta vera & apparentia, ideoque inter colores veros & apparentes. Ergo &c.

XV.  
At illa cō-  
tradictio  
non esset  
absoluta,  
sed respec-  
tiva, quæ  
nō repug-  
nat.

Resp. & concessâ majori nego sequelam minoris, pro cuius probatione solvenda distinguo maiorem. Sublato omni discrimine &c. verum erit iudicium &c. veritate spectatâ ex parte inventium, concedo maiorem, veritate spectatâ ex parte subjecti, nego maiorem & admissâ minori consequentiam sub eadem distinctione. Vel etiam adjicio iudicium illud utrumque verum fore ex parte subjecti ; non quidem veritate formali, quasi subjectum sit simul formaliter viride & cæruleum ; sed veritate occasionata & efficiente ; quatenus subjectum illud quamvis in se unum per unicam suam actionem, id est, per unicam suam lucis reflexæ ac refractæ modificationem est occasio & causa duplicis diversæ sensationis, ejus nempe, quæ est perceptio coloris viridis, & alterius, quæ est perceptio coloris cærulei. In quo sensu subjectum est simul viride & cæruleum occasionaliter nempe & efficienter, ad eundem modum, quo Sol est efficienter mollis & durus, quia liquefacit & indurat pro dispositione

diversa subiecti, in quod calorem suum, id est, corpuscula ignea nativi sui effluviū intromittit.

Ad id verò quod additur sufficit hæc eadem data solutio, pro cuius tamen abundantia dico visionem baculi fracti sub aqua, & parvitaris stellarum, &c. esse equidem veram, quia visio non potest esse falsa, cum nihil aliud sit, quàm vera & realis quædam sensatio, sive perceptio motionis impressæ visui ab objecto per modificationem luminis in eum emissi aut directæ, aut reflexæ, aut refractæ. At hæc veritas visionis sicut & cuiusvis alterius sensationis est simplex, aut ut Summulistæ loquuntur, incomplexa, ad quam proinde non spectat judicare sive affirmando, sive negando. Quapropter nego iudicium esse ferendum de baculo fracto, aut de stellis minoribus Lunæ, quia intellectus, cuius est judicare, aliunde inquit, quàm ex visione, rectitudinem baculi, & magnitudinem stellarum, & idem dicendum de cæteris quibuscunque visionibus, quarum veritas non obstat superiori inquisitioni ab intellectu faciendæ antequam suum de objectis iudicium ferat pro definiendo modo, quo illa se habent in se ipsis. Et sic jam satis patet quàm parum hæc objecta infirmant assertionem nostram de tollendo omni discrimine inter colores veros & apparentes.

XVI.  
Et idem  
valet pro  
iudicio re-  
lativo  
magnitu-  
dinis &  
parvitaris



## ARTICULUS VI.

### DE SUBSTANTIA COLORIS.

**N**OTANDUM primò colorem posse tripliciter considerari, scilicet ex parte subiecti visibilis, ex parte medii illuminati, & ex parte potentiz visivæ. Nunc verò si ad ea, quæ prædiximus, attenditur, satis patet nihil ex hac triplici parte occurrere, quod non convineat colorem esse aliquid substantiale. Nam ex parte quidem potentiz visivæ quid occurrit præter motionem corpoream ipsi à lumine modificato impressam & ad quam subsequitur sensatio illa, quæ vocatur perceptio coloris? Ex parte verò medii quid offertur præter similem motionem realem luminis secum deferentis modificationem à subiecto reflecte-

I.  
Qualiter  
possit co-  
lor ex tri-  
plici capi-  
te consi-  
derari.

G ij

tente, aut refringente acceptam & deinceps potentiz visivæ communicandam? Ex parte denique subjecti quid reperies præter eam dispositionem superficiei, quâ lumen excipit & exceptum modificat & modificatum remittit ad potentiam visivam? Quia tamen vulgarissima Aristotelicorum sententia pugnacissime contendit colorem saltem ex parte subjecti esse formam accidentalem de genere cæterarum, quæ suis subjectis inhærent & ex ipsis gignuntur, ideo speciatim ostendendum est nihil esse in subjecto, quod ad illius colorem pertineat, & non sit aliquid substantiale.

II.  
Quæ sit  
definitio  
Aristote-  
lica colo-  
ris.

Notandum secundò colorem posse duobus aliis modis considerari, active scilicet & passive, ac tum etiam in actu primo & in actu secundo: siquidem licet color non habeat activitatem similem activitati, v. g. caloris consistenti in emissione ignei spirituosissimi effluvi, activitatem tamen aliquam habet consistentem in repercussione effluvi luminis. Igitur color active sumptus est talis repercussio facta à subjecto colorato, passive autem sumptus est illa eadem repercussio excepta in oculo apprehendente objectum coloratum. Deinde repercussio illa actualis, quæ cum sit actio colorati, vocari posset coloratio, sicut actio calidi vocatur calefactio, est color in actu secundo, sicut illa eadem repercussio antequam actu fiat, est color in actu primo. Sive, quod idem est, mutatis terminis abstractis in concretos subjectum est actu coloratum, quando actu lucem remittit; sed quando non est nisi in proximo ad eam remittendam, non est coloratum, nisi in potentia; ex quibus omnibus sic distinctis consurgit idea coloris multo nitidior; quàm quæ ingeritur per istas definitiones Aristotelicas. Color est *extremitas perspicui in corpore terminato*; vel color est *motus diaphani secundum actum*. In quibus reprehendendis ne tempus teram, vide Lector quantum inter se Authores Aristotelici in illis explicandis discutiant. Tum verò quia utraque hæc definitio supponit colorem esse formam accidentalem inhærentem colorato, si semel ostensum fuerit non ita esse, per se corrui, ideoque inutiliter impugnaretur.

## ASSERTIO UNICA.

*Color non est forma accidentalis inharens colorato ;  
sed potius quidquid reperitur ex parte colorati  
pertinens ad physicum negotium coloris , id to-  
tum est substantia.*

**P**ROBATUR primò. Si quæ ratio probat colorem esse formam accidentalem inhærentem colorato, hæc maxime ; quia, ut in similibus vulgò discurrunt, cum substantia non sit per se immediate operativa, proinde non potest immediate se exhibere coloratam, seu visibilem : atqui hæc ratio nulla est : ergo &c. Probatur minor. Independentem ab omni colore superaddito substantia illa, quam vocamus coloratam, exhiberet se videndam sub aliquo colore per solum concursum luminis : ergo &c. Consequentia pater. Antecedens verò probatur, quia independentem ab omni colore superaddito lumen, quod in substantiam illam incideret, resisteret in oculum, ut evidentissime patet exemplo pilæ resilientis è pariete, non quia coloratus est, sed quia solidus. At substantia illa per solum concursum luminis in ipsam incidentis & resilientis se exhiberet videndam sub aliquo colore ; quia lumen resiliens ex substantia illa in oculum, necessariò efficeret in eo aliquam sensationem ; hæc verò non alia potest esse, quam perceptio alicujus coloris, sicut ab aëre per duorum corporum collisionem attrito & commoto non potest produci sensatio in auditu, quæ non sit perceptio alicujus soni. Ergo &c.

Adde quòd si color inhærens substantiæ esset unica causa luminis reflexi, hinc nulla substantia corporea unquam appareret, nisi sub eo colore naturali, qui supponitur lumen reflectere, nusquam verò sub colore extraneo & falso : quia color naturalis per se ipsum modificando lucem reflexam non posset per eam repræsentare extraneum & falsum. Sed sæpe accidit secundùm doctrinam Aristotelicorum, ut corpora videantur sub coloribus extraneis, quos falsos & apparentes vocant. Ergo reflexio luminis non causatur à colore inhærente ; sed à superficie solida, quæ resistit & resistendo repercutit. Quia verò non potest fieri, ut dictum est, quin lux in oculum reflexa producat in eo perceptionem alicujus coloris, jam satis patet quàm gratis ad exhiben-

III.  
Substantia  
per se ip-  
sam potest  
videri.

IV.  
Aut nun-  
quam vi-  
deretur  
sub colore  
extraneo.

dum substantiam coloratam, seu visibilem, admitatur color accidentalis ei inhærens. Quod si insuper substantia spoliata colore illo suo inhærente non reflecteret lumen, adhuc tamen appareret nigra ad instar eorum corporum, quæ aut parum, aut nihil lucis reflectunt, aut propter superficiæ dispositionem, aut propter ejusdem lucis tenuitatem: ergo saltem appareret sub specie coloris nigri, quamvis nullam haberet nigredinem inhærentem. Tum si semel admittitur non esse necessariam inhæSIONem nigredinis; sed substantiam per se immediate posse se nigram exhibere, æque poterit per se immediate exhibere se videndam sub aliis quibuscunque coloribus. Vide argumenta quæ disput. 4. art. 4. attulimus contra doctrinam Peripateticani de substantia non immediate operativa

V.  
Et gratis  
recurrunt  
ad extre-  
mitatem  
motivam  
diaphani.

Neque dicas non esse possibilem casum, in quo detur substantia corporea spoliata omni colore, cum impossibile sit, ut non habeat superficiem, sive extremitatem motivam diaphani secundum actum: consistit autem color ex Aristotele in tali extremitate: ac præterea discursum superiorem nihil convincere contra Aristotelicos, apud quos lumen non est corpus, proptereaque ex substantiis corporeis, in quas incidit, minime reflectitur ad instar pilæ, ut cogitamus pro efficienda in oculo sensatione coloris; sed visio sit omnino aliter per species ab objectis emissas.

VI.  
Quod of-  
tenditur  
variis ra-  
tionibus.

Non, inquam, hæc dicas. Nam *primò* cum color, ut aiunt, resultet ex petmixture quatuor primarum qualitatum, singulæ substantiæ elementares per se ipsas nullum habent colorem: unde si nihilominus habent extremitatem motivam diaphani secundum actum, consequens est aut colorem non consistere in tali extremitate, aut facile posse inveniri substantias, quæ non habeant hujusmodi extremitatem, quam colorem vocant. Deinde verò *chimæricum* est quidquid pro colorando corpore fugi potest in superficie, aut extremitate illius præter id, quod est eam esse solidam, lævem vel asperam, mollem vel rigidam, planam vel prominentem, &c. *Secundò*. Quamvis lumen non esset corpus, reflexio illius perinde fieret independenter à colore inhærente, quia stando in principiis Aristotelicis, si bene ea capio, lux reflexa non à colore inhærente; parieti v. g. producit; sed à luce in eum incidente. At, ut ostensum fuit, ad efficiendam sensationem coloris sufficit qualiscunque reflexio lucis in oculos incidentis; cujus sola modificatio perficit quidquid speciebus suis objectivis attribuunt, de cætera valde chimæricis, ut alibi agendo de visione ostendetur. Ergo &c.

VII.  
Unicus  
est color  
unius cor-  
poris, &  
singulari  
eius par-  
tium.

Probatur *secundò*. Si color est forma accidentalis inherens sub-  
jecto colorato, illa utique resultat & pullulat ex temperamento,  
quod componitur quatuor primariarum qualitates, calor, frigus,  
humor, siccitas: atqui repugnat formam accidentalem coloris re-  
sultare & pullulare ex tali temperamento: ergo &c. Major conce-  
ditur ab Adversariis, à quibus non aliter explicatur generatio co-  
loris, quamvis in illis terminis *resultandi*, *pullulandi* & similibus,  
quibus passim utuntur, quidquid continetur, sit merè metapho-  
ricum & valde à physicis cogitationibus alienum. Minor verò præ-  
ter rationes plurimas, quibus supra ostensum est art. 4. inutiliter  
recurri ad variam temperiem corporum coloratorum pro explicanda  
varietate colorum & origine, probatur in hujus modum *primò*.  
Quia hinc sequeretur omnes colores ad unam & eandem speciem  
pertinere: quia enim temperamenta, ex quatuor primis qualitati-  
bus non differunt inter se nisi secundum magis & minus, quate-  
nus in eis magis minùsve dominantur istæ vel illæ, ita colores non  
possent differre inter se, nisi secundum magis & minus, intra spe-  
ciem unius ejusdemque coloris propter solam abundantiam & præ-  
dominationem hujus, aut alterius qualitatis. *Secundò*. Quia in omni  
corpore unicus esset color & per rotam illius molem penetrative  
diffusus; siquidem in quolibet corpore non est nisi unum totale  
temperamentum coalescens ex tali copia & prædominio qualitarum  
permixtarum: ergo etiam non esset, nisi unicus & totalis color,  
experientiâ in contrarium testante non deesse corpora præferrim he-  
terogenea, quorum partes singulæ suum singularem colorem sortiuntur,  
ut in corpore humano alius est color sanguinis, alius pituitæ,  
alius hepatis, alius lienis, &c. Ac *tertiò* denique. Quia ex con-  
trarietate temperamenti consurgeret æqualis contrarietas colorum,  
videant autem Adversarii quomodò possit hæc consequentia locum  
habere in calce & nive, in quibus contrarietas coloris nulla, tem-  
peramenti verò maxima à nemine non videtur. Ergo &c.

Adde quòd quoties duo corpora unius coloris ac proinde etiam  
unius temperamenti invicem commiscerentur, mixtum ex utroque  
proveniens ut esset ejusdem temperamenti (duo quippe tempera-  
menta similia non possunt concurrere ad productionem tertii cu-  
juscumque dissimilis) ita etiam esset ejusdem coloris: sed experi-  
mentaliter constat de opposito; plurima siquidem usualia apud Phar-  
macopolas atque Chymicos liquida unius coloris, aut ad unum  
colorem sensibilissime accedentia, si permisceantur, commutantur  
in tertium valde ab similem, ut inter alia patet de duobus illis

VIII.  
Item nun-  
quam ex  
duobus co-  
loribus si-  
milibus  
resultaret  
tertius  
dissimilis.

subalbidis, ex quibus conicitur atramentum, quod *sympathicum* vocant, nigerrimum. Ergo falsum est colorem esse formam accidentalem inhærentem corpori colorato, ex cujus temperamento cooriat. Deinde etiam cum quatuor primariæ qualitates non sint nisi tactiles: id est, ad tactum efficiendum idoneæ, non satis apparet, donec Aristotelici eum explicent, modus quo possint 'gignere' qualitatem ad visum efficiendum idoneam, generis ordinis-que proinde adeò diversi, ut potius assereres tortuositatem posse gigni ex tenebris. Et certe si res altè attenditur, nulla adest ratio, quæ convincat posse potius colorem à calore, quàm calorem à colore progigni. Ad quæ omnia contra accidentalem coloris inhærentiam confirmanda juvant quæcunque alibi aut obiter, aut ex professo adversus formas Aristotelicas accidentales protulimus, nec parum juvabit solutio objectionum sequentium.

IX.  
Arguunt  
ex acciden-  
talitate  
coloris.

Objicies *Primò*. Calor est aliquid physicum: atqui non est aliquid substantiale: ergo superest ut sit aliquid accidentale; quæ de cætero accidentalitas non potest convenientius explicari, quàm asserendo colorem esse formam accidentalem inhærentem ad instar cæterarum, quas Aristotelici admittunt. Major est certa, nam corpora esse colorata realiter & independenter ab intellectu quis neget? Minor verò sic probatur. Quidquid est substantiale, subsistit per se ipsum & independenter ab omni alio, ut constat ex conceptu receptissimo substantiæ. Sed color non subsistit per se ipsum & independenter ab omni alio: dependet quippe, ut est evidens, à suo subiecto, quo sublato aufertur, & restituto restituitur. Ergo &c.

X.  
Ac tum ex  
independen-  
tia colo-  
ris à lu-  
mine.

Deinde extra sententiam, quæ admittit colorem pro forma accidentali inhærente suo subiecto, tantum superest ut dicatur illum consistere in certa aliqua modificatione luminis incidentis & reflexi, aut refracti: at hæc opinio, quæ communis est inter Philosophos Recentiores, valde absurda est. Tum *Primò* quia lux se habet omnino extrinsece ab subiectum: ergo non producit, sed tantum exhibet colorem, qui ante inhærebat subiecto. Tum *Secundò* quia luce abeunte, aut utcumque aliter pereunte per absentiam Solis aut cujusvis alterius corporis luminosi statim & illico periret atque intercideret omnis color: quis autem plene sibi vel alteri suadere unquam poterit colores, quos potius jurarent plurimi coherere suis subiectis, esse ita mutabiles & transitorios, ut singulis noctibus pereant, redituri, sive iterum progignendi per reditum lucis. Tum *Tertiò* quia tantum abest ut lux colores efficiat, ut  
potius



potius vim & splendorem eorum minuat ac paulatim absumat: experientiâ enim constat colores, qui in pannis seu lancis, seu sericis fulgeat & diutius servari & vividiores perseverare, si in obscura officina reclusi maneant, quàm si pateant ad lucem diurnam. Ergo &c.

Resp. & permissâ majori, permissâ, inquam, ( quia color in sensu Aristotelico acceptus non est nisi quid abstractum, abstracta autem non sunt inter res physicas computanda, ) nego minorem, pro cuius probatione solvenda rursus permissâ majori, quæ non est absolute vera in scholis Aristotelicis, in quibus formæ substantiales non habent subsistentiam, sicut nec existentiam independentem à materia, nego minorem, in quâ nulla est vel levissima umbra difficultatis. Quia si color ex parte subjecti acceptus nihil est, nisi subjectum ipsum prout habens superficiem suam sic vel sic dispositam, sic vel sic lævem aut asperam, mollem aut rigidam, &c. color non magis dependet à subjecto, quàm subjectum à se ipso dependeat: si autem color sumitur ex parte luminis, æque evidens est lumen posse sine subjecto colorato subsistere: quanam ergo est coloris dependentia à subjecto? Certe aut nulla, aut valde diversa ab ea, quam Aristotelici fingunt in suis accidentibus. Aliter responderetur colorem esse accidens, sed logicum, id est, per accidens esse quod subjectum sit coloratum, ut cæruleum, viride, &c. sicut accidens est, quod calix sit deauratus, homo vestitus, miles loratus, &c. At quantum differt hoc genus accidendi, ab eo, quod illi in Physicam introducunt!

Ad instantiam verò additam respondeo & concedo colorem formaliter sumptum nihil esse præter certam aliquam modificationem luminis, quod post incidentiam reflectitur aut refringitur; sicut materialiter sumptus non differt ab extrinseca superficiali dispositione subjecti, quod reflectitur aut refringit lumen incidens. Tum verò ut patefiat hanc nostram sententiam nihil absurdum completi ad singula objecta capita seorsim respondeo. Et ad *primum* quidem dico lumen ex concessione Adversariorum debite modificatum efficere fulgentissimos illos colores, quos spectamus in iride, in collis columbarum, in nubibus, in collibris, sive avibus-muscis, &c. Quid ergo impedit quo minùs alios minùs fulgentes aut, ut ita loquar, decolorationes efficiat, quales coherere putantur apertibus, tabellis, pannis, &c. cum de cætero non minùs extrinsecè se habeat ad hæc, quàm ad illa subiecta? Ad *secundum* deinde quod est de colorum interitu redituque, quamvis, ut fautor, nemo laborans præiudicio erroris Peripatetici id suadere sibi

Tam. IK.

¶

XI.  
At illa coloris accidentalitas est tantum logica.

XII.  
Et ostenditur qualiter colores à lumine pendcant.

possit, aut alteri mentem habenti similiter præoccupatam & temere jū-  
raturam in verba Aristotelis, attamen id ipsum non difficilius concipitur, quàm interire & redire sonum propter cessantem & postmodum iteratam percussionem æris campani, explosionem tormenti bellici, &c. Quia enim ad solum auditum spectat judicare de existentia soni & ideo dicis sonum non continuò existere, quia continuò non auditur, cur non idem judicas de colore, quem continuò non vides; cùm æque ad solum visum pertineat de coloris existentia judicare?

XIII.  
Imo qualiter ab eo sepe perficiantur.

Ad tertium denique dico experimentum illud de fulgore colorum imminuto per splendidam lucem ad opinionis nostræ veritatem stabilendam multum conferre; ideo quippe id accidit, quia corpuscula lucis incidentia in superficiem, paululum deterunt & à naturali situ deiciunt particulas illius prominentiores; unde fit ut successu temporis non sint æque idoneæ ad æque vehementem, aut æque congruam reflexionem lucis efficiendam; sicut è contrario potest succedere, ut alia corpora splendidissimæ luci diu exposita colorem obtineant illustriorem, luce scilicet per suam vim & incidentiam commutante eorum superficies in formam magis idoneam pro nobiliori reflexione efficienda. Verùm id ipsum, ut dixi, opinioni nostræ plurimum faveret, quia ostendit quantum ad efficiendos colores conferat reflexio luminis incidentis.

XIV.  
Arguunt ex visione lucis directæ.

Objicies *secundo*. Si color formaliter consistit in modificatione lucis reflexæ, aut refractæ ab objecto, ubicumque non est talis modificatio, ibi non est color: atqui experimentaliter constat de opposito: ergo &c. Sequela majoris est evidens: minor verò probatur. Tum quia quando directe intruemur Solem & ignem, videmus utrumque sub specie alicujus coloris: neque tamen in hoc casu adest reflexio, aut refraction ulla modificata, sed sola directio lucis. Tum etiam quia inter species Eucharisticas advertitur color: & nihilominus nullum adest subjectum, à quo lux incidens possit per reflexionem, aut refractionem modificari. Ergo &c.

XV.  
Ac tum ex sensibilitate sacramenti Eucharistia.

Deinde nulla saltem modificatio lucis perficitur à Sacramento Eucharistico, sive per noctem nullà luce affulgente, sive etiam per diem luce nullum obtinente aditum intra pyxidem, in qua religiose servatur & adoratur. Tunc itaque nullus esset color sacramenti Eucharistici: sed hoc sustineri non potest: ergo &c. Probatur minor *primò*. Quia definitio Sacramenti receptissima hæc est. *Signum visib. invisibilis gratia*; atque ita Eucharistia suam omnem perfectionem Sacramentalem amitteret, quoties ab ea lux deficeret; deficiente enim luce deficeret color, deficiente autem colore deficeret visibilitas,

**Secundò.** Quia Sacramentum Eucharisticum est quid permanens & ideo permanciter adoratur: at non est permanens, nisi ratione specierum, sub quibus adoratur: unde fit ut corruptis aut consumptis speciebus desinat adorari. Ergo species Eucharisticæ sunt permanentes: at proinde color, qui inter eas enumeratur, est permanens, non verò transitorius, ut asserendum esset stando in ea sententia, quæ statuit colorem in lucis modificatione consistere, & pro periculosa haberi potest tum ob rationes jam adductas, tum ob auctoritates Theologorum fere omnium, qui non reputant eam recte conciliari cum fide Catholica de speciebus Eucharisticis. Ergo &c.

**Resp.** & admissa sequela majoris nego minorem, ad cujus priorem probationem dico lucem per se nullius esse coloris, ut omnes fatentur, & ideo sensationem, quam per directionem suæ lucis corpora lucida efficiunt in potentia visiva, non esse sensationem coloris, quamvis ad illam valde accedat; quatenus lux illa non ita dirigitur, ut non aliquam refractionem patiat ab intermedio diaphano, quod pertransit: & ideo Solem videmus modò albicantem, modò subalbidum, modò rubicundum, modò flavum, &c. Tum verò quando asseritur colorem in modificata luce reflexa, aut refracta consistere: assertio intelligitur de colore, quem contuemur, non in corporibus lucidis, si quis revera color inest: sed in corporibus illuminatis. Ad posteriorem verò probationem dico illam lucis modificationem, in qua consistit color Eucharisticus, non fieri quidem à pane, cum nullus addit; sed fieri à Christo supplente ac gerente vices panis, sub cujus manentibus speciebus mirabiliter occultatur. Perinde verò est ad modificationem lucis, quòd fiat à subiecto suo solito naturali, aut quòd fiat à Christo vel à Deo supernaturaliter operante & locum supplente subiecti illius soliti naturalis; hoc enim pacto semper adest subiectum aut naturale, aut supernaturaliter æquivalens.

Ad id verò, quod additur, admissa rursus majori nego minorem, pro cujus priori probatione solvenda dico per *signum visibile* intelligi *signum sensibile*, alioqui nullum esset poenitentiz Sacramentum; ejus enim neque materia, neque forma est visibilis, ut omnes sciunt. Jam itaque sublata visibilitate Sacramenti Eucharistici adhuc superest plurima illius sensibilitas, potest quippe tangi, deferri, gustari, &c. nisi quòd possum adjicere sacramentum illud, quamvis non videatur defectu lucis, suam tamen visibilitatem non amittere, quia Christus paratissimus est ad modificationem lucis efficiendam, ubi primum lux incidet, non aliter quam pro eadem

XVI.  
At lux per se non videtur, nec agitur de colore illius.

XVII.  
Et exponitur quæ sit visibilitas specierum Eucharisticæ

Hij

efficienda paratissimus esset panis, si adesset, & propterea diceretur visibilis etiam absente luce. Ac tum etiam mediis in tenebris semper est aliquid lucis respersum, quo sufficienter juvantur feles, mures cæteraque animalia noctivaga ad eundem & procurrendum huc atque illuc, unde est ut putem à Christo sub speciebus Eucharisticis latitante reflecti semper aliquid lucis modificatæ, quæ si nobis non sufficit ad visionem, hoc se habet per accidens, sicut per accidens est quoddam ubi plurima reflectitur, non videatur ab hominibus aut cæcis, aut procul positus.

XVII.  
Item quæ  
sit tota earum  
sensibilitas.

Deinde ad posterioris probationis solutionem non opus est, ut repetam Sacramentum Eucharisticum, quamvis color deficiat, non omnem nihilominus sensibilitatem suam amittere, ac proinde non amittere permanentiam, de qua aliunde non sinunt dubitare cæteræ species magnitudinis, gravitatis, saporis, &c. Ac denique jam millies dictum fuit quàm parvi sint momenti in rebus mere physicis, inter quas sine dubio locum habet præsens hæc controversia, suffragia Patrum, qui prout Platoni vel Aristoteli adhæserunt, in varias de rebus illis abiere sententias perinde ac nos, qui hac ætate philosophamur; & idem sentiendum à pari de suffragiis Theologorum, qui vel Augustinum Platonicum sequuntur, vel Thomam Aristotelicum in iisdem rebus physicis, de quibus nihil tanquam fide certum potest statui; sed tantum rationabiliter discursi secundum principia, quæ quisque sequitur. Et hæc dicta hætenus de lumine & colore sufficient.





# DISPUTATIO

## DECIMA OCTAVA.

### DE CÆLIS.

**D**EMIRANTUR multi Maignanum in Astronomicis perzquæ ac in cæteris omnibus scientiis Mathematicis versatissimum nihil de Cælis in suam spectandam Physicam induxisse; sed desinent admirari, cum audierint illum has suo cursui Physico metas fixisse, ut nihil proponeret, quod non luculentissimis aut experimentis, aut demonstrationibus comprobaret: quis autem nesciat plurima circa hanc materiam passim occurrere, quorum noticia obtineri non potest, nisi per probabilitates & conjecturas? Et hæc quidem ratio me movisset ad ejusdem silentii moderationem, nisi ad operis Philosophici complementum, & ordinem desideraretur à plerisque iste tractatus, quem proinde concinnabo, ut illis morem geram, sic tamen ut simul caveam ne excurram ultra limites Physicos: sed neque eos coerceam. Itaque propositi mei est atque instituti non quidem nimis, sed satis multa hic tractare, quæ Lectorem juvent ad sufficientem intelligentiam triplicis systematis cælestis Ptolemaici, Copernicani & Tycho-Braheani; quare sic partior præsentem disputationem in sex articulos. In *primo* agam de vulgatis decem Ptolemaicæ sphaeræ circulis, ubi de polis & axe mundi; in *secundo* de cæteris circulis ad sphaeræ ejusdem pleniorē notitiā necessariis; in *tertio* de numero & motu cælorum juxta doctrinam Ptolemaicam; in *quarto* de judicio ferendo circa systema Ptolemaicum; in *quinto* de systemate Copernicano; & in *sexto* de systemate Tychonis Brahe.



# ARTICULUS I.

*DE VULGATIS DECEM PTOLEMAICÆ  
sphaera circulis, ubi de polis & axe mundi.*

I.  
Quid vul-  
gò intelli-  
gatur per  
sphaeram.

**P**ER sphaeram intelligi communiter solet machina orbicu-  
laris constans ex variis circulis ac circulorum interstitiis,  
quibus ob conspectum positus utimur & juvamus ad  
fingendos in cælo circulos similes in hunc modum concipiendos pro hinc habenda, hinc addiscenda doctrina  
Astronomica, ut patebit ex dicendis. Habet etiã hæc machina in medio  
sui moleculam sphaericam, quæ tellurem in centro totius Universi  
repræsentat, totaque voluitur super duo immobilia puncta, quæ  
vocamus *polos*, sicut *axem* vocamus intelligibilem illam lineam,  
quæ ab uno ad alterum polum protenditur.

II.  
Quæ sit  
Aristior  
sphaeræ  
definitio.

De cætero si strictam sphaeræ definitionem perquiris, sphae-  
ra nihil aliud est quàm corpus unâ superficie contentum, in  
cujus medio est punctum, quod centrum dicitur, à quo omnes  
lineæ ad superficiem ductæ sunt æquales: & hoc pacto sphaera  
nihil est, nisi corpus quoddam sphaericum, sive rotundum, conve-  
nitque cum globo, cujus naturam faciliè intelligis ex arcu semicir-  
culi solidi circumducto. At in hoc casu sphaeram à globo distingui-  
mus, quatenus globus sive cælestis, sive terrestris non habet, nisi  
in sua superficie convexa veluti dorso appictas, iste quidem regio-  
nes, provincias, &c. ille verò stellas, sive constellationes cum  
idoneis circulis. Sphaera autem habet istos eodem circulos non mo-  
dò appictos, sed solide fabrefactos suisque inanibus spatiis inter-  
tinctos. Tum denique hanc sphaeram, cujus compositio explicanda  
occurrit, vocavi Ptolemaicam, quia concordat cum suppositioni-  
bus systematis Ptolemaici, quamquam æque juvat, si recte intelli-  
gitur, ad alia systemata concipienda.

III.  
Quot sint  
sphaeræ  
circuli, tū

Itaque sphaera vulgò dividitur in decem circulos, scilicet in sex  
majores, horizontem, meridianum, æquatorem, zodiacum ac co-  
lurum utrumque; & in quatuor minores, id est, duos tropicos &  
polares similiter duos. Tum vero circuli majores, quos & *maximas*


plerique vocant, sunt illi qui sphaeram dividunt in duas partes ex toto æquales, sive qui producuntur sphaerâ per centrum sectâ; *minores* verò, quos multis placet vocare *non maximos*, illi sunt, qui sphaeram dividunt in partes inæquales, sive qui producuntur sphaerâ per medium non sectâ. Quod ut intelligas, concipe omnem sectionem sphaeræ esse circulum; cujus circumferentia est extremitas sphaeræ circumquaque secta. Aut itaque secatur sphaera per centrum & hinc enascitur circulus major, exhibetque sphaeram æqualiter bisectam: aut secatur non per centrum; sed hinc vel inde, & ita prodit circulus minor, qui prodit sphaeram bisectam inæqualiter. Superest jam ut de enumeratis decem circulis seorsim agatur.

maiores,  
tum mi-  
nores.

## DE HORIZONTE.

Horizon, qui latine *finitor* dicitur, est circulus dividens Mundum in duo hemisphaeria, quorum uni superioris, alteri verò nomen inferioris tribuitur. Sed statim monendum occurrit horizon-tem duplicem esse, scilicet rationalem, sive astronomicum & sensibilem seu visum. Ille est circulus maximus dividitque Mundum in duo hemisphaeria æqualia; iste verò utpote non maximus in duo inæqualia. Atque ut intelligas utriusque denominationem, naturam & usum, vide figuram appositam, in qua circulus minor terram, major verò cæli ambitum repræsentat, ita ut terræ centrum sit in A, habitator verò in M. Erit igitur recta BMC ad instar circuli fingenda transiens per oculum habitatoris horizon sensibilis, seu visus, ideo dictus, quia discriminat partem superiorem cæli visam ab inferiori non visâ: est autem superior visâ minor inferiori non visâ, minor, inquam, secundum proportionem semidiametri terrestris MA; & ita quidem se res habet in rigore mathematico absolutissimo. Sed quia tamen proportio illa semidiametri, imo & torius molis terrestris fere nulla est ad cæli ambitum, acciditque ut ex quocunque loco libero perfecta cæli medietas conspiciatur, ideo recta DAE in circulum expandenda accipitur ab Astronomis pro vero horizonte, qui proinde *rationalis* & *Astronomicus* nominatur, & est horizon simpliciter dictus, de quo quidquid de horizonte absque ullo discrimine adducto profertur, solet intelligi;

IV.  
Quis &  
quotu-  
plex sit  
horizon.



V.  
Qualiter  
horizon  
fit & mo-  
bilis & im-  
mobilis.

Præterea horizon concipitur & in sphaera materiali representatur ut immobilis, intra quem excepto meridiano voluuntur cæteri; variatur tamen respectu habitatoris, quoties mutat situm, quia quoties mutat situm, toties obtinet novam lineam perpendicularem suo capiti imminuentem, ac proinde mutat etiam horizontem, qui cum illa constituit angulos rectos, & habet pro suis polis duo extrema illius puncta, quorum illud, quod superextat, arabice vocatur *zenith*, & nos punctum supremum verticale dicimus, alterum verò, quod extat infra, vocatur *nadir* & à nobis punctum verticale imum seu infimum. Itaque supposito habitatore in M, punctum illius supremum verticale, sive *zenith*, est F, punctum verò verticale imum, sive *nadir* est G; recta autem FAG vocatur linea verticalis, quæ semper est recta, ut dixi, ad horizontem ejusdem spectatoris & propterea variatio unius secum infert variationem alterius. Ubi notandum est quòd ad utriusque variationem sensibilem requiritur mutatio localis notabilis, v.g. unius integri aut ad minus unius dimidii milliarii: nam alioquin horizon pro invariato accipitur & similiter vertex, qui capitibus nostris impinget, quamvis huic acceptioni obstat rigor mathematici calculi, quò ad singulos passus utrumque mutari determinatur.

VI.  
Hinc provenit  
differentia  
triplicis  
sphaeræ.

Deinde ex variatione horizontis triplicem ac maximè diversam constituunt sphaeræ positionem: rectam scilicet, parallelam, & obliquam. Illi habent sphaeram rectam, quorum horizon secat æquatorem ad angulos rectos; unde accidit ut sydera omnia oriantur illis & occidant ad angulos rectos. Similiter, ut faciliè intelliges, si concipis ea moveri secundum circulos æquatori parallelos, qui proinde sunt omnes simul cum æquatore recti ad prædictum horizontem. Tum qui hujusmodi horizontem habent, perpetuum etiam habent æquinoctium, & neutrum polum vident superextantem, sed obtinent utrumque veluti in horizonte iacentem immotum, in iis scilicet punctis, in quibus meridianus utrinque dictum horizontem interfecat. Tum illi habent sphaeram parallelam, quorum horizon convenit cum æquatore, unde accidit ut videant sydera non aliter moveri, quàm secundum circulos cum horizonte parallelos, quia, ut jam dixi, motus eorum naturalis est secundum circulos parallelos æquatori. Accidit etiam illis habitantibus, ut habeant alterum polum ipsis verticaliter impendentem, & fruantur die continua per sex menses, habituri deinceps noctem sex similiter continuis mensibus duraturam, prout Sol sex continuos menses impendit inpercurrenda zodiaci medietate hinc Boreali, hinc Australi. Illi denique habent sphaeram obliquam, quorum horizon oblique inter-

secat



secat æquatorem; unde accidit ut habeant sydera oblique surgentia & occidentia, & inæqualitatem dierum ac noctium cò majorum, quò major est aut minor prædictæ interfectionis obliquitas.

Ubi omnino notandum est iis, qui sphæram habent rectam, sydera proflus omnia oriri & occidere, iis verò qui sphæram habent parallelam, alia nunquam otiri, alia nunquam occidere: Planetæ tamen successive illis oriuntur & occidunt propter eum, quem conficiunt decursum zodiaci; & iis qui sphæram habent obliquam alia nunquam oriri, alia nunquam occidere, alia verò & occidere & oriri. Nec prætermittendum omnes Terræ incolas qualemcumque dierum ac noctium vicissitudinem subeant, nihilominus frui luce diurna per sex menses, sicuti per totidem eà frustrantur, factâ scilicet idoneâ compensatione inter dierum & noctium inæqualitatem successivis hyemalibus & æstivis tempestatibus recurrentem.

Denique observandum etiam est Astronomos uti horizonte ad determinandam quantitatem dierum atque noctium: quatenus ut dies accipitur pro mora Solis supra horizontem, ita & nox pro mora ejusdem infra. Lucem autem diurnam & consequitur & præcedit quædam alia lux, seu potius illa eadem lux *alio modo* incutrens in oculos nostros & insigniri solet vocabulo *crepusculi* matutini & vespertini, *alio*, inquam, *modo*, id est, per refractionem, quam patitur ad occursum atmosphæræ tam ante ortum Solis, quàm post occasum: unde etiam contingere potest, ut si atmosphæra fuerit crassior, videatur Sol & ante exortum & post occasum. Tum inceptiorem crepusculi matutini sicut & vespertini defitionem computant ab inferiori horizontis parallelo distante gradibus 18. Quia verò Sol ab illo parallelo non pervenit ad horizontem, nec ab horizonte ad illum semper æquali tempore, sed quandoque citius, quandoque tardius propter obliquitatem suæ ascensionis aut descensionis, hinc fit ut duratio crepusculi utriusque non sit continuò eadem, præsertim verò in diversis regionibus.

Computatur etiam supra horizontem amplitudo omnis ortiva & occidua syderum: & hæc aliud nihil est, quàm declinatio à punctis veri ortus & occasus, id est, à punctis in quibus Sol oritur occiditque ea die, quâ æquatorem percurrit, sive in quibus æquator horizontem intersecat. Neque monere opus est, siquidem oculi id testantur, in sphæra materiali representari horizontem alicujus latitudinis, eo nempe sine, ut in eo commodius appingantur & ventorum flatus & signorum effigies; sed præsertim solitæ divisiones, quibus

VII.  
Et hujus  
triplicis  
sphæræ  
proprieta-  
tes refe-  
runtur.

VIII.  
Quid sit  
quantitas  
dierum &  
noctium.

IX.  
Quid sit  
amplitudo  
ortiva &  
occidua  
syderum.

Astronomi parvi solent quolibet circulum in gradus 360, sicut rursus quolibet gradum in 60 minuta, & quolibet minutum, subintellige primum, in secunda 60, & quolibet secundum in 60 tertia, & sic deinceps in quarta, quinta, sexta, &c. prout istis minutio ibus divisionibus opus habent ad diligentiam & accuratorem sui calculi.

## DE MERIDIANO.

X.  
Quid sit  
Meridianus & qua-  
liter horæ  
compu-  
tentur.

Meridianus est circulus maximus transiens per polos Mundi ac per duo illa puncta, quorum unum perpendiculariter nostris verticibus imminere, alterum verò pedibus nostris subijci intelligitur, & jam dictum est solere designari vocabulis arabicis zenith & nadir. Dividit autem Mundum in duo hemisphæria, orientale scilicet & occidentale: ac proinde cum ortum occasumque æqualiter interiaceat, instans mediz diei, id est, meridiei absolutissimum illud est, quo Sol supra horizontem eum attingit, sicut illud quo eum attingit infra, est verum instans mediz noctis. A quo utroque puncto hinc mediz diei, hinc mediz noctis Astronomorum consuetudo, à qua non discedimus, est ut horas computent; ac eas aliter computant Itali, nempe ab occasu ad occasum, & aliter Babylonii, scilicet ab ortu ad ortum; unde in Gnomonica celebris est divisio illa horarum in Astronomicas, Italicas & Babylonicas, ne quid dicam de inæqualibus, aut planetariis, quæ ad præsens institutum non spectant.

XI.  
Quæ sit &  
qualiter  
fiat muta-  
tio Meri-  
diani.


Jam verò ex prædicta positione circuli meridiani sufficienter intelligis mutato loco meridianum quandoque mutari, aliquando verò non mutari. Mutatur quidem, si progressio fiat ab ortu in occasum, aut è contra; non mutatur verò, si quis ex borea in austrum, aut ex austro in boream rectà progreditur, & inde fit, ut quò cujusque orientalius est positio, eò citius illi contingat meridies, neque sit arduum istam meridiei præcessionem computare ex regula, quæ pro singulis quindecim gradibus differentiz hujuscemodi positionis, unius horæ differentia vulgò assumitur. Vocari autem solet differentia prædicta inter duo quæcunque loca magis minusve orientalia *differentia longitudinis*, quæ & computatur in æquatore, ad eundem modum, quo differentia positionis inter duo quæcunque loca magis minusve australia vocatur *differentia latitudinis* & computatur in meridiano, ut infra explicabimus.

XII.  
Ad quid &  
quæ quantùm

Deinde quia Sol, & idem de syderibus cæteris conceipe, ex quo attingit horizontem ortivum, continuò ascendit donec ad meridianum

perveniat, sicut ex quo attingit meridianum, continuò descendit donec perveniat ad horizontem occiduum, hinc fit ut elevatio Solis meridiana meritò assumatur pro maxima; soleatque accuratissime observari, quatenus ex ea præferim pendens motus siveque motuum astronomici. Tum verò quia ad eam captandam, sive pro instrumentendis ad eam captandam collocandis perneccsaria est linea meridiana in plano descripta perinde & ad alios innumeros in omni re mathematica usus, ideo apud Authores videre est multiplices vias, quibus ad lineæ meridianæ inventionem ac descriptionem turò possit perveniri; & à quibus recensendis abstinco, quamquam non omnino prætermittere possum ingeniosissimam illam, quam excogitavit tradiditque Maignanus noster prop. 12. optices suæ hororiæ; at paucissimis verbis complector fusissime traditam à Authore.

interfitas-  
sequi ve-  
ram lineā  
meridia-  
nam.



**E**sto funiculus AB valide tensus & in plano meridiani utcumque constitutus beneficio acus magneticæ, sitque firmiter ligatus in B, in A verò, onde respiciendus est polus, libere mobilis simul cum pendulo CD, versus ortum & occasum; sitque locus patens & nox serena micantibus stellis, ac præsertim, quæ utriusque uræ constellationem faciunt. Tum prædictus funiculus simul cum suo pendulo

XIII:  
Proponi-  
tur metho-  
dus p. mai-  
gnani ad  
eam inves-  
tigandam.

tandiu in orientalem aut in occidentalem partem moveatur, donec radius opticus oculi in loco selecto quovis E constituti dirigatur per ductum utriusque fili in illud punctum, quod cum duabus extremis stellis caudæ ursæ minoris, quâ parte respiciunt caput ursæ majoris, efficit triangulum æquilaterum; illud enim punctum est verus polus, ut deinde dicam, quamvis vulgò stella polaris pro polo accipitur. Erit itaque hoc pacto funiculus AB simul cum suo pendulo CD constitutus absolutissime in plano circuli meridiani. Quare si ad partem B inferatur alter funiculus pendulus FG, Sole deinceps lucente umbra utriusque concurrrens designabit in quolibet plano occurrente ut HI lineam meridianam KL, quæ ad rectos angulos secta referet quatuor plagas Mundi.

XIV.  
Exp' nitur  
quid sit  
elevation  
poli & æ-  
quatoris.

Denique non prætereo meridianum maximè etiam inservire ad designandam in eo elevationem poli & æquatoris, de qua, cum polus ab æquatore toto quadrante circuli distet, obiter dico elevationem æquatoris esse semper æqualem complemento elevationis poli: complementum autem elevationis poli vocatur numerus ille graduum, qui additus ad gradus reliquos efficiet 90. ut si elevatio poli fuerit graduum 40, elevatio æquatoris erit graduum 50: neque aliter intelligi debet quidquid de complementis aliorum quorumcunque arcuum legitur. Ob eandem causam arcus meridiani inter polum & Zenith interceptus est similis elevationi æquatoris, & è contra arcus meridiani interceptus inter æquatorem & Zenith est æqualis elevationi poli; ex eo enim quòd, ut dixi, polus ab æquatore distet gradibus 90 in meridiano computandis, hinc sequitur arcum meridiani ab horizonte boreali ad polum & arcum ejusdem meridiani ab æquatore ad horizontem australem conficere similiter gradus 90: necesse siquidem est, ut semicirculus integer meridianus extet supra horizontem ex definitione circuli maximi, ac proinde etiam necesse est, ut præmemorata se habeant eo modo, quem dixi,

## DE ÆQUATORE.


XV.  
Exponitur  
definitio  
æquato-  
ris.

Æquator est circulus maximus dividens Mundum in duas partes ex toto æquales, borealem unam, australem alteram: transit autem hic circulus per illa duo puncta horizontalia, quæ æqualiter utrinque distant à communi sectione ejusdem horizontis cum meridiano, ac per illa duo etiam puncta circuli meridiani, quæ utrinque æqualiter distant à polis in eodem meridiano assumptis. Quia verò Sol per prædicta quatuor puncta transit bis in anno, quando nimirum

existit in principiis arietis & libræ, inde fit ut intelligatur describi à Sole in iisdem principiis existente; tuncque accedit æquinoctium, id est, tempus diurnum æquale nocturno propter omnino æqualem moram Solis supra & infra horizontem: & ideo prædictus circulus æquator, sive æquinoctialis vocatur, quasi æquans diem cum nocte.

Præterea cum non nisi bis in anno Sol æquatorem describat, cæteris diebus hinc aut inde describit circulos non quidem in rigore mathematico parallelos, imo potius spirales, sed pro parallelis acceptos pro commodiori utique intelligentia eorum, quæ circa sphaeram materiæ traduntur. Hujusmodi verò circuli hinc & inde habent ultimum, quem *tropicum* vocamus, ultra quem nempe Sol non excurrit, sed à quo recurrit versus æquatorem iterum describitur regrediendo eosdem circulos, quos progrediendo descripserat. Neque notandum non est istos circulos æquatori parallelos citra & ultra descriptos, esse circulos minores, id est, non-maximos, quia non dividunt sphaeram in duas partes æquales, & aliunde ex suo situ in sphaera obliqua id obtinere, ut non sint supra & infra horizontem æqualiter, sed inæqualiter.

Deinde cum portio illa, quæ est infra horizontem, sit arcus nocturnus, sicut illa, quæ supra horizontem extat, est arcus diurnus, hinc necessario accedit inæqualitas illa, quæ perpetua est inter dies ac noctes in sphaera obliqua, excepto utroque æquinoctio veris & autumnii; idque omnino facile deprehendes ex sequente figura, in qua statim advertitur quomodo isti paralleli inæqualiter partiuntur horizontem AB; sed & simul advertitur quomodo illa dierum & noctium inæqualitas compensetur accidatque ut per anni decursum Sol non diutius delitescat infra horizontem, quam extet supra; quia nempe omnes arcus nocturni simul sumpti sunt æquales omnibus diurnis pariter simul sumptis, id est, omnes qui sunt infra AB, omnibus qui supra. Et ratio est, quatenus arcus diurnus G est æqualis arcui nocturno P, & similiter arcus diurnus P arcui nocturno G atque ita de cæteris parallelis, qui sibi similiter correspondent ad



XVI.  
Quales sint  
circuli ad  
æquato-  
rem pa-  
ralleli.

XVII.  
Quid sine  
arcu diur-  
ni & noc-  
turni, &  
qualiter  
inæqua-  
les.

XVIII.  
Quæ sit  
syderis de-  
clinatio.

eandem distantiam, sive declinationem ab æquatore. Quæ omnia ex solo figuræ appictæ intuitu capiuntur.

Deinde declinatio syderum computatur ab æquatore & gradus declinationis numerari solent in meridiano, ab eo scilicet puncto, in quo æquator meridianum intersecat; ita ut declinatio Solis v. g. nihil aliud sit, quàm arcus meridiani interceptus inter æquatorem & parallelum, in quo Sol reperitur ea die, quæ declinationem ejus inquiris. Tum verò quia æquator spheram, ut dixi, dividit in duas partes æquales, borealem & australem; hinc satis concipitur declinationem syderum aliam esse borealem similiter & aliam australem. At quia ad res astronomicas plurimi interest notitia declinationis syderum, ideo plurimæ ad eam investigandam excoꝑgitatæ sunt viz, quarum ut facilius, ita & expeditior illa est, quæ investigatio fit per altitudines meridianas.

XIX.  
Et qualiter  
inquiratur.

Itaque cognita poli elevatione assume beneficio quadrantis, aut cujusvis alterius instrumenti astronomici altitudinem meridianam, id est, maximam syderis, cujus declinatio inquiritur: & siquidem superior est elevatione æquatoris, id est, complemento elevationis poli, subtraha hanc ab illa & gradus residui cum suis minutis indicabunt declinationem borealem, si verò est inferior subtraha illam ab elevatione æquatoris & gradus residui exhibebunt declinationem australem: quòd si altitudo inventa est æqualis elevationi æquatoris, tunc nulla est syderis declinatio. Exempli causa Tolosæ, ubi supponamus elevationem poli esse graduum 43 cum semisse, inquisiturus hac die 22. Junii declinationem Solis, assumo altitudinem illius meridianam, quam adjuvenio esse graduum 70. Quia igitur altitudo poli, ut supponitur, est graduum 43 cum semisse, erit elevatio æquatoris graduum 46 cum semisse, quibus detractis ex 70 supersunt gradus 23 cum semisse. Unde infero declinationem Solis ab æquatore eà die esse graduum 23 cum semisse: & hæc est maxima Solis declinatio, ut infra dicetur.

XX.  
Item qualiter  
ascensiones &  
descensiones syde-  
rum mensurancur.

Denique non prater eo æquatorem ex eo quòd æquidistet à polis mundi, super quos tota cælorum machina volui concipitur, motum habere constanter ac perpetuò uniformem; ita ut sicuti totus intra horas viginti quatuor supra horizontem assurgit, sic etiam horis singulis similes ejus portiones assurgant; istæ verò portiones sunt graduum 15, qui videlicet quater & vigesies repetiti faciunt totam arcum æquatoris constantem, ut moris est circulos dividi, ex gradibus 360. Cùmque cæteri circulorum, sive syderum in aliis circulis existentium uniformitatem illam non habeant, maxime verò in sphaera obli-

qua, hinc solent Astronomi uti æquatore pro vera mensura temporis & similiter pro ascensione ac defeensione syderum dignoscenda. Ad mensuram porro temporis determinandam nihil aliud occurrit, quàm ut sciatur quot interim quindeni gradus æquatoris assurgant supra horizontem, tot enim horæ nec plures, nec pauciores censebuntur insumpzæ in eo, quod actum fuerit. Quod verò spectat ad alicujus syderis, aut puncti eclipticæ ascensionem, hæc apud Astronomos nihil aliud est, quàm arcus æquatoris computatus ab initio arietis secundum ordinem signorum usque ad punctum illud æquatoris, quod simul cum illo sydere, aut eclipticæ puncto surgit supra horizontem: perinde & defeensio est idem arcus computatus usque ad punctum æquatoris sub horizontem descendens cum illo sydere, aut eclipticæ puncto. Adde hujusmodi tum ascensiones, tum defeensiones, rectas, quidem in sphaera recta, obliquas verò in sphaera obliqua nuncupari, & ascensionalem vocari differentiam illam, quæ ascensio recta ab obliqua distinguitur.

## DE ZODIACO.

Zodiacus est circulus maximus secans æquatorem in utroque puncto æquinoctiali  $\Upsilon$  &  $\varpi$ , ac postmodum ab utroque utrinque recedens secundum quantitatem maximæ declinationis Solaris, quæ est graduum 23 cum minutis 30. Non debet autem concipi circulus iste exterorum ad instar indivisibilis; sed ad modum alicujus vitæ, aut fasciæ latitudinem habentis, qualem ei vulgò tribuunt 16 aut 18 graduum ad comprehendenda signa, quæ habet in suo ambitu. Unde à plerisque vocatur *signifer* quali deferens signa, ex quibus cum fere omnia animalium nominibus designentur, inde fit ut græce dicatur *Zodiacus*, quo vocabulo apte designatur circulus gerens dorso suo animalia, nempe appicta. At circulus iste, qui similiter vocari potest *obliquus*, quia oblique æquatorem cingit, habet in medio suæ latitudinis lineam, quæ ecliptica dicitur propter eclipses, quæ sub illa accidunt, aut Lunæ per interjectionem diametralem Terræ, aut Solis per similem interpositionem Lunæ.

Habet zodiacus suo in ambitu 12. signa, quorum cuilibet gradus 30 eclipticæ tribuuntur; hæc verò signa nihil aliud sunt, quàm constellationes, sive quedam separatæ stellarum multitudines, quibus aut ex singulari earum influxu, aut ex fabuloso ipsorum arbitrio imposuere Astronomi nomina hisce characteribus designata. Aries  $\Upsilon$ . Taurus  $\varpi$ . Gemini  $\vartheta$ . Cancer  $\varphi$ . Leo  $\varrho$ . Virgo  $\nu$ . Libra  $\varpi$ . Scorpius  $\mu$ . Sa-

XXI.  
Quid sit  
zodiacus,  
& unde  
dictus.

XXII.  
Quæ &  
qualia sint  
signa zo-  
diaci.

gittarius ♄. Capet ♊. Aquarius ♋. Pisces ♋. Ex quibus signis alia dicuntur borealia, ut ♈ ♉ ♊ ♋ ♌ ♍ ♎ ♏ ♐ ♑ ♒ ♓; alia verò australia, scilicet ♍ ♎ ♏ ♐ ♑ ♒ ♓; illa à sectione verna ad autumnalem, ista ab autumnali ad vernam procedunt. Alia dicuntur ascendencia ut ♊ ♋ ♌ ♍ ♎ ♏ ♐ ♑ ♒ ♓; alia verò descendencia ut ♈ ♉ ♊ ♋ ♌ ♍ ♎ ♏ ♐ ♑ ♒ ♓, quæ nimirum à solstitio hyemali ad æstivum progrediuntur; alia verò descendencia ut ♈ ♉ ♊ ♋ ♌ ♍ ♎ ♏ ♐ ♑ ♒ ♓, scilicet quæ à solstitio æstivo regrediuntur ad hyemale. Omitto autem æteras proprietates, quas maxime Astrologi judicarii illistribuunt, uti quod alia sint calida, alia frigida; alia sicca, alia humida, alia masculina, alia feminina, alia secunda, alia sterilia, alia felicia, alia infelicia, &c ut dicam eorum ordinem esse ab occasu versus ortum conformiter ad motum proprium, quo sydera omnia censeatur paulatim regredi, interim dum abrepta motu superiori primi mobilis ab ortu in occasum voluntur, & addam singula singulis mensibus respondere, & terna singulis anni tempestatibus, quarum vernalis incipit ab ♈, æstiva à ♋, autumnalis à ♌, hyemalis à ♊.

XXIII.  
Quot à die  
mensis Sol  
ingredia-  
tur præ-  
dicta sig-  
na.

Quia verò prædicta signa non sic respondent singula singulis mensibus, ut convenient initia cum initiis, ideo memorabo obiter id ita intelligi, ut certa aliqua die cujusslibet mensis Sol occupet initium signi correspondentis, singulisque deinceps diebus unum aut potius fere unum ejusdem signi gradum percurrat. Quænam autem sit illa dies, quâ Sol ingreditur signum mensi cuius assignabili correspondens, faciliè addiscitur (quamquam non omnino tute & ad rigorem calculi Astronomici, pro quo consulendæ erunt ephe- merides) ex his duodecim dictionibus.

*Iustus, impenditur, heresis, horret,  
Garrula, grex, gratus, sanctus, gratatur, honores;  
Inclyta, laus.*

Quarum prima respondet mensi martio, ut eidem mensi responderet ♈, cumque litera ejus initialis sit ordine alphabetico nona, si 9, ex 30 detraxeris, comperies Solem ingredi in signum ♈ die 21 martii, & eadem regula utens deprehendes Solem occupare initium ♉ die 21 Aprilis, & initium ♊ die 22. Maii, &c. Tum verò ut scias quem jam inventi signi gradum Sol obtineat quavis die proposita, adde ad unitates mensis unitates dictionis ei correspondentis, & numerus proveniens, si non excedit 30, indicabit gradum signi, quod Sol occupat à mense antecedente; si verò ex-

dit



dit, subtrahere ex illo 30, & cognito residuo notus tibi erit gradus ejus signi, in quod Sol nuper ingressus est. Quæ omnia sunt intellectu faciliora, quàm ut exemplis egeant.

Deinde Zodiacus apud Astronomos duplex est, alius quidem visibilis, sive stellatus; alius verò invisibilis, id est, non stellatus, quem imaginarium vocant & rationalem. Ille cum intelligatur affixus firmamento, præter communem velocissimum motum, quo ab ortu in occasum abripitur, alium habet lentissimum, quo singulis 72 annis ab occasu in ortum regreditur uno gradu; iste verò intelligitur affixus primo mobili & ideo nullum habet motum proprium, quo regrediatur ab occasu in ortum. Hinc autem accidit, ut Zodiacus visibilis inferior non conveniat constanter cum superiori, nec proinde signa cum signis: eadem tamen signa, quæ inferior habet, superiori etiam tribuuntur. Quare omnino sciendum est id ita accidisse quadringentis circiter annis ante Christum natum, ut convenirent; sed quia firmamentum singulis 72 annis, ut dixi, conficit gradum unum suo peculiari regressu ab occasu in ortum, comperitur jam Zodiacus stellatus plusquam 28 gradibus recessisse in ortum: atque ita  $\gamma$  zodiaci visibilis est fere jam totus sub  $\gamma$  zodiaci invisibilis, excurreretque deinceps sub  $\Pi$ ,  $\Theta$  &c. donec, si tandiu Mundus duraturus est, evoluat spatium annorum 25920, quo utique evoluta rursus fiet utriusque zodiaci coincidentia, quæ annis ante Christum quadringentis contigisse observata est. Neque omittendum est de invisibili illo zodiaco intelligi quidquid simpliciter ac sine nota dicitur de signis, id intelligi dictum de signis, quæ fingimus in zodiaco invisibili; alioquin non dicerent Astronomi initium  $\gamma$  esse in sectione verna æquinoctiali, aut initium  $\alpha$  in sectione autumnali & sic de aliis: istorum enim signorum realium visibiliumque initia ab illis sectionibus valde absunt & retrocedunt ab illis continuò quamquam lentissime, ut dictum fuit.

Denique sub zodiaco Sol in hunc modum movetur, ut à linea illius media, quam eclipticam vocari diximus, nunquam declinet: at declinant hinc & inde cæteri Planetæ, alii quidem magis, alii verò minus; quæ etiam causa movit Astronomos pro tribuenda zodiaco determinata aliqua latitudine ad metiendas Planetarum evagationes. Ex eo autem quòd Sol per obliquam eclipticæ semitam moveatur, hinc necesse est ut proveniat omnis temporum vicissitudo generationumque varietas; ad quam etiam concurrit syderum

XXIV.

Quare & qualiter distinguatur duplex zodiacus.

XXV.

Referuntur aliæ proprietates zodiaci.

cæterorum excursio, unde subicitur maxima influentiarum diversitas. Ad eundem itaque modum, quo elementa diversimode temperata causant inmixtorum varietatem, ita eandem, siquidem ad eam non minus concurrunt, similiter efficiunt influentia: syderum variabiles per distantiam, conjunctionem, oppositionem, &c. quam illa inter se fortuntur. Non omitto quod cum ecliptica zodiaci ab æquatore utrinque declinet gradibus 23 &  $\frac{1}{2}$ , tot etiam gradibus ac minutis distant poli zodiaci à polis æquatoris, id est, à polis mundi, sicut nec prætermittendum videtur quod, ut declinatio syderum computatur ab æquatore versus polos mundi; ita eorum latitudo computatur ab ecliptica versus polos ejusdem eclipticæ, sive zodiaci. Verùm de his circulis latitudinum infra fusius agendum erit.

## DE COLURIS CIRCULISQUE TROPICIS & polaribus.

XXVI.  
Quot sunt  
coluri, &  
undedicti.

Coluri in sphaera materiali duo representantur, & sunt circuli maximi transeuntes per polos mundi, ubi se ad angulos rectos intersecant, ac per quatuor zodiaci puncta cardinalia  $\Upsilon$ ,  $\odot$ ,  $\varpi$ ,  $\cap$ ; dicuntur autem coluri secundum verisimiliorem etymologiam, quasi truncati, id est, mutili & imperfecti, eo quod nobis in sphaera obliqua degentibus nunquam compareant integri & ex toto, sed partem sub horizonte habeant continuo occultatam. Quamquam & ideo non dicendi erant *coluri*, nisi eadem denominatio applicetur cæteris omnibus circulis maximis, qui transeunt per polos mundi; nam similiter iis accidit, ut aliqua ex parte semper sint occultati, sed absit questio de nomine. Ex prædictis itaque duobus coluris alter æquinoctialis, ille scilicet, qui transit per puncta æquinoctialia  $\Upsilon$  &  $\varpi$ ; alter verò vocatur solstitialis, ille nimirum, qui transit per puncta solstitialia  $\odot$  &  $\cap$ .

XXVII.  
Qualiter  
Sol inter  
tropicos  
movetur.

Tropici etiam sunt duo, unus quidem ad partes boreales à puncto solstitiali æstivo cancri, alter verò ad partes australes à puncto solstitiali hyberno capricorni descriptus, & est uterque parallelus æquatori, parallelus, inquam, sensibiliter; nam loquendo ad apicem juris mathematici omnes circuli à Sole eclipticam percurrente descripti, sunt spirales, nec incongrue explicantur per funem, quem torno convolvimus ad hauriendam aquam è pu-

teo profundiori. Ac præterea si bene observasti, postquam funis ad radios, à quibus utrinque cornus terminatur, pervenit, gyros similiter spirales repetit in partem alteram, per eandem veluti viam revertens eò, unde discesserat. Sic itaque Sol circulos spirales describit eundo ab uno tropico ad alterum, cùmque ad illum pervenit, per eandem revertitur viam ac per similes circulos, vel potius eosdem, quos tursus fortè concipies faciliùs exemplo cochleæ, quam placide adducis reducisque ad libitum. Neque verò monendum occurrit prædicta puncta, à quibus ☿ & ♃ initiantur, solstitialia dici, quia Sol cùm ad illa pervenit, non ultra progreditur: & sic stat, non quidem per cessationem ab omni motu; sed per cessationem à motu ulteriori. Qua de causa etiam circuli isti per puncta solstitialia descripti vocantur *tropici*; veluti conversivi, quia Solis conversionem, sive reversionem efficiunt: *tropos* enim, si latine vertitur, conversionem significat.

Polarès circuli sunt similiter duo, quorum unus ad partes boreales intelligitur describi ab uno polo Zodiaci circumactò, & alter ad partes australes ab altero. Quia verò, ut diximus, poli Zodiaci distant à polis mundi gradibus 23 &  $\frac{1}{2}$  ob similem Zodiaci declinationem ab æquatore, hinc concipis prædictos circulos hanc eandem servare distantiam à polis Mundi; sicut etiam statim observas eos esse æquatori parallelos, quatenus poli à quibus circumactis describuntur, circumagi supponuntur & abripi per motum primi mobilis. Tum verò quia ex istis circulis polaribus, quantum unus supra horizontem attollitur, tantum alter deprimitur; hinc accidit, ut si unus continuò apparet, alter continuò delitescat. Neque est præmittendum quòd ad instar tropicorum & polarium Astronomi innumeros alios parallelos fingunt inter æquatorem & polos mundi: isti vero in sphaera obliqua alii semper extant supra horizontem, alii semper infra, & alii quandoque supra, quandoque infra apparent successive & delitescunt ex parte: observantque ex omnibus eum præsertim, qui maximus est semper apparentium, & distat à polo juxta quantitatem elevationis ejusdem poli, & illum similiter qui ex parte cæli adversa est nunquam apparentium maximus, quorum uterque suo motu concipitur horizontem abradere, ille supra, hic infra. Neque aliud quidvis circa istos circulos scitu dignum occurrit.

XXVIII.  
Exponitur  
quid sint  
circuli po-  
lares, &  
paralleli.

## DE POLIS ET AXE MUNDI.

XXIX.  
Quid sit  
polus, &  
altitudo  
poli.

Poli admittuntur duo & sunt duo quædam puncta cæli immota, quibus supervolui concepitur primum mobile, atque ad eum modum quo globus super duas immotas & adversas culpidas vertitur torno aut aliter. Illa itaque puncta diametraliter opponuntur: & inde accidit, ut sicuti in sphaera recta polus uterque reperitur in communi sectione meridiani & horizontis, sic in obliqua quantum unus conspicitur horizonte superior, tantum alter inferior delitescat, ita ut in maxime obliqua, qualem vocare possumus parallelam, unus conveniat cum zenith & alter cum nadir. Deinde ex his polis unus vocatur *arcticus* ob viciniam utriusque cælestis urstæ, quæ græce dicitur *arctos*; alter verò ex sola oppositione diametrali, quam habet cum arctico, *antarcticus* nominatur. Ubi specialiter observandum occurrit stellam, quæ est in extremitate caudæ urstæ minoris & *polaris* vocatur, accipi solere pro polo arctico, ex eo quòd veluti immota videatur, interim dum eirea illam cætera moventur sydera. Attamen accuratissimis demonstrationibus astronomieis deprehenditur illam paulo magis, quàm duobus gradibus & semisse distare à vero polo, quem proinde constat esse punctum illud intelligibile, quod cum utraque extrema caudæ ejusdem constellationis constituit triangulum æquilaterum; & ne errori relinquantur locus assumi debet punctum illud ex ea parte, quæ caput Urstæ majoris respicitur. Vide superiorem figuram, quæ edocet investigationem lineæ meridianæ.

XXX.  
Qualiter  
altitudo  
poli facile  
acutò in-  
quiratur.

Quoniam verò maximi ac primarii momenti est in rebus cælestibus explorandis notitia elevationis poli, hinc superfluum non videtur breviter tradere methodum accuratiorem unam & alteram. Sic itaque supposito quòd noveris Solis declinationem, assume quavis die proposita altitudinem ejus meridianam, & siquidem declinatio est borealis, detrahe ex tota altitudine gradus præcognitæ declinationis, numerusque residuus indicabit elevationem æquatoris, ejus complementum est elevatio poli. Si verò declinatio est australis, adijunge altitudini Solis meridianæ cognitam declinationem, & summa proveniens erit elevatio æquatoris, cujus complementum rursus est elevatio poli. Aliter per stellas id ipsum obtinebis hoc pacto per noctem serenam hyemalem, quæ superet horas 12. Selige unam ex his stellis lucidioribus, quæ circa polum vol-

venerunt & nunquam occidunt ; tum verò dum illa transit recurritque post horas 12 sub plano meridiani, assume utramque ejus altitudinem ; maximam nempe & minimam ; & utriusque differentiam divide & divisam adde minimę altitudini, numerus hinc proveniens erit elevatio poli. Cujus utriusque accuratioris methodi jam exposite non subijcio exempla, utpote, si sentio recte, non necessaria Lectori vel mediocriter erudito.

Ad axem verò Mundi quod attinet, is nihil aliud est, quàm linea, quæ ab uno polo ad alterum per centrum Mundi ducta concipitur. Quia verò ex dictis alibi Terra est in medio Mundi collocata, idque multis argumentis convincitur, eapropter transit etiam axis ille per centrum terræ : & inde est ut dicatur *axis*, nam aliàs solum nomen *diametri* retineret. Differt itaque axis à diametro in hoc, quòd diameter tantùm intelligatur trajici per inane, nihilque proinde sustineat ; axis autem concipiatur trajici per aliquid solidum illudque sustinere, unde est ut diametralis illa linea, quæ à polo ad polum per molem terrestrem protenditur, vocetur *axis*, vocanda aliàs *diameter*, si hujus Universi spatium, per quod protenditur, esset inane ; ex quo etiam dici potest omnem axem esse diametrum, sed non omnem diametrum esse axem, quia non omnis diameter aliquid solidum trajicit atque sustinet, aut intelligitur sustinere.

XXXI.  
Quid sit  
axis, &  
quale ejus  
discrimen  
à diame-  
tro.



## ARTICULUS II.

DE CÆTERIS CIRCULIS AD  
ejusdem sphaera Ptolemaica pleniorē  
notitiā necessariis.

## UBI DE ZONIS ET CLIMATIBUS.



RÆTER circulos in articulo præcedente enumeratos, multi alii sunt, qui spectant ad cumulationem sphaeræ notitiā, quales sunt circuli verticales, altitudinis, distantiae, positionis, declinationis, latitudinis, & longitudinis, de quibus seorsum aliquid aliquid dicendum.

I.  
Quid sint  
circuli ver-  
ticales.


Circuli itaque verticales sunt circuli maximi transcentes per zenith & nadir, singulaque puncta horizontis, quem ad angulos rectos intersecant. Ordo autem numerusque illorum incipit ab eo, qui transit per puncta ortus & occasus æquinoctialis, quem *verum* vocamus: atque ita si intelligamus horizontem divisum, ut motus est, in gradus 360 nonagesimus verticalis utrinque coincidet cum meridiano, sive erit ipse meridianus; ceterique omnes intermedii transcentes per singula graduum minuta prima, secunda, tertia, &c. servant eundem ordinem. Tunc verò recta illa linea, quæ à zenith ad nadir ducta concipitur transire per centrum Terræ, vocatur linea verticalis, vel axis circulorum verticalium, quos obiter dixerim esse maximæ utilitatis ad determinandam syderum distantiam à quatuor præcipuis cali partibus, borea, austro, ortu & occasu; neque omittendum illos arabicè dici *azimuth*, unde Latini *azimuthales* interdum vocant.

II.  
Quid sint  
circuli al-  
titudinis.

Circuli altitudinis, quos Arabes vocant *almuncantarath*, & Latini adjectivo ad linguæ proprietatem confecto *almuncantarathales*, secant verticales ad angulos rectos, atque per singulorum gradus transcentes decrescunt in hemisphaerio quidem superiori usque ad zenith, in inferiori verò usque ad nadir. Ex eo autem quòd talem posi-

tionem habeant cum verticalibus, à quibus, ut dictum est, horizon perpendiculariter intersectatur, evidens est illos esse omnes cum horizonte parallelos, à quo etiam suum ordinem numerumque initant. Tum etiam perspicuum est circulos istos altitudinis tam supra, quam infra horizontem non excrecere nisi usque ad 90, factâ solitâ divisione per gradus, ita ut nonagesimus sit propinquissimus puncto verticali: id tamen non obstat quo minus innumeri alii concipiantur transcurrentes per prima minuta, secunda, tertia, &c. intermedia graduum servantes eundem parallelismum cum horizonte. Neque monendum videtur illos circulos non esse de genere maximorum, quia sphaeram non secant in partes æquales, eorumque utilitatem omnem in eo esse positam, ut determinent altitudines syderum supra horizontem, unde circuli *altitudinis* dicti sunt.

Circuli distantie dicuntur circuli illi intelligibiles, quibus utimur ad mensurandam syderum inter se gradualem distantiam, & quia sunt circuli maximî, idcirco habent centrum mundi, aut, quod idem est, centrum Terræ pro suo centro, pro quo etiam indifferenter accipitur oculus spectatoris, & transcurrentes per illa duo sydera, quorum mutua ab invicem distantia mensuranda occurrit. Erig igitur distantia unius syderis ab alio



III.  
Quid sint  
circuli distantie.

nihil aliud, quam alicujus similis circuli intellectu apprehensi arcus inter sydas utrumque intercepclus. Hujusmodi verò arcum facile est dimetiri per instrumenta astronomica, quorum in hunc finem apprimè commodus videtur circinus proportionis cum suis pinnulis. Verùm non subitico ad distantiam syderum per hujuscemodi circulos dignoscendam necesse esse ut sydera sint in eodem cælo, quales v. g. sunt stellæ fixæ in eodem firmamento; nam aliàs non posset idem circulus maximus per sydera in diversis cælis constituta transire, ut

satis intelligitur: aut si difficultas aliqua supereſt ſive de ipſis, ſive de aliis præmemoratis circularum generibus, ea facile tollitur vel ad ſimplicem intuitum hujus ſchematis, quod ſubiicio: & in quo recta A B refert horizontem, & recta C D primarium verticalem: tum E F circulum diſtantiz.

IV.  
Quid ſint  
circuli  
poſitionis

Circuli poſitionis, qui vulgò *Domus caeleſtes* vocantur, ſunt circuli maximi, qui tranſire intelliguntur per communes ſecciones meridiani & horizonſis & ſphæram in partes 12. æquales dividere. At non omniuo conveniunt Aſtronomi circa hanc diſiſionem: aliſ enim cum Campano eam ducunt per primarium verticalem, aliſ cum Ptolomæo per zodiacum, aliſ cum Regionomontano per æquinoc-tialem ſeccionem 12. intervallis æqualibus. Neque hinc leve argumen-tum eruitur adverſus judiciarios qui ex iſtis domiciliis, in quibus certa quædam ſyderum dominia ſtabiliunt, eruunt etiam ſua om-nia rerum futurarum auguria: quid enim poteſt eſſe certi atque in-dubitati in auguriis, quæ pendent ex ſyderum dominio in ſpatiis, de quibus non convenitur? Verùm quidquid ſit hac de re, de qua litem non mœvo, hinc tantùm intellige ſphæram ab Aſtronomis in duodecim ſpatia æqualia dividi, idque non inutiliter, ſiquidem per ea multò faciliùs loca ſyderum designantur. Non eſt autem prætermittendum ſpatia illa, ſive domicilia 12 æqualia contineri duo-decim ſemicirculis, id eſt, circulis ſex integris, inter quos meri-dianus & horizon computantur; ſed in primis ſciendum eſt illa computari ab eo primo ſemicirculo, qui eſt infra horizonem ex parte orientis continuatâ ſerie per hemiſphærium inferius, donec in ſuperiori compleatur. Nomina ac privilegia & dominia domorum cæleſtium vide paſſim apud Authores doctrinæ ſphæricæ, & maxime apud Aſtologos.

V.  
Quid ſint  
circuli de-  
clinatio-  
nis,


Circuli declinationis ſunt circuli maximi tranſeuntes per polos Mundi ac per centrum ſyderis, cujus declinatio inveſtigatur: atque ita iſti circuli ſunt veluti totidem meridiani, arcus autem exiſtens inter æquatorem & ſyduſ, per cujus centrum tranſiſt prædictus aliquis maximus circulus, eſt illius ſyderis declinatio. Hinc omnino intelligis declinationem aliam eſſe borealem, aliam australem. Borealis illa eſt, quæ inter æquatorem & polum arcticum; australis eſt contra, quæ inter æquatorem & polum antarcticum numeratur. Notandum verò obiter occurrit eodem modo inveſtigari declina-tionem ſingulorum eclipticæ graduum, minorum, ſecundorum, &c. per iſtos circulos, quorum arcus interceptus inter æquatorem & gradum, minutum, aut ſecundum, &c. cujus declinatio inquit-

ritur,



ritur, est vera declinatio illius : id verò notandum duxi quia in hisce rebus astronomicis non minùs interest scire quantum singula eclipticæ puncta declinent, quàm id intersit de stellis singulis.

Circuli latitudinis dicuntur circuli illi maximi, qui transeunt per polos Zodiaci & centrum syderis, cujus latitudo inquiritur hęc autem latitudo non ab æquatore, sed ab ecliptica numeratur : & ita nihil aliud est, quàm arcus interiectus inter eclipticam & syderis, per cujus centrum transit prædictus aliquis maximus circulus. Ne-



que necesse est ut advertatur latitudinem, sicuti de declinatione dictum est, aliam esse borealem, aliam australem prout ab ecliptica versùs unum polum Zodiaci borealem vel australem alterum computatur : ac multò minùs necesse est, ut fiat monitio discriminis, quod inter utranque reperitur & dicto citius concipitur ex appposito schemate, in quo æquatorem referente rectā A B, eclipticam verò rectā C D, latitudo inquirenda stellæ E, est arcus E C, declinatio verò est arcus E G. Tum verò per longitudinem alicujus syderis intelligitur arcus ille eclipticus, qui est inter primum gradum æquetis juxta ordinem signorum & illum gradum eclipticum, qui intersectatur à circulo latitudinis per centrum illius syderis transeunte : quo pacto arcus circuli ecliptici F C, est longitudo syderis E, & sic de aliis.

Sed singulari animadversione dignum est latitudinem & longitudinem omninò aliud significare apud Geographos : intelligunt siquidem per latitudinem alicujus loci terrestris arcum meridiani interceptum inter æquatorem & punctum illud, quod perpendiculariter ei responder, id est, inter æquatorem & zenith illius loci, unde fit ut latitudo cujuslibet loci sit semper æqualis elevationi poli super horizontem ejusdem loci. Per longitudinem vero intelligunt

VI.  
Quid sint  
circuli  
latitudinis.

VII.  
Longitudo & latitudo variè accipiuntur apud Astronomos, & Geometras.

arcum æquatoris existentem inter primum meridianum & alium meridianum loci propositi progrediendo ab occasu versus ortum. Primum autem meridianum ut constituebant antiqui Geographi correspondentem insulis fortunatis, ita Recentiores constituunt correspondentem insulis Core, aut promontorii viridis, permodò, ut puto, in re alioquin omnino arbitraria, ab experimentò, quo deprehenditur arcum magneticam, cujus usum in rebus geographicis pernecessarium esse nemo dubitat, minùs sub illo meridianò, quàm sub aliis declinare à polo utroque hinc boreali, hinc australi. Tum verò, ut id obiter moneam, expedit omnino, ut propter doctrinæ vinculum, quod Astronomiam Geographiamque interest, iidem fere omnes circuli, quos in cælo fingimus, fingamus etiam super faciem terræ, eo quidem pacto, ut meridianò cælesti meridianus terrestris respondeat, sive subiaceat ad amissum in eodem plano, & æquator æquatoris; ac sic de aliis. Quâ cautione præmissâ faciliè intelligitur quidquid dicunt de zonis ac climatibus, de quibus pauca perstringo.

VIII.  
Quot sit  
zonæ, &  
quæ earû  
proprieta-  
tes.

Zonæ nihil aliud sunt, quàm spatia quædam terrestria & ad infinitar fasciarum circumcingentium Terram comprehensa inter certos quosdam circulos æquatori parallelos. Quinque autem zonæ vulgò admittuntur, una torrida, duæ temperatæ ac duæ frigidæ. Torrida illa est, quæ jacet inter duos tropicos terrestres & falsò ab Antiquis credita fuit ob nimium calorem, unde *torrida* dicta est, inhabitabilis, maxime verò circa viciniam æquatoris in medio constituti; quia ut constat ex itinerariis & tabulis geographicis, non desunt etiam sub æquatore civitatès magnâ hominum frequentia habitatæ. Deinde zonæ temperatæ sunt illæ, quæ hinc & inde jacent inter tropicos & circulos polares suumque nomen sortiuntur ex temperamento, quod hominibus facilem lætamque habitationem permittit; potestque ex illis una vocari borealis, ea nempe, quam incolimus, ob situm quem habet inter tropicum & polarem circulum boreales; sicut altera ex opposito dicenda erit australis, quandoquidem jacet inter tropicum & circulum polarem australes. Denique zonæ frigidæ illæ sunt, quæ à circulo polari hinc & inde ad polum respectivè proximum extenduntur; sic verò denominantur à frigore nimio, quod in circumpolaribus illis regionibus viget, & ut multum intolerabile est præsertim sub polis, faciliè crediderim humanam temperamentum non esse ad eas incolendas idoneum.

IX.  
Quot &

Ad climata verò quod spectat ea nihil sunt nisi zonæ quædam minores terrestres tantùm spatii comprehendentes, quantum requi-

ritur ad incrementum diei maximæ per semihoram ; sic quia sub æquatore dies maxima est horarum 12 (maximam autem voco , non quasi sub æquatore alii dies minores sint , quàm horarum 12, omnes enim sunt æquales ; sed quia nullus major est , quàm horarum 12 ) hinc fit ut illi , quorum dies maxima est horarum 12 m. 30. sint in fine primi climatis , quorum verò dies maxima est horarum 13. illi sint in fine secundi climatis , &c. Et eandem ob causam illi obtinent medium primi climatis , quorum dies maxima est horarum 12. m. 15. & medium secundi occupant illi habitatores , quorum dies maxima est horarum 12. m. 45. & sic de aliis. Unde quia dies horarum 12 potest viginti quatuor semihoris excrefcere , quadrantibus verò horariis 48. ea propter 24 climata distinguntur , pro quibus bifariam secandis admitti & coordinati in hunc finem solent quadraginta & octo circuli paralleli : possent tamen multò plures intelligi ad designandos minores excessus omnes , quibus ad excessum unius semihoræ pervenitur.

Et sic quidem Geographi recentiores ordinant enumerantque climata ; nam antiquis aliter libuit ea disponere ; siquidem cum multas ex parte æquinoctiali regiones & multo plures ex parte polari crederent aut nullatenus , aut non nisi prave & incommode habitatas , ratione tantùm spectatâ facilis atque commode habitatio- nis non nisi septem climata admittebant , quæ & denominabant à digniori civitate aut loco cujuslibet climatis , atque ita denomi- nabant primum per Meroen civitatem Æthiopiz , secundum per Syenem urbem Ægypti , tertium per Alexandriam Ægypti metro- polim , quartum per Rhodum insulam , quintum per Romam caput Mundi , sextum per Boristhenem flumen Sarmatiz , & septimum per Riphzos montes Sarmatiz. De quibus id jam obiter dixisse suffi- ciat , tantùmque addo climata , seu climatum spatia , èo angustio- ra evadere , quò sunt remotiora ab æquatore : quia verò hinc & in- de ab æquatore versùs polos computantur usque ad regiones , in quibus dies maxima est horarum 24. hinc fortè climata dicta sunt quasi declinamenta , sive declinationes & deflexiones ab æqua- tore.

qualia sint  
climata a-  
pud Geo-  
graphos  
recentio-  
res.

X.  
Sed aliter  
ea divide-  
bant Anti-  
qui , &  
qualiter.



# ARTICULUS III.

## DE NUMERO ET MOTU CÆLORUM juxta doctrinam Ptolemaicam.

I.  
Quæ sit  
cælorum  
pluralitas  
& in quo  
sit funda-  
ta.

**P**LURIMA sunt, quæ Astronomi pertractant ad numerum & motum cælorum attinentia: ea verò ut compendiose referam, statim adnoto diversas, quæ de utroque hæcenus existerunt, sententias pendere ex judicio hominum, quorum alii putant sydera per supernum illud vastissimum spatium ac liquidissimum suos motus perficere non aliter, quàm pisces in mari huc atque illuc feruntur; alii verò opinantur spatium illud cæleste occupari orbibus solidis, quibus sydera sint affixa adeum modum, quo tabulis ligneis sui nodi coherent, aut quo geminæ annulis inseruntur. Et hæc est opinio, juxta quam numerus cælorum inquitur; si enim alia locum habet, satis patet, quàm inutile sit admittere plures cælos. Itaque necesse fuit, ut qui orbium cælestium soliditatem supposuerunt, ex multiplici motu syderum, cælorum multiplicitatem inferrent & revera intulerunt; sed quia non statim omnes ac singulorum illorum motus deprehenderunt, quos deinceps longa Astronomorum experientia observavit, hinc factum est, ut diversis temporibus diversæ extiterint de numero cælorum sententiæ. Is verò, ut dixi, inferendus erat ex multiplici motu syderum, videlicet sicut nodi tabulæ lignæ innati non possunt moveri diversis motibus, sed uno ac communi motu simul cum tabula deferuntur, ita unum & communem motum haberent sydera omnia, quæ essent uni cælo affixa. Ergo è contra si ea diversis motibus eieri deprehenditur, omnino necesse est ut sint variis cælis affixa, ad hoc ut cælorum, quibus affixa sint, motum sequantur. Imo neque cæli motum novimus, nisi propter eum, quem deprehendimus motum in sydere, & ideo etiam concepimus non moveri cælum, nisi ad sydus revolvendum, in quo sensu accipitur vetus illud Aristotelicum effatum. *Omnis motus cæli est propter motum astri.*

Itaque cum stellæ errantes, quæ vulgò vocantur planetæ, & aliter inerrantes, quæ simpliciter stellæ, aut cum addito fixæ dici solent, moveantur, idque manifestè deprehendatur ex eadem distantia, quam istæ continuò inter se servant, & ex diversa quam inter illas observamus, quando aut conjunguntur, aut opponuntur, aut quocunque alio modo, sive aspectu elongantur à se invicem plus minusve: hinc visum fuit admittere octo cælos solidos, scilicet septem pro planetis cuilibet suum, octavum verò pro cæteris stellis omnibus, & reputatum fuit pro primo mobili, quod inferiores cælos ac proinde planetas inferioribus cælis affixos scemum intra horas 24. revolveret ab ortu in occasum. Neque opus est rem notissimam omnibus exhibere, nimirum planetas nominibus lunæ, Mercurij, Veneris, Solis, Martis, Jovis, Saturni designatos & his characteribus expressos ☿ ♀ ☿ ♂ ♄ ♅ hunc ipsum inter se rueri ordinem, ita ut locum infimum obtineat Luna, Saturnus supremum; tum verò omnes subjaceant firmamento, quod fixas omnes complectitur unàque voluit. Planetæ autem ut inter se magnitudine & colore quodam ac splendore vario discernuntur, ita discernuntur omnes à fixis in hoc, quòd non scintillant perinde ac istæ, quamquam istæ non scintillant per telescopium inspectæ. Cujus mirabilis phænomeni causam curiosè explanatam vide apud Maignanum in app. 2. §. 2. à num. 47.

Sed deinceps accedente diligentiori observatione motuum cælestium deprehensum fuit stellas non modò errantes, sed insuper fixas præter motum communem, quo feruntur ab ortu in occasum, peculiarem alium obtinere ac proprium, quo lentius aut celerius ab occasu retrocedunt versùs ortum. Atque ut motum hunc intelligas cogita rotam, cui interim dum ab ortu in in occasum voluit, formica superfertur motu proprio, sed contrario ab occasu in ortum, vel navim vento in occasum delatam, in qua quis interim versùs ortum ambulat aut procurrit: & similiter intelliges posse cælos inferiores motu proprio volui versùs ortum, interim dum à primo mobili rapiuntur versùs occasum. Verùm is motus, qui cælis inferioribus tribuitur tanquam proprius, non aliter, ut volunt Ptolémæici, illis convenit, quàm per impulsione ipsi à singulari aliquo cælo communicatam, & hoc pacto novem cælos admittunt, ita ut octavum, id est, cælum stellatum, quod antequotabatur pro primo mobili, motum istum ab occasu versùs ortum habeat sibi proprium, quem plus minusve cælis inferioribus communicet, quamvis simul cum illis à cælo superiori, quod novum

II.  
Quale sit  
discrimen  
inter stel-  
las fixas &  
errantes.

III.  
Omnibus  
stellis com-  
mune est  
regredi ab  
occasu in  
ortum.

est, & jam accipitur pro primo mobili, rapiatur ab ortu in occasum motu diurno.

VI.  
Quæ sit &  
qualiter  
fiat regre-  
ssio præ-  
dicta.

Omitto motum, quo sydera ab occasu in ortum retrocedunt; vocari communiter morum secundum, ad discrimen alterius, quo ab ortu in occasum rapiuntur à primo mobili, & vocatur primus; ad cuius etiam discrimen observandum est, quòd sit super polos Zodiaci secundum obliquitatem ejusdem, ut patet ex diversitate illorum tum ortiva, tum occidua; ac tum etiam ex altitudinibus meridianis. Sed neque censeo repetendum valde inæqualem esse velocitatem, quâ in ortum retroceditur, ac proinde revolutionem integram non absolui, nisi intra valde inæqualia temporum spatia; cum enim Luna intra mensem aut circiter Zodiacum percurrat motu secundo, Sol cum non percurrit nisi intra unum annum, sicut etiam de Venere & Mercurio observatur; Mars verò in eo percurrente insumit 2 annos, Jupiter 12. Saturnus 30. aut circiter; at lentissimus omnium est inotus cæli stellati, cujus revolutio non est nisi intra 25000 annos absolvenda juxta communioris com-  
puti observationes.

V.  
Qualis sit  
motus ti-  
tubatio-  
nis.

Processerunt ulterius observationes Astronomicæ & deprehensum est inesse stellis tum erraticis, tum fixis morum quendam titubationis à borea in austrum & ab austro in boream, ratione cujus accidit ut earum declinatio sive distantia citra atque ultra ab æquatore pauculis minutis varietur: sic, ut de cæteris taceatur, declinatio Solis maxima, quæ nunc est graduum 23 cum minutis 30, olim non eadem fuit; sed paulò minor & major, ut à peritissimis Astronomis observatum & scriptum fuit. Quapropter multis placuit admittere decem cælos, tribuentes scilicet uni ex superioribus motum illum tanquam proprium & in inferiores derivandum.


VI.  
Quis sit  
motus re-  
gressionis  
in antecede-  
ntia.

Ac tandem quia præter prædictum motum titubationis à borea in austrum, & ab austro in boream, alius non absimilis observatus est, quo stellæ progredientes in consequentia, ut aiunt, id est, secundum successionem signorum, ab occasu in ortum regrediuntur quibusdam minutis in antecedentia, seu contra ordinem signorum ab ortu in occasum, juxta id quod de libratione præcessionis æquinocetiorum traditur in Astronomia, hinc à non paucis cæli undecim admittuntur, ad hoc ut talis motus conveniens uni ex cælis superioribus ad inferiores similiter librandos inserviat. Et hoc quidem systema ex undecim cælis compactum, quibus adjicitur celum empyreum, immensa illa civitas Dei & felicissima beatorum spirituum commoratio, celebre

est apud Ptolemaicos & Ptolemaicum vulgo dicitur; non quodd Ptolemaeus undecim cælos admiserit, sed quia secundum Ptolemaicas hypothefes communiter propugnatur. Neque opus est ut oculis subijciam hujusce systematis schema, quod sibi mens per circulos duodecim concentricos dicto citius repræsentat.

At fortè non ita facile esset concipere absque schematis alicujus subsidio excentricos & epicyclos, quibus intra cælorum crassitiem repræsentandis utuntur ad multa cælestia phænomena explicanda, veluti ad explicandum cur planetæ nunc magis, nunc minùs distent à centro Terræ; cur modò majores appareant etiam citra omnem refractionem; cur videantur aliquando dirigi, id est, moveri solito celerius in consequentia, aliquando retrogredi, id est, moveri in antecedentia, & aliquando stare, quasi nec in consequentia, nec in antecedentia moveantur; cur Sol tendens ab æquinoctio verno in autumnale insumat dies 187 & ab autumnali in verum non nisi 178, quâ ratione moratur totos novem dies in signis borealibus plus quàm in austrinis. Propter hæc igitur & similia quædam alia phænomena ad doctrinam theoreticam planetarum attinentia induciti sunt à Ptolemaeo excentrici, atque intra-excentricos epicycli, rejectis homocentricis, quibus super diversos polos & in diversas partes circumactis usi sunt olim ad illa eadem phænomena explicanda Eudoxus, Calipus cæterique.

Quorum jam excentricorum & epicyclorum ut aliqua-  
lis notitia habeatur,  
cogita orbem A B  
C D esse cælum ali-  
cujus planetæ v. g.  
Solis, cujus crassities  
in recta A C ducta  
per centrum terræ E  
sit portio A F; atque  
ita tota crassities cæli  
Solaris continebitur  
intercirculos concen-  
tricos ABCD, & FGHI,  
sive ex uno eodem-  
que centro E, quod  
centrum terræ sup-



VII.  
Qualiter  
sentiant  
circa ex-  
centricos  
& epicy-  
clos.

VIII.  
Proponi-  
tur sche-  
ma excen-  
tricorum  
& epicy-  
clorum.

ponitur, descriptos. Tum verò assumpto puncto K pro puncto excentricitatis describatur ex eo circulus LMNO cum duobus collateralibus hinc & inde relinquentibus spatium sufficiens ac liberum, per quod Sol, cujus centrum in L supponitur, moveatur, aut potius moveatur sphaera illa partialis excentrica, cui Sol veluti affixus, seu implantatus concipitur. Quæ cum ita sint portio E K vocatur quantitas excentricitatis, punctum verò spatii excentrici illud, quod magis distat à centro Terræ, dicitur aux, sive apogæus, è contra illud, quod minus distat, vocatur oppositum angis, sive perigæus, quemadmodum linea, quæ per utrumque ducitur, vocari solet linea apsidum. Jamque, ut puto, intelligis quomodo Sol per spatium prædictum excentricum delatus modo magis, modo minus à nobis distet; modo major, modo minor appareat; ac quomodo plus temporis insumat in percurrenda una zodiaci parte, scilicet boreali, quam in altera, nempe australi.

IX.  
Et specia-  
tim expo-  
nuntur  
epicycli.

Quod attinet verò ad epicyclos, quibus præterea explicatur quomodo planetæ, Sole excepto, compareant nunc directi, nunc retrograd, nunc stationarij, breviter dicam quid sint & qualiter concipiendi. Repetatur figura præcedens, jamque illa non Solis, sed Martis. v. g. cælum præsentet, in cujus spatio excentrico concipe sphaerulam P: cui stella Martis sit affixa, eâ verò lege mobilem, ut interim dum cælum in consequentia voluitur eo motu secundo, quem diximus omnibus planetis esse communem ab occasu in ortum, ipsa in antecedentia sive, quod idem est, in contrarium revolvatur; sic enim quoties epicycli, id est, prædictæ sphaerulæ revolvantis planetam motus conspirabit ( prout evidens est cum aliquando conspirare) cum motu cæli, Planeta videbitur dirigi; & è contra retrogredi, quando in contrarias partes contendet; ac tandem videbitur stare quoties accidit veluti quædam æqualitas inter motum, quo Planeta motu cæli defertur & illum, quo ab epicyclo in contrarias partes revolvitur.

X.  
Unde sy-  
derum mag-  
nitude &  
distantia  
conjectan-  
tur.

Denique si dicendum est aliquid de magnitudine & distantia syderum cohærenter ad hypotheseis Ptolemaicas, præmonendum utique est veteres illos ac celebres Astronomos, qui utramque investigarunt, magnitudinem quidem ex distantia, distantiam verò ex parallaxi conjectisse. Parallaxis autem syderis alicujus nihil aliud est, quam differentia inter locum verum & visum illius in circulo verticali, in quo uterque est, computata: porro locus verus syderis ille est, ad quem in supremo cælo fingendum terminatur recta linea ex centro terræ per centrum syderis trajecta; locus verò visus, sive

apparens



apparens est ille, ad quem in eodem supremo cælo & in eodem circulo verticali concipiendum tendit alia recta linea ex superficie terrestri, ubi oculus spectatoris supponitur, ducta per centrum ejusdem syderis. Hinc intelliges differentiam illam, quæ est inter locum verum & visum syderis, esse eò majorem, quò idus minorem habet distantiam à Terra, & è contra eò minorem, quò magis distat. Igitur si per calculos, quos Astronomi docent, præcognita fuerit quantitas gradualis illus differentiæ, hinc judicabitur quantitas distantia, quæ est inter Terram & idus, cujus distantiam investigas.

Nec tamen putes vacare omni periculo erroris prædictos calculos, præsertim ubi per eos definienda occurrit distantia stellarum fixarum, quæ admodum parvam ac fere nullam parallaxim patiuntur. Verum ut sit, vulgaris Ptolemaicorum opinio est Lunam distare à Terra semidiametris Terræ 49; Mercurium 115; Venerem 618; Solem 1195; Martem 4584; Jovem 10423; Saturnum 15800; ac denique fixas 19000. At semidiameter terrestris, ut alibi diximus, est leucarum communium Gallicarum 1145 cum semisse, quod memoro, ut qui volverit, possit prædictas distantias certo leucarum numero definire. Sed neque omitto id, quod circa Planetarum distantiam jam dictum est, intelligendum esse de distantia medioeri, seu media, ut vocant, qualis ea est, cum nec in apogæo, nec in perigæo versantur; alioquin enim in perigæo minùs, in apogæo verò constituti magis abeunt à Terra, ut notum est.

Postmodum quia corpora, quò magis ab oculo distant, eò apparent minora aut, quod idem est, sub minori diametro conspiciuntur, hinc iidem Astronomi ex præcognita syderum distantia & observata simul eorum apparente diametro, magnitudinem intulerunt, non sic tamen ut illatio gravi periculo erroris non subiaceat, quatenus propter diversam aëris lucidi aut tenebrosi modificationem non modicam admittant varietatem diametri apparentis illorum, etiam quando conspiciuntur valde elevata supra horizontem, nunquam enim vitatur aliqualis refractionis lucis, quam aut dirigunt, aut reflectunt, & hæc quidem refractionis variatur juxta diversitatem aëris magis minusve rari, aut densi, in quo contingit fieri directionem illam lucis, vel reflexionem.

Id nihilominus non obstat quò minùs pro veris aut ad certe ad verum accedentibus passim reputentur calculi celebriores Ptolemaici, quibus definitur quot vicibus stellæ tum errantes, tum

## XI.

Quæ sit occasiope-  
riculosa  
errandi in  
inquiren-  
dis distan-  
tiis.

## XII.

Item quæ  
sit occasio  
errandi in  
disquiren-  
dis magni-  
tudinibus.

## XIII.

Quid cõ-  
muniter  
sentiantur

circa istos  
magnitu-  
dines.

fixæ sint majores aut minores Terra in hunc modum, scilicet Lu-  
nam esse minorem Terrâ vicibus 39, Mercurium vicibus 19000,  
Venerem vicibus 28: tum è contra Solem esse majorem Terra vi-  
cibus 167, Martem vice una & semisse, Jovem vicibus 81, & Sa-  
turnum 79. Deinde juxta eosdem calculos stellæ fixæ, quas esse  
numero 1022 & in sex classes magnitudinis dividi familiare est, om-  
nes sunt majores Terra, & sic quidem, ut quæ sunt primæ magni-  
tudinis Terram excedant vicibus 108, secundæ 90, tertiæ 72, quartæ 54,  
quintæ 36, & sextæ 18. Quo supposito & aliunde cognitâ magnitudine  
terrestri, qualem demonstravi disput. 16. art. 2. non arduum est  
edicere quanta sit absoluta prædictorum syderum magnitudo de-  
signando eam v. g. per leucas, quarum certus aliquis numerus  
totam illorum molem comprehendat, præsertim si, ut supponi so-  
let, admittitur illa figuram obtinere globosam ad instar molis ter-  
restris, cum qua comparantur. Multa alia sunt, quæ attinent ad  
orbes ac motus cælestes, ut ea quæ de variis aspectibus, influxi-  
bus, & eclipsibus traduntur, taceo tamen quia novi illa omnia  
magis ad exercitationem Astronomicam, quàm ad Physicam or-  
dinari.





# ARTICULUS IV.

## QUID SIT DE SYSTEMATE PTOLEMAICO Sentiendum.

**M**ULTA sunt in systemate Ptolemaico reprehendenda, ex quibus ea seligo, quæ cum experimentis physicis non concordant; nam quæ discordant ab Astronomicis non nisi obiter adnotabo. Quamquam aliquin fatendum est hypothefes, quibus superstruitur, ingeniosissimas esse, ac mire commodas pro innumeris phaenomenis caelestibus tum explicandis, tum prædicendis, ita ut in usu sint ad hunc effectum, etiam apud eos Astronomos, qui prædictum systema falsitatis arguunt & convincunt.

*Primo* itaque admissâ calorum soliditate, quam in primis hypothefes Ptolemaicæ stabiliunt, stellæ fixæ nullam possent ad nos lucem transmittere, aut certe non transmitterent nisi lucem multò languidiorē ac multò minùs micantem eâ, quam cernimus. Et ratio evidentissima est, quia Cæli inferiores cujuscunque diaphaneitatis supponantur, crassitiem habent, quæ, si præsertim omnes simul sumimus, multa leucarum millia excedit. At impossibile est ut lux quamvis fulgentissima per tantam crassitiem transmittatur. Neque deest experimentum physicum, quo id convincitur: quid enim novimus cum idonea soliditate magis diaphanum quàm sit lens crystalli quædam tersissima; quippe quæ crassitiem habens unius aut circiter nummi argentei ob oculos posita visum nullatenus impedit, imo juvat. Tum sume aliam lentem, sive laminam, licet aliâ æque tersam, uno aut altero digito crassiorē, eâque ab oculis posita advertes quantum modica illa crassities obstitit luminis transmissioni, simulque intelliges quantum obstitaret crassities unius palmi, quanròque ampliùs unius stadii, leucæ, &c. Ex quo necesse est inferre chimæricam omnino esse soliditatem illam & crassitiem, quam Ptolemaici orbibus caelestibus suis tribuunt, ob impossibi-

I.  
Ostenditur Cælus non posse esse solidos.

litate prædictam, quàm secum trahit luminis transmittendi à stellis fixis, & à Sole similiter ceterisque Planetis, ac proinde etiam chymicum esse systema, quo soliditas illa supponitur.

II.  
Arguitur  
pluralitas  
simultanea  
motuum.

Secundò juxta systema Ptolemaicum Cæli inferiores præter motum, quo feruntur ab ortu in occasum rapti à primo mobili, sive ab undecima sphaera, ut ex sententia quorundam Ptolemaicorum ante dictum est, moventur simul ab occasu in ortum rapti à decima, cui motus ille tanquam proprius assignatus est, ut ita loquar, secundum mobile. Ac hæc suppositio, si verisimilitudinem ullam obtinet, haud dubie exigit ut Cæli quò inferiores sunt, eò tardius moveantur motu illo secundo ab occasu in ortum, (quidquid interim sit de primo, quo ab ortu in occasum rapiuntur) quia scilicet prout magis distant, minùs habent de ea vi, quam decima sphaera iis imprimit. Quis verò nesciat rem omninò aliter evenire? quandoquidem Luna intra unum mensem percurrit motu illo secundo zodiacum, in quo percurrente à Sole annus unus absimitur, & ut de cæteris Planetis taceam, stellæ fixæ, quæ motu illo secundo ob rationem mox dictam rapidissime movendæ essent, non perficiunt cursum zodiaci, nisi intra viginti quinque annorum millia. Igitur inconveniens & inordinatum est quidquid supponunt Ptolemaici de Cælorum pluralitate ad explicationem motus secundi, de quo nunc agitur.

III.  
Ac præfer-  
tim illa  
motuum ti-  
tubationis  
& retro-  
gradatio-  
nis.

At inconvenientius & inordinatius multò est, quidquid de motu tertio titubationis & de quatto retrogradationis aut explicant, aut pro explicando supponunt; quia phænomena cælestia spectantia ad tales motus minime concordant cum eo, quod diximus necesse esse, ut quâ proportionem Cæli inferiores distant ab aliqua superiori sphaera, cui certus aliquis motus tribuitur, eâ, inquam, proportionem lentius aut celerius moveantur illo eodem motu ipsis impresso. Neque obstat id, quod audio à plerisque responderi singulis Cæli inferioribus non deesse Angelos, qui motus impressos moderentur, sicut nec superioribus desunt, qui motus imprimendos dirigant. Non, inquam, id obstat, quia non constat Cælos moveri ab Angelis, scilicet *id Superius labor est, et cura quietos sollicitas*: cum potius absque ullo ad Intelligentias motrices icsugio sentiendum videatur motus omnes cælestes, qualescunque illi accendant, suam ut inceptionem sic progressionem & moderationem omnem obtinere à jussione Divina, juxta Prophetam Regium, *Ordinatione tua perseverat dies, quoniam omnia serviunt tibi*. Vel si Cæli ab Intelligentiis moventur omnes ac singuli, quis non videt quàm superfluum sit multiplicare cælos superiores pro multiplici inferiorum motu explicando, cum perinde Intelligentiæ possint in istis efficere

motum omnem ac moderari.

*Tertiò* Ptolemaici, qui cælos admittunt plures ac solidos, eosdem etiam tuentur incorruptibiles: hæc verò incorruptibilitas non minùs, quàm soliditas illa pugnat cum innumeris experimentis astronomicis, ex quibus hæc pauca seligo. Certum est esse in Sole maculas, quæ ita clare ac distincte adhibito telescopio discernuntur, ut per eas recentiores Astronomi comprobaverint Solem revolui circa proprium centrum intra dies propemodum 27 aut 28: illæ autem maculæ cum non sint constanter ejusdem positionis, magnitudinis, coloris, &c. suspicionem vehementem inducunt & facilem ansam præbent opinandi ipsas aliunde adventicias esse & reputandas pro fuliginibus, sive evaporationibus, quæ lapsu temporis concresecunt & dissolvuntur: quam utique, sive concretionem, sive dissolutionem nec soliditas Ptolemaica calorum, nec incorruptibilitas pateretur. Idem intellige de maculis Lunæ, de quibus cum omni sua varietate ac vicissitudine repræsentatis vide Scheinerum in Rosa Ursina.

Accedunt Cometa, qui interdum ut à peritissimo Braheo observatum est, assurgentes supra Saturnum, saltem inter cæteros planetas modò superiùs, modò inferiùs suum situm & cursum obtinent. Id verò quâ ratione posset contingere, nisi in calis occurreret, aut hinc abducta intra ipsos pertingeret materia aliqua corruptibilis Cometarum generationi idonea, ibique obtineret spatia libera, sive fluida ad huc atque illuc procutendum, donec tandem, ut concreverat, dissolvatur? Ad cujus, aut non abstinilis materiæ copiam revocari etiam debet nova productio stellarum, aut certe quasi stellarum, quæ non multis abhinc annis apparuerunt in constellationibus Cassiopeæ, Cygni & Sagittarii & post certa quædam dierum mensiumque spatia dissipatè evanuerunt.

Sed quid si præterea addam Venerem & Mercurium juxta observationes indubitatas esse interdum superiores & interdum inferiores Sole, ita ut mobiles circa illum sua lucis decrements atque incrementa instar Lunæ obtineant, nunquid indubitatum perinde erit cælos esse fluidos ac permeabiles, ideoque ruptibiles, ut ita loquar, seu corruptibiles? Aliàs quippe si Venus, idem intellige de Mercurio, suum habet cælum solidum infra Lunam, tantum impossibile est, ut supra Solem aliquando assurgat, quàm impossibile sit ut pellicula orbicularis inferior unius cepæ assurgat, quocunque intem motu ac modo cepa agatur, supra superiorem aliam pelliculam, quâ ambitur. Quo exemplo utor, quia revera non potest convenientiùs, aut familiariùs explicari universa illa Ptolemaici.

IV.  
Tum non  
minùs re-  
pugnat in-  
corrupti-  
bilitas cæ-  
lorum.

V.  
Et proficitur  
ratio  
evidens  
perita ex  
Cometis.

VI.  
Item alia  
ex varia  
altitudine  
Veneris,  
& Mercurii.

ca cælorum sese ambientium compages, quàm si cum prædictis cepæ pelliculis, sive involucris sese circumdantibus, conferatur.

VII.  
Opponi-  
tur autho-  
ritas Aristoteli;  
sed immerito & insufficienti-  
ter.

Nunc verò addeò levia sunt argumenta illa, quibus Ptolemaici soliditatem & incorruptibilitatem cælorum suadent, ut superfluum videatur ea referre. Potissimum quippe illud est, quod ducunt ex autoritate Aristotelis opinantis Cælos esse certæ cujusdam quintæ essentiz, sive naturæ distinctæ à quatuor elementis, quorum corruptioni, aut corruptibilitati illa non subiacet. At quæ ratio est, ut hæc autoritas prævaleat iudicio Platonis, qui affirmavit Cælos esse naturæ elementaris, & deinceps obtinuit sententiæ suæ sequaces D. Augustinum, D. Basilium & alios sanctæ Ecclesiæ Patres, ut ipse D. Thomas, licet Aristotelicus, fateatur expressissime in 2. dist. 14. quæst. 1. Art. 2. his verbis. *Basilium enim & Augustinum & plures alios in Philosophicis quæ ad fidem non spectant, sequuntur opinionem Platonis & ideo ponunt calum de natura quatuor elementorum.*

VIII.  
Fit alia  
difficultas  
ex Sacra  
Scriptura,  
& solvi-  
tur.

At esto utantur, ut voluerint, autoritate Aristotelicâ, nisi præterea abuterentur suffragio Sacræ Scripturæ objicientes hæc verba libri Job cap. 38. *Tu forsitan cum eo fabricatus es cælos, quæ solidissimi quasi arcus sunt.* Hæc siquidem verba neque sunt Dei, neque Job loquentis, sed cujusdam Eliu, quem cum cæteris colloquutoribus Deus capite subsequente sic increpat, *Qui sunt isti, quæ loquuntur sermonibus adeò imperitiis?* Advertendum siquidem est, cujus sint verba, quæ ex Sacris Paginis referuntur, alioquin & in illis legitur *Non est Deus*, sed quis id dixerit ne scias, audi Psalmistam. *Dixit insipiens in corde suo, non est Deus.*

IX.  
Solvitur  
alia peti-  
tio ex rap-  
tu D. Pauli  
ad tertium  
cælum.

Nec denique potioris momenti est id, quod adducunt de D. Paulo raptò usque ad tertium cælum, objicientes vanum fore admittere plures cælos, ex suppositione quòd essent fluidi: ut enim unicum est mare, quod suo in sinu omnia piscium genera comprehendit, ita unicum cælum omnia perinde sydera contineret. At unicum non est, quandoquidem tertii cujusdam cæli mentio fit in Scriptura. Non, inquam, id potioris momenti est, quia à plerisque Interpretibus non literaliter, sed mystice intelligendum asseritur, inter quos legi potest D. Aug. qui libro 12. de genesi ad litteram per illos tres cælos putat designari triplex genus visionis, corporalis, imaginariæ & intellectualis. Deinde verò ad arcana Dei audienda & videnda qualia vidit & audivit D. Paulus, quid opus erat rapti usque ad cælum Veneris; nam illud utique secundum Ptolemaicos tertium est, quod addidi, ut putes. quantò verisimilius sit verba illa de raptu Apostoli ad tertium cælum non esse

accipienda pro dogmate, quo calorum numerus statuatur; sed pro mysterio, quo magnitudo Divinarum revelationum edicitur.



# ARTICULUS V.

## DE SYSTEMATE COPERNICANO.




**P**RINCIPIDè monendum occurrit systema, quod hic proponitur, perane quum esse; siquidem illud amplectebantur veteres omnes Pythagorici atque Platonici concordantes circa motum Terræ, nisi quodd alii Terram mo veri motu tantum, diurno circa proprium centrum, alii verò præterea asseriebant transferri annuo circa centrum Solis; unde intelligitur priores adscribentes Terræ Solum motum diurnum reliquisse Soli annum; posteriores verò putantes Terram utroque motu cieri annuo & diurno, omnem motum Soli ademisisse ac proinde supposuisse immotum in centro Universi. Contigit autem lapsu temporis ut hoc systema eò minus familiare & accommodatum capui vulgi, quò fere apud omnes altè insitum est præjudiciũ Terræ stantis, in oblivionem & contemptum deiceretur; & jacuerit donec Nicolaus Copernicus qui, ad res Astronomicas quod attinet, supereminebat universo populo ab humeris & sursum, illud extulit, & in adeò optimam formam co reinnavit, ut Copernicannum vocitari mereatur. Imo ob eam vicissitudinem, quam hominum judicia patiuntur, factum est ut paucos in Republica eruditiori reperias, qui non illud suis studiis & laudibus prosequantur; ac fortè, nisi obsticisset notissimum illud sacræ Congregationis oraculum, quo terram immotam stare decernitur, omnes post Copernicum abissent. Verum ut sit, quæ ad prædictum systema attinent & ad nostrum de eo iudicium, jam paulo explicatius proponantur.

Itaque Copernicus Solem in centro Universi constituit, unde ad instar facis accensæ æqualiter circumfulgeat, ceterosque Planetas, inter quos Terram computat, illustret secundum eam faciem, quâ in ipsum convertuntur, interim dum explent suos circueius: proinde

I.  
Quale sit  
hoc syste-  
ma & unde  
dictum sit  
Coperni-  
canum.

II.  
Exponitur  
stabilitas  
Solis &  
Stellarum.

verò Sol in medio Mundi est omnino stabilis atque immotus; nisi tamen juxta Astronomicas observationes macularum, quibus cum certa aliqua varietate & vicissitudine obiectus deprehenditur, conjici debeat cum circa proprium centrum revolui suamque revolutionem perficere intra dies 27 aut 28. Deinde quod attinet ad spheram fixarum eam similiter immotam supponit ad instar fornicis firmissime compacti suisque stellis veluti totidem insertis coruscantibus gemmis pretiosissime adornati.



III.  
Qualis sit  
circa So-  
lē motus  
Planeta-  
rū & Ter-  
re, quæ  
supponi-  
tur pro  
Planeta.

In eo autem vastissimo spatio ac fere immenso, quod à Sole ad fixas protenditur, Planetas collocatos & volubiles supposuit in hunc modum. Mercurius quidem proximè circa Solem movetur; suumque circulum absoluit spatio trium circiter mensium: tum Venus intra septem menses cum dimidio: deinceps Terra circuitum suum perficit intra menses 12 & hic circuitus vulgò à Copernicanis  
vocatur



vocatur *Orbis magnus*; Luna vero veluti quædam Terræ appendix circum ipsam præterea voluitur suosque gyros instaurat, quolibet mense: post sequitur Mars & circumducitur intra biennium: Jupiter verò intra annos duodecim, ac denique Saturnus annos triginta absumit in suo circuitu peragendo. Insuper quia ope telescopiiprehenduntur stellulæ quædam vagæ, sive planetæ quidam minüs principales ferri circa Jovem ( unde *satellites jovis* dicuntur ) suosque circulos explere, proximiores quidem paucioribus diebus, remotiores autem pluribus, hinc annoto necesse esse, ut pro iis circa Jovem volvendis fiat & supponatur conveniens distributio spatii, quod est inter Martem & Saturnum, perinde ac amplius supponendum est interstitium, quo Mercurius à Marte seiungitur, scilicet ad præbendum locum motui Lunæ volubilis circa Terram, interim dum utraque conspirat in eundem diurnum annumque circuitum Orbis magni. Quæ omnia dicto citius concipiuntur ex subiecto schemate, cujus, ut id moncam obiter, circuli non plures cælos, sed plures unius cæli, sive unius spatii cælestis fluidi intelligibiles orbitas repræsentant.

Verùm adhuc ad pleniorẽ præmissi systematis intelligentiam non erit è re si explicatiùs aliquid dixerim de motu triplici, quem Copernicus telluri necessariò adscripsit pro salvandis omnibus ac singulis rerum cælestium phænomenis, scilicet de diurno, annuo & parallclisico, qui non tam est motus ab utroque distinctus, quàm utriusque modificatio, ratione cujus efficitur ut Terra suo in motu nunquam amittat, sed constanter seruet inuariatum axis sui parallclisimum. Atque ut incipiam à diurno, talis est, ut concipienda sit Terra moveri ab occasu in ortum circa proprium axem; hoc enim pacto Sol nobis videtur ex adverso moveri ab ortu in occasum ad eundem modum, quo solventibus à portu & non valentibus advertere motum navis, quâ deferantur, videtur portus ipsè abire retrorsum & à navi discedere. Tum verò non difficilè capitur alterum Terræ hemisphærium obtenebrari successive & illustrari prout Terra suo motu illud conspectui Solis aut offert aut obvertit, non aliter quàm si ad conspectum lucernæ stantis globus aliquis circa suum axem reuoluitur, obtenebratur successive & illustratur totus juxta modum ac vicissitudinem suæ revolutionis.

Quod verò spectat ad motum annum, finge Terram interim dum circa suum axem intra horas 24 voluitur, paulatim progredi, seu transferri per orbitam, quæ correspondeat zodiaco, totidemque

TOMUS IV.

N

IV.  
Exponitur  
motus ter-  
ræ diur-  
nus.

V.  
Exponitur  
eiusdem  
terræ mo-  
tus annuus

revolutiones, quot sunt in anno dies, peragere pro ea orbita percurrente; & absque mora intelliges quomodo Sol nobis videatur zodiacum percurrere annis singulis, & progredi ab  $\gamma$  in  $\delta$  & à  $\delta$  in  $\Pi$ , &c. quando scilicet Terra progreditur à  $\omega$  in  $\eta$  & à  $\eta$  in  $\gamma$  &c. conficiendo apparenter tot revolutiones ad percurssionem zodiaci, quot Terra ad eam peragendam revera efficit. Neque tamen parum juvabit ad hæc animo fingenda exemplū trochi, sive turbinis puerilis lusorij, qui flagro adactus non ante circulū maiorem absoluit, quā plures minores circa suum axem indefinenter progrediendo effecerit.

VI.  
Qualiter  
intelligi  
debeat  
motus pa-  
rallelismi.

Denique & hoc ipsum exemplum accommodatissimum est ad comprehensionem motus illius tertij, quo Terra constanter servat parallelismum sui axis, si enim bene advertis trochum, quem dicebam, lusorium, is axem suum, circa quem voluitur, nunquid continuo habet perpendicularem ad horizontem? At hoc est habere axem in constante parallelismo, quoniam hoc pacto idem axis prout promovetur, æquivalet pluribus axibus intelligibilibus, quos evidens est esse sibi ad invicem parallelos. Itaque hoc eodem modo Terra veluti turbinatim adacta & promota secundum successiōnem zodiaci axem suum, circa quem voluitur, retinet in tali situ, ut si plures axes intelligibiles, quibus ille unus localiter promotus æquivalet, mutuo conferrentur, essent citra omne dubium paralleli. Juvat etiam non parum ad hujus parallelismi intelligentiam exemplum aliud afferri solitum sphaeræ inscriptæ, sive appictæ vexillo volubili navis, quæ flante uno eodemque vento castrum circuit, is quippe ventus vexillum in easdem partes dirigit ac proinde etiam axem sphaeræ, quæ vexillo appicta est: quare non potest fieri, quin axis ille maneat in perpetuo sui secum parallelismo. Idem igitur intellige de axe Telluris circa Solem dictum annuatimque volubilis.

VII.  
Quæ sit  
variatio  
prædicti  
parallelis-  
mi.

Quamquam præterea de isto parallelismo sciendum est illum aliquantulum variari lapsu temporis secundum suppositionem Copernicænam ac necessariam pro explicando motu illo lentissimo, quo stellæ fixæ regrediuntur, aut certe deprehenduntur quasi regredientes ab occasu in ortum. Quia enim secundum Copernicanos sunt omnino immotæ, consequens est ut motum istum, quem Ptolemaici obijciunt, contendant illi non esse nisi apparentem ejusque apparentiam explicent per certam aliquam motus terrestris modificationem, quā convenientior nulla est, quàm quæ ad aliquantulam prædicti parallelismi variationem reducitur, sic quippe terrâ promotâ antrosum stellæ videntur retrorsum flecti. Neque in primis nesciendum

est axem, circa quem Terra voluitur procedendo secundum successione & obliquitatem eclipticæ, declinare ab axe ejusdem eclipticæ gradibus 23 & minutis 30, quanta nimirum juxta vulgarem hypothese[m] Ptolemaicam est declinatio maxima Solis ab æquatore. Ideo verò declinatio ista supponitur, quia alioquin nulla esset dierum noctiumque & tempestatum vicissitudo qualis contingit; cā vero suppositā necesse est ut perinde contingat: sicut etiam perinde contingunt phænomena, quæ spectant ad eclipses, stationes, directiones, retrogradationes syderum, & cætera omnia, de quibus nec propositi, nec instituti mei est ut specialiter edisseram, legendis quippe apud Scriptores Copernicanos.

Nunc tandem, ut ingenue eloquar quod sentio de systemate Coperuici, non est in primis dissimulandum hypothesen, quibus superstruitur esse paucas ac simplices, per quas & vitatur magnus ille numerus cælorum, excentricorum atque epicyclorum, quos Ptolemaici induxerunt ad phænomena explicanda, & alijs repudiat simul intricatissima illa motuum multiplicitas & communicatio, de qua superius dictum est, quàm impossibilis videatur. Neque plane diffiteor argumenta, quibus Copernicani suas hypothesen communiunt, gradum illum verisimilitudinis obtinere, qui citra laborem profundioris studii possit convincere. Nam quid pro admitte[n]do motu Telluris circa Solem videtur verisimilius posse adduci, quàm quòd Terra, cū ipsa sit quæ eget influxu Solis, debeat se in eum circumquaque convertere, non verò Sol circa illam; quam aliunde tum magnitudine, tum præstantia superat; & idem intellige pro stellis fixis, quas tanrò convenientius est esse immotas, quantò est urgentius, ut numerosissimæ & molis incredibiliter majoris cū sint, subleventur per simplicem circa ipsas facilemque Telluris revolutionem motu illo rapidissimo, quo necesse foret eas cieri, idque contra genium Naturæ, quæ in suis operibus vias compendiosissimas æmulatur. Ut taceam cætera multa, quæ ad ejusdem probabilitatis vim accedentia potuerunt nobiliora hujus sæculi ingenia pertrahere atque, ut ita loquar, devovere Copernico.

Nihilominus si quæ ex istis motivis aut consimilibus gigni potuit convictio, potuit utique, ut insinuavi, non aliter quàm citra laborem profundioris studii. Quia si paulo profundius singula inspiciantur, occurrunt menti argumenta tum Physica, tum Astronomica quæ prævalent & hujus systematis impossibilitatem, aut certe falsitatem commonstrant. Et ut non repetam physica, quæ retuli

VIII.  
Proponuntur verisimilitudines prædicti systematis.

IX.  
At deficiunt, si propius attendatur.

disput. 16 art. 3, ubi agebam de quiete Terræ in suo loco, tantum hic referam ex astronomicis quædam selectiora, quæ sufficiant.

X.  
Arguitur  
quod ex-  
dem stellæ  
non ma-  
nerent  
vertical-  
les.

Obijcienda itaque primum Copernico occurrit absurditas illa varietatis ex motu Terreſtri annuo conſequentis circa ſtellas verticales, talis, inquam, varietatis, quæ efficeret ut ſtella, quæ mihi eſt verticalis Terrâ exiſtente in  $\odot$ , non eſſet ultra verticalis Terrâ jam exiſtente in  $\gamma$ ; quandoquidem, ut eſt evidens, ſupponendo translationem illam Terreſtrem, puncta quæ mihi in utroque illo loco ſucceſſive exiſtenti verticaliter inſiſtunt, tantum abſunt ab invicem, quanta eſt intra Orbem magnum longitudo diametri, quæ à  $\odot$  ad  $\gamma$  protenditur: & nihilominus experimur ſtellas, quæ verticaliter cuivis loco terreſtri verticaliter inſiſtunt, verticales perinde eſſe quocunque anni tempore. Ergo Terra non movetur motu illo præſertim annuo, quæ Copernicus ſupponit.

XI.  
Et falſò  
refugiunt  
ad immen-  
ſitatem  
distantiæ.

Neque omnino audiendum eſt id, quod Copernicani paſſim reſpondent, diſtantiæ quæ ſtellæ fixæ à Terra abſunt, eſſe excogitabilem adeo magnam, ut ſi ex ſingulis punctis Orbis magni lineæ verticales conſurgerent, illæ utique efficerent veluti columnam, cujus latitudo reſponderet diametro Orbis magni; & nihilominus ſi ad fixas uſque conſurgeret, ibi videretur deſinere in acumen, ſcilicet ob altitudinem pene immenſam. Et hæc eſt, inquiunt, ratio quæ aſſumpto quovis loco, ſeu habitatore terreſtri efficit ut eadem ſtella inſiſtat, aut certè inſiſtere videatur perinde verticalis, quocunque interim Terra per Orbem magnum transferatur.

XII.  
Neque e-  
nim im-  
menſa  
eſt hæc  
diſtantiæ:  
& alijs  
non ſuffi-  
ceret.

Non, inquam, id omnino audiendum eſt, ac niſi pro puerili effugio reputandum. Tum quia inſdem computis aſtronomicis, quibus diſtantiæ planetarum inveſtigatur, ſatis deprehenditur diſtantiæ fixarum non eſſe pene immenſam, ut ſupponunt. Tum etiam quia quamvis pene immenſa ſupponeretur, adhuc illa immenſitas non ſolveret objectionem, quatenus Orbis magni, per quem Terra transferatur, diameter ſupponitur ſimul longitudinis, talis, ut mirum ſit poſuiſſe affirmari à Viris Mathematicis unius ejuſdemque ſtellæ inſiſtentiam verticalem vel tantum ſenſibilem ſupra aſſumptum quemcunque locum Terræ per Orbem magnum tranſlatæ: nam huius orbis magni diameter ſecundum communiorẽ ſuppoſitionem Copernicanam eſt ad minus ſemidiametrorum terreſtrium 2432. Tum denique quia civitates, quæ vel tantum 30 leucis abſunt à ſe invicem ſub eodem meridianò, non habent, ut experimur, eaſdem ſtellas verticales, quare ſi hæc modica diſtantiæ ſufficit ad varietatem inſiſtentię verticalis ſtellatum, quanto magis ſufficiet prædicta area Orbis magni?

Opponitur similiter Copernicanis non fore continuò eandem poli elevationem respectu unius ejusdemque loci, sive habitatoris terrestris, si verum esset Terram motu suo annuo peragere circuitum Orbis magni; quandoquidem, ut evidens est, Terrâ constitutâ in  $\odot$ , linea visnalis, per quam habitator mensuraret poli elevationem, non coincideret cum illa, per quam mensuraret ejusdem poli elevationem Terrâ constitutâ in  $\text{po}$ : atque ita linea illa visnalis non efficeret eundem angulum cum horizonte. Ergo non maneret eadem elevatio poli, cum tamen contrarium experiamur, scilicet elevationem poli esse invariabiliter eandem respectu cujusque loci terrestris, sive habitatoris.

Et quamvis similiter respondeant necesse esse, ut si altitudo cæli stellati pene immensa supponitur, elevatio illa poli maneat constanter eadem saltem ad sensum, quatenus lineæ visuales ex quocunque loco terrestri assignabili ad polum directæ, interim dum Terra transfertur, columnam, ut ita dixerim, visivalem efficiunt, quæ desinendo sensibilibiter in acumen tenuissimum, repræsentabit necessariò polum ejusdem sensibilis elevationis. Quamvis, inquam, id respondeant, adhuc tamen objectio insoluta manet, si attenditur ad ea, quæ mox diximus contra vanitatem suppositionis, quâ fingitur stellæ fixæ à Terra penè in immensum recedere. Aut enim, ut id obiter addam, perinde supponi potest Saturnum in immensum distare à Terra, & sic de aliis Planetis, quod nullus dixerit; aut de stellis fixis quoad distantiam perinde ac de illis judicandum est secundum easdem astronomicas supputationes, quæ, ut non permittunt supponere distantiam Planetarum immensam, ita nec patiuntur suppositionem Copernicanam spatii immensi, seu penè innichi inter stellæ fixas & Terram.

Ac præterea quæro à Copernicanis quid fieret, si Saturnus elevatus supra certum horizontem gradibus 30, maneret ibi immotus, Terrâ interim translata per orbem magnum, an supra eundem horizontem elevatio Saturni appareret continuo eadem, an diversa? Nam quidquid dixerint capiuntur. Si *primum*: ergo necesse est ut statuam distantiam Saturni esse quoque penè immensam, neque tamen id supponunt. Si *secundum*: ergo cum distantia Saturni quamquam maxima non impediat quin ipsius elevatio observata varietur, hinc satis intelligere possunt variandam fore similiter elevationem poli, nec obscuram huic varietati majorem illam distantiam, quâ putant stellæ fixas removeri à Terra. Quamquam insuper non variatur sensibiliter elevatio poli supra datum aliquem locum ter-

XIII.  
Item arguitur ex eo quod altitudo poli variaretur.

XIV.  
Nec impediretur hæc varietas per supradictam immensitatem distantie.

XV.  
Et affertur paritas posita ex elevatione Saturni.

restrem; sed neque variatur unquam geometricæ, sive in rigore mathematico. At saltem in rigore mathematico variaretur juxta hypothese[m] motus annui terrestris, & hæc varietas per instrumenta mathematica deprehenderetur: cumque nulla deprehendatur, hinc inferitur evidentissime Terram motu illo annuo non moveri.

XVI.] Tandem conspici non posset integra Cæli medietas.

Neque desunt, qui contendant non posse cum systemate Copernicano stare phaenomenon illud, quo medietas cæli deprehenditur ex omni loco terrestri, in quo spectator se constituat, nisi forte obsit vicinia alicujus montis, aut turris, &c. visui occurrentis: quod quidem in hypothese[m] Terræ stantis & constitutæ in centro Universi ita necessariò accidit, quamvis id pugnare videatur cum differentia, quam Astronomi ponunt inter horizontem rationalem & sensibilem; quia nimirum differentia illa, sive distantia, inter utrumque & mensurata semidiametro terrestri, est momenti valde exigui, quandoquidem & tota moles terrestris ad instar unius puncti est, si ad cæli stellati magnitudinem comparetur; & ideo contingit ut spectator ex quocunque loco superficiei terrestris integram cæli medietatem conspiciat perinde ac si oculus haberet in centro Terræ constitutum. At secundum suppositionem Copernicanam Orbis magni, per quem Terra incedit motu annuo, non modò illa nunquam est in centro cæli stellati, sed constanter abest, quanta est diameter orbis magni; at hæc cum sit, ut ante dictum est, semidiametrorum terrestrium 2432, omnino impossibile est, ut horizon Terræ sive rationalis, sive sensibilis productus intelligibiliter hinc & inde usque ad Cælum stellatum, non abscondat illud in duas partes omninò inæquales: atque ita spectator, cujus visio ab horizonte finitur, unde horizon quasi *finitor* dictus est, nunquam poterit integram medietatem Cæli stellati conspicere.

XVII. Ex instrumentis Astronomica subiaceret errori.]

Tum verò præter perenne illud experimentum, quo constat de integra cæli medietate cuivis horizonti superextante, id ipsum est quod in conficiendis instrumentis omnibus mathematicis, uti astrolabijs, quadrantibus, sciathericis, &c. supponitur; quorum aliunde usus cum nulli sensibili errori subiaceat, convincit Terram in centro Universi, aut non procul constitutam esse. Quo pacto corrui[t] quid, quid Copernicani supponunt circa motum terrestrem annum.

XVIII. Contrariatur etiam præmissis systemati Sacra Scriptura.

Denique, ut cætera argumenta taceam, quæ erverem ex principiis atque observationibus Astronomicis, sacra Scriptura totam hanc litem dirimit varijs in locis; in quibus mentio fit aut Terræ stantis, aut Solis circumacti, apud psalmistam. In generationem & generationem veritas tua, fundasti Terram & *permanet*, & apud

Ecclesiastem. *Generatio praterit & generatio advenit: Terra autem in aeternum stat. Oritur Sol & occidit, &c.* rursus in libro Iosue. *Sol contra Gabaon ne movearis, & Luna contra vallem Aialon, steteruntque Sol & Luna &c.* & in libro Isaiz, *ecce ego reverti faciam umbram retrorsum decem lineis & reversus est Sol decem lineis & per gradus, quos descenderat, &c.* Quæ & similia testimonia quisquis attente legit consulitque peritiores Interpretes in hanc sententiam invictissime trahitur, ita ut non magis dubitet de quiete Telluris ac de motu Solis, quàm de opificio Mundi intra sex dies, de ædificatione Evæ ex costâ Adam, de diluvio, de Arca Noe, cæterisque omnibus, quorum Sacra Scriptura expressissime meminit.

Nam quidquid copernicani ad hæc respondent nullius momenti est, & in primis illud, quo systema suum communiri tutius reputant inclamantes Sacram Scripturam in locis adductis sese accommodasse ad captum vulgi, sive ad prejudicium, quo laborat circa Terram stantem & Solem mobilem: ac tum illam non id intendere, ut homines in rebus Astronomicis erudiat; sed tantum obtineat fidem sibi præstandam in ijs maxime, de quibus attinentibus ad salutem pertractat. Nullius, inquam, id momenti est: imo vitium habet responsi temerarij & pervicacis, quandoquidem cum innumera sint, quæ in sacris paginis referuntur facta historica ac genealogica non magis attinentia ad salutem, quàm dogma de Terra stante & Sole mobili, si ad istud credendum non tenemur, non video cur potius teneamur credere Abraham genuisse Isaac, & Isaac genuisse Jacob, &c. Et rursus si semel admitteretur sacros Scriptores in suis libris ac verbis attendisse aliquando potius ad sensum captumque vulgi, quàm ad rei veritatem, quoniam pauca admodum sunt, de quibus, ut vera sunt, vulgus sentiat, quis non videt plurima fore quamvis expressissime enarrata, quæ possent in dubitationem adduci. Et hoc pacto reprehendi non posset, qui affirmaret Enoch non fuisse translatum, sed mortuum; quia ut Copernici ad rem suam solent, contendere posset id, quod de translatione Enoch dixit Scriptura, non esse utique dictum ut veritas exigebat; sed ut populus sentiebat. Atque ita de alijs, de quibus non opus est, ut plura loquar.

XTX.

Neque illius interpretationes Copernicane satisfaciunt.



# ARTICULUS VI.

## DE SYSTEMATE MUNDANO

*Tychonis Brahe*

I.  
Tychonis  
repu-  
daverit  
systema  
Coperni-  
canum.

**O**CCURRIT jam tertium systema, quod evasit in Oci-  
be Literario celeberrimum ex fama sui adinventoris;  
scilicet Tychonis Brahe, quem astronomicae artis Magis-  
tri omnes, qui florere deinceps, magnis laudibus extu-  
lerunt. Is itaque systema Ptolemaicum ferre non potuit, tum ob  
inconcinnitatem multiplicem, tum maxime propter orbium solidi-  
tatem, quam esse prorsus nullam convictus fuit ex propriis certis-  
simisque observationibus, quibus Cometas intra Planetarum re-  
gionem divagari ac plus minusve attolli deprehendebat; sicut etiam  
detegebat Venerem & Mercurium esse interdum Solis superiores,  
interdum verò inferiores. Quae omnia ceteraque id genus phae-  
nomena prorsus suadent Caelos non esse solidos, ut supra diximus. Dis-  
plicuit etiam Tychoni systema Copernicanum ob ea motiva, quae  
paulò ante ad illud impugnandum adduximus, vel etiam ob po-  
tiora erutaque ex studio profundioris Astronomiae. Quapropter de  
tertio quodam systemate cogitavit, quod antequam probem, aut  
improbem paucis explico.


II.  
Exponitur  
systema  
istud cele-  
bre tycho-  
nis.

Supponit igitur Tycho totum illud spatium, quo stellae fixae à  
Terra absunt, esse fluidissimum, quaecumque interim sit substan-  
tia illa, sive aërea, sive ætherea, sive alia purior, quàm impletur.  
Tum in medio spatii totius Terram immotam statuit, circa quam  
velut circa centrum vult moveri Lunam motu menstruo, Solem  
motu annuo, & stellae fixas motu illo tardissimo, quo non ante annos  
35000 cursum suum absolvent, moveri scilicet ab occasu in or-  
tum motu quodam singulari: nam alioquin sydera omnia com-  
munem habent, qui ab ortu in occasum absolvitur intra horas 24.  
Deinde quod ad ceteros Planetas attinet, sic eos disponit, ut circa  
Solem tanquam circa centrum revolvantur, suamque revolutionem  
perficiant, Mercurius quidem spatio trium mensium, Venus mensium

octo,



octo, Mars intra annos 2, Jupiter intra 12, Saturnus denique intra 30. At id discriminis est præterea inter prædictas revolutiones, quòd præter orbitas, quas suo motu percuttunt Mercurius & Venus, cæteræ complectantur Terram, & orbita quidem Martis eam sic complectatur, ut circulum Solis intersecet; quo pacto contingere potest, sicut aliquando observatur, Martem à Terra minùs abesse quàm Solem, ut non difficile intelligitur ex solo aspectu schematis quod propono. Ex quo etiam satis patet quantò minùs hoc systema Tychonis à Copernicano, quàm à Ptolemaico differat.



Nunc verò ut paucis meam de illo. mentem aperiàm, dicam æneque præferendum quidem cæteris videri; at neque vacare suis difficultatibus, quæ in causâ sunt, ut putem pleraque circa Cælestes Orbes dicta & cogitata ab Astronomis, etsi suâ probabilitatē gaudeant, tantùm infra certitudinis aut indubitatæ fidei gradum sub-

III.  
Et videtur  
cæteris  
omnino  
præferen-  
dum.

Tomus IV.

O

jacere, quantum ipsi Cælestes Orbes superiorem situm obtinent, scilicet ut fere non minus captui nostro, quam capiti superemineant. Atque ut dicam aliquid speciatim, placet in primis suppositio illa substantiæ fluxibilis, intra quam sydera libere moveantur, ita ut spatium totum illud cæleste sit veluti quoddam mare sydereum, & ideo maxime, quia plerique simul Patres & Interpretes Sacræ Scripturæ judicant substantiam illam non aliam esse, quam *aqueam* juxta id, quod legitur. *Dixit quoque Deus fiat firmamentum in medio aquarum, & dividat aquas ab aquis, &c.*

IV.  
Qualiter  
substantia  
Cælestis  
sit aquea.

Dixi *aqueam*; sed raritatis eximie, quæ neque obstat cursui syderum, neque eorum influxibus in hæc sublunaria derivandis. Tum verò intersectio illa orbitæ Martis cum orbita Solis etiam placet ad explicandum quo pacto Mars interdum propius Sole ad Terram accedat, quamvis non desint qui in hoc ipso systema Tychoenicum arguant inconcinnitatis & perturbationis, quæ posset succedere in concursu Martis cum Sole, quia non attendunt ad id quod simul supponitur Martem moveri continuo circa Solem veluti circa centrum, ex quo contingere nunquam poterit, ut concurrant. Et ut verbo dixerim, quidquid de cætero supponitur in hoc systemate miram ac pericuandam habet concinnitatem.

V.  
Opponi-  
tur diffi-  
cultas du-  
ctæ ex mo-  
tuum di-  
versitate.

Unum ramen est, quod facile nec intelligitur, nec conceditur, scilicet posse sydera intra spatium liquidum moveri simul diversis motibus, uti ab ortu in occasum celeriter, & lente ab ocaſu in ortum; nec quid dicam de libratione ab austro in boream & e contra. Id quippe in systemate Ptolemaico non adeo difficile explicatur propter superiores orbes solidos, qui possunt inferioribus diversos motus imprimere; at intra spatium liquidum non sic apparet modus, quo diversitas illa motuum succedat. Quapropter peritiores, qui istud systema tuerentur, dicunt sydera non moveri, nisi uno motu ab ortu in occasum, qui de cætero cum sit tardior aut celerior, efficit, ut alia aliorum respectu ferri motu quodam proprio ab occasu in ortum, id est, regredi videantur; atque etiam librari ab austro in boream, aut ex adverso prout à suis semitis aliquatenus deviant incedendo.

VL  
Et hanc  
aliqui sol-  
vunt per  
motum  
spiralem.

Alii aliter rem explicant dicentes sydera omnia æque velociter moveri ab ortu in occasum; sed moveri spiraleriter; unde fit ut secundum spiras laxiores vel confertiores, quas efficiunt, videantur moveri tardius, sive regredi ab occasu in ortum. Verum hæc & similia à quibus referendis & exponendis abstinco, legi poterunt

apud suos Authores; atque ea præsertim, quæ asserenda Tychoni visa fuerunt circa distantiam & magnitudinem syderum; nam de utraque paulò aliter quàm cæteri, judicavit, efficiendo suum systema non solum Copernicano, sed adhuc Ptolemaico arctius. Et à me quidam hætenus de hac materia satis actum est.



# DISPUTATIO: DECIMA NONA.

## DE METEORIS.

**M**ETEORA, seu, ut Latini è græco vertunt, sublimia, aut visa oculis in sublime elatis, sunt, si vox stricte sumitur, ea solum mixtorum genera, quæ in sublimi gignuntur, ut pluvia, nix, grando, iris, cometæ, fulmen, &c. At si sumitur minùs stricte, ut solet, meteora vocantur plurima alia mixtorum aut phænomenon genera, quæ gignuntur vel accidunt etiam intra sinum terræ & maris, ideo fortè, quia sublimem mentis considerationem merentur. Atque ita in tractatu Meteorologico non tantùm agitur de prædictis mixtis, vel phænomenis sublimibus; sed insuper de fluxu & refluxu maris, de motu terræ, &c. Tum verò quia hæc omnia meteora accidunt, aut intra sinum, aut ob prædominium alicujus elementi, eapropter ut hæc disputatio evadat paulò distinctior, eam divido in 4 articulos, in quorum primo de meteoris igneis, in secundo de aëreis, in tertio de aqueis, & in quarto de terrestribus edisseretur.





# ARTICULUS I.

## DE METEORIS IGNEIS.

I.  
Præf. præ-  
fatur mo-  
bilis el-  
ementorum  
intrinseca.



D istorum meteoron intelligentiam recolenda sunt, quæ suo loco tradidimus de elemento ignis, & in primis ea, quæ spectant ad illius mobilitatem intrinsecam, vi cujus in omnem loci differentiam indifferenter movetur & secum movet quicquid obviam reperit, aut utcumque cum ipso conexum est: unde ibidem inferebatur ignem neque esse levem, neque gravem; & ex cujus dogmatis suppositione faciliè consequitur quicquid traditur conspiciturque de meteoris ac phaenomenis igneis: uti de capreis saltantibus, stellis cadentibus, hiatibus, foveis, coloribus eruentis, cæterisque id genus apparentiis, de fulminibus, de cometis, ac tum de ignibus fatuis & subterraneis.

II.  
Quid sint  
capræ sal-  
tantes, tra-  
bes, & stel-  
lae caden-  
tes.

Itaque quandoque accidit, ut intra nubes conspiciantur moles veluti quædam igneæ, quæ nihil aliud sunt, quam copiosæ exhalationes varique evaporationes, quas ignis, seu calor eò secum detulit, aut compulit, ac tum, utcumque id eveniat, motu vel aliter inflammavit. Illas autem moles ignis domesticus huc atque illuc sic versat agitatque, ut procurrere ac saltitare videantur ad instar caprarum, unde *capræ saltantes* dictæ sunt. Interdum verò exhalationes, & evaporationes prædictæ, siquidem incertiores & minùs idoneæ ad motum, jacent in longum distensæ ad instar majorem trabium ignitarum, ex quo etiam *trabes* vocantur. Verùm ad hæc phaenomena ignea sive caprarum, sive trabium necesse est, ut materia, quæ supponitur idonea ad inflammationem, sit etiam idonea ad eam nutriendam & conservandam diuturnius; sicuti videmus multa rerum inflammabilium genera, quæ inflammationem conceptam diu retineant: nam defectu hujus tenacitatis ex condensatione & humiditate immixta provenientis, in contrarium sæpe contingit, ut flammam deperdant simul atque concipiunt: quo modo videmus stupam, & in primis pulverem nitra-

tum, ut sine mora, ita sine diuturnitate ulla flammescere. Quoties autem id contingit, ut exhalationes huiusmodi in sublime elatz ac diffusæ cum celeri pernecitate inflammentur, inflammatione utique non subobscura, sed coruscante, tunc videmus quasi stellas cadentes de Cælo: quare & hæc phænomena denominationem *stellarum cadentium* obtinuerunt.

Denique cum innumeris modis exhalationes, quæ intra nubium sinus sunt, aut ipsas nubes efficiunt, colorentur, non tantum per reflexionem ac refractionem luminis alicujus syderei; sed etiam propter ignem, à quo tum accenduntur, tum aduruntur; hinc fit ut aliquando etiam sudo apertoque cælo compareant per noctem inter latera albicantia colores ita nigricantes, ut Cælum hiscere & adaperiri in voragines videatur, quæ phænomena *hiatum & fovearum* solent nominibus designari. Aut aliter ita rubescunt, ut in eriozem converti credantur, & isti cruenti colores illi sunt, quos Aristoteles inter ignea meteora enumerat simul cum cæteris quibuscunque horendis imaginibus, quæ in sublimi aliquando conspiciuntur.

Cometæ etiam inter ignea meteora locum obtinent: de illis magna inter tum Philosophos, tum Astronomos controversia semper extitit extarque adhuc, nisi quod facilius convenitur Cometas nihil aliud esse, quàm exhalationes inflammabiles, quæ interdum pervenientes intra planetariam regionem atque ibi compactæ in molem ac figuram, qualem contuemur, aguntur circa Terram motu non proflus circulari: de cæterò autem tardiùs aut velociùs, prout magis minùsve participant de motu syderum, ad quorum viciniam pervenerunt. Nam quod Cometæ sint de numero stellarum, quæ ex variis Cæli partibus coadunatz conspectui offerantur, vel singulis vicibus à Deo creentur destruanturque post eventum, quem prædixerint, id nulla ratione fulcitur, nec ad veritatem magis accedit, quàm plurima alia, quæ Poetæ veteres consinxerunt.

Itaque quicquid de Cometarum figura, seu barbam, seu crines, seu caudam habere videantur, unde alii barbati, alii criniti, caudati alii dici solent, deque eorum temperatura & diuturnitate discurrirur, id totum referri debet ad concursum fortuitum evaporationum terrestrium, quæ coherenter ad suas proprietates in hanc potiùs, quam in aliam compagis figuram veniunt, eamque tuentur diutiùs, vel citiùs amittunt dissolutæ & redeunt in statum pristinum. Præsertim verò caveri debet, ne fides ulla adhibeatur vulgaribus præfagiis

III.  
Quid sine  
hiatus &  
foveæ.

IV.  
Asseritur  
Cometas  
differre à  
Stellis, nec  
specialiter  
creari.

V.  
Tum ex-  
plicatur  
variaz eo-  
rû figuræ.

belli, famis & pestis ceterorumque eventuum, quos multi, ut Cometæ conspexerint, reformidant.

VI.  
Quid &  
qualiter  
ex illis  
prædici  
possit.

Quamquam enim, ut fateor, interdum malignæ sint evaporationes, ex quibus Cometæ compacti sunt, possintque proinde recidendo virus suum effundere, quo pravè afficiantur tum agri, tum homines; unde sterilitates, infirmitates, dissensiones & interneciones suboriantur. At nescitur quò recidere debeant; sed præsertim ignoratur quinam incolæ alicujus civitatis, aut regni præ aliis sint ægrotaturi, morituri, pugnaturi, &c. Nisi quòd in genere tantum prædici potest eos præ aliis passuros ex pravo influxu, qui sunt mollioris ac delicatioris temperamenti: unde non rarò accidit prave præ cæteris hominibus vulgi affici Viros nobiles, ac Principes, qui proinde etiam præ cæteris magis reformidant pravos eventus.

VII.  
Quid sint  
tonitrua,  
fulgur &  
fulmen.

Neque præterea nemo est, qui inter meteora ignea non recenscat tonitrua, fulgura, & fulmina, de quibus ut breviter edicam modum quo opinor illa accidere, sit aliquando ut intra nubes opacas subingrediantur aut utcunque aliter conclusæ reperiantur exhalationes plurimum mobiles, quæ dum huc atque illuc procurrunt, amplius atque amplius rarefiunt, & inflammantur & effringunt nubem, intra quam cursitant. Ut autem illa cursitatio efficiat necessariò quemdam fragorem; sic ista fractio locum præbet visioni inflammationis, quæ *fulgur* vocatur, quemadmodum prædictus fragor vocatur *tonitruum*. Verùm præterea accidit, ut exhalationes illæ, quæ nubem effringunt, eo cum impetu deorsum ferantur, ut quidquid obvium repererint, id conterant atque dissipent: præsertim verò quoties secum deferunt vel propellunt nescio quid compactissimum, quod ad instar cunei configuratum vulgò *lapis fulminis* nominatur, seu *fulmen*; quamquam nomine fulminis etiam designatur totus ille turbo exhalationum corruentium, licet non propellant prædictam lapidem, de quo non valde convenitur quid sit, quæve sint illius proprietates.

VIII.  
quare nu-  
bes prorumpant  
deor-  
sum.

Et hæc quidem meteora aliter atque aliter explicantur ab alijs; at laborant omnes in assignanda ratione, ob quam fulmineæ exhalationes nubem non potius sursum, ut videtur natura ignis id exigere, quàm deorsum prorumpant: nec eam aliquando assequantur, nisi sentiant cum Maignano ignem esse indifferenter mobilem circumquaque, quapropter fulmineæ illæ igneæ exhalationes perinde effringent nubem deorsum, si fuerit eâ parte debilior; vel in iis exhalationibus permixtas reperiri plurimas ejus generis particulas, quæ veniunt in compositionem pulveris pyrii aurei, *fulminem*

vocant. Ut enim isto pulvis accensus deorsum se protrudit, ex dictis alibi, sic fiet ut illa exhalationum erumpentium copia ex inferiori parte nubem protrudat aperiatque. Et forsitan non omnino infelicitè hæc eadem assignabitur ratio, eum non nisi certis anni temporibus tonet & crebris micet ignibus æther; quia nimirum non nisi tunc adest copia hujus generis expirationum, quæ ad hoc ut in sublime atollantur, eum caloris gradum exigunt, quem non habent cæteræ tempestates.

Tum verò non est cur hæc exscribam stupendos illos effectus re-ferti passim ab Authoribus solitos, ad immanem vim fulminis ostendendam: non tacebo tamen, quatenus plurimum singulare est, quod scribitur fulmen aliquando illas à vaginâ enslem liquefecisse, nummos consumpsisse immuni sacculo, adulasse carnem & ossa corporis humani contrivisse cutem integrâ, continuisse vinum, seu communivisse ne efflueret con fracto dolio, venenum rebus contactis infudisse, aliis abstulisse, ut omittam cætera multa, quorum prorsus arduum esset causas proferre aliter quàm recurrendo in genere ad varias multiplicesque proprietates expirationum, ex quibus rota illa con-cretio fulminis coalescit. Nescitur autem cujus generis illæ sint, nisi quòd ex terro odore, qui post fulminis ictum relinquitur, judicatur eas esse ex parte sulphureas. Refertur etiam de fulmine, quòd quocumque impetu terram feriat, non invadat tamen ultra quatuor vel quinque pedes; unde fit ut multi tutos se credant à fulmine in subterraneis specubus; & id rationaliùs quidem quàm alii, qui pro securitate obtinenda confugium suum habent ad lauros, quas audiunt fulmine nunquam ici.

Tum non omninò prætereundum est nonnunquam in cœmeteriis aliisque id genus locis, ubi abundant exhalationes putres ac pingues, videri flammulas, quæ huc atque illuc discurrunt, prout in hanc aut in illam partem impelluntur à quocumque levi flatu spirante; unde accidit ut prætereuntes, qui conterriti fugiunt, prosequantur, sicut è contra aufugiunt, si quis eas invalerit. Hujusmodi verò flammulas communiter vocat vulgus *ignes fatuos* ac volatiles, de quibus nihil singulare dicendum occurrit, nisi quòd non difficilè intelligitur id satis proprium ac connaturale esse exhalationibus putribus præsertim ac pinguibus, ut inflammentur quoties nimis attenuantur: quando enim attenuantur, ignis qui inexistebat, se extricat evaditque in flammam; ad eum modum quo extricat se ex funibus, qui graviore pondere aut violentiori tractione nimis tenduntur, aut ex similibus quibuscunque: attenua-

IX.  
Recensentur varii effectus fulminis

X.  
Quid sine & ubi gignantur ignes fatui

tio autem contingit ex motu, qui dum dividit particulas; eas in ampliorem molem rarefacit.

XI.  
Quid sentiendum  
sit de ignibus sub-  
terraneis.

Denique quoniam ignes subterranei inter meteora ignea enumerantur, breviter dico prorsus necesse est ad fecunditatem Terræ, quæ aliàs frigida & emortua sterilefceret, ut ab igne domestico foveatur. Ignis verò ille nihil aliud est, quàm numerosissima multitudo particularum elementarium ignearum, aut certe vim igneam habentium, dispersa ac permixta ubique cum particulis terrestribus, & cæteris diversissimi generis omnibus, quæ molem hanc Terræ componunt. At non ubique adest eadem ignis permixti copia; sed alibi quidem minor, alibi major, & alibi quidem adeò magna, ut in vehementem calorem evadat, & erumpat in flammæ. Hinc accidit ut multis in locis effluent è sinu Terræ aquæ calidæ atque etiam ebullientes conformiter ad gradum caloris ignei, qui subterraneos canales fovet; quemadmodum illæ eadem aquæ diversissimis qualitatibus afficiuntur, prout in suis canalibus subeunt permixtionem particularum multiplicissimi generis occurrentium. Accidit etiam ut è multis specubus & antris montium exiliant in apertum aërem quandoque vel etiam continuò flammæ, nempe propter ignes intus semel accensos, qui deinceps aluntur, ut omnes putant, ex bitumine, sulphure, pice & similibus multis ad ignis perpetuitatem idoneis. Neque verò necesse est ut memorem inter montes flammivomos celebrem esse montem Vesuvium propè Neapolim in Campania, & ad littus Catanense in Sicilia montem Ætnam, qui nuperis diebus mirabiliter exarsit & incredibilem stragem edidit. Sunt & alii tum in Etruria, tum præsertim in Islandia, de quibus consulendi sunt Geographi: mihi quippe satis est eos obiter indicasse.



ARTICULUS



# ARTICULUS II.

## DE METEORIS AEREIS.

**V**I de elemento aëris fufe egimus, plurima dicta sunt, quæ opto recoli ut juvent ad intelligentiam istorum meteoron, quæ solent inter aërea recenseri, quatenus intra aërem prodiguntur, quamvis perinde aliter atque aliter possent denominari juxta diversitatem materiarum, ex quibus intra aërem sublati concrescunt. Hujusmodi itaque metcora sunt nubes, pluvia, nix, grando, ros, pruina, mel & manna, quibus adjungo sublimia illa spectacula iridis, halonum, parheliolorum, paraselenarum, virgarum, &c. Atque ut hæc omnia distinctius tractentur, dico duo esse genera expirationum, aquearum scilicet & terrestrium. Et illæ quidem vocari solent vapores, qui nihil aliud sunt, quàm aqua in particulas tenuissimas vi caloris alicujus ignei dissoluta & in sublime compulsa, sicuti videmus aquam ex olla ab igne supposito sursum compelli divisam in exilissimum halitum; istæ verò vocantur vulgò exhalationes, & non differunt à terra pariter dissoluta in pulverem veluti tenuissimum vi caloris alicujus ignei, à quo transfertur sursum, & hujus translationis exemplum habes in pulvere, quem ex pavimento lateritio aliove excitant radii Solares agitantque & evehunt.

Verùm quia non solum aqua & terra expirant vi caloris; sed etiam mixta omnia præsertim liquida, hinc fit ut pro vaporibus habeantur illi halitus omnes, qui prodeunt è mixtis ad naturam aqueam magis accedentibus, & rursus pro exhalationibus habeantur illi, quorum fontes magis accedunt ad naturam terrestrem. Tum etiam quia neque terram, neque aquam puram habemus ullibi, hinc accidit quoque ut nullibi sint vapores ab omni exhalatione secreti, & exhalationes similiter nullæ, quæ non habeant admixtionem alicujus vaporis; quod, ut opinor, in causa est cur multi vaporis & exhalationis vocabula usurpent indiscriminatio, ad designandas corporum expirationes quæcumque illæ sint, sive magis minusve accedant aut ad crassitiem terræ, aut ad aquæ mollietatem; rectene an secùs jam non moveo litem de nomine.

I.  
Quid  
intelligatur per vapores & exhalationes.

II.  
Qualiter vapores & exhalationes semper miscantur.

III.  
Quæ sit  
altitudo  
mediæ re-  
gionis  
aëreæ.

Nunc itaque omnes corporum expirationes vi caloris per aërem assurgunt & eò quidem altiores evadunt, quò ex natura sua agitatibiles sunt, aut à ferventiore calore provehuntur, adeò ut aliquando ultra omnem regionem aëream conscendant progignantque cometas inter spatia planetarum modo, quo superius dictum est. At id raro accidit; nam ut plurimum non superant secundam, sive mediam aëris regionem, unde relabuntur coactæ in alias & in alias species meteoron, ut in pluviam, grandinem, &c. imo nec ad illam quandoque perveniunt, sed brevè recidunt conformatæ in rorem, pruina, &c. Tum verò media illa regio non est admodum alta, ut conjicitur ex nubibus, quæ infra cacumen editorum montium agglomeratæ conspiciuntur & solvi in pluviam, sicut etiam audiuntur resonare in tonitrua & exhibere in ventos, &c. quamvis aliter negandum non sit nubes aliquando in eam altitudinem deferri, quæ summus montium vertices longè superet. Unde inferendum est principium quidem mediæ illius regionis aëreæ computari posse à spatio inferiori excelsis montibus, at finem ad spatium superius pervenire; & non improbandum est illam esse continuè frigidam; frigus quippe ex se plurimum confert ad vapores tum sistendos, tum cogendos, tum etiam deinceps solvendos & retrudendos deorsum.

IV.  
Unde pro-  
veniat il-  
lam esse  
continuè  
frigidam.

Unde autem frigus illud exoriatur, non satis notum est & ut paucis dicam quod sentio, mihi valde probatur aut lapsu temporis magnam corpusculorum infrigidantium ut nitri, aluminis, salis, &c. copiam eò usque per evaporationes sublatam, ibi sese cum particulis aëreis implicuisse; aut potius Deum id ab initio providisse & ad effectus naturales, quos intendebat, regionem illam talibus corpusculis infrigidantibus infercisse: cumque aër ex alibi dictis aliud nihil esse videatur, quàm diversissimarum evaporationum quædam collectio, tales censendæ erant regionem illam mediam occupare, quæ ad infrigidandam idoneæ sint. Nam quod Aristotelici vulgò dicunt illam esse frigidam per antiperistasis, nempe quia media est inter supremam calefactam ex vicinia ignis elementaris, & hanc infimam calefactam similiter ex reflexione radiorum Solarium, tam temere excogitatum est, ut refutatione indignum sit.

V.  
Quæ sit  
varia nu-  
bium tem-  
peries.

Postmodum cum nubes ex adeò variis expirationum concurrentium generibus coalescant, hinc non mirum est cur impluentis aliarum sint beneficæ, aliarum verò maleficæ; ac tum etiam cur quædam sterilius, aliæ verò copiosius affluant. Hinc quoque pendet plurimum diversitas illa, quæ fit ut in pluviam, aut in nivem, aut in grandinem resolvantur: quamquam enim ad hæc discrimina resolu-

nionis conspirent prædicta illa corpusculorum infrigidantium genera, quæ mediam æris regionem occupant & plus minusve abundant aut circa, aut intra nubes, putandum tamen est ad istos effectus peculiare peculiariter etiam conducere ipsam nubium temperiem ac constitutionem ex certis speciebus particularum magis minusve idonearum ad hoc ut omnino liquefiant in pluviam, vel paululum mollescant in nivem, vel in grandinem obdurentur. Idquo conjicio ex eo quod ad omnia liquida in glaciem cogenda non perinde sufficiat idem gradus frigoris; imo & nonnulla sint, quæ nullo frigore congelentur.

Quapropter ut paritas locum habeat, non dubito quin solutio nubium in pluviam aut nivem potius, quam in grandinem vel è contra valde pendeat ex particulari compositione nubium ipsarum, ac fortè non minus, quam ex inæqualitate frigoris eas res solventis. Omitto posse etiam nubes solvi impulsu ventorum, à quibus huc atque illuc transferuntur; quia hic impulsus sufficit ad eas tum dilatandas, tum etiam dissipandas: ex ista autem dissipatione consequitur solutio, quatenus evaporationes, quæ agglomeratæ servarent diutius calorem, à quo sustinentur, cum amittunt statim ac sunt dispersæ, & ita veluti amisso suo vehiculo relabuntur. Neque repetendum censeo quicquam circa modum, quo istæ eadem evaporationes licet aëre graviore in specie, nihilominus intra eum aliquandiu suspenduntur; verum opto, ut Lector ea recolat non parum ad istorum, quæ mox dicta sunt, intelligentiam profutura.

Præterea cum non omnes expirationes, quas calor ignis aut Solis sursum provocat, perveniant ad mediam æris regionem, ubi fit generatio nubium, hinc accidit ut citra ullam nubium solutionem experiamur quandoque aërem valde madidum, ex relapsu nempe copiosa vaporum, qui vim non habent ulterius assurgendi. Quin & illi vapores ex admixtione sua ac contemperatura id habent, ut frugibus Terræ prosint, aut noceant: & rursus ut vel obnubulent aërem, quando sunt crassiores, vel si tenuiores sint, non minuunt illius serenitatem. Eapropter sæpissime post noctes serenissimas videmus Terram affusam copioso humore, qui vel est omnino liquidus & *rorem* vocant, vel est parumper concretus in stitias albicantes & vocant *pruinam*. Unde quia ista concretio non fit nisi vi frigoris, ideo nec gignitur pruina nisi per noctes hyemales, quemadmodum nec ros nisi per noctes vernas & autumnales; per-

VI.  
Qualiter  
fit resolu-  
tio nubi-  
um.

VII.  
Quid sint  
ros & prui-  
na.

zstivas quippe calor sparsus vapores nimis attenuat, quàm ut in huius morem toridum concrecant.

VIII.  
Quid sint  
mel &  
manna.

Tum verò iste humor pro varietate halituum, sive succorum, quorum admixtione contemperatur, varios etiam habet saporē, uti mellis, vel mannæ. Nam juxta communiorē opinionē mel nihil est nisi ros quidam candens ac bene sapidus, quem apes ex floribus & herbis, quibus insidet, in alvearia deferunt, ubi deinceps *liquentia mella stipant & dulci distendunt nectare cellas*, quamquam ut simul extrahunt succos iisdem herbis conuaturales, hinc fit ut mel saporem referat & redoleat odorem herbarum inde colligitur, sicut idem Poeta cecinit *redolentque thymo fragrantia mella*. Hinc etiam accidit, ut mel ubique non habeat eandem suavitatem, imo & in scissuris petrarum reperitur mel quoddam amarum, eò nempe translatus ab apibus & collectum ex herbis folisque agrestibus & amaris. Ac denique si calor Solis advenerit & paululūm concoxerit mel prædictum, ex eo, ut vulgò putant, efficitur manna: habet enim mellitum saporem, quamquam fortè non gignitur nisi ex quibusdam aliis particularibus succis, ex quorum abundantia aut penuria oritur in diversis regionibus ipsa abundantia aut penuria mannæ, de cuius multiplici differentia & usu alii, quorum interest, fuisse differunt.

IX.  
Quid &  
quoruplex  
sit iris.

Venio jam ad considerationem colorum, qui à Sole, Luna cæterisque illustrioribus sydetibus depicti in nubibus, producunt & exhibent splendida meteora, iuter quæ spectandus præcipue est arcus ille, qui *mille refert varios adverso Sole colores*, & inde vocatur *multicolor*, quamvis etiam *tricolor* vocari possit habita ratione triplicis coloris rubri, viridis, cærulei in eo potissimum effulgentis, vel etiam *quadricolor* propter flavum, qui inter prædictos non parum emicat; utcunque sit, vulgò quoque vocatur *iris*, & hæc aliquando duplex videtur, superior & inferior. Iris inferior, sive aliter primaria, frequenter; superior autem sive aliter secundaria, minus frequenter apparet, & inter utramque, quoties simul apparent, conspicuum illud discrimen est, quòd iisdem quidem omnino coloribus fulgeant, at non similiter ordinatis.

X.  
Qualiter  
irides sint  
concentricæ,  
& aliquando  
interse.

De cætero autem altera alteri est concentrica, & utriusque centrum reperitur in ea linea, quæ à Sole adverso ducta transiret per oculum spectatoris: & ut neutra proinde appareat, nisi ad partes Soli oppositas; uti ad occidentis Sole ortivo, & ad ortivas occidentis, sic neutra etiam appareat semicirculo major, nisi fortè ex loco editissimo observata. Ac demum utraque pro subiecto suæ genera-

tionis, id est, lux colorationis habet nubem rosicidam, sive nubem brevi resolvendam in tenuissimum imbrem toti simillimum, ut indubitanter coniecitur ex eo quòd ubi spectator est, aut in vicinia sine mora pluat, atque interim dum pluit, languescat prædictum niteoron & omninò solutà nube evanescat. Videtur etiam aliquando iris alia, quæ sui semicirculi cornua protendit sursum ob situm inversum nubis, per quam fit reflexio refractioque radiorum Solarium: at rarissime videtur iris perpendicularis, qualem à se visam quadricolumnatam coloris viridis, rubri, citrini & cærulei eruditus Rondellius scripsit, ut legere est in diario Doctorum ad mensem Septembrem anni 1684; perinde ac infrequentissimum quoque est videri irides Lunares excepto tempore plenilunii, ac neque tunc nisi subalbas, minimè verò coloratas ob debilitatem radiorum, quos Luna tantum reflexe emittit.

Quod verò spectat ad causam efficientem colorum in iride Solari rutilantium, si generalem inquirimus, haud dubie non est alia, quàm lux ipsa Solaris reflexa refractaque à nube in eum effectum idonea propter posituram & configurationem guttarum, in quas sine mora resolvitur. Si verò investigamus particularem, hæc certe occultissima est, cumque mihi plane non innotescat, malo Lectorem remittere ad ea, quæ circa illam scripsit Aristoteles, lib.3. Meteorôn cap. 4. Quia tamen ea caliginosissima sunt; neglecto illo Scriptore veteri legatur recentior, nempe Cartesius, qui in hac materia sui vim ingenii exercuit satis feliciter, comprobans experimento phialæ globosæ vitreæ, cui guttas nubis mox solvendæ assimilat, sub quibus angulis singuli colores iridis debeant apparere, nisi quòd cum falsa sint principia quibus in communi circa lucis diffusionem & generationem coloris utitur, ut alibi à nobis ostensum est, hinc suspitione erroris non vacat quidquid in particulari circa colores iridis infert credendum. Quapropter tempus non tero in his aut similibus consequentis redarguendis, quæ utique non possunt non esse aliene à veritate, à quâ ipsa aberrant principia. De iride scripserunt perpulehre & erudite Chambræus & Magnasius.

Tum conformantur quandoque in nubibus *halones* sive coronæ splendidæ, quæ cingere videntur & in centro habere Solem, aut Lunam aut Stellam aliquam illustriorem. Ea verò phænomena non aliter contingunt, nisi quatenus radii lucidi aut Solis aut Lunæ aut alterius syderis incurrunt in nubem orbiculariter suppositam, quæ cum idonea sit circumquaque ad æqualem lucis tum reflexæ, tum refractæ immisionem copiosam in oculos nostros, necessariò com-

XI.  
Quæ sit  
causa co-  
lorum iri-  
dis.

XII.  
Quid sint  
halones &  
qualiter  
formen-  
tur.

paret sub forma circuli cujusdam lucidi, seu coronæ lucidæ cingentis sydus, cujus lucem ad nos transmittit. Et tunc quidem oculi percipiunt sydus veluti in centro talis coronæ, licet sit ab eo remotissimum, quia tum ipsa propter splendorem videtur altior, tum circumaque tenet oculos, nec sinit exactius de syderis distantia judicare. Ubi non omittendum est de istis coronis lucidis eas frequentius teri circa Lunam, quàm circa Solem, eo quia radii Solares suâ vi facilius distrahunt deturbantque nubem quæ ad effectum hujus phænomeni debet esse non nimis addensata; radii autem Lunares cum sint reflexi, non incurrunt in eam simili conatu. Ac tandem raro, cætera sydera etiam illustriora his coronis redimita apparent, quia ob nimiam distantiam non est satis copiosus lucis ille influxus, quo nubem subjacentem afficiunt.

XIII.  
Quid sentiantur de  
parheliis  
& paraselenis.

Insuper non prætermittenda sunt *parheliorum* & *paraselenarum*, phænomena, quæ quò minus frequenter contingunt, eò majorem movent intuentium admirationem, Parhelii igitur sunt falsi ac spurii Soles, qui ad conspectum veri Solis fulgentissimi in adversa nube irradiata conspiciuntur, quandoque plures, quandoque pauciores, secundum dispositionem nubis, quæ in eum effectum debet esse satis densa ac tersa ad instar speculi. Paraselenæ verò dicuntur noctiæ & ementitæ Lunæ, quæ similiter in idonea nube depinguntur à vera Luna irradiante. Vnde quia radii Lunares sunt debiliores ac sparsiores Solaribus, hinc accidit parhelios esse frequentiores paraselenis; de quibus, satis est quod secundum generalem considerationem intelligitur ad hæc phænomena requiri tum ex parte sydetis copiosum effluvium lucis immissæ, tum ex parte nubis configurationem ac levitatem specularem, quæ lucem immissam colligat, collectamque remittat in oculos spectatorum. Nihilque addendum censeo de meteoris aliis lucidis, quæ, vulgò *virgæ* vocantur, & aliud nihil sunt, quàm tractus quidam albicantes & splendidi, qui in oblonga nube ac pellucida conspiciuntur extensi ac configurati ad instar virgarum: neque repetendum puto quod in disput. de lumine & coloribus abunde ostensum est, colores quoscunque in nubibus conspicuos non esse inanes ac dummodò apparentes, sed reales perinde ac cæteros quoslibet assignabiles, cum non aliter quàm cæteri in certa ac determinata luminis tum immissi, tum remissi modificatione consistent.

XIV.  
Quid sit  
ventus, &  
quæ ejus  
varietas.

Denique ut ventos meritis inter aërea meteora recenseam & taceam plurimas Philosophorum maxime veterum controversias fabulæque Poëticas de natura illorum & origine, dico breviter sensus.

bilem agitationem aëris, aut cujusvis alterius materię vaporosę intra aërem, aut potiùs aëris simul & materię multiplici vaporosę, quam secum abripit, esse id, quod vulgò *ventus* vocatur, placidior de cetero aut procellosior juxta moderationem aut vehementiam prædictę agitationis; quemadmodum humidus aut siccus, calidus aut frigidus, saluber aut pestilens, &c. juxta variam multiplicemque naturam & activitatem & copiam materię fluxibilis agitatę, aut per agitationem abreptę. Cümque id sit capto facile, ac intellectu difficillimus est modus ac motus ille in primis rapidissimus, quo cientur ventri & progignuntur, ita ut non sine causa scriptum sit Deum illos de thesauris suis producere, id est, ad eorum productionem providere de occultis & inexhaustis Naturę viribus, quę Divinę Potentię & Sapientię thesauros comonstrant.

Nihilominùs si de ventis agitur, qui ex antris montium aliisue specubus subterraneis exsufflant, venit mihi in mentem unus & alter modus, quo illorum tam generatio, quàm eruptio explicetur. Er ad prioris quidem intelligentiam cogita ingentem subterraneam specum, quę rimas seu spiracula quędam habeat, suęque cavitatis contineat magnam humoris aërei, aquei aut alterius copiam: hæc igitur si deinceps ab adventu quocunque fervore subterraneo calefiat, dilatabitur evadetque & externum aërem excitabit & propellet conformiter ad vim suę dilatationis, atque in eam partem, quę correspondet hiatus sui exitus. Nec difficile id intelligis, si unquam vidisti xolipilas æneas, qualibus nonnulli utuntur ad usum præsertim domesticum verus revolvendi adhibitis ad illius manubrium quasi velis ex aurichalco, aut ex ferro attenuato, quod *album* vocant; illę siquidem prunis impostę emittunt per sua spiracula flatum non mediocre provenientem ex rarefactione aque intus conclusę. Posteriores verò geniti & erumpentis venti motum ut capias, singe similem cryptam, quę præterea per inferiores rimas admittat aquam copiose influentem ex mari aut ex flumine; quoties enim hæc subingressio accidet, toties conclusus humor fluit per superiora aut lateralialia spiracula; & hinc quidem ratio reddi poterit cur venti ut plurimum non sint continui, sed alterni & impetuant & clangore exsibilent, si nimirum aqua illa non subingreditur, nisi quasi per successivos singultus.

Prætereo non deesse variis fundis ac voraginibus aqueis subreptios calores subterraneos, qui commovere possint aquam superfluantem & extollere ac sinuare in fluctus: & isti simili commotione superiorem aërem agitant, atque ita generabitur & ciebitur ventus. Verùm insuper aliud venti genus est, quod è nubium re-

XV.  
Unde pro-  
veniat  
venti eru-  
ptio ex  
antrismon-  
tanis.

XVI.  
Alius est  
ventus,  
qui è nu-  
bibus pro-  
ruit.

gione efflat, neque aliter gignitur, quàm ex reciproco illarum incurrentium conflictu; aut etiam ex evaporationibus, quæ intra nubes accensæ & solito ampliùs rarefactæ, dum evadunt per occurrentem quemcunque hiatum inferiorem, necesse est ut erumpant cum vehementia flatus & eandem ad terras usque promovendam communicent aëri subjacenti ac circumstanti; & ille quidem ventus omnis è nubibus perfians vocatur communi vocabulo græco *ecnephias*.

XVII.  
Et hic ventus triplex  
citer dist.  
gignitur.

Attamen ob diversam complexionem & vehementiam ventorum è sublimi flantium tres præcipue distinguuntur. Unus qui simpliciter vocatur *ecnephias*, & sursum deorsum fertur quasi perpendiculariter, ac interdum cum ea vi, ut ingentis ad instar incumbentis ponderis naves immergat. Alter, qui vocatur *typhon* & ex flatu oppositarum nubium procreatus procreat in mari vortices, qui naves circum torquent & vorant. Ac tertius, qui dicitur *prester* & præter vim insolitamque vehementiam flammæ, seu exhalationes ignitæ profert cum ea copia, ut aliquando & ebulliat mare & naves misere adurantur & segetes, & sylvæ, &c. quæ tria ventorum genera sunt maxime procellosa. Quod autem ad ventos spectat terrestres, isti ferè tot sunt ac tam diversi domini & effectus juxta regionum diversitatem, quot circumquaque occurrunt partes in horizonte designabiles; nihilominus distinguuntur præsertim 33 & appinguntur vulgò in pyxidibus nauticis. Vide nomina singulorum cæteraque ad illos attinentia apud Scriptores Hydrographicos.





# ARTICULUS III.

## DE METEORIS. AQUEIS.

**A**D hanc materiam de meteoris aqueis referuntur plurima; quæ inter disputandum de elemento aquæ præoccupavimus, ita ut fere tantum superfit hic agendum de æstu maris reciproco, postquam præmonuerim Terram quamplurimis fatiscere subterraneis veluti canalibus, sive tractibus concavis flexuosis, per quorum declivitates aquæ huc atque illuc prolabiuntur non aliter, quam post eruptionem è sinu subterraneo fluant per alveos obvios, quos videmus. Nisi quod præterea multis in locis comperiuntur aggeres arenosi, per quos aqua, ut alibi dictum est, ex profundioribus locis exsurgit potest, & erigi in superiora receptacula, unde postmodum effluat per rimas ex latere occurrentes. Ubi autem rimæ nullæ aut declivitates occurrunt, necesse est aquas stagnare & breviter absumi, nisi copia, quam terra absorbet aut attollit in vapores, per æqualem compluviorum, vel irriguorum advenientium abundantiam restauretur. Quæ & similia, si sufficienter attenduntur, non opus est quidquam exscribere circa fontium, rivulorum, fluminum, stagnorum, puteorum, &c. differentiam, quæ tota pendet ex modo, quo aquæ scaturiunt fluuntque segniter aut celeriter, copiose aut parce, perenniter aut intermisse, alte aut profunde, &c. Ac multò minùs necesse est proponere cur mare nec redundet, quamvis omnia flumina in illud se exonerent, nec deficiat quamvis suam ex eo pariter omnia ducant originem, quia scilicet illa eadem aquarum copia, quæ per declives alveos consuerit in illud cernitur, sorbetur à voraginibus subterraneis, sursumque deinceps per loca arenosa aut concava compellitur, ut sic vel aliter utcumque ad eadem fluminum capita, sive fontana receptacula resiliat.

At omnino arduum & difficillimum captu est, quomodo ipsam mare æternis fluat resiliatque per certa temporum intervalla: &

*Tomus IV.*

*R*

I.  
Qualiter  
sentiendū  
sit de a-  
quis, &  
meatibus  
subterra-  
neis.

II.  
Quanta sit  
fluxuum  
refluxu-  
umque di-  
versitas.

hanc difficultatem incredibiliter auget diversitas maxima fluxuum; refluxuumque quantum ad ipsorum diurnitatem & vehementiam. Namque in Mediterraneo multum moderatiores sunt, quam in Oceano, quin & in quibusdam mediterranei maris tractibus vix deprehenduntur, ut in Narbonensi & Ligustico, quamvis sint non parum sensibiles in Adriatico & in aliis. Rursus non eodem temporis spatio fluunt maria resluuntque; ad Garumnæ quippe fauces, sive in mari Aquitanico fluxus sit per horas septem, refluxus per quinque; in Lusitano horæ sex fluxum totidemque refluxum absolunt; in Guineensi pro fluxu horæ quatuor, ac tum pro refluxu octo impenduntur, &c. Insuper neque intumescunt ubique maria ad eandem lictorum altitudinem: nam in insula D. Thomæ sita sub æquatore ad 4 tantum circiter pedes mare assurgit, in Belgicis oris ad 18, in Salmaclovianis ad 70, &c. Quod intellige pro tempore ac tempestate æstuum ferventiorum, quales sunt in pleniluniis & æquinoctiis: valde enim spectanda est illa æstuum vicissitudo, quæ augentur minuunturque cohzrenter ad proportionem incrementi ac decrementi Lunariorum.

III.  
Et qualiter tardior fiat eorum reditus.

Nec minus observanda illa est, quæ sicut Luna singulis diebus ad eundem meridianum redit tardius quatuor quintis unius horæ, ita illi non absimiliter retardantur. Quæ omnia simul spectata ita obnubilant causam effectricem phænomeni hujus marini, ut de ea nihil hæcenus excogitatum sit, in quo mens plane conquiescat, & exclamandum dummodò supersit cum Vate Regio, *Mirabiles elationes maris*. Nihilominus superfluum non erit, si pauculis verbis resseram, quænam fuerit circa hæc cogitatio, sive conjectura hinc Galilæi, hinc Cartesii, quos Philosophi celebriores hujus sæculi putant ad convenientioris causæ verisimilitudinem propius accessisse.

IV.  
Supponit Galilæus motum diurnum Terræ conspirantem per vices cum annuo.

Galilæus itaque utens hypothesi Copernicana motus Terrestris diurni & annui æstum maris explicat eo vulgari experimento, quo si quis pelvium v. g. aquâ non omnino plenam manibus deferat procurrendo, advertit aquam retrorsum intumescere, quia nimirum ob suam fluiditatem non admittit velocitatem totius motus, qui pelvi consistenti à deferente imprimitur; ac deinde si constiterit tardiusve incedat, conspiciit illic eandem aquam antrosum reflueret & complanari. Quare si concipiamus alueos & abyssos maritimos ad instar ingentium pelvium, quæ à Tellure circumacta deferuntur & hæc modò celerius, modò tardius moveatur, necesse erit ut aquæ in talibus receptaculis contentæ & retrorsum fluant & an-

trorsum refluant cohærenter ad vicissitudinem celeritatis vel tarditatis Terrestris. Talis autem vicissitudo non difficile intelligitur, si advertitur quomodo motus Terrestris diurnus quandoque conspirat cum annuo in easdem partes, quandoque non conspirat, sed tendit in oppositas: nam quando conspirat, velocior est, quando autem non conspirat, evadit tardior, scilicet ob reluctantiâ motus annui.

Quod verò spectat ad illam differentiam fluxuum refluxumque, quos constat esse statim temporibus ferventiores, id est, magis præcipites ac feraciores aquarum, videlicet quoties plenilunia præsertim & æquinoctia intercurrent, ut explicet, idem Auctor ingeniose recurrit ad Lunam, quæ veluti quædam Terræ appendix vertitur circa eam, non quidem orbiculariter, sed quasi elliptice; unde fit ut modò magis, modò minùs distet à Terra, & efficiendo cum eâ unicum vorticem, ejus proinde motum acceleret, aut retardet ad instar plumbeorum illorum ponderum, quæ in horologiis majoribus rotatis appensa scapo librili efficiunt gyrum illius celeriorum, si propius ad centrum appenduntur, & è contra tardiorum si longius. Tum etiam quia Luna vortici Terrestris, ut dictum est, veluti appensa ad eundem meridianum redit tardiùs quatuor quintis, id est, minutis 48. unius horæ, hinc accidit retardatio quotidiana illa similis, quæ videtur in istis reciprocis marium æstibus, quorum de cætero differentia minùs notabiles circa inæqualitatem temporis, quo absolvuntur, aut altitudinis, ad quam attolluntur, &c. sufficienter explicantur per diversam alveorum declivitatem, profunditatem, latitudinem, obliquitatem, &c.

Et sic quidem Galilæus istis aliisque ratiociniis & exemplis mentem suam fusiùs aperit systematis sui Cosmici dialogo quarto, quem opto ut legas, quamvis forè in eo pauca sint, quæ, si recte sentio, quidquam mereantur ultra laudem ingeniosæ alicujus fictionis. Nam *primò* si Terra moveatur, certe non nisi omninò æquabiliter moveatur: & ita quidem ut horis singulis æquatoris Terrestris gradus 15. promoveantur supra horizontem ad eundem modum, quo supra eundem horizontem assurgunt in sententia Terræ stantis, gradus 15. æquatoris Cælestis. Unde evidenter consequitur nullum esse punctum terrestre, quod modò ocys, modò lentiùs convertatur, quidquid sit de conspiratione illa Galilæana motus diurni cum annuo in easdem partes; siquidem hæc nihil conferre potest ad conversionem diurnam Terræ accelerandam: alioquin cum una inædientas globi Terrestris moveatur secundum tendentiâ motus an-

V.  
Ac rursus  
lunæ con-  
gyratione  
ellipticâ.

VI.  
Sed falsa  
est prædi-  
cta motu  
conspira-  
tio & in-  
utilis.

Qij

nui, pro illo eodem tempore, quo altera medietas vertitur contra illam tendentiam, illa celerius moveretur quam ista. De quo quàm impossibile sit non dico, cum evidenter appareat non posse non esse unum & communem motum utriusque medietatis: atque ita aquæ postquam ponè intumviscent, sive retrorsum fluxissent, nunquam prorsum refluere.

VII.  
Item gravis  
attenditur præ-  
dicta con-  
gyratio  
Lunæ.

*Secundò.* Multò minùs juvat ad explicandam majorem accelerationem motus Terrestris circa novilunia & solstitia, ac præsertim circa plenilunia & æquinoctia quidquid ille adducit de Luna axi cuidam Terrestris appensa & circumacta elliptice. Quia cum axis ille non sit nisi fictus, & aliunde omnino fluidus sit aer, qui Terram Lunamque interponitur, quis non convincitur Lunam numquam posse obtinere vim ponderis acceleraturi aut remoraturi motum terrestrem, qualemcunque interim majorem aut minorem obtineat à Terra distantiam? Exemplum verò, quòd adducit de ponderibus plumbeis appensis scapo libuli; quamvis satis accommodatum ad id, quod præsumit facilius intelligendum in abstracto; at certe non probat physicam ullam necessitatem rei utcumque similis eventuræ in suo casu propter dissimilitudinem appensionis hinc realis, illinc imaginariæ: atque ita Galilæus non rectè explicat vicissitudinem incrementi ac decrementi, quod per varia anni tempora contingit in fluxu marium & refluxu.

VIII.  
Ac tandem  
omnino  
aliter fierent præ-  
dicti fluxus & refluxus.

*Tertiò.* Observant Nautæ maria fluere & refluxere ab austro in boream & à borea in austrum directè, quantum nempe obliquitas alveorum littorumque maritimorum id patitur: at juxta Galilæanam hypothesim maria retrorsum fluere ab ortu in occasum, & antrorsum refluere ab occasu in ortum, ut est evidens. Ac denique etsi fortè minora flumina ob maximam declivitatem non subirent fluxum & refluxum; at majora & quæ alveos habent patentiores ac minùs declives, essent huic reciprocatiori obnoxia: imò saltem stagna patentissima, qualia adsunt multis in locis, eam sensibilibiter paterentur; quod cum sit contra experientiam, sufficienter probat æstus maris reciprocos nullatenus pendere à causa, quam Galilæus excogitavit. Omitto plurima, quibus id ipsum facillimè convincerem, nisi dissertatio hac de re prolixior, videretur superflua.

IX.  
Supponit  
Cartesius  
compressionem  
materiæ sub-  
lunaris.

Jam verò Cartesius quamvis cum Galilæo admittat perinde motum Terrestrum, maluit tamen æstus marini reciproci causam aliam assignare, scilicet compressionem, quam Mare patitur ab ea materia fluida, quæ Lunam circumvolvens, illam pernicitate suâ prævenit &

subterlabitur. Quod ut intelligatur, sciendum est supponi à Cartesio materiam fluidam, seu globulosa illa sit, seu subtilis, quæ in vortice Terreſtri non quidem ſphærico, ſed quaſi elliptico Lunam circumagitat motu mienſtruo, circumferri celerius Lunâ, & ita ſubterlabi, & premi propter viz anguſtias: hæc verò ſic preſſa comprimit neceſſariò mare ſubjacens, quod proinde compellitur intumeſcere hinc & inde ad boream & auſtrum verſus littora & oſtia fluviorum. Neque tantùm in hemiſphærio, cui pro tunc Luna dominatur ita accidit; ſed in altero perinde neceſſe eſt ut idem eveniat, quatenus propter prædictam preſſionem tota Tellus paululum è ſuo turbata loco premit materiam fluidam, quæ ex altera parte circumagitur; neque hæc premitur, quin reciproca preſſione comprimat maria alterius hemiſphærii & compellat ad fluendum utrinque verſus oras boreales & auſtrales.

Quia vero hypotheſis Carteſiana eſt Lunam circumferri elliptice intra vorticem Terreſtrem, hinc accidit ut materia fluida, de qua dictum eſt, magis minuſve comprimatur conformiter ad eam viciffitudinem, quâ Luna æcedit ad majorem minoremve diametrum ſux ellipticos: ac proinde etiam hinc conſequitur pro diverſis temporibus diverſitas fluxuum refluxuumque, niſi quòd ad illam nonnihil præterea confert profunditas, obliquitas, declivitas, ſpatioſitas, &c. plagarum maritimarum. Præterea ſi diebus ſingulis contingunt tardiùs, id evenit ex retardatione quotidiana motus Lunaris; ac denique ſi bis in die accidunt, id oriri cenſendum eſt ex compreſſione ſenſibiliori, quæ toties in die accidat.

At multa in hoc ſunt, quæ repugnant & ſapiunt magis fabulam anilem, quàm rationabilem aſſertionem. Nam *primò* quidquid interrim ſit de ſuppoſitione vorticis elliptici, ac pernecitatis, quâ materia fluida Lunam in eo circumactam prævertitur ſubterlabendo, evidens eſt compreſſionem nullam contingere, quæ impediatur quominùs illa ſuum curſum rapidè proſequatur, ſi verò proſequitur, ſecum potiùs circumaget abripietque maria ſubjacentia, quàm efficiat ea ſubſidere & in tumorem effluere utrinque verſus littora violato naturali libramento, quod ſervant conſtanter. Et juvat exemplum venti procelloſi, à quo non difficile in eaſdem partes abripiuntur; ſed à quo nunquam viſum eſt premi & preſſa atrolli hinc & inde ſufficienter ad præſtandum effectum conſimilem æſtui ipſorum reciprocanti. *Secundo.* Cùm illa materia fluida ſit valde fluidior aquis marinis, repulſam ab illis potiùs patietur reſilietque aliò circumquaquæ; ſi opus eſt, invadet alios vortices, qui cùm nullis ſolidis involucriſ aut repaguliſ coarceantur, eveniet ut prædictæ compreſſioni facilitùs

X.  
Qualiter hæc compreſſio ſit major aut minor.

XI.  
Sed eacò preſſio neque idonea eſt, neque poſſibilis.

cedant, quàm aquæ marinæ tantò reluctantiore, quantò solidior est Tellus, cui incumbunt.

XII.  
tum Luna  
emove-  
tur, & ma-  
ria conti-  
nuò flue-  
rent sine  
refluxu.

Deinde *tertio*. Cum necesse sit præterea totam Tellurem è suo paululum turbari loco ad explicandas marium reciprocationes, quæ simul accidunt in altero hemisphærio, cui Luna non præsidet, sive cui non superincumbit materia illa fluida, quæ transeundo sub Luna premitur, ut explicui, mirum est non occurrisse Cartesio ex tali compressione evidentius consecuturum, ut Luna è suo loco dimoveretur: cum enim Luna perinde ac Tellus gyros perficiant intra materiam aque fluidam juxta hypotheses Cartesianas, sique Tellus multò quàm Luna major ac coherentior; si altera propter pernicitatem materiæ interlabentis & compressæ emovenda est, quis non censcat æquius ac expeditius esse, ut Luna emoveatur. *Quarto*. Luna non intermisit, sed continuò Telluri circumfertur, & rursum materia fluida non pervices, sed irrequiete interlabitur atque ita semper premitur premitque maria subiacentia. Ergo maria nullam reciprocationem admitterent fluxuum ad littora, refluxuumque à littoribus; sed postquam semel ad fluendum versùs littora intumuisent, in co tumore ac fluore persisterent, cum necesse sit eundem invariabiliter ac tandiu effectum vigere, quandiu & invariabiliter eadem viget causa effectrix.

XIII.  
Tandem  
supradicta  
compressio  
nos op-  
primeret.

Mitto plurima alia, quæ faciliè cuivis in mentem veniunt; ac in primis illud, quod nemo non advertit, vim illam maximam materiæ Lunam Terramque interfluentis compressæ, quæ sufficit ad deprimenda maria & exinde attollenda ad fluxum hinc borealem, hinc australem, intolerabiliter compressuram fore quidquid circumquaque subjaceret; atque ita opprimerentur saltem quicunque talia loca habitant, quibus verticaliter correspondet cursus Lunaris. Quod cum experimentaliter falsum sit, imo cum neque vel unius arboris folii depressio ulla percipiatur ex tali compressione proveniens, evidens est tum nullam esse, tum proinde non esse causam phænomeni aquei, de quo agitur.

XIV.  
Argonius  
supposuit  
motû Ter-  
ræ peraxē,  
cum ali-  
quantula  
quiete  
hinc &  
inde.

Deinceps non indigna videtur locum suum obtinere inter ingeniosas fictiones, quas retuli, nova alia hypothesis, juxta quam Cæsar Argonius tentavit explicare reciprocationes æstus marini & earum miram vicissitudinem. Hypothesis autem hæc est, Terram circa suum centrum immotam moveri per axem Mundi à borea in austrum & ab austro in boream progredique non ulterius, quàm spatio pedum 15, quanta nimirum vulgò reputatur differentia perpendicularis inter maximas minimasque æstuum ascensiones seclusis littorum alveorumque

differentiis, quæ ad eas nimis minuendas vel augendas plurimum conducunt. Nisi tamen quòd ut variabiliter crescunt decrescuntque æstus per dies singulos, ita etiam supponit iste Author similem periodicam varietatem contingere in progressu spatii illius ulterioris non semper ex toto percursi. Ac tum quia bini fluxus & bini refluxus fiunt intra horas 24, & perficiuntur singuli intra horas sex, nisi id impediatur inæqualitas alvei profundi, declivis, obliqui, &c. post intermissam morulam 12 minutorum, ideo censuit etiam supponendum Terram spatio horarum sex motum suum prædictum absolvere, sed in utroque termino quiescere per minuta 12, atque in primis pro supponendo habuit gravia omnia naturaliter tendere ad centrum Mundi, quod cum centro Terræ nusquam nisi transcurrenter coincidit. Nunc itaque ex his suppositionibus sequitur necesse esse, ut quandiu Tellus per axem progreditur ab austro versus boream, mare confluat à borea versus austrum, refluatque ab austro versus boream quandiu in austrum Tellus regreditur; quia scilicet si intelligamus Terram divisam in duo hemisphæria, boreale unum, australe alterum, evidens est illa propter prædictam lationem Telluris accedere per vices propius ad centrum Mundi & ab illo recedere, atque ita successive unum esse altero profundius, illud nempe quod est vicinius centro: aquæ autem naturaliter collabuntur in loca profundiora.

Vide Lector apud ipsum Argonium hypothesen & consequentias istas illustratas multis suasionibus & figuris, quibus illud tantum breviter oppono, falsissimum esse quod supponitur gravia omnia ferri naturali suo pondere in centrum Mundi, nisi quatenus coincidit cum centro Terræ, ut satis intelligitur ex alibi dictis disput. 11. art. 7. circa determinationem realem, quæ opus est ad quolibet motus omnium gravium; cumque centrum Mundi nihil sit per se, nisi punctum imaginarium, quis non statim advertit nullam talem determinationem posse ex illo provenire? Dinde etiam præter id, quod patet stagna omnia reciprocatura, fluminaque majora, quorum non adeò magna est declivitas, aut excursura per vices lentius, aut etiam relapsura fore in caput unde exeunt, valde displicet causæ, quam prædicto motui Terrestris assignat Argonius refertque ad radios Solares, qui potius illam verterent circa centrum, ut statim capitur.

Prætermittendam autem putavi communem Aristotelicorum opinionem, quæ reciprocationes marium qualitativis Lunæ oculentis tanquam veris causis effectricibus tribuit, non quòd verisimile ad-

XV.  
At falsum  
est gravia  
ferri præ-  
cise versus  
centrum  
Mundi.

XVI.  
Qualiter  
Luna con-  
currat ad  
reciprocationes ma-  
rium.

modum non sit Lunam ad eas efficiendas concurrere, propter omnimodam correspondentiam vicissitudinum, sed quod hanc efficientiam qualitatibus occultis tribuere perinde sit ac nihil proficere circa efficiendi modum, qui inquiritur: & circa quem, ut ingenue atque obiter dicam quod sentio, crediderim Lunam non aliter ad varietatem aestuum marinarum concurrere, quam per magis minusve copiosam emissionem humoris, quem influit sufficientem ad augendas aut minuendas notabiliter aquas fluviorum, qui in sinum maris provoluuntur.

XVII.  
Quid probabilius  
hac de re  
sentiat.

De cætero reciprocum illum & alternantem maris fluxum fluvii ipsi provoluti efficiunt, quantum arbitror, uno è duobus modis, quos referam, aut utroque: scilicet quatenus illi irruentes in mare aquas occurrentes secum abripiunt in opposita litora & in tumorem attollunt: at quando ad eum tumorem increverunt, qui suo pondere prævaleat ponderi fluviorum irruentium, relabuntur, donec iterum eidem ponderi cedant & abductæ iterum extumescant, & sic deinceps refluant. Aut aliter quatenus iidem fluvii ex adversis littoribus invadentes mare, versant illud succutiantque taliter, ut propter vires alternatim victrices compellatur nunc fluere, nunc refluere in oppositas partes. Tum verò cum ob inæqualem vim fluviorum invadentium non possit vigere constanter una eademque diuturnitas ac ferocitas pugne & victorie, hinc appetitur via ad fluxuum refluxuumque vicissitudines si minus omnes, at certe plures explicandas, ut perpendere eas sigillatim poterit Lector eruditus.

XVIII.  
Quid sit  
& ad quid  
maximè  
inserviat  
salsedo  
maris.

Denique eum salsedo Maris inter singulares illius proprietates vulgò enumeretur ac per se spectet ad meteoron aqueorum notitiam, non omnino silebitur eam progigni aut ex frequentissimis qualibuscunque compluviis, quæ in mare decidentia ac secum deferentia plurimum salis in exhalationes ante sublatis illud saliant, aut potius ex sale ipso, cujus plurimæ venæ, ut probabile est, non desunt in fundo maris, sicut adesse certum est in variis tractibus subterraneis, ex quibus saluginem suam extrahunt fontes salsi quamplurimi. Utcunque autem id sit, non est dubium, quin Deus salsedinem hanc mari providerit ad pisces uberius generandos, ad naves facilius sustinendas, atque ad alios id genus necessarios fines, & fortè, quod hoc ipsissimo temporis puncto in mentem venit, ad attollendas commodius aquas scaturientes ex summis jugis montium. Quia enim aqua salsa gravior ac ponderosior multò est quàm dulcis, faciliè eveniet, ut Mare per subterraneos veluti syphones propellat aquas dulces



Dulces ad assurgendum altius se ipsi; ut evenire id perspicimus in syphonibus vitreis, quorum in uno crure stagnat liquidum ponderosius eo, quod infunditur in crus alterum: sic quippe videmus mercurium aquam ad altitudinem superiorem sustinere, ideoque propellere, & ita de aliis.

Nec mirum est de cætero aquas fontanas è mari prodeuntes suam deposuisse falsedinem, quatenus facile est ut eam deposuerint assurgendo per arenosos subterraneos tractus, ad eundem modum, quo aliquando saliores evadunt, si accidit ut confluant per aggeres salis, quales sub tellure sunt multi; hoc quippe evidentissimum est, aquam propter plurima genera particularum, quas aut secum abripit ex canalibus subterraneis, aut in illis deponit, nunc deperdere, nunc acquirere varias proprietates, ita ut non aliter eujusvis aquæ fontanæ singularis aliqua proprietas convenientius explicetur, quàm asserendo aquam illam transisse per recondita loca, in quibus abundant corpusculorum genera illa, quæ talem proprietatem constituunt: cur siquidem corpuscula illa non secum abripient aquæ in suo profluxu subterraneo ad eundem modum, quo transeundo per venas metallicas auri & argenti secum trahunt voluntque arcnas aureas & argenteas, ut refertur præcipue de Tago in Hispania, de Pado in Italia, de Hebros in Thracia, de fluvio Argenteo in America, nec prætermittendus Auriger noster Occitanicus, qui in Garumnam exonerat.

XIX.  
Qualiter  
aquæ afflu-  
mant &  
deponant  
sua fal-  
sedinem.



## ARTICULUS IV.

### DE METEORIS TERRESTRIBUS.

**S**OLENT multi ad meteora terrestria referre prolixam dissertationem de metallis, mineralibus & lapidibus; nec prorsus inmerito, quia tum in sinu Terræ progignuntur, tum suâ varietate atque præstantiâ inquisitionem physicam promerentur. Nihilominus cum Philosophi, quos *Naturalistæ* vocant, id sibi singulariter vendicent de illis ediscere, neque ad id ex professo peragendum vix sufficiat quicquam minùs uno integro volu-

I.  
Pendent  
hæc me-  
teora ex  
commis-  
sione ter-  
restri.

TOMUS IV.

R

nunc, idcirco remisso Lectore ad prædictos Autores, tantum obiter dixerim necesse esse, ut intelligamus Deum ab initio telluri promiscuam multiplicissimam diversitatem particularum elementarium, quarum aliarum ad unius, aliarum ad alterius metalli, aut mineralis, aut lapidis speciem constituendam sint ex sua natura idonearum; atque inde accidit, ut hic quidem unius, illic alterius copia abundet vel deficiat, prout hic aut illic deficit vel abundat copia specifica talium particularum; quarum veniunt in contemperationem naturalem illius, ut omnino intelligitur ex dictis alibi de numero elementorum.

De cætero etiam non est dubium, quin ad istorum meteororum terrestrium tot genera progignenda plurimum quoque conferat influxus cælestes, quos satis constat non consistere in fictitiis Aristotelicis qualitatibus, sed in variis ac varie copiosis effluviis corpusculorum elementarium, quarum sua mobilitate Terram invadentia veniunt pariter in compositionem mixtorum, de quibus est sermo. Et id quidem asseri merito potest in genere; at non video quâ fronte asserere in particulari possint plerique Aristotelici aurum intra viscera terræ progigni à Sole, argentum à Luna, ferrum à Marte, &c. tribuendo cuilibet Planetæ cujuslibet metalli productionem; ita ut præterea mirum sit quomodo non æque audacter singulorum mineralium ac lapidum speciem non retulerint ad designati alicujus Planetæ influxum.

Item plurimum ex varietate cælestium influxum.

### III.

Unde proveniat concussio terræ, aut hiatus.

Postmodum si quid in sinu terræ accidit, quod enumerari mereatur inter meteora terrestria, id maxime est, quod illa aliquando concutitur & fatiscit in tremendas voragines, quibus non semel visum est oppida integra solo æquata misere absorberi. Si verò nunc inquiratur modus, quo evenit Terram, licet aliàs stantem firmiter ponderibus libratam suis, interdum concuti, duplex occurrit. Vel enim id accidit propter ignes subterraneos, à quibus ultra modum rarefiant humores in antris profundioribus reconditi: isti verò propter nimiam rarefactionem antra sua succutiant & prorumpant. Quamquam præterea non desunt in multis cavernis materiam inflammabilem, quæ motu aut aliter ignem concipiant, eoque concepto aggeres terrestres superimpositos non aliter emoveant, quam soleat id, aut simile quid præstare pulveris nitrati accensio in cuniculis militibus.

IV.  
Afferuntur aliarum causarum concussionis illius.

Vel etiam id contingit ob præcipientes multarum aquarum lapsus in specus subterraneas, quarum tanto ponderi ac conarui sustinendo cum sint impares, succutiuntur ac simili tremore succutiant loca omnia proxima. Et hæc quidem succussio est ut plurimum veluti periculus successive repetitos interrupta, quatenus aquarum illarum multarum fluctuum illabuntur ac per vices alternorum singultuum, ut sic dixe-

rim, & vim habent de cætero ad latera specuum, in quas confluent, prorumpenda. Nisi præterea fortè ad Terræ tremorem efficiendum conferant venti, qui intra terrestres concavitates geniti, ut ante dictum est, ac vim facientes ad eruptionem antra sua commoveant; quia verò antra id genus plurima sunt, quæ non carent hiis reciprocis, hinc accidere potest, ut Terræ motus fiat ad instar subfultus per intervalla repetiti, toties scilicet, quoties venti illi vehementissimi erumpunt ex uno antro in aliud, donec eruperint. Hæc autem eruptio aut tandem fit per spiracula idonea occurrentia, aut terrestrem aliquam molem submovet & efficit ut dehiscat, suo illo hiatu quidquid super existerit voratura.

Denique ut ad meteora terrestria Physici revocant generationes quaslibet subterraneas metallorum, mineralium, lapidum, non video cur non revocari perinde possint cæteræ ac non minùs mirabiles generationes sive herbarum, sive arborum, quas Terra educit & enutrit è suo sinu subministrans in hunc finem alimenta & semina: & similiter quare revocari non poterunt animalium genera omnia, quæ telluri in primis debent & exortum suum & victum. Unde fit ut de his omnibus in hoc loco agendum esset, nisi Philosophi Naturalistæ sublevarent nos hoc labore tractantes de illis omnibus ex professo, de quibus præinde consulendi sunt. De meteoris itaque hætenus cum dictum sit satis, progrediamur ad alteram Physicæ partem, quæ est de corpore animato, sive de Anima.

V.  
Naturali-  
stæ agunt  
ex professo  
de ge-  
nerationi-  
bus terre-  
stribus.





## ALTERA PARS PHYSICÆ DE CORPORE ANIMATO sive de anima.

**A**LTERAM hanc Physicæ partem multò breviorẽ; licet tantò digniorẽ, quantò præcellit anima corpori, disputationibus quatuor, iisque non prolixis absolvam. Et in *prima* quidem agam de anima vegetativa, in *secunda* de anima sensitiva, in *tertia* de sensibus tum internis, tum externis, & in *quarta* de Anima rationali. Sed proœmialia quædam non tacenda sunt circa animam in communi.

### PROOEMI ALIA

*Circa animam in communi.*

I.  
Operationes aliæ sunt transeuntes, & aliæ immanentes.

II.  
Essentia venientius dividitur quadrupliciter.

**P** Rincipiò distinguenda sunt duo genera operationum, transeuntium scilicet & immanentium. Transeuntes vocantur illæ, quæ non perficiuntur in subiecto, sive in operante, à quo eliciuntur, sed extra illud complentur: tales sunt v. g. projectiones, quæ à projiciente quidem exeunt, at perficiuntur in medio, quod à rebus projectis percurritur. Immanentes verò dicuntur illæ omnes, quæ peraguntur in illo eodem subiecto, sive operante, à quo exeunt, quales v. g. sunt corporum viventium accretiones; ut enim pendunt à facultate ipsis intrinseca, sic complentur non alibi, quàm in ipsis, sive intra ipsorum molem corpoream.

Quamvis fortè convenientius fieret divisio operationum in quatuor genera, relative ad terminos, à quibus procedunt & ad quos ordinantur. Siquidem aliæ tendunt à termino intrinseco ad extrinsecum, & proprie dicuntur actiones transeundi, ut emissiones spirituum,

percussiones, inflexiones, &c. Aliæ à termino extrinsecò ad intrinsecum, & vocari possent actiones redeundi, quales sunt attractiones: aliæ terminum utrumque habent extrinsecum, quales sunt omnes translationes & meritò vocarentur actiones eundi; aliæ denique terminum utrumque habent è contra intrinsecum, uti sunt vegetationes omnes & sensationes, & vocantur actiones immanendi, seu immanentes. Nihilominus communior est ac proinde notior prædicta alia divisio operationum in transeuntes & immanentes. Quare eâ retentâ dico operationes immanentes esse illas, quas Philosophi vocant vitales; cæteræ verò omnes vitales non sunt, nec vocantur nisi simpliciter naturales, quatenus non habent pro suo principio, nisi Naturam; at quæ sunt immanentes principium obtinent, quod est Anima.

Ad cujus dogmatis evidentiotem notitiam recolendum mente est quidquid dictum fuit alibi de Natura juxta receptissimam illam definitionem. Natura est *principium motus & quietis*, scilicet actus, sive consistentis in to actuoso conatu, quem exerunt corpora, ut persistant in locis sibi naturaliter debitis: nam hinc intelligitur Animam, quæ haud dubie perfectior est Naturâ, esse similiter *principium motus & quietis*, sed in ordine aliquo superiori, utique vitali; nihil quippe vetat quominus sicut vegetatio v. g. est quædam motio vitalis, sic pro quiete quadam vitali accipiatur consistentia, sive conservatio incrementi, quod per vegetationem acquiritur. Et rursus hinc concipies omnem animam esse naturam, at non omnem naturam esse animam; sicuti omne corpus animatum est naturale; sed non omne corpus naturale est animatum: quandoquidem omnes actiones vitæ sunt naturales; sed non omnes actiones naturales sunt actiones vitæ, quia non omnes sunt immanentes, qualiter ad vitæ dignitatem requiritur. Tum verò quia natura cujuslibet rei corporeæ non consistit, nisi in certa quadam ac singulari tum dispositione partium componentium, tum contemperatione, per quam res illa idonea est ad determinata quædam exercitia actionum naturalium, convenientissime diceretur animam in rebus purè corporeis nihil esse, nisi particularem dispositionem ac contemperationem illam, secundum quam exercere valent certa quædam genera actionum vitalium.

Nihilominus anima vulgò sumitur pro una tantummodò parte corporis animati, pro illa nimirum, quæ cæteras actuat, perficit, informat, regit & subijcit sibi ut famulas, quarum ministerio utitur ad peragendas actiones vitæ sibi convenientes; at illæ cum in quoli-

III.  
Quæ sit  
notio Na-  
turæ, &  
Animæ.

IV.  
In quo  
sensu co-  
muniori  
anima ac-  
cipiatur;

bet vivente sint multiplices, exigunt necessariò consimilem aliquam partium multipliciter organicam, ut id omnino à pari probat experientia Artificum, quos opus est vii multiplicibus instrumentis ad multiplicia artis opera. Quare jam dicto citius concipietur vulgaris illa Aristotelica animæ definitio, quam interpretes passim obscurant, dum nimiam ponunt sollicitudinem in ea subtilius illustranda. Anima est *actus corporis organici potentia vitam habentis*, quod idem est ac si paucissimis verbis diceretur corpus animatum debere esse organicum, neque aliter posse vitam habere, id est, exequi operationes vitales, quas per ipsum anima actura est, unde & vocatur *actus*, quasi agens & movens corpus organici suis bene instructum ad actiones vitæ, aliquin ad eas inhabile, & proinde ineptum ad vitam habendam. Quia verò triplex tantum est genus vitæ, scilicet vegetativæ, sensitivæ & intellectivæ, ut satis constabit ex toto tractatu, hinc non obscura est hæc altera animæ definitio. Anima est *id, quo vivimus*, sive quo vegetamus, sentimus, intelligimus; sed opus est subintelligere distributionem hanc accomodam, juxta quam anima est id, quo plantæ vegetant, quo bruta vegetant simul & sentiunt, quo homines vegetant, sentiunt simul & intelligunt.

V.  
Qualiter  
attendide-  
beat per-  
fectio vi-  
tæ.

Neque prolixo sermone opus est, ut suadeatur vitam, quæ ab anima dependet, ejusdem esse perfectionis, cujus est anima; atque ita vitam non esse in omnibus rebus corporeis viventibus æqualiter perfectam, cum non sint æqualiter perfectæ animæ, à quibus res illæ corporeæ vitam obtinent, quis enim dubitat animam sensitivam esse perfectiorem vegetativâ, & utrâque perfectiorem esse intellectivam? Unde clare & rationabiliter infertur vitam rerum corporearum viventium non esse quid univocum, ac multò magis nullam esse hanc vitæ univocationem, si præterea relatio fiat ad vitam Angelicam & Divinam, nullam, inquam, esse in sensu physico, quidquid interim sit de sensu metaphysico & abstracto, de quo jam nihil inquiritur. Sed litem hanc breviter compones ex dictis in Metaphysica circa quæstionem illam nominalem de univocatione entis.

VI.  
Animæ  
materiales  
coexten-  
duntur mol-  
li corporæ.

Deinde circa animas corporeas, scilicet vegetativas & sensitivas satis evidens est eas ex pluribus particulis selectis coalescere; cum enim corporeæ sint & simul coextensæ corporibus per ipsas animatis, hinc patet in compositionem singularum venire certa aliqua genera particularum materialium, quæ cohesionem inter se habentes disperguntur per totam molem corporis animati, actuates, sive informantes aliæ quidem hanc partem, aliæ aliam: omnino quippe absurdum

effet cogitare animam corpoream posse perinde ac incorpoream, sive spiritualem, qualis est anima rationalis, sine ulla sui compositione atque indivisibiliter coæquari corporeæ toti moli, quam animat suo contactu atque interventu per partes singulas. Sed difficultas non modica est utrum animæ cujuslibet corporeæ compositio sit homogenea vel heterogenea, id est, ex particulis materialibus ejusdem aut diversæ rationis, sive speciei: quia in utriusque assertionis gratiam occurrunt motiva & argumenta urgentia, quæ Maignanus phil. Nat. Cap. 22. prosequitur fule & accurate, ut solet, expendit.

At valde urgentiora ipsi mihi que videntur illa, quæ heterogeneitatem compositionis stabiliunt; siquidem in primis per hanc heterogeneitatem commutatio, sive degeneratio specierum viventium, qualis frequentissime accidit in herbis & arboribus, facillimè explicatur, quatenus per inclementiam aut è contra per meliorem cæli benignitatem subministrata vel sublata certa aliqua genera particularum commutant semina, ac proinde animas in seminibus contentas. Vnde consequitur herbas & arbores, quæ nascituræ expectabantur intra unam speciem, prodire quandoque degenerantes in aliam: sic loco tritici nascitur quandoque lolium, & brassica in rapam vertitur, &c. nihilque in tota agricultura receptius, quàm plurimùm prodesse ad servandas species arborum singularem culturam, quâ destitutæ sylvescunt & degenerant; neque aliam ob causam, nisi quia per culturâ, uti per irrigationem, fossionem, stercorationem subministrantur, aut utcumque aliter procurantur talia particularum genera, quæ ad enutriendam & servandam speciem requiruntur, iis deficientibus destitutam. Ac tum heterogenea illa compositio animarum corporearum omninò necessaria est ad productionem infinitæ illius varietatis, quæ est inter species rerum viventium. Sic quippe multò facilius species variantur, quàm si ad cujuslibet speciei viventis constitutionem uno certo ac determinato genere particularum materialium opus esset, ex quibus solis constaret anima corporea illa, quæ tali speciei vitam tribuit.

Neque ad id ita cogitandum & statuendum leviter movet progeneratio monstrorum, quæ ex commixtis diversæ speciei seminibus enascuntur: quia enim animæ rerum viventium in ipsorum seminibus continentur, hinc fit ut cum semine commisceantur simul particulæ illæ materiales, quæ possunt efformare animam respectivè diversam, ac tum commixtæ transiant in tertiam speciem animæ, quæ diversâ tum organa, tum membra exigens aut efformans, monstrum efficit. Uno verbo ut ex commixtione heterogenea particularum elemen-

VII.  
Ostenditur illas esse heterogæneas, idque variis rationibus.

VIII.  
Accedit alia ratio petita ex generationibus monstrorum.

tarium prodit omnis diversitas mixtorum non viventium, sic non aliunde provenit specifica viventium differentia, quàm ex concurrentibus particulis elementaribus diversi generis; nisi quòd ad vitam efficiendam, sive ad componendam animam viventem desiderantur elementa diversi generis digniora: quamquam fortè non desiderantur; sed tantùm opus est ut hæc determinate cum illis contemperentur; ita ut si contemperentur cum aliis, non possint eam temperiem obtinere, quæ ad compositionem animæ viventis requiritur. Atque ita juxta doctrinam nostram toties probatam corpora viventia perinde ac non viventia coalescunt ex elementis diversimode mixtis, coalescunt, inquam, primò, aut si malueris, remote; proxime autem & secundò constant ex partibus, sive ex membris, organis, succis, salibus, oleis, spiritibus, &c. quæ quidem omnia, quamvis in se ipsis sint quædam mixta, magis tamen accedunt ad incompositionem, sive homogeneitatem elementarem. Verùm hac de re deinceps recurret sermo, cùm in particulari disputabitur de anima tum vegetativa, tum sensitiva.

IX.  
Et possunt  
plures ani-  
mæ coha-  
bitare in  
eodem vi-  
vente.

Pendet etiam ex iisdem consequentibus disputationibus decisio controversiæ proponi solitæ in Scholis, utrum in uno & eodem vivente corpore sint, vel etiam esse possint plures animæ: quia nisi de quidditate illarum ante constiterit, nihil certi ac solidi dici potest circa possibilem illarum aut impossibilem societatem, sive cohabitationem. Nihilominus sufficienter præintelligitur, si de anima vegetativa & sensitiva sit sermo, eas nullam inter se contrarietatem habere; siquidem perinde consistunt in certa quadam temperie particularum elementarium, quarum oppositio nulla esse potest, cùm nulla sit inter actiones vegetandi & sentiendi, ut patet ex utrarumque consortio in brutis & in hominibus. Unde non video quare ad accessum animæ sensitivæ in embryonem recedat anima sensitiva, ac deinde etiam recedat ipsa anima sensitiva ad accessum animæ rationalis, ut putant plurimi, qui suam sententiam non ita pugnaciter tuerentur, si semel ipsis perinde ac nobis constaret animas corporeas, vegetativas scilicet & sensitivas, consistere in particulis selectis elementaribus debite contemperatis, quibus non aliter quàm idoneis membris & organis anima rationalis indiget ad operationes vitæ humanæ exercendas. Ad quid igitur anima rationalis illas ejiciet & non potius illas sibi mancipabit ad serviendum?

X.  
Neque ta-  
lis cohabi-  
tatio repu-  
gnat, aut  
est super-  
flua.

Seilicet essent, inquit, tres formæ simul in corpore humano, si res ita se haberet, ut statuimus; id verò est impossibile; & aliunde inducit superfluum entium multiplicationem, cùm anima ra-  
tionalis



tionalis continens haud dubie eminenter perfectiones animæ vegetativæ & sensitivæ per se ipsam possit id totum præstare, quod præstaret, ut fingimus, per ministerium utriusque. Et cum de anima sensitiva, quæ est in brutis, non aliter sentiendum sit respectu vegetativæ, hunc superest in quovis corpore vivente animam non esse nisi unicam. At hoc totum ratiocinium leve est: quia quod obiciunt de tribus formis futuris in eodem subjecto, facile solvitur dicendo ex tribus illis fore unam principem, cui duæ aliæ inservirent & subordinarentur. Quod autem addunt de perfectionibus animæ inferioris eminenter contentis in anima superiori, non urget, quatenus id non obstat quominus anima superior indigeat ministerio animæ inferioris, ad eum modum, quo ad certa quædam artis opera eget Artifex instrumentis selectis, licet perfectionem illorum eminenter contineat. Aut si hic discursus vim ullam habet, eam utique non obtinet, nisi adversus eos, qui timentur principia Aristotelica, quorum nos vades non sumus.

Denique ex eò quod supra dictum est animam esse actum corporis, subintelligi necessariò debet *totius*; & hinc clariùs infero omnes partes, quæ corpus animatum utcuque integrant, esse vere ac realiter viventes, sive animatas, ut aiunt, animâ totius. Igitur præter excrementa, quæ evidentè non sunt de integritate corporis animati, quidquid in illo est, vivit. Atque ut aliquid expressiùs dicam, assero humores corporis v.g. humani, de quibus in schola Aristotelica à multis ambigitur, scilicet sanguinem, pituitam, flavam & atram bilem non minùs vivere, quàm caput & pedes cæteraque membra, de quibus nemo dubitat. Et ratio mihi quidem, nescio an aliis æque evidens, est illos, nisi spiritu quodam vivifico foverentur, obnoxios fore putredini ac fætori, dum in corpore sunt, perinde ac post effluxum è corpore: cum nihilominus constet eos extra corpus quidem illicò computrescere ac fœtere; at intra corpus esse sanos ac vegetos. Ut nihil dicam de motu, quo in omnem partem corporis moventur conformiter ad partium necessitatem & exigentiam; at eum motum quis non concedat esse vitalem ad differentiam illius, quod determinate in unam tantum partem sursum aut deorsum, rectâ aut oblique feruntur corpora quævis alia compulsi interno vivifico destituta.

Sed in primis vitam non esse sanguini adimendam probatur ex circulatione ejusdem peronni, & adeò celerè ut ter intra singulas horas illam perficiat, si hoc tantum supponitur, ut verisimile est, non esse plures quàm decem aut circiter libras sanguinis in humano corpore,

Tomus IV.

S

XI.  
Qualiter  
humores  
sint parti-  
cipes vitæ.

XII.  
Et hoc spe-  
ciatim pro-  
batur de  
sanguine.

& ad singulos arteriarum pulsus singulis horarum minutis quater supra seרגես repetitos drachmam unam ex corde effluere in sortam; ut facili per te ipsum id computabis, atque hinc maxime convinceris sanguinem vivere. Neque obstat quod non modò non sentitis sed neque vegetat, ac multò minùs intelligit, neque superest aliud genus vitæ. Non, inquam, id obstat, quia ad rationem vitæ, scilicet vegetativæ, qualem tribuo sanguini, satis est foveri ac servari in statu vegeto, ad eundem modum, quo quamvis non continuò vegetet animal, sive non excrescat per vegetationem, nihilominùs non caret pro tunc anima vegetativa, modò per eam servet statum vegetum ac vividum, quem ante obtinuisse supponitur. Ac præterea humores, de quibus agitur, cum absque illis corpus nequeat vivere, multò magis pertinent ad integritatem illius: atque ita potiùs vivunt, quàm manus aut pedes, quibus mutilatis potest adhuc animal vivere: & nihilominùs nemo unquam credidit manus & pedes carere animâ.

XIII.  
Quid hac  
in re sen-  
tiendû sit  
de ungui-  
bus, den-  
tibus, &c.

Ad ungues vero, dentes, ossa & capillos quod attinet, quis dubitet vitam iis omnibus convenire, si vel dummodò attendit ad modum vitalem, quo incrementum suum obtinent aut servant postquam obtinuerunt? Nam ossa quidem & capillos crescere immanenter constat ex medulla, quam in illis nudi oculi, in istis verò iidem oculi microscopio adjuti observant; unguibus autem ac dentibus inesse vitam non minùs patet ex radicibus, per quas vitam trahunt, dum attrahunt succum incremento suo, aut statui convenientem. De lacte tandem & semine, licet rationabiliter multi dubitent utrumque vivere, quatenus ad integritatem aut conservationem proprii individui non pertinent, sed potiùs ad nutritionem & generationem alterius, atque ita reputari possunt pro humoribus excrementitiis, nihilominùs non omnino vitam utrique adimendam esse mihi plane suavis est, non tantùm ex statu vegeto ac vivido, quem obtinent intra corpus; sed præsertim ex modo vitali, quo nutritionem & generationem efficiunt traducendo, ut ita loquar, vitam ex individuo uno in aliud, quam alioquin non traducerent, nisi haberent, nimirum ex commixtione ac pervasione talium spirituum vivificorum, in quorum activitate ac con-temperatione consistit anima.

XIV.  
Quid ge-  
neratini  
docuerint  
Antiquio-  
res circa  
animam  
materia-  
lem.

Neque inter ista proœmialia tacendum videtur Philosophos omnes, qui Aristotelem præcesserunt, fuisse circa animam corpoream in eadem fere omninò sententia, quam tuemur de particulis purioribus elementatibus & actuosioribus harmonicè attemperatis, quibus id proprium sit corpora, quibus insunt, movere vitaliter, id est, animare; testemque non alium compello, quàm Aristotelem ipsum lib. 1.

de anima cap. 2. ubi refert opiniones Democriti, Leucippi, Pythagoræ, Anaxagoræ, Empedoclis & Platonis, de quo his verbis ad vim deducendæ mox consequentiæ profuturis loquitur, *Eodem & Plato modo animam in Timæo ex elementis constare censet, &c.* Consequentia autem, quam deduco, hæc est, doctrinam illam, quam deinceps propugnabimus, non esse novam, ac sub prætextu novitatis non esse spernendam, ut spernunt plerique, tantò in hoc audaciores, atque imperitiores, quantò certius est D. Aug. D. Basilium ac fere omnes veteres Ecclesiæ Patres non aliam didicisse aut docuisse; eos quippe fuisse Platonicos jam pluries dictum est & probatum testimonio D. Thomæ, qui nihilominus maluit Platoni præferre Aristotelem. Prætermittendum quoque non est argumenta illa omnia, quibus roties demonstratum fuit nullam esse talem formam, qualem cogitavit Aristoteles venire cum materia in compositionem corporum naturalium, eandem omnino vim habere adversùs superiorem hanc formam, quam vocat animam & docet componere corpora animata, ut examinanti patebit. Id ramen non impedit quominus usurpetur nomen *forma & actus* & quodvis aliud abstractum idoneum ad explicandam animæ quidditatem: & nos quidem eo utimur; sed vocem abstractam non confundimus, ut libet Aristotelicis, cum re ipsa.





# DISPUTATIO

## PRIMA

### DE ANIMA VEGETATIVA.

**I**N hac disputatione quatuor quaerentur. *Primum* est, quid sit anima vegetativa; *secundum*, quotuplex sit potentia animae vegetativae; *tertium*, an in vegetatione occurrat nova productio; *quartum*, quae & qualia sint subiecta animae vegetativae; atque ita quatuor articulos comprehendit praesens disputatio.

## ARTICULUS I.

### QUID SIT ANIMA VEGETATIVA?

I.  
Exponitur  
quid in  
abstracto  
sit anima  
vegetati-  
va.

**P**RONOTANDUM est ex dictis circa definitionem animae in communi facile confici definitionem animae vegetativae in particulari his verbis. Anima vegetativa est *actus primus corporis organici potentia vitam vegetativam habens*; quia enim ad diversas operationes vitales diversa organa requiruntur, hinc fit ut anima vegetativa non sit actus primus cuiusvis corporis organici; sed illius tantum, quod potentia vitam vegetativam habeat, sive quod ex propria ac singulari organizatione, id est, ex conformatione, configuratione, contemperatione, compagine, &c. suarum omnium partium idoneum sit ad opera;

tiones vitæ vegetativæ exercendas. Aliter quoque definiri potest anima vegetativa per id, quo vegetabilia vivunt, aut quo nutriuntur, crescunt & generant, cum hæc tria sint vitæ vegetativæ officia.

At cum in Physica non sufficiat agnoscere quid res sint in sensu metaphysico, nihilque præter conceptum metaphysicum explicent præmissæ definitiones, idcirco ulterius eundem est & inquirendum quid illud sit in re ipsa, cui competit esse actum primum corporis organici potentia vitam vegetativam habentis, & esse principium, quo vegetabilia vivunt, nutriuntur, crescunt & generant; quamvis id sit contra indolem consuetudinemque Aristotelicorum, quibus in Physica perinde ac in Metaphysica satis est & satis esse putant, si noverint qualiter res definiri debeant in abstracto. Ac ne gratis vel præperam videar id dixisse, vide Tu ipse Lector in ipsorum libris, an v. g. postquam statuerunt composita naturalia componi ex materia & forma, materiamque definierunt per conceptum *pura potentia*, & formam per conceptum *actus simplicis*, ullatenus solliciti sint inquirere quid rei sit illud, cui competit esse puram potentiam, & actum simplicem; sed nec in omnibus cæteris aliter se gerunt, unde fit ut in Physica sua nihil edoceant præter metaphysicas voces. Quod obiter tantum dixerim, neque tam animo redarguendi, quam insinuandi quid ad obtinendam pleniorẽ physicam eruditionem seu in materia proposita, seu in cæteris omnibus geri debeat.

Notandum *secundo* motus omnes vitales corporeos perinde ac simplices naturales & eos præsertim, quos sympathicos & antipathicos vocant, pendere ex aliqua determinatione extrinseca, qualis illa est, quam disp. II. art. 7. fusissime probatum fuit fieri per particulas elementares sibi multò occurrentes, quæ si congenex fuerint ex solo contractu determinantur ad complexum, si verò contrariæ, à complexu resiliunt refugiuntque permisceri. Quæ doctrina si semel comprehenditur, plurimum lucis affert ad obtinendam notitiam actionum vitalium corporearum, vegetationum nempe & sensationum. Et quoniam de vegetationibus hic est sermo, si concipimus particulas unius aut multiplicis generis elementares intra tellurem occurrere radicibus arboreis, & in poris, sive ostioliis raliũm radicum invenire particulas elementares ejusdem aut alterius generis sympathici, satis intelligitur eventurum esse, ut simul ac veluti datis manibus pergant per easdem radices, assurgantque per truncum, &c. hoc tantum supposito posse alias ab

II.

Tum in-  
quiritur  
quid sit in  
concreto,  
& hoc A-  
ristotelici  
negligūt.

III.

Qualiter  
fantatio-  
nes vege-  
tandi.

aliis determinari ex solo contactu, seu occurſu, ad proſecutionem motus conſimilis: ac prout neceſſario ſupponendum eſt poſſe fieri; quia extra hanc hypoteſim nulla ratio reddi poteſt, cur ſucci arborum alimentitii gravitate ipſorum aliàs reſiſtente, conſcendant ſurſum, ac multò minùs cur non perinde ſucci omnes conſcendant; ſed alios quidem admittat arbor, alios reſpuat factò veluti delectu.

## IV.

Quæ ſit  
differentia  
in actioni-  
bus vege-  
tandi.

Inde accidit ut arbor lætiùs in uno ſolo germinet, quàm in alio; & quidem ut in uno viſceſcat, in alio exſicceſcat, quamvis æque copioſo ac circumfuſo humore abundans: quia nimirum hic humor non conſtat ex talibus particulis elementaribus, quarum ſola temperatura idonea eſt ad ſuavitatem ſucci alimentitii, quo indiget; ſive, quod idem eſt, quia non conſtat ex particulis elementaribus, quæ ſympathicam indolem habeant cum cæteris, quæ nutrite cæperunt arborem: quapropter non permilceantur cum illis, nec promoventur ad eam connutriendam. Itaque ad vitam arboris, & idem intellige de vita mixti cujuſlibet alterius vegetabilis, tuendam, neceſſe eſt ut particulæ elementares externæ incurrendo in internas, ex tali incurſu determinentur ad eodem motus, quibus iſtæ moventur, ſicque ſubeant eaſdem mutationes & uniones ad ſubſtantiam arboris. Talis autem determinatio accidit, ſi habeant inter ſe congenecitatem loco, quem citavi ſuperiùs, explicatam, ut omninò non accidet, ſi ex oppoſito habuerint contrarie- tatem, ſeu activitatem antipathicam; ſic quippe declinabunt ab omni commercio & eo in primis, quod requiritur ad arborem ſimul petradendam & alendam.

## V.

Omnia ve-  
getabilia  
ex ſemine  
aliquo pro-  
deunt.

Notaudum tertio ad initia & incrementa vitæ vegetativæ neceſſarium fuiſſe, ut Deus per ſe ipſum ſemina vegetabilium omnium ab initio produceret ac provideret deniceps produci, ut revera produxit & produci providit ac juſſit verbis iſtis gen. cap. I. *Germinet terra herbam virentem & facientem ſemen & lignum pomiferum faciens fructum juxta genus ſuum, cujuſ ſemen in ſemetipſo ſit ſuper terram;* quatenus ſi hæc ſemina non præſupponimus, nihil de vegetabilibus comprehenditur, niſi illa non aliter poſſe quàm ex fortuito quodam elementari concuſſu produci, ſpeciesque illorum progignendas fore non conſtanter eaſdem; ſed variabiliſſime diverſas, contraquàm videmus alia ab aliis uniformiter intra ejuſdem, aut certè non multùm abſimilis ſpeciei terminos generari. At his ſeminibus præſuppoſitis plana ad explicandam vegetatiouem ſunt omnia, ſi concipiamus hæc duo contineri in ſemine, ſcilicet certam aliquam diſpoſitionem or-

ganicam, & rursus intra hæc organa certam aliquam copiam ac temperiem spirituum elementarium. Isti itaque spiritus, aut quia pauci sunt, aut quia arctius à cortice seminis coercentur, operationem viæ nullam exercent; sed deinceps si correx rumpitur, & alii congeneci venerint in consortium per eadem organa affluentes, movebunt molem illam corpoream, intra quam affluunt & augebunt juxta mensuram hinc affluentiz, hinc dispositionis ad incrementum & morum.

Quapropter omnino cogitandum ac putandum est semen, ex quo vegetabile enascitur, esse vegetabilis totius quoddam compendium, in quo contineantur omnia ac singula prorsus genera tum Organorū, tum spirituum elementarium in suis respective organis residentium, quæ deinceps in vegetabili nato & aucto reperiuntur. Ac proinde si possent oculi deprehendere v.g. in semine pomi quidquid in illo est, haud dubie viderent in eo radices substratas trunco & prodeuntes ex trunco ramos & enascentia ex ramis virgulta cum initiis foliorum & fructuum, quo nihil mirabilius esse potest & urgentius ad agnoscendam sapientiam simul ac potentiam Divini opificii. His prænotatis dicamus paulò expressius de quidditate animæ vegetativæ in assertione sequente.

VI.  
Qualiter  
continean-  
tur in suis  
seminibus.

## ASSERTIO UNICA.

*Anima vegetativa principaliter consistit in illis selectis particulis elementaribus, quæ perficiunt, sive actuunt dispositionem organicam seminis, ex quo vegetabile accipit vitæ suæ initia; minùs verò principaliter in cæteris, quæ deinceps adveniunt ad ejusdem dispositionis organicæ & auctæ perfectionem & majorem, ut ita loquar, actuationem.*

**P**ROBATUR primò. Anima vegetativa consistit in eo, quod in vivente vegetabili per se & active producit initia atque incrementa vitæ vegetativæ: atqui totum illud verificatur de selectis illis particulis elementaribus, de quibus procedit nostra assertio; ergo &c. Major est certa; quia cum anima vegetativa sit actus viventis vegetabilis, id est, molis corporeæ & organicæ, quam vivens vegetabile ab initio

VII.  
Particulæ  
elementa-  
res habent  
activitatē  
vegetativam.

suz vitæ obtinebit, aut deinceps obtinebit, necesse est illam active concurrere, alioquin non esset actus, ad initia & incrementa vitæ vegetativæ. Minor verò sic probatur *primò*. Quia cùm particulæ illæ selectæ elementares sint intra organicam dispositionem seminis; & aliunde naturalem mobilitatem habeant, talem habent haud dubiè, qualis convenit vegetabili prodituro ex semine. *Secundò*. Illæ eadem particulæ selectæ elementares id habent ex prænotatis singulare ac proprium, ut congenæas quaslibet aliunde occurrentes determinent ad cohabitandum, & proinde ad similia exercitia movendi, seu actuan- di molem organicam, intra quam admittuntur. Hinc autem evidens est particulis selectis illis elementaribus in semine conclusis id con- venire, ut primò moveant moleculam illam seminis organicam; & rursus ut eandem moveant deinceps, quatenus interim dum augebitur ex occurso particularum convenientium, seu habentium rationem materiæ, illæ etiam multiplicabuntur ex occurso aliarum particularum habentium rationem formæ; atque ita active producent initia & in- crementa vitæ vegetativæ propter motus vegetativos, quos primò & deinceps producunt. Ergo &c.

VIII.  
nec potest  
aliter ex-  
plicari ac-  
tuositas se-  
minis.

Probatur *secundò*. Necesse est animam vegetativam consistere in aliqua re actuosa, quæcunque interim illa sit, præcontenta in semine; atqui non potest res illa actuosa esse aliquid præter selectas illas par- ticulas elementares, de quibus jam dixi: ergo &c. Major est evi- dens, quia enim anima vegetativa non creatur, sed gignitur, ac pro- inde educitur tota ex subjecto præexistente, id est, semine, conse- quens est illam præexistere totam in semine. Aliunde verò quia non præexistit, nisi in ratione formæ educendræ, omnis autem for- ma est actus, sive aliquid actuosum, quid clarius est quàm animam vegetativam consistere in aliqua re actuosa præcontenta in semi- ne? Minor quoque non est minùs manifesta ex principiis doctri- næ elementaris, quia in omni semine, quod est quoddam mix- tum, nihil est præter particulas elementares sibi invicem cum certa aliqua contemperatione cohærentes: hæc autem contemperatio fit per communicationem, quâ aliæ ab aliis perficiuntur, sive actuan- tur: ac proinde in semine reperiuntur particulæ elementares, qui- bus singulariter competit perfectio rei cuiusdam actuosæ. Et hæc est forma seminis, sive anima vegetativa, quæ nondum quidem opera- tiones suas exercet; sed exercebit, ubi primùm ab agentibus extrin- secis excitabitur & juvabitur simul ad generationem viventis vege- tabilis ex semine prodituri. Ergo &c.

Dixi



Dixi in assertione animam vegetativam principaliter consistere in illis selectis particulis elementaribus, quæ perficiunt & actuant dispositionem organicam seminis, ex quo vegetabile accipit vitæ suæ initia, *minus verò principaliter in cæteris, quæ &c.* Et ideo dixi, non tantum quia illæ priores cæteris adventitiis præcunt atque veluti dirigunt intra organicam seminis dispositionem ad motus ejusdem vitæ exercendos; sed insuper ac præsertim quia illæ, quæ lapsu temporis adjuunguntur, non sunt omnes pariter puræ & selectæ ac ejusdem omnino activitatis, quam obtinent illæ, quas Deus per se ipsum commiscuit, aut commisceri providit in semine ad perfectionem specificam viventis ex semine prodati. Et inde accidit ut vivens vegetabile deinceps quando excresecit, non tantum multiplices temperamenti sui naturalis mutationes accidentales patiatur; sed etiam quandoque in aliam speciem degenet, sicuti supra dictum est triticum aliquando degenerare in lolium, & idem sentiendum est de multis aliis vegetabilibus.

Præterea ad istas mutationes naturalis temperamenti intelligendas & simul ad comprehensionem totius assertionis non parum proderit advertere, quod sicut in semine duo quædam sunt genera particularum elementarium, quarum aliæ constituunt dispositionem organicam seminis & habent rationem materiæ, aliæ verò actuant dispositionem illam & habent rationem formæ: ita particularum elementares, quæ adjuunguntur, ad duo talia genera revocantur, ita ut aliæ quidem materiam, aliæ verò augeant formam viventis vegetabilis. Ac proinde mutationes, quæ temperamento illius accidunt, possunt utique provenire ex utrisque particularum adventitiarum generibus, quatenus nimirum non habent omnem prorsus convenientiam cum illis primigeniis; sed secum aliquid impurum aut nocivum trahunt. Verum id totum adhuc magis intelligetur ex solutione objectionum sequentium.

Objicies *primò*. Semen non vivit: atqui viveret, si anima vegetativa consisteret in particulis selectis elementaribus in ipso præcontentis: ergo &c. Major satis constat, quia semen nullum promittit indicium vitæ, scilicet vegetativæ, quæ sola ei fortè tribuitur; nec enim nutritur, nec crescit, nec generat, si non ante corrumpitur, hinc convincitur illud non vivere, sed tantum suppeditare materiam idoneam ad vitæ suspensionem. Sequela verò minoris facile probatur, aut potius probatione non indiget: quia cum anima vegetativa sit ipsum principium vitæ vegetativæ, evidens est ex ipsi terminis vitam vegetativam præcontineri in semine, si in eo anima

IX.  
Qualiter  
particulæ  
seminales  
sint magis  
actuosa.

X.  
Unde pro-  
veniant  
mutatio-  
nes tem-  
peramenti  
naturalis.

XI.  
Opponit  
semen non  
vivere.

vegetativa præcontinetur. Ergo è contra si non præcontinetur vitæ; ut dictum est, neque etiam anima præcontinetur; atque ita ruit quidquid in assertionione statuitur circa quidditatem animæ vegetativæ.

XII.  
Et inferunt  
quod aliud  
lignum  
aridum vi-  
veret.

Adde quod etiam si in semine continerentur particulæ illæ selectæ elementares mobiles & actuosæ, ut volumus, non propterea in illis consisteret suffieienter anima vegetativa: ergo neque per illas suffieienter explicatur quidditas animæ vegetativæ. Consequenter recte deducitur: antecedens autem probatur. Tum quia si particulis illis elementaribus inest mobilitas & actuositas aliqua, non alia certe inest, quàm quæ mixtis omnibus inexistit propter elementa, ex quibus formaliter componuntur juxta nostram doctrinam elementarem. Quapropter non aliter discurrendum erit de elementis existentibus in semine, quàm de cæteris, quæ in omni mixto existunt; atque ita sicut non dicimus elementa actuosæ, quæ sunt in ligno arido v. g. constituere in eo animam vegetativam; ita nec constituunt illam in semine: aut si constituunt illam in semine, perinde & constituunt in omnibus mixtis, quod est absurdum. Tum etiam quia cum anima vegetativa sit agens necessarium, & aliunde nullam vitæ operationem exerceat in semine, tam recte infertur in semine nullam esse, quàm creditur nullam esse in ligno arido, cur enim creditur lignum aridum carere anima vegetativa, nisi quia non vegetat? at eadem ratio valet pro semine, quandiu manet incorruptum. Ergo &c.

XIII.  
Distinguitur  
inter  
vitam ac-  
tualem &  
potentia-  
lem.

Resp. distinguendo majorem. Semen non vivit vitâ actuali & exercitâ, concedo majorem, vitâ potentiâ & exerceandâ, nego majorem: quæ distinctio similiter applicanda est ad sequelam minoris & exhaurit totam objectionis difficultatem; Quatenus anima ex suo conceptu essentiali non importat vitam actualem, id est, operationes actuales vitæ; sed tantum vitam potentialem, id est, potentiam ad operationes vitæ exercendas; ad eum modum, quo natura non importat essentialiter operationes naturales actuales, sed tantum possibiles. Unde sicuti non negatur corporibus naturalibus inesse naturam, quamvis nullo naturali motu actualiter moveantur, modo possint moveri; ita neque negandum est corporibus animatis inesse animam, quamvis actualiter nullo motu vitali moveantur; ad hoc quippe ut sint animata, suffieit posse se movere vitaliter. Itaque quamvis semen nullam actualem vegetationem exerceat, non eapropter caret animâ vegetativâ, quatenus, ut constat ex post facto, paratum est ad hujusmodi actiones vitales exercendas;

ubi primum ad id juvabitur ab agentibus extrinsecis, quibus indiget. Quod autem dico de semine, id de illa & integro velim intelligi; nam alioquin non nego esse semina vitata, quibus ex sterilitate notum est nullam animam vegetativam incipere.

Ad id verò quod additur, respondeo negando antecedens, ad cujus duplicem probationem solvendam dico in feminibus non esse qualemcumque actuositatem elementarem periude ac cæteris mixtis omnibus, sed esse actuositatem organicam, id est, idoneam actuositatem intra certa quædam organa pariter idonea ad motus vitales. Atque ita non est omnino similiter discurrendum de particulis elementaribus actuosis in omni mixto contentis; sed adhibenda est hæc modificatio ac simul disparitas, juxta quam in quibusdam mixtis debite organizati constituunt animam, in aliis vero quæ organa nulla habent, aut certe vitata & fracta, non constituunt nisi simplicem naturam aut, ut Aristotelice loquar, formam naturalem; qualem utique tantum constituunt in ligno arido defectu sufficientium organorum; at in semine, cujus organa sint plane integra, efficiunt animam, nimirum vegetativam.

Deinde sæpe accidit agentia necessaria inexistencia suis subjectis nihil agere, aut quia impediuntur, aut quia ad agendum opus habent interventu & consortio aliorum; nec propterea tamen negatur inexistere. Sic quippe non negatur ignem inexistere ligno arido, quamvis actu non igniat, & aliunde sit agens necessarium; quia nimirum ignire non potest, nisi alter ignis adveniat & ipsum solvat à complexu particularum elementarium, ut aquearum & similium quibus inextricabiliter coheret. Quapropter idem cogita de semine, cui proinde negandum non est inexistere animam vegetativam, quamvis continuo & actualiter non vegetet; vegetabit enim postmodum, quando ad id juvabitur ab humore affuso, aut à calore infuso, &c. At lignum aridum nunquam vegetabit, & ideo quamvis neutrum actu vegetet, quis non videt quam ridiculum sit idem de utroque iudicium.

Obijces *secundo*. Plurima sunt vegetabilia, quæ non prodeunt ex seminibus; ergo saltem alium vegetabilium anima non consistit in particulis selectis elementaribus actuosis in aliquo semine præcontentis. Consequentia manifesta est. Antecedens verò probatur innumeris expetimentis, quibus constat tum sæpissime enasci nusquam autem vifa herbarum genera, tum quæ novimus, multa enasci in locis, in quibus suspicio nulla est prævii jacti seminis. Ac præsertim cum animalia ultra id quod sentiunt, vegetabilia sint, nunquid plurima sunt, quæ nonnunquam ex putri tantum materia generantur, uti rana, murces,

XIV.  
Et redditur ratio  
cur lignum  
aridum  
non vivat  
pariter.

XV.  
Tum exponitur  
quæ sit  
dispositio  
organica  
seminis.

XVI.  
Opponit  
non omnia  
vegetabilia  
pro  
dire ex  
semine.

pulices, &c. sed nunquid etiam pluit aliquando ranis atque bufonibus? At certe tunc talium animalium anima vegetativa non consistit in particulis ullis selectis elementaribus in conveniente semine præcontentis.

XVII.  
Et infertur  
quod ve-  
getabile  
non ma-  
neret in  
eadem spe-  
cie.

Adde quòd cùm particulæ illæ selectæ elementares in semine modo præcontentæ sufficere non possint ad totam molem viventis vegetabilis sua deinceps incrementa naturalia obtinentis movendam & actuandam, sive animandam, hinc sequitur necesse esse, ut anima illius continuò augeatur; Hinc verò colligitur hæc apertissima absurditas, scilicet non fore continuò eandem ejusdem viventis speciem, nisi ma enim speciem constituit, nec augeri potest, quin mutetur. Imò cùm facile contingere possit, ut paucæ illæ primigeniæ elementares particulæ depercant, seu evadant, manentibus alioquin cæteris, quæ accesserunt, hinc rursus absurditas alia peior priore eruitur, nimirum speciem ejusdem viventis fore omninò aliam, cùm particulæ elementares residuæ sint omninò aliæ ab iis, quæ primò speciem talis viventis constituiebant. Ergo &c.

XVIII.  
Sed saltem  
omnia pro  
deunt ex  
semine vel  
formali,  
vel æqui-  
valente.

Resp. & nego absolute antecedens, pro cujus probatione solvenda dico nihil facilius esse, quàm ut multa diversissimorum seminum granula huc atque illuc ab alternantibus ventis transferantur, aut etiam eruantur ex profundiori sinu Telluris efflorescant; in quo casu non erit mirum enasci incognita herbarum genera, aut quæ noveris enasci absque ullo jacto vel exculso semine, cùm nihilominus non prodeant, nisi ex semine, quod aut ventus transtulerit, aut subministraverit Terra efflosa. Quod vero spectat ad animalia, quæ in ratione vegetabilium ex putri materia progignuntur, non difficilius solvitur dicentibus in ea putri materia contineri formaliter aut æquivalenter talia semina, quibus ad illorum generationes Natura utitur. Potest quippe casu aut aliter fieri, ut quales elementares particulæ ad efformandum, sive ad organizandum & vivificandum semen requiruntur, tales intra ætrem aut Tellurem concurrant efficiantque semen æquivalens: sicut etiam accidere potest, ut ex diversis seminibus coagulatis nova quædam species seminis componatur, unde prodibit nova quædam species viventis vegetabilis. Uno verbo, ne questio fiat de nomine, intelligo per semen materiam qualemcunque elementarem heterogeneam, quæ idonea habeat organa ad viram vegetabilis ex ipsa producendi, & hoc pacto quis non videt non aliter posse quodvis vegetabile, quàm ex conveniente semine generari? Hoc autem supposito non potest convenientius explicari animam vegetativam, quàm

recurrendo ad puriores spiritus elementares, qui organa illa vivificant, scilicet potentialiter, ut explicui.

Ad instantiæ verò additæ solutionem hoc tantum dico in omni alia sententia perinde ac in nostra animam, quæ viventi vegetabili inest adhuc, ut ita loquar, nascenti, cum materialis & corporea sit, non posse eidem, quando deinceps excrefcit, coextendi nisi & ipsa excrefcet; excrefcere autem non potest, nisi per cohzsionem aliqujus congenæ substantiæ advenientis. Quin imo cum ad animam vegetativam pertineat convertere alimenta in substantiam viventis aliti, nec possit in illa agere, quin ab iisdem reagentibus aliquid patiatur, poterit & ipsa substantiæ modicitas, quam ab initio habuit anima illa vegetativa, tandem absumi. Igitur Adversarius id sibi à nobis responsum putet, quod nobis idiplum obiiicientibus responderet.

Sed ne sic difficultatem videar effugisse, dico in iis casibus speciem non manere eandem physice; sed manere, quod sufficit, eandem metaphysice. Quia ad hoc ut species maneat metaphysice eadem, satis est si maneant eadem, aut fere eadem attributa, qualiscunque interim sit materia viventis, ejus sunt attributa; & sic duo leones dicuntur ejusdem metaphysicæ speciei propter similitudinem attributorum, quamvis, ut patet, non sit eadem anima utriusque. Uel aliter dico speciem manere eandem moraliter & æquivalenter, quod etiam de individualitate intelligas, ad eum modum, quo fluvius censetur fluere perenniter idem specie ac numero, quamvis continuò mute-  
tur aqua præterfluens; quia nempe aqua affluens æquivaleret præterfluenti. Neque in hoc adest difficultas ulla, quæ vim assertionis jam satis explicatæ & probatæ infirmet.

XIX.

Tum ea-  
dem diffi-  
cultas per-  
inde urget  
Aristote-  
licos.

XX.

Et aliis  
sufficit  
quòd spe-  
cies man-  
eat eadē  
metaphy-  
sice, &  
æquiva-  
lenter;





# ARTICULUS II.

## QUOTUPLEX SIT POTENTIA animæ vegetativæ?

I.  
Qualiter  
entitates  
& actiones  
elementa-  
res con-  
temperen-  
tur.

**P**RÆNOTANDUM est singulas particulas ele-  
mentares, quæ constituunt heterogeneam illam com-  
plexionem actuosam, in qua dictum est consistere ani-  
mam vegetativam, præditas esse multiplici tum activi-  
tate, tum actione connaturali. Verùm sicut ipsarum  
entitatum commiscetur, ita etiam actiones attemperantur, & ex om-  
nibus attemperatis resultant tantùm aliquæ actiones magis notabiles,  
quæ tribuuntur animæ vegetatrici: ad eundem modum, quo in om-  
nibus mixtis actiones singulares miscibilium attemperatæ & con-  
versæ in actiones communes magis notabiles, tribuuntur naturæ;  
id enim jam non semel insinuavi & rursus inculco non aliter de  
mixtis viventibus, seu animatis, discurrendum esse, quàm de inani-  
matis; nisi in hoc quòd illa ob mixtionem perfectiorem pertingunt  
ad nobiliores actiones vitæ, hæc verò non transcendunt simplices  
actiones naturæ, quasi diceret illa operari posse immanenter, hæc verò  
tantummodò transeunter: quæ sunt operandi duo genera, quibus,  
ut supra explicui, viventia corpora à non viventibus distinguuntur.  
Jam itaque cum notabilioribus actionibus vegetandi suæ correspon-  
deant potentia, quas concipimus in anima vegetativa veluti residentes  
ac domesticas, capropter ad ipsius quidditatem magis intelligendam  
jam quaeritur quæ & quales sint illæ potentia,



## ASSERTIO UNICA.

*Præcipua potentia anima vegetatricis ad tres revocantur, scilicet ad nutritivam, auctivam, & generativam: & hac assertio non tam probatione, quàm expositione indiget.*

**P**robatur nihilominus in hunc modum. Vegetabilibus convenit, & id à Natura intenditur, ut conserventur, perficiantur, & multiplicentur: atqui ad hunc triplicem effectum requiruntur in anima vegetativa tres prædictæ potentia: ergo &c. Major est certa; quia alioquin vegetabilia omnia aut statim vitam amitterent, aut nonnisi languidam traherent, aut sinerent speciem, intra quam enascuntur, deficere: Unde satis intelligitur quantum commoda, quæ istis incommodis opponuntur, conveniant vegetabilibus, & ipsi genio Naturæ vegetabilia producentis: ea verò, ut dictum est, commoda sunt nutriti, perfici, & multiplicari. Minor etiam non minus constat, si attenditur vegetabilia perinde ac mixta omnia constare ex contrariis, quæ agendo ac reagendo in invicem ea brevè absumerent, nisi ad refarciendam jacturam, vel ad perniciem vitandam alimenta accederent: & rursus si concipitur vegetabilia, cum enascuntur, debilia ac parvula admodum habere organa, quæ proinde, nisi excrecant ac roborentur, inepta sunt ad requisitas vitæ convenientis operationes: ac denique si recolitur ex prædictis illa eadem vegetabilia non prodire, nisi ex materia seminali. Ergo ut vegetabilia conserventur, opus est ea nutriti; ut perficiantur in suo statu vitali, opus est augeri, & denique ut multiplicentur intra eandem speciem, opus est generare. Atque ita animæ vegetatrici conveniunt prædictæ tres illæ potentia, nutritiva, auctiva, & generativa, de quibus in particulari non è re erit, si dicam aliquid paulò expressius.

Igitur circa potentiam nutritivam sciendum est ad exercitium vitæ corporalis in omni vegetabili necessarium esse hinc calorem, quem naturalem vocant; hinc humorem, qui vulgò dicitur radicalis, & utrumque ex adverso à Naturâ provisum fuisse ad ejusdem vitæ durabilitatem, ne vel calor sine humore, vel humor sine calore temperante citiorem viventem necem inferret; ac rursus ut calor ille in-

II.  
Ostenditur tres esse potentias animæ vegetativæ.

III.  
Exponitur quid sit potentia nutritiva;

terius, quando cibi ab ipso digerendi deficiunt, non statim saviat contra corporis organicam complexionem, sed agere in prædictum humorem possit veluti in alimentum domesticum. At quia totus brevi absumeretur, nisi in subsidium occurreret humor aliunde adventitius; & similiter quia neque calor internus diu viveret, nisi ab adveniente extrinseco foveretur, hinc evidens est ad vitæ perennitatem opus esse alimentis, quæ suo tum calore, tum humore, ut ita loquar, auxiliari internum viventis juvent foveantque calorem & humorem, imo & refarciant jacturam, si quam alteruter passus fuerit ex actione alterius. Hinc etiam non difficile intelligitur vegetabilia, prout temperamento inter se differunt & humore aut calore plus minusve abundant, cibos, quibus nutrantur humidiores, sive etiam frigidiore; aut calidiores, sive etiam sicciore exigere, quibus nimirum calor ille aut humor, si fuerit nimius, temperetur, si verò debite temperatus fuerit, foveatur; majorem etiam aut minorem talium ciborum copiam exigunt, juxta differentiam caloris digerentis, ut interim nihil dicam de dispositione organica, quæ in omnibus vegetabilibus non est æqualiter idonea ad eos excipiendos.

IV.  
Tum quæ  
sint ali-  
menta ve-  
getationi  
conve-  
nientia.

Deinde si ad rei veritatem attenditur, non alia sunt alimenta vegetabilium, quàm ipsissima, aut ab ipsissimis non valde discrepantia genera elementorum, ex quibus primò gignuntur. Neque enim nutriuntur, nisi per unionem alimentorum, quæ excipiunt, & cohesionem vitalem cum substantia primigenia; neque alias facile est ea, quæ congenæ non sunt, uniti ac coherere. Quia verò non eadem omnino est elementaris complexio vegetabilium & alimentorum, quibus vescuntur, inde est ut ad animam vegetativam pertineat, postquam alimenta excepit, sive atraxit, aut exluxit, ea particulatim dividere & separare quidquid in eis fuerit pretiosum à vili, & utile ab inutiles, sive quod idem est, alimentitium ab excrementitio. Ad id verò separandum morâ aliquâ opus est, & sic intelligitur id, quod vulgò adduci solet de quatuor inferioribus potentis vitalibus subservientibus nutritivæ, scilicet attraxtricæ pro alimentis excipiendis, retentrice pro aliquandiu retinendis, ne statim effluant, concoctricæ pro digerendis, sive distribuendis, & expultricæ pro ejiciendis illorum facibus, quæ non conveniunt nutritioni.

V.  
Item quæ  
sint sub-  
stantia ali-  
menti fiat  
substantia  
aliti.

Denique potentia nutritiva id unum habet singulare ac proprium; ut substantiam alimenti vertat in substantiam aliti; ac cave ne hanc versionem cum Aristotelicis accipias pro nova aliqua generatione  
substantiali



substantiali, qualem nullam esse probabitur att. 3; sed ut intelligas velim de versione sensibili & apparente, quæ consistit in unionione atque coherensione adventitia substantiæ similis, id est, substantiæ post convenientem digestionem assimilata singulis homogeneis & heterogeneis partibus viventis respective, prout magis constabit ex dicendis in articulo sequente.

Deinde circa potentiam auctivam vel, ut aliter loquuntur, augmentativam pendet illa plurimum ex calore naturali, qui eò majorem alimenti excepti copiam assimilat substantiæ viventis, quò vegetior est citra tamen nimiam effravescentiam, quæ alimenta male excoqueret, aut nimis in humorem internum laxiret, & sic necem inferret viventi. Quare hinc accidit ut vivens vel crescat, vel consistat, vel etiam paulatim decrescat. Crescit quandiu de substantia adveniente alimentitia plus acquirit, quàm deperdat de primigenia, vel jam ante acquisita. Consistit quandiu tantum præcise acquirit, quantum deperdit. Decrescit autem statim atque substantia, quæ acquiritur, non restat ex toto jacturam ejus, quam deperdit: suppono enim & id mecum supponunt omnes Physici alimenta omnia sive agendo, sive reagendo læsionem aliquam naturali temperamento inferre. Quod etiam intelligi debet de pharmacis qualitercunque beneficis, præter id quod est evidens, temperamentum ipsum naturale, quod utique variis mutationibus obnoxium est, non esse liberum ab illa eadem vicissitudine, quæ tandem deficit, & iste defectus interitum viventis procreat.

Sed id quod in primis subjicit vivens decremento & interitui procreando, ex corruptione temperamenti, non est aliud, quàm ipse defectus idoneæ nutritionis: quia enim vivens non nutritur idoneè, nisi ex alimentis, quæ omnimodam congenieitatem habuerint cum particulis illis elementaribus, ex quibus primò gignitur, & aliàs sæpe caret his alimentis, nec satis copiose, nec satis ad tempus subministratis, hinc accidit ut primigenium temperamentum paulatim mutetur & deficiat. Præterea ad illam varietatem, quæ contingit in incrementis viventium vegetabilium, præter copiam, aut inopiam idonei alimenti plurimum confert diversitas organica, quæ quidem talis ac tanta est, ut aliqua ex illis fere intra terminos primigeniæ parvitatis coarctat, alia verò sinat excrescere ad maximam proceritatem: At sive parum, sive multum excrescant, id certè omnibus commune est, ut secundum se tota ac secundum partes omnes notabiles, ex quibus componuntur, crescant coherenter ad eandem figuram, quam ab initio suæ efformationis obti-

VI.  
Exponitur  
quid sit  
potentia  
augmenta-  
tiva.

VII.  
Qualiter  
vegetabile  
crescat,  
decreseat  
& intereat.

nucunt, Atque in hoc incrementum vitale differt à non vitali : illud quippe fit per intimam alimenti susceptionem, sive per *insusceptionem*, ut vocat; istud autem per extimam tantum adjacentis materiæ cohesionem, sive per *exinsusceptionem*, ut loquuntur.

VIII.  
Accedit  
diversitas  
figuræ in  
partibus  
alendis.

Quamquam præterea ad hunc incrementi vitalis modum melius concipiendum non mediocriter juvabit, si attendas singulas partes notabiles primigenias ad finem naturalem suarum operationum obtinuisse certam aliquam ac determinatam figuram : unde fit ut deinceps non alias sibi adjungant particulas alimentitias, quàm figuræ consimilis : siquidem aliter inutiles essent & inhabiles ad operationem connaturalem, & sic propter constantem figuram omnium notabilium partium manet constanter eadem figura totius, nisi per accidens aliter contingat. Ad id etiam neque parum conferet figura partium singularum organica, quæ sine dubio efficit, ut substantia alimentitia non effluat nisi qualiter, & quantum opus est ad incrementum ipsi connaturale & proportionatum.

IX.  
exponitur  
quid sit  
potentia  
generati-  
va.

Denique ad potentiam generativam quod attinet paucis intelligi poterit, si recolantur quæ in articulo præcedente annotavimus circa semina, quæ ad omnium vegetabilium generationes Deus ab initio produxit, & providit deinceps produci taliter, ut singula vegetabilia ad sufficiens incrementum perducta veluti pro fructu suæ vegetationis procreent semen *aliter atque aliter communicandum, influendum, fovendum, &c.* pro multiplicatione individuali intra propriam speciem. Dixi verò *aliter atque aliter communicandum, influendum, fovendum, &c.* quia, ut experientiâ constat, multiplicissimi sunt modi, quibus accidit vegetabilia generari ex idoneo semine, & quos non vacat referre. Tantum obiter dico quod si non semper adest pro generatione efficienda influxus seminis per concubitum; at nunquam deest defluxus aliquis seminalis : sic enim puto vegetabilia illa, quæ nasci putantur sine ullo jacto semine, prodire ex defluxu aliquo seminali ac qualitercunque subministrato aliorum vegetabilium ejusdem, aut non absimilis speciei.

X.  
Qualiter  
necessitas  
seminis  
supplea-  
tur.

Non nego tamen posse per concursum elementarem fortuitum colligi materiam idoneam, quæ teneat locum seminis, sed vix mihi suadeo Naturam providam concursui fortuito reliquisse generationes ullius speciei viventis. Atque ita in omnibus vegetabilibus aderit humor aliquis saltem ac fluor excrementitius, qui si fortè non habet formam solitam seminis, at certe vim omnem habet, & vocari potest semen æquivalens ; jamque intelligis potentiam ge-

Generativam consistere in eo semine participabili & communicabili per qualemunque aut influxum, aut desfluxum, aut jactum, &c. Hoc itaque modo inerit omnibus vegetabilibus imperfecta saltem aliqua potentia generandi, idque est probabilius ob rationes prædictas, quàm quod vulgò putant esse plantarum & animalium genera nonnulla, quæ illà prorsus careant; & sic sine ulla modificatione subintellecta verum erit tres esse potentias animæ vegetativæ nutritivam, augmentativam, generativam. Habet præterea hæc opinio id commodi, quod facilius explicatur constantia ac perseverantia earundem specierum, quæ ab initio fuerunt; & ex adverso vera productio talium, quæ nunquam fuerint.

Neque hoc ullatenus opponitur, ut fortè quis parum versatus in lectione Maignani suspicari posset, aut pugnare cum doctrina, quam explanat Phil. Nat. cap. 23. num. 14. circa plantas aliaque vegetabilia, quæ sponte ac sine jacto semine quibuscumque in locis nascuntur. Quatenus ibidem statuit nullum vegetabile generari, nisi ex idonea materia collecta ac deinceps per spiritus amicos imprægnantes debite fermentata & digesta, & organizata: talis verò materia nisi vim ac dispositionem seminalem haberet, nequaquam esset ad illos omnes vitæ effectus idonea, aut certè non nisi per accidens ad illos perveniret. Ac tum, ut à prolixiori commentario abstineam, Lectorem remitto ad lectionem attentam loci citati.

Objicies. Potentiæ animæ vegetatricis ordinantur ad actiones vitales: atqui potentiæ prædictæ, qualiter eas explicuimus, non ordinantur ad actiones vitales: ergo non rectè enumerantur inter potentias animæ vegetatricis. Major est certas; quia cum anima vegetativa sit principium operandi vitaliter, neque nisi per suas potentias operetur, consequens est eas ordinari ad actiones vitales, tales nimirum, quæ animæ vegetativæ convenient. Minor verò probatur: quatenus inter ea omnia ac satis multa dogmata, quæ pro iis explicandis adducta sunt, nihil auditur ultra simplicem aliquam particularum elementarium simul & alimentitiarum attractionem, adjunctionem, acquisitionem, deperditionem, ejectionem, aut aliud quodvis simile, in quo non potius ullum est exercitium vitæ, quàm in incremento ignis, cujus flamma augetur ex materia combustibili, vel in ebullitione aquæ, cujus tumor crescit ex adjectione caloris subingressi. Ergo saltem potentiæ prædictæ non sunt tales, quales explicuimus.

XI.  
Nec aliter  
sensit P.  
Maigna-  
nus.

XII.  
Opponit  
quòd nihil  
virale ef-  
fer in po-  
tentiis sic  
explicatis.

XIII.  
Et addunt  
quod sic  
essent su-  
perflue,  
siquidem  
indistinctæ.

Addere quoddam inutile est admittere in anima vegetativa potentias ab ipsa indistinctas; nam si fuerint indistinctæ, nihil superaddunt; si verò nihil superaddunt, verius asseritur animam præstare omnia per se ipsam sine ullis potentiis. Atqui in sententia Maignani & omnium Recentiorum, si quæ sunt in anima vegetativa potentia, non distinguuntur ab illa: siquidem non putant illas ab anima emanare & produci, sicut Aristotelici docent; ergo &c. Ex adverso autem apud eosdem Aristotelicos bene omnia quadrant circa tales potentias vitaliter productas & vitaliter producentes illa omnia actionum genera, quæ pertinent ad animam vegetativam.

XIV.  
At ostenditur quod prædictæ potentia sunt vitales.

Resp. & concessa majori nego minorem, ad cuius probationem solvendam dico & fateor nihil in explicato à nobis exercitio potentia nutritiva, augmentativa & generativa adduci ultra particularum elementarum simul & alimenticiarum attractionem, adjunctionem, acquisitionem, &c. quia revera nihil aliud accidit in toto vitæ vegetativæ negotio. Sed contendo illum modum attrahendi, adjungendi, acquirendi, deperdendi, ejiciendi, &c. esse vitalem, ex eo quod attractiones illæ, adjunctiones, &c. fiant, ut explicui, immanenter, sive per intimam organicam dispositionem, ratione cujus complentur intra illud ipsum vivens, à quo prodeunt, quod est fieri immanenter, & omnino aliter quàm excresecat ignis, aut aqua ebulliens intumescat. Neque opus est exscribere disparitatem, quam per se quisque satis concepit: flamma enim ignis non crescit, nisi extime; tumor verò aquæ ebullientis, qui fit ex intima subingressione caloris, tantum pendet à potis calori occurrentibus; at nequaquam ab ullis aliis internis organis, qualia in vegetabilibus reperiuntur.

XV.  
Et qualiter non sint superflue.

Ad instantiam verò additam respondeo terminos potentia & actionis esse abstractos, nec aliter à nobis usurpari, quàm in sensu abstractos in quo ut passim loquuntur Philosophi, ita & nos iisdem vocibus utimur, loquendum quippe, est cum multis ut ait Seneca, at sentiendum cum paucis: quia pauci sunt, qui verè ac sanè de rebus sentiant. Itaque quidquid sit de modo abstracto loquendi & concipiendi potentias qualescunque & similiter actiones distinctas à subiectis, quibus tribuuntur, contendo eas secundum id totum, quod habent reale ac physicum, esse omnino indistinctas, ut alibi à nobis fusissime probatum fuit, nec vacat id repetere.

XVI.  
Imo essent superflue, si essent distinctæ.

Tantum dico quod si potentia nutritiva v. g. esset distincta realiter ab anima vegetativa, non esset omnino potentia illius; quia si entitas non est una & communis, ita nec attributa sunt una & communis;

at in hoc casu entitas hinc animæ vegetativæ, hinc potentia nutritivæ non esset una & communis: ergo potentia nutritiva non potius esset potentia animæ vegetativæ, quàm animæ rationalis, quia perinde ab utraque distingueretur. Atque ita anima vegetativa ipsa est, per cujus potentias & actiones physice ab ipsa indistinctas vivens nutritur, crescit & generat, & sic volo intelligi quæcunque de his potentiis, & actionibus jam dicta sunt, aut dicenda occurrent de consimilibus.





# ARTICULUS III.

AN IN VEGETATIONE OCCURRAT  
nova productio ?

I.  
Notatur  
vegetatio-  
nem fieri  
multis ac  
variis mo-  
dis.

**N**otandum *primò* vegetationē, quæ ex supra dictis comprehen-  
dit triplicem actionem nutritionis, incrementi & generatio-  
nis vitalis, diversissime fieri juxta diversam dispositionem  
organicam corporum, quæ nutriuntur, crescunt & gignunt, aut gignuntur : & hoc quidem certum est : nec minùs constat illam eandem  
differentiam, quæ repetitur in exercitio operationum vitalium, simili-  
ter dependere ab inæquali activitate temperamentum inexistens &, ut  
sic loquar, animantis corpus organicum. At illa differentia multi-  
pliciter apparet, quatenus operationes prædictas vitales experimur  
perfici in vegetabilibus nonnullis velociùs, saniùs, fecundiùs, &c.  
in aliis verò lentiùs, ægriùs, steriliùs, &c. unde subotiuntur discrimi-  
na omnia circumstantiarum, quæ vitæ vigorem, felicitatem, diuturni-  
tatem, &c. comitantur.

II  
Tum in  
omni ve-  
getatione  
accidunt  
multæ mu-  
tationes.

Notandum *secundò* nutritionem, quæ radix & causâ est cæterarum  
operationum vitalium, non perfi in quibuslibet vegetabilibus, nisi  
per varias mutationes, quas materia alimentitia patitur, antequam  
substantiæ viventis assimiletur. Et ut de notioribus loquar, quæ in  
humano corpore accidunt, nunquid docent Medici, ad quos spectat  
hæc & similia singulariùs pettactare & docere conformitèr ad expe-  
rientias anatomicas, in quibus opetam multam ponunt, nunquid,  
inquam, docent alimenta, quæ ore excepta ac trita dentibus per  
œsophagum in ventriculum confluunt, ibi mutati in *chylum*, & hæc est  
substantia subalba, quæ postquam separata ab excrementis confluit  
in hepar per venam portam, vettitur in sanguineam, quam vocant  
*chimum*, & hæc deinceps antequam sit omninò assimilata carnibus,  
aut ossibus, aut nervis, aut unguibus, aut capillis, &c. corporis hu-  
mani excipit mutationes successivas *roris*, *cambii*, *glutinis* & alias id  
genus, quas suspicor esse plurimas, & valde diversas respectivè ad

heterogeneitatem partium, quæ nutriuntur. Nunc autem quod de substantia alimentitia corporis humani & multiformibus mutationibus obnoxia dictum est, intelligi proportionaliter potest de substantia alimentitia corporis cujuslibet alterius vegetabilis. Quod cum ita sit & Aristotelicis occasionem præbuerit opinandi non sine pluribus formis de novo productis perfici nutritionem, movit me ad disquirendum possitne absque ulla nova productione compleri nutritio, vel etiam quævis alia vegetatio: neque ad res physicas tractatus hujus animastici parum interest id disquirere.

## ASSERTIO UNICA.

*In toto commercio cujusunque vegetationis nulla accidit absolute nova productio.*

**P**ROBATUR *primò* & assumptâ nutritione in exemplum sic argumentor. Ad nutritionem perficiendam sufficit ut substantia alimentitia assimiletur & uniatur substantiæ viventis: atqui in tota ista assimilatione & unitione nulla accidit nova productio: ergo &c. Major est certa; quatenus solâ illâ assimilatione & unitione suppositâ optime intelligitur quomodò vivens, si fortè aliquam substantiæ suæ jacturam patitur, illam restaurat per acquisitionem alterius omninò similis, quæ proinde efficit ut vivens perseveret in eodem statu vegeto, id verò est nutrirî. Minor autem sic probatur. Et *primò* quidem, si præcisè sermo est de unitione, evidens est eam nihil importare de novo productum, unitio quippe entitatem nullam realem habet præter illam, quæ est partium unitarum, ut probatum fuit alibi. *Secundò* etiam neque assimilatio novam ullam productionem importat: quandoquidem quoties aliqua duo sunt ex parte dissimilia, ad ea utique assimilanda non opus est, nisi separatione similium à dissimilibus; ut si vinum aquâ mixtum volueris mero assimilare, hoc tantùm præsta ut aquam extrahas. Jam itaque intellige hinc substantiam alimentitiam, hinc substantiam alitam consistere partim ex similibus, partim verò ex dissimilibus particulis elementaribus, aut particularum elementarium complexionibus, & concipies solâ separatione utrarumque ab invicem posse perfici omnem illam assimilationem, in qua consistit nutritio. Ergo &c.

III.

In ista unitione & assimilatione nihil produ-  
citur.

IV.  
Qualiter  
fiat præ-  
dicta assi-  
milatio.

Talis autem separatio facillimè expeditur per simplicem contac-  
tum, quo particulæ hinc alimenti, hinc alicui determinantur vel ad  
complexum, si fuerint similes, vel ad recessum mutuum, si eas  
dissimiles esse contigerit juxta doctrinam superius stabilitam. Ubi  
in primis id observa, partes quæ heterogeneitatem habent in vivente  
vegetabili, quamvis unius ejusdemque alimenti sumptione connu-  
triantur, non nutriti tamen indifferenter ex omnibus ac singulis  
illius alimenti particulis, sed illæ quidem istas, aliæ verò alias  
sorbent, exsugunt, attrahunt conformiter ad reciprocā conve-  
nientiam. Et inde etiam accidit ut alimenta perinde etiam ac phar-  
maca multa certis quibusdam partibus animatis prosint ad victum,  
& ad remedium, aliis verò aut parum aut nihil prosint, quatenus  
in illis alimentis & pharmacis talia tantum abundant particularum  
elementarium genera, quæ cum illis partibus magnam habent con-  
venientiam, cum istis verò aut modicam, aut plane nullam.

V:  
Arguitur  
ex parte  
contrarie-  
tis inter  
alimentū  
& alitum.

Probatur *secundò*. Et sic argumentor ad hominem Aristotelicum:  
Vel inter substantiam alimentitiam & substantiam viventis alitam  
reperitur magna quædam contrarietas activa, vel nulla, aut certe  
modica, atqui quodcumque è duobus asseruerit, hinc concludo  
nullam novam productionem intervenire in toto commercio nu-  
tritionis: ergo &c. Major negari non potest ab homine Aristote-  
lico, qui in utraque tali substantia admittens qualitates activas,  
inducitur necessariò ad concessionem dilemmatis, quod propono.  
Minor autem sic probatur. Et *primò* quidem, si magnam con-  
trarietatem activam intervenire concesserit, præterquamquòd ex-  
perimur vivens suavius vesci & felicius nutriti alimentis, quæ con-  
trarium temperamentum non habuerint, quare humani corporis nu-  
tritioni multò melius congruunt carnes, quàm pisces, aut poma, &c.  
nulla erit ratio cur propter hanc contrarietatem intervenientem non  
potius substantia alicui vertatur in substantiam alimenti, quàm sub-  
stantia alimenti in substantiam alicui; vel saltem vivens ex contrarie-  
tate jacturam nimiam pateretur, neque unquam nutrireretur jucunde  
& pacifice. *Secundò* si aliter admisierit intervenire contrarietatem nul-  
lam aut certe modicam, evidens est ex principiis doctrinæ Aristote-  
licæ nullam de novo formam produci: neque enim fit productio ali-  
cujus formæ, quin præeat corruptio alterius: neque hæc fit unquam  
sine prævia pugna inter qualitates contrarias, ut inter calorem & fri-  
gus; humorem & siccitatem; hæc autem contrarietas magna est,  
& aliunde quò intensior est, eò oportunior est secundum Aristote-  
licos ad perficiendas corruptiones & generationes formarum. At-  
que



que ita jam meritò concluditur nullam in toto commercio nutritionis intervenire novam realem productionem, qualem ac multiplicem Aristotelici admittunt, quando tuentur formam alimentii commurari in formam carnis, in formam ossis, &c. Ergo &c.

Ad hæc si adjiciantur quæ alibi dicta sunt de ingenerabilitate & incorruptibilitate elementorum, ex quibus mixta omnia constant, & rursus ea omnia, quæ adversus formas substantiales Aristotelicas passim attulimus, nullum supererit dubium quin tota nutritio perficiatur absque ulla reali nova productione per solam illam, quam max explicui, assimilationem substantiæ alimentitiæ cum substantia alix, id est, restaurata, vel etiam aucta per nutritionem. Neque deest exemplum, quo adhuc familiarius illam explicem advertendo carniū v. g. concoctionem, quæ fit in stomacho, esse non absimilem ei, quæ fit in olla, nisi quòd hæc est imperfectior ac non nisi velut inchoatio alterius perfectioris. Quid verò in hac coctione carniū accidit, nisi quòd vi caloris ignei per evasione[m] multiplicis effluvi corruscularis, quæ superest substantia, fit conformior ac similior substantiæ nutriendæ?

Cogita itaque carnes illas ita primùm concoctas non esse adhuc satis assimilatas corpori nutriendo, quare opus est eas ulterius concoqui in stomacho, & in hepate, &c. donec omninò exsolutæ à portionibus omnibus excrementitiis assimilationem perfectam habeant cum omnibus partibus corporeis respective nutriendis. Unde jam intelligis in genere eos omnes cibos alimentitios, quorum temperamentum est magis conforme cum temperamento corporis nutriendi, esse convenientiores & salubriores ad illius nutritionem: & quia aliud est temperamentum corporis sani & aliud ægri, hinc accidit ut plurimum eos cibos, qui vegetabili sano prosunt ad victum, eidem ægrotanti esse nocivos, & è contra qui ægrotanti prosunt, eidem bene valenti aut parum, aut nihil prodesse, vel potius obesse plurimum.

Denique quidquid de nutritione in particulari probatum est, id totum evidenter valet pro augmentatione, cum augmentatio nihil aliud sit, quàm nutritio quædam abundantior, seu acquisitio substantiæ alimentitiæ abundantioris eâ, quæ utcumque ex primigenio statu deperditur. Et æque evidenter admitti potest pro generatione, quæ, si ad rei veritatem attenditur, nihil aliud est, quàm effusio, seu transmissio quædam substantiæ seminalis per nutritionem acquisitæ & communicatæ: ita ut ex parte generantis sit simplex quædam communicatio, ex parte autem generati simplex acceptio: atque ita nulla est vegetatio, quæ novam ullam productionem importet. Dixi verò in assertio-

VI.  
Accedit incorrupti-  
bilitatele-  
mentaris.

VII.  
Et affertur  
exemplum  
perfectæ  
assimila-  
tionis.

VIII.  
Hinc dis-  
curritur  
circa actio-  
nes accres-  
cendi &  
generan-  
di.

tione *absolute* ac *realiter* novam, quia aliàs non nego, ut constabit ex solutione objectionum sequentium, vegetationes omnes esse productiones secundùm quid & sensibilibiter novas.

IX.  
Opponit  
incrementu  
viventis de novo  
existen-  
tiae.

Objicies *primò*. Productio rei non ante existentis est nova: atqui nutritio est productio rei non ante existentis: ergo saltem nutritio est nova quædam productio. Major constat ex ipsis terminis; quid enim aliud est rem de novo produci, quàm pervenire ad existentiam non ante habitam? Minor verò sic probatur. Quando homo v. g. nutritur ex pane, hæc nutritio est productio alicujus substantiæ carniæ, ossæ, nervosæ, cartilaginossæ, &c. respectivè ad partes corporis humani heterogeneas, quæ ex eodem pane nutriuntur; sed hæc substantia carnea, ossæa, nervosa, cartilaginosa, &c. non ante existebat. Nisi fortè, quod esset pereximie absurdum, dicas panem, ex quo homo nutritur, esse perinde ac simul carnem, os, nervum, cartilagineum, &c. & occasionem præbeas asserendi hominem, qui solo pane vesci supponitur ac creditur, revera tamen comedere carnem, & sic de aliis. Ergo &c.

X.  
Et instant  
ex corruptio-  
ne, quæ  
illud præ-  
cedit.

Adde quòd nutritio ordinatur ad resarciendam jacturam, quam substantia primigenia, vel ante acquisita patitur sive ab agentibus extrinsecis, sive etiam ab intrinsecis actionibus caloris naturalis adversus humidum radicale: atqui hinc patet nutritionem esse novam aliquam productionem, sive adgenerationem substantiæ vegetantis: ergo &c. Majorem omnes concedunt, neque negant minorem, si attendunt nutritionem non ordinari ad resarciendam jacturam prædictam, nisi quatenus est acquisitio opposita tali deperditioni: at hæc deperditio est nova quædam corruptio, sive destructio nova portionis alicujus substantialis, quæ antea salva erat & incolumis in vivente: ergo illa acquisitio est è contra nova quædam productio, seu generatio; quia generatio sola corruptioni opponitur, neque hæc unquam accidit absque illa juxta illud commune effatum Philosophicum, *Corruptio minus est generatio alterum*.

XI.  
Sed hujus-  
modi nova  
existentia  
non est  
absoluta.

Resp. productionem ad hoc ut sit absolute nova exigere, ut res, quæ produci censetur, non ante existerit absolute, sive ut non præ-existerint ullo modo partes, ex quibus tunc primùm collectis componitur. At in casu nutritionis, de qua agitur, certum est substantiam illam alimentitiam, quæ adjungitur alitæ, præ-existisse secundùm omnes partes, aut particulas, ex quibus constat; præ-existisse, inquam, in alimento, non quidem segregatas ab omnibus illis excrementitiis, quas ejicit vivens dum alitur; sed cum illis

aliter atque aliter commixtas & temperatas: quasi uno verbo diceres illas præexistisse quidem absolute, at non præexistisse secundum quid, sive secundum illam collectionem & coadunationem, quam habent deinceps cum substantia viventis & aliti. Tum verò ex ista coadunatione obtinent, ut appareant sub specie carnis, ossis, &c. & revera eandem cum illis naturam habent, quia solutæ à complexu partium excrementitiarum ad eandem cum illis complexonem pervenerunt.

Uti jam intelligis quomodo nutritio non sit productio, nisi tantum secundum quid & sensibiliter nova, minime verò absolute ac realiter; & hæc distinctio, quam per te ipsum applica, objectionem solvit. Neque obstat præsumpta illa absurditas, quam ex doctrina nostra putat posse inferri Adversarius, scilicet hominem, qui solo pane vesci supponitur & creditur, comedere nihilominus carnem, quin & humanam, quandoquidem illa, quæ per nutritionem acquiritur, tota est in pane. Non, inquam, obstat, quia quamvis panis non sit caro absolute, at non repugnat esse carnem secundum quid: sed nihilominus incongrue loqueretur, qui diceret hominem illum carnem comedere, quia denominatione comestitionis non accipitur, nisi ex alimento tali vel tali absolute; nusquam autem ex alimento, quod tantum est tale vel tale secundum quid.

Ad instantiæ verò additæ solutionem dico similiter deperditionem illam substantiæ primigeniæ, vel præcedenter acquisitæ, propter quam refarciendam necesse est viventia nutrii, non esse corruptionem realem & absolutam; sed tantum sensibilem ac secundum quid, hoc sensu quod licet abradatur, aut utcumque aliter præseindatur à reliquis a massa corporis, nihilominus non abit in nihilum, & sic perseverat tota in suo esse, quamvis statum ac situm commutet. Atque ita generatio, quæ ad talem corruptionem consequitur, non debet esse aliter nova, quam sensibiliter ac secundum quid, nimirum ut coherenter ad vim objectionis generatio corruptioni correspondeat.

Obijcies *secundo*. Generatio inter actiones vegetandi computatur: atqui saltem de generatione verificatur eam esse productionem absolute ac realiter novam: ergo &c. Major conceditur. Minor verò, si quis fortè eam negaverit intellectam sive de generatione activa, sive de passiva, sic probatur. Et *primo* quidem si de generatione passiva agatur, evidens est id, quod gignitur, tam verè realiter & absolute produci, quam verè de illo postquam genitum fuerit, affirmatur realiter

XII.  
Et hinc  
ostenditur  
qualiter  
non sit  
nova pro-  
ductio.

XIII.  
Uti neque  
corruptio  
quam p-  
ponunt,  
est abso-  
luta.

XIV.  
Eandem  
difficulta-  
tem urget  
pro actio-  
ne gene-  
randi.

& absolute existere ; cum nihilominus antequam gigneretur nihil tale de eo affirmari poterit ; sed è contra decerni illud omni prorsus carere reali & absoluta existentia. *Secundo* idem etiam de generatione activa censendum est , quandoquidem repugnat non esse realiter & absolute novam actionem , quæ terminatur ad effectum realiter & absolute tunc primum existentem ; Ergo &c.

XV.  
Et illam  
extendunt  
ad actiones  
nutriendi &  
accrescendi.

Adde quod si de generatione verificatur eam in actione realiter & absolute nova consistere , id ipsum neque de nutritione , neque de augmentatione negari potest : ergo omnis vegetatio erit nova quædam realis & absoluta productio. Consequentia manifesta est. Nec minus manifestum est antecedens , si attenditur nutritionem & augmentationem non posse brevius ac verisimilius definiri , quam dicendo hanc quidem nihil esse nisi *generationem vegetiorem* , illam verò nihil esse nisi *generationem continuatam* , ita ut vivens singulis vitæ suæ diebus gignatur secundum illam substantialem alimentitiam portionem , quæ adjungitur ad substantiam primigeniam ; & hæc est haud dubie ratio , ob quam Aristotelici nutritionem designant peculiari vocabulo *adgenerationis*. Ergo &c.

XVI.  
Sed ea difficultas  
soluitur  
et proponendo  
quid sit  
actio generandi.

Resp. & concessa majori nego minorem de utraque generatione intellectam , tum activam , tum passivam. Et ad probationem illius solvendam breviter dico , aut potius ex dictis repero id , quod gignitur , non præexistisse quidem secundum ipsissimum statum ac situm , quem acquirit dum gignitur ; sed præexistisse secundum qualemcunque alium , quem generatio immutavit : ita ut tota substantia , quæ in vivente genito reperitur collecta , antecedenter ad illius generationem existeret , sed dispersa ; nec novam ullam entitatem obtinuerit , sed dummodò novum aliquem statum ac situm. Itaque quidquid interim sit de sensu ac sermone vulgi circa generationes & corruptiones rerum , contendimus per eas nihil reale substantiale sive produci , sive destrui ; quandoquidem ne vel minima ulla portio substantiæ potest aut aliter produci , quam per creationem , aut destrui , quam per annihilationem. Id igitur totum , quod in his generationibus & corruptionibus rerum seu viventium , seu aliarum accidit , id , inquam , totum re-vocatur ad collectionem , coadunationem , contemperationem , &c. substantiæ dispersæ , diversæ , intemperatæ , &c. unde vides totum illud nihil aliud esse , quam motionem localem vel passive acceptam ex parte geniti , vel active sumptam ex parte gignentis. Quid verò in omni motione locali realiter & absolute producitur ? nihil plane.

Ad id verò quod additur, dico nihil impedire quominus nutritio vocitetur *adgeneratio*, sive generatio consequens ad priorem aliam generationem; sed sicuti hæc non est nova ulla realis productio ex jam dictis, sic nec illa novam ullam realem productionem importat. Quo pacto pullus v. g. in sua prima generatione nihil obtinet præter substantiam illam seminalem in ovo existentem, ex qua per calorem vivificata enascitur, ac deinceps per secundam, tertiam, quartam, &c. generationem substantiæ adjectitiæ nihil aliud obtinebit præter illam eandem substantiam ex variis alimentis excerptam. Igitur nutritio non importat novam ullam realem productionem, & idem de augmentatione dicendum esse cum satis intelligatur, propterea ad alia.

XVII. }  
Et hæc  
expositio  
trahitur  
ad actio-  
nes nutri-  
endi &  
accrescen-  
di.





# ARTICULUS IV.

## QUALIA SINT SUBJECTA

### *Anima vegetativa?*

I.  
Quid sit  
crescere  
per intus-  
suscip-  
tionem.



NOTANDUM est animam vegetativam inesse iis omni-  
bus subjectis, quorum accretio sit per intussusceptionem;  
ea verò omnia censentur per intussusceptionem accre-  
scere, quæ secundum se tota ac secundum notabiles  
omnes partes, ex quibus componuntur, crescunt juxta eandem  
figuram: quia enim ex adverso illa, quæ per solam extus-  
suscip-  
tionem augentur, pristinam figuram variant & evadunt aut gibbosa,  
aut angulosa, &c. hinc necesse est, ut ex eadem figura constanter  
servata & proportionaliter aucta inferatur susceptionem alimenti  
esse intimam, ad hoc nimirum ut partes intimæ portionem suam  
obtineant alimenti, sine quo nec ipsæ crescerent, neque proinde  
cresceret totum, quod constat ex illis. Tum verò non potest ali-  
mentum istud suscipi, & distribui deinceps, ut par est, & trans-  
mitti æquabiliter in omnes partes corporis accrescentis, nisi in co-  
porum adsint organa ad prædictam distributionem & transmissionem.  
idonea; & sic subjecta omnia animæ vegetativæ sunt organica. Nunc  
igitur cum de omnibus animalium & plantarum generibus constet  
inexistere illis animam vegetativam, sensus propositæ difficultatis est,  
an præter prædicta genera entium alia sint, quibus illa eadem vita  
vegetativa conveniat. Er quamvis sententia negativa communis sit,  
affirmativa nihilominus verior est, ut in assertionem sequente proba-  
bitur de variis speciebus lapidum & metallorum.



## ASSERTIO UNICA.

*Varia sunt species lapidum & metallorum, quibus in-  
existit anima vegetativa.*

**P**ROBATUR *primò*. Illis omnibus inexistit anima vegetativa, quibus competit crescere per intussusceptionem, ita ut omnes ac singulæ partes illorum notabiles crescant simul secundum eandem figuram ipsis respective connaturalem: atqui id comprobatur in variis speciebus lapidum & metallorum: ergo &c. Major certa atque evidens est ex prænotatis; minor verò sic probatur. *Es primò* quidem ut nihil dicam de innumereis illis lapillis, qui in lit-  
toribus marinis frequentissimi occurrunt omnino similes ostreis, conchylis, limacibus, fungis, &c. nec illam figuram aut assequerentur aut servarent, ac multò minùs auferent, nisi ad instar vegetabilium nutrentur; insignes sunt lapides illi, qui ad Castrum Blavium effodiuntur gerentes dorso stellam cælaturæ eminentis, & umbilicum habentes, quo arenam intra concavum sinum excipiunt, scilicet ad victum, perquam omnes tum externæ, tum internæ partes simul nutriuntur ac crescunt. Sed multò insigniores sunt alii, qui non longe à finibus Tolosanis ex quodam monte eruntur candidi & oblonguli & utrinque acuminati ac seci ad instar adamantis, idque habent singulariter observandum, quòd reperiuntur tum aliquando præcisi, tum aliquando adhaerentes adhuc plurimi simul uni & eidem matri, unde germinant ac taliter, ut licet alii aliis sint minores, eandem tamen omnes regularissimam figuram habeant, & incremento proportionali augendam uniformiter.

Ad metalla *secundo* quod attinet, certo certius est ea intra aggeres subterraneos serpere, & diffundi non aliter, quàm intra aërem arboris rami soleant; easque diffusiones metallicas Operarii, qui in cruentis metallis laborant tum vocant venas, tum plurima apud Philosophos Naturalistas legenda observant, quæ satis probant illas germinare ex idonea matrice, quæ victum & incrementum vitaliter subministrat. Quapropter metalla non aliter crescunt, quàm arbores, nec aliter diffunduntur, nisi quòd multum abest quin accedant ad

**II.**  
Ostenditur multos lapides crescere secundum eandem figuram.

**III.**  
Idem ostenditur de metallis.

terrestrem superficiem; & meri invocari possunt *arbores subterraneæ* Ergo &c.

IV.  
Arguitur  
rursus ex  
seccione  
lapidum &  
metallo-  
rum.

Probatur *secundò*. Si lapides & metalla nullo modo viverent vitâ vegetativâ, sequeretur eorum complexionem internam non fore omnino conformem cum externa, ita ut neque esset ejusdem vigoris, neque ejusdem coloris, neque ejusdem ponderis, &c. atqui complexio illorum interna omnino cum externa conformis est, præsertim quandiu manent in locis, in quibus generationem suam obtinuerunt: ergo &c. Major si attente perpenditur, nullum patitur dubium; quia cum partes externæ sint magis obnoxie vicissitudini temporum, & aliàs coagmententur ex adventitia & adiacente materia, quæ continuè mutatur; hinc evidens est complexionem internam non fore omnino conformem cum externa, nisi nimirum illa materia, quæ ab extrinseco adventit & adiacet, subillaberetur aliquatenus per idoneos meatus organicos ad similem temperiem efficiendam, aut fovendam in partibus internis. Minor verò satis patet ex ipsa experimentalis sectione lapidum & metallorum; sed præterea solide probatur ex eo, quod cum lapides & metalla pertineant respectivè ad singularem ac determinatam speciem mixti, necesse est ut molem internam & externam obtineant ejusdem omnino temperamenti: nisi quod si in illis comperiuntur organa, qualia opinor non desse, habent hæc suam heterogeneitatem ad eundem modum, quo in corpore humano ossa non sunt homogenea cum nervis, neque nervi cum venis, &c. Et revera nunquid ad oculos patent in multis saltem lapidum generibus venæ aut fibræ, aut utcumque aliter eas vocare libeat, secundum quas facilius finduntur, sicuti ligna finduntur in longum, non in transversum? illæ autem venæ aut fibræ, quæ in marmore præsertim frequentissimæ sunt & totam lapidum compagem pervadunt, haud dubie non sunt inutiles; sed ad eam connutriendam subserviunt: at connutriri hoc pacto lapides idem est ac obtinere animam vegetativam: ergo &c.

V.  
Item ex  
discrimine  
inter saxa  
viva &  
mortua.

Tum verò ut hæc nostra doctrina solidius stabiliat, libet præterea afferre discrimen, quod omnes Lapidæ agnoscunt inter rupes vivas & mortuas: quarum illæ utpote exsiccatores, porosiores, molliores, &c. facilius exciduntur, illæ autem & contra perciniacius resistunt excisioni, quatenus sunt magis consistentes ac solidæ, ac proinde etiam magis idoneæ ad perennitatem ædificii: ita ut non aliter intelligi debeat prædictum discrimen, quàm illud quod omnibus notum est reperiri inter ligna viva & mortua, quorum illa si præcisæ fuerint tempore competente, aptantur ad innumeros usus, hæc verò ad omnes inepta sunt, imo & ad ignem. Unde concipitur annorum se-

riem



tiem, quæ arbores omnes ducit ad senium & ad interitum, asserere etiam tandem rupibus vetustatem ac necem: quo pacto etiam, si id plane observalli in lapidibus, qui passim occurrunt ad ripas & intra alveos aquarum affluentium, alii aliis vegetiores, coloratiores, firmiores, &c. apparent, atque, ut ita loqar, alii aliis seniores: nec desunt quos asserere possis jam interiisse, signumque interitus certi istud est, eos scilicet vel leviter percussos frangi, conteri, dividi, &c.

Quia vero ex superius dictis viventia omnia corpora ex aliquali semine progignuntur, puto non alia esse lapidum semina, quam granula arenosa, in eum finem vel creata ab initio, vel deinceps naturâ id providente abrasa è vivis rupibus. Quamvis autem non æquè proferri possit, quæ sint semina metallorum, quatenus eum sint ex toto subterranea, in nullos sensus incurrunt; nihilominus censendum est nec metalla carere suis seminibus, quæ nimirum à calore sydereo aut subterraneo excitata ac foras exerescant perinde ac cætera, ex quibus omnia vegetabilia eruantur: proderitque etiam non parum ad convictionem hujus doctrinæ solutio objectionum sequentium.

Obijcies *primò*. Ad perficiendam vegetationem opus est organis, quibus alimentum excipiat & æqualiter distribuatur in omnes partes tum intimas, tum extimas corporis vegetantis: atqui nulli sunt lapides, in quibus talia adsint organa: ergo &c. Major constat; quia nutritio, quæ ad vitam vegetativam pertinet, debet fieri per intussusceptionem, ut dictum fuit. Minus autem probatur: quia talia organa debent esse, aut radices qualibus plantæ exsugunt succos sibi convenientes, aut ora qualibus animalia convenientes cibos deglutiant: at lapides nec habent ora, nec radices, nec proinde aliter possunt crescere, quam ex adjacente materia coagmentata; ergo &c. Deinde verò quamvis similia utcumque organa in quibusdam lapidibus repirentur, non tamen eapropter dicendum esset eos esse vegetabiles. Vel enim genus lapideum ad vitam vegetativæ perfectionem attingit, & sic omnes lapides vegetarent, quod est absurdum; vel non attingit, & sic nulli erunt qui vegetent, quod omnes pro vero reputant: ergo &c.

Resp. & concessa majori nego minorem, pro cujus probatione solvenda dico non deesse lapidibus poros, quibus veluti totidem oculis excipiant humorem congruum; sed nec insuper deesse flexuosos hiatus, per quos humoris excepti distributio, seu aliter digestio peragatur: & illi quidem flexuosi hiatus, quos *venas* vocant,

VI.  
Nec lapidibus nec metallis desunt sua semina.

VII.  
Opponit nulla inesse lapidibus organa idonea vegetationi.

VIII.  
At non desunt ea organa, & ostenditur qualia sint.

ad quid inservirent, nisi ad nutritionem vitalem? Neque præterea necesse est ut omnium vegetantium organa sint æque perfecta; aut æque multiplicia aut æque continua; imo necesse est ut sint valde diversa propter diversam perfectionem vitæ vegetativæ, quæ perfruuntur; quamquam lapides illi peculiare, quos supra retuli, habent organa valde assimilata tum radicibus, tum oribus ad humoris alimentitii exceptionem idoneis. Quod verò additur aut omnes lapides vivere, aut plane nullos, quia genus lapideum vel attingit, vel non attingit ad perfectionem vitæ vegetativæ, facillimè refutatur ex eo, quòd intra quodlibet genus comperiatur suprema aliqua species, quæ attingit perfectionem generis superioris; sive perfectionem speciei, quæ est infima in genere superiori, juxta illud commune effatum philosophicum, *supremum infimi attingit infimum supremi*. Unde non est mirum aliquos lapides esse ita perfectos, ut ad perfectionem vegetativam plantæ attingant, ad quam nihilominus non consurgant omnes, sicut non omnes species animalis perveniunt ad perfectionem intellectivam generis superioris Angelici, sed sola humana, quæ cæteris in suo genere est perfectior.

IX.  
Addunt  
quòd lapides præcis-  
si illicò  
interirēt:  
quod re-  
pugnat.

Obijcies *secundò*. Si vita vegetativa inesset iis v. g. rupibus, quæ ad discrimen emortuarum vitæ dicuntur, sequeretur frustra lapidea, quæ ab illis præciduntur, statim interitura: atqui in iis frustis præcisus nullum est signum interitus repentini: ergo &c. Sequela majoris est evidens; quia in hoc casu non aliter discurrendum esset de frusto lapideo præciso, quàm de membro quòd ab animali præciditur, interitque statim atque præcisum est. Minor verò probatur; quia hæc frusta præcisa neque post plura sæcula comperiuntur quicquam amississe de duritie, colore, pondere & aliis proprietatibus; qualescunque obtinere potuerint antequam abscinderentur: quale ergo illud est signum interitus? Ac tum etiam quale illud est signum vitæ in illis vivis, ut ajunt, rupibus, quasi verò non ultra omnem modum excrescerent, si organa haberent ad vitale incrementum idonea? & idem de metallis sentiendum est: ergo &c. Deinde quamvis lapides & metalla poros habeant, quibus excipiant humorem congruum, ac per illum utcumque augeantur, nihilominus augmentum illud non est vitale. Nisi etiam fortè Tibi videatur augeri vitaliter copiam aquæ, quæ intra suos poros admitendo particulas vini affusi aut humoris alterius, in altiore molem assurgit: ad incrementum siquidem vitale requiruntur plures aliæ facultates organicæ, & illæ in primis, quæ substantiam alimenti

vertunt in substantiam alii. Ergo &c.

Resp. negando sequelam majoris, & dico ramos ex arboribus præcisos perinde ac herbas eradicatas & excerptos flores, &c. non statim interire; sed aliquandiu servare statum vegetum, præsertim si in locis humentibus asserventur Quo pacto fieri poterit, ut lapides è viva rupe præcisi, aut ex alveis aquarum aliò translati eò diutius vegeti maneant, quò perennioris sunt temperamenti, sive, quod idem est, stabilioris ac minùs obnoxii contrarietatibus externorum agentium: sed tandem, quod universis viventibus corporeis commune est, deficiunt à statu vegeto, quem ante obtinuerunt & corrumpuntur. Neque aliàs putandum est rupes vivas perinde ac viventia cætera corpora omnia carere suis crescendi modis ac terminis; unde fit ut non ultra omnem modum excrecant, sed in hunc modum, ut licet continuis ventorum, pluviarum, nivium, &c. vicissitudinibus deterantur, nihilominùs nullo deprehendatur sensu eas minui & decrescere. Deinde verò nec lapidibus, nec metallis quandiu in suis fodinis sunt, vitam tribuimus ex eo tantùm quòd poros habeant ad intussusceptionem humoris congrui; nam contendimus pauca saltem inesse illis organa idonea ad digestionem humoris intussuscepti, qui de cætero ex supra dictis non aliter vertitur in substantiam viventis cujusvis aliti, quàm per assimilationem ad partes respectivè nutritas. Atque ita abundè soluta manet objectio,

X.

Sed neque rami præcisi statim intereunt, & defenditur paritas.





# DISPUTATIO SECUNDA

## DE ANIMA SENSITIVA.

**I**N hac disputatione quærentur quatuor. *Primum* est, an verè sit anima sensitiva in brutis. *Secundum*, quid sit anima sensitiva; *Tertium*, utrum anima sensitiva sit divisibilis, & *quartum*, qualiter fiat sensatio. Cui quadruplici quæstioni satisfaciet per quatuor consequentes articulos.

---

### ARTICULUS I.

#### AN VERE SIT ANIMA

*sensitiva in brutis.*

I.  
Quid sentiat  
Cartesius de  
anima bru-  
torum.

**N**OTANDUM *primò* receptissimam & inculcatissimam esse apud omnes homines eam sententiam, quæ tuetur inesse brutis animam verè sensitivam; ita ut illa perinde ac nos verè doleant, gaudeant, appetant, sperent, timeant, cæterisque omnibus afficiantur passionibus, quæ præcise attinent ad sensationem. Nihilominus Cartesio aliter visum est bruta nihil esse nisi automata, sive machinas sponte mobiles, & ex mirabili organica dispositione idoneas ad excipiendam corporum externorum impressio-

nem taliter, ut hæc sufficiat ad eas movendas iis omnibus motuum generibus, quæ sensationem perfectissime imitentur, quamvis revera sensationem nullam efficiant, aut supponant; nec aliter exercentur sine interventu ullius cognitionis, quàm saltitationes neurospastorum, aut qualescunque aliarum motiones machinales quorumlibet instrumentorum, sive militarium, sive musicalium, sive ruralium, &c. Uno verbo si Cartesium audimus, bruta sic currunt, ut nesciant se currere; sic comedunt, ut nesciant se comedere; sic vigilant, ut nesciant se vigilare; & sic de cæteris omnibus. Neque ad id probandum desunt argumenta, quæ nisi præcaveantur, solutionem difficilem patiuntur: quapropter non sunt dissimulanda & antequam referantur, statum quæstionis sic aperio paululum dilucidius.

Notandum *secundo* ad completam sensationem multas actiones concurrere, quas Cartesiani brutis non denegant; sed eam tantummodo, quæ est actio cognoscendi, seu cogitandi. Atque ut id exemplificem, visio completa præter receptionem luminis emissi ab objecto visibili & impressionem oculo factam à lumine sic vel sic incidente & recepto, importat ejusdem impressionis communicationem, sive translationem ad interius organum cerebri per nervos opticos, & præterea ejusdem cerebri motionem, quæ deinceps perducta ad musculos, tendines, cæteraque potentiarum motricis organa totum animal moveatur vel ad prosecutionem, vel ad fugam objecti visi, vel certe hæreat, quasi impressio non sit sufficiens ad motum seu prosecutionem, seu fugam.

Itaque non negant Cartesiani illa omnia ac similia genera actionum repetiri in brutis, in quibus utique pro illis exercendis Natura providit & efformavit organa nostris similia; sed negant ad illas actiones consequi actionem ullam, quæ sit actio percipiendi objectum & prosequendi, aut fugiendi propter perceptionem ejusdem præhabitam: ita ut si bruta prosequantur illud aut fugiant, non aliter id præstent, quàm dependenter ab interna organica compulsionemovente ipsa antorsum aut rorsum, ac denique non aliter, quàm ferèrum ad magnetem accedat, vel à theamede refugiat sine interventu cujuscunque cognitionis per solam vim intrinsicam, aut extrinsecam compellentem. Quapropter cum eodem modo discurrendum sit de cæteris omnibus sensationibus, uti de auditione, olfactione, &c. hinc patet statum quæstionis propositæ intelligi de sensatione completa, ac prout ultra multas actiones corporeas comprehendit aliquam perceptionem, sive cognitionem objecti sub sensum cadentis. Et sic quæritur utrum in brutis sit anima verè ac complete sensitiva, seu verè

II.  
In sensatione occurrunt multæ actiones.

III.  
At Cartesiani solè negant esse perceptionem.

percipiens ea objecta, quæ movent oculos, aures cæteraque omnia sensoria animalium: at hæc est sola perceptio, quæ discernere illa potest à meris automatis, qualia tuerentur Cartesiani.

## ASSERTIO UNICA.

*In brutis existit anima verè sensitiva, à qua proinde  
pendent actiones eorum omnes sensitivis humanis  
similes.*

**IV.** **P**ROBATUR *primò*. Ubiçunque reperitur similitudo omnimoda actionum, ibi necesse est reperiri omnimodam similitudinem principii, à quo tales actiones dependant: atqui si ita est, necesse est existere in brutis animam verè sensitivam: Ergo &c. Major est certa; quia non aliunde novimus hæc & illa corpora esse naturæ ejusdem, quàm ex operationibus iisdem: meritò quippe suspicamus easdem operationes non posse derivari nisi ab eodem principio, id est, ab eadem natura, aut anima, prout operationes illæ aut sunt infra gradum vitæ, aut illum attingunt; principium siquidem operationis vitalis est anima, principium verò operationis non vitalis est tantummodò natura. Sequela autem minoris non minùs manifesta est attendenti ad animalium curam, solertiam industriam, diligentiam, operam, &c. in ciborum delectu, in contubernio, in coitu, in educatione prolis, in edificio nidorum aut cavearum, in instruendis pugnīs, in ultionibus reperendis, in tuenda aut queriranda valetudine, in præstando obsequio, & in aliis gestis innumeris, quibus debite perpenſis jures potius ea ratione uti, quàm ab omni sensatione deficere, propter similitudinem absolutam, quæ hæc & similia animalium gesta cœquæ cum humanis sensitivis, nisi quòd si discriminis aliquid interest, illud utique est in gratiam brutorum, quæ illa omnia, aut certe ex illis multa perficiunt cum majori cura, solertia, industria, &c. Ergo &c.

**V.** **P**ROBATUR *secundo*. Talia comperiuntur in brutis genera actionum, qualia in nobis exigunt usum ac studium cognitionis præter id totum, quod ex parte objecti movet nos ad ipsa exercenda: ergo saltem illa genera actionum arguunt in brutis aliqualem sensationem: & sic reperitur in brutis anima verè sensitiva. Antecedens experimentaliter notum est: nam quando quis v. g. cum hoste pugnat, præter insulsum hostilem, à quo excitatur ad pugnam:

Arguitur  
ex omni-  
moda si-  
militudi-  
ne actio-  
num.

Item ex  
actioni-  
bus, quæ  
præqui-  
runt usum  
cognitio-  
nis.

ñum; nunquid eget consilio, quod actualiter adhibeat ad resistendum insultui, & ad insiliendum reciproce? Habent etiam bruta suas rixas ac pugnas, in quibus dirimendis neque vim, neque astutiam, neque audaciam minorem ostentant. Quando quis domum ædificat, præter lapides, lateres, trabes, &c. à quibus utcumque moveri potest ad ædificandum, nunquid præterea indiget deliberatione judicii & contentione ad dispositionem symmetricam ædificii? At bruta num ædificant nidos & caveas, in quibus non immeritò miramur ingeniosissimam architecturam? Et sic de aliis multis, quæ missa facio, idem constat. Consequentia autem jam probatur. Tum quia si ita esset, bruta absque ulla cognitione peragere actiones, quæ in nobis desiderant contentionem & exertitationem judicii, longe & incomparabiliter perfectior esset compositio corporalis organica animalium, quàm hominum; & ad eum utique modum, quo mirabilior esset navis, quæ se ipsam fluctibus committeret, & averteret à scopulis, eâ quæ ad id præstandum opus habet remigio ac gubernatione Naucleri insidentis; at animalia sine judicio animæ inhabitantis id totum præstarent, quod cum ope & usu judicii vix assequimur. Tum etiam quia id, quo homines præcise sentiunt, sive pereipiunt voluptatem aut dolorem, id, inquam, in ipsis est independenter à quocunque animæ inexistentis ratiocinio, ut patet in phreneticis, in amentibus, in ebriis, in dormientibus, &c. Ergo signum est tales sensationes esse in brutis; à quibus cum homines solo ratiocinio differant, quo non opus est, ut dixi, ad sensationem, quis non sibi suadeat illam utrisque esse communem?

Probatur *tertio*. Si in brutis nulla est vera sensatio, consequens est omnes illas actiones, quas pro spontaneis & sensitivis vulgò admittimus, non esse nisi motiones coactas, & productas ab aliqua motione objectiva extrinseca trahente, aut repellente, aut utcumque aliter compellente molem animalis organicam: atqui plurimæ sunt in brutis hujusmodi actiones, quæ per qualemcunque illam motionem extrinsecam nec explicari, nec effici possunt: ergo &c. Sequela majoris conceditur à Cartesio, qui non aliter actiones animalium, quàm quorumlibet automatum revocat ad aliquam compulsionem extrinsecam, quæ taliter ac taliter afficiendo organa animalis, illud determinet ad hæc aut illa genera motuum, quos nemo miraretur, si agnosceret vim ac compulsionem occultam, quâ efficiuntur; sicuti jam nemo miratur in horologiis rotatis gestatoris conversionem illam rotarum, quam novit effici ab inexistentibus

VI.  
Ac tum  
ex eo quòd  
actiones  
brutorum  
non sint  
coactæ &  
violentiæ.

claterio. Minor autem probatur in hunc modum. Compulsio illa objectiva extrinseca, qualescunque illa sit, consistens in influxu conspicuo aut occulto, non potest movere animal, nisi ad determinatam aliquam motionem localem, aut aliter stationem; & nihilominus ad unius ejusdemque objecti presentiam, & eodem modo influentis sæpissime videmus multiplices & diversissime astutas actiones animalis nunc currentis, nunc stantis, nunc saltantis, nunc circumeuntis, &c. idque tibi satis constat, si unquam vidisti itus, reditus, saltus, circuitus, &c. felis quæritantis modum, quo invadere ac deicere possit carnem saltem in superiori tabulato appensam. Nam ut primum illam conspicit, hæret veluti cogitabundus de modo, quo attingere possit, observatque oculis num adsit herus, qui fraudem observet; ac tum saltitat, & ubi advertit saltare se ex loco humiliori, quærit superiorem, & descendit mensam, unde rursus tentat saltu carnem attingere, nullumque est in tota culina promptuarium, aliudve tabulatum utensile, unde non id ipsum experiatur; ac tandem si non proficit post irrequietam illam sollicitudinem, vadit aliò victum faciliorem quæriturus.

VII.  
Neque  
possunt  
sufficien-  
ter exponi  
per com-  
pulsiones  
externas.

Quo exemplo familiari & obvio evidens est quòd cum caro illa falsa appensa non possit, nisi uno modo influere & afficere oculos ac nares felis, non etiam posset illum determinare nisi ad unam aliquam speciem motus, v. g. ad saltum ex loco, unde primum carnem videt & olfacit. Ergo cæteri omnes motus ab alia causa superiori procedunt, scilicet à sensatione, seu ab anima verè sensitiva. Innumera alia afferri poterant exempla, quæ prætermisi, ut tantum adderem motum, qui totus procedit à causa motrice extrinseca, non posse superare vehementiam causæ motricis: quomodo igitur fieri poterit ut Cartesiani explicent motum illum vehementissimum, quo equus ferox proruit ad saltum, vel ad cursum, non modò ad levi baculi percussionem, sed etiam ad ostensionem; quin insuper ad solam infessoris vocem, quæ cum in levissimo motu consistat, non potest nisi leviter movere equi organa, & hæc sic leviter mota totam equi molem non possent movere, nisi lentissime. Quæ & similia plurima cuivis obvia, si tantulum attendantur, omnino convincunt adesse in brutis animam verè sensitivam, idque adhuc magis intelligetur ex solutione objectionum sequentium.

VIII.  
Opponi-  
tur res ma-  
teriales  
esse inca-  
paces per-  
ceptionis.

Obijciens *primò*. In brutis quidquid est, id totum est pure materiale & corporeum: atqui nulli rei corporeæ & putè materiali convenire potest vera sensatio: ergo &c. Ac proinde in brutis nulla est anima



Anima vere sensitiva. Major certa est: quatenus in brutis quantumlibet perfectis anima illa, quæ inesse supponitur, non attingit perfectionem entis spiritualis, & sic non superat gradum materiæ. Minor autem probatur. Tum quia juxta communem & receptissimam materiæ notionem nihil ei convenit præter extensionem, motum, & figuram, cæterasque proprietates corporeas. Tum etiam quia non novimus materiam posse aliter in se ipsa perfici, quàm per attenuationem, aut per configurationem, aut per resolutionem usque ad atomos, aut per quæcunque similem aliam mutationem corpoream. At quæcunque illa sit attenuatio, configuratio, resolutio, &c. non efficit, ut materia evadat capax sensationis: nam si frustum ligneum v.g. non est ex hypothesi capax sensationis, attenua, configura, resolve illud utut volueris, & ad nullam particulam unquam devenies, cui potius sensatio tribuenda videatur, quàm frusto ligneo, in quo erat præcontenta. Ergo præter omnem veritatem, imo verissimilitudinem tribuitur brutis id, quod est sentire, & quidquid sub uno illo vocabulo comprehenditur, cogitare, sperare, metuere, dolere, gaudere, appetere, &c.

Resp. & concessa majori distinguo minorem. Nulli rei corporeæ & pure materiali convenire potest vera sensatio, scilicet reflexa, quam perfectam vocant, concedo minorem; scilicet simplex, quæ aliter vocatur imperfecta, nego minorem & consequentiam sub eadem distinctione, quæ sic explico. Sensatio reflexa importat perceptionem præhabitam sensationis, & hoc pacto bruta non habent sensationem reflexam, quia licet v.g. dolent, non agnoscunt se dolere, licet metuant, non agnoscunt se metuere, &c. Et ratio est, quia nullus sensus pure corporeus reflectit supra suam sensationem, ut experimentaliter probatur ex oculo, qui licet videat, non videt tamen se videre; ex aure, quæ licet audiat, non audit tamen se audire; & sic de aliis sensibus externis, quin & de internis similiter, ut de imaginativa, quæ licet obiecta absentia apprehendat, non apprehendit tamen se illa apprehendere: unde fit ut homo ad perceptionem sensationum suarum corporearum indigeat intellectu, cujus tanquam sensus superioris est in inferiores animadvertere.

Quod verò spectat ad sensationem simplicem: quam ut à reflexa, siquidem perfectiori, distinguant, vocare solent Philosophi imperfectam, nihil impedit quo minus tribuatur animæ brutorum, live congecæ & attemperatiori spirituosiorum particularum, in quibus animam illam consistere supra dictum est. Nam quamvis, si ad vulgarem & anticipatam materiæ ideam respicitur, vix induci intellectus

IX.  
At id tantum verificatur de perceptione reflexa.

X.  
Minimè verò de simplici & redditur ratio discriminis.

possit ad tribuendam materiæ qualemcunque cognitionem, sive cogitationem, voluptatem, iram, appetitionem, &c. nihilominus ad eam utique tribuendam inducitur, quando attendit ad communitatem perfectionum illam, quæ reperitur inter hinc supremam speciem generis immediate inferioris, hinc infiniam generis alterius immediate superioris juxta illud effatum philosophicum, *Supremum infimi attingit infimum supremi*. Unde accidit, ut sint lapides, qui aliquantulum vegetant, & plantæ quæ aliquantulum sentiunt; quare ergo bruta non aliquantulum cognoscent, quemadmodum & homines aliquantulum intelligunt accedentes hoc pacto ad perfectionem speciei Angelicæ, sub qua sunt immediate constituti? Præterea annon localiter moventur entia spiritualia, quæ perfectio nihilominus est propria rebus corporeis? Ergo poterit rebus corporeis convenire aliquantulum perfectio quædam entium spiritualium, iis nempe corporeis, quæ obtinuerint certam aliquam contemperiem, contexturam, configurationem, organizationem, &c.

XI.  
Opponit  
Divinam  
potentiā  
pro for-  
mandis  
automa-  
tis.

Obiicies *secundò*. Potest Deus producere automata, sive machinas spontaneas, quæ independenter ab omni sensatione moveantur universis illis motibus, quos vulgò creditur peragi in brutis per animam sensitivam. Ergo saltem nulla est efficax convictio, quæ asseri debeat inesse brutis animam sensitivam. Antecedens negari non potest, præsertim si attenditur ad id, quod Historici passim referunt de plurimis mirabilibus artefactis, ut de statuis illis æneis, quas Dædalus sic affabre compegerat, ut ad incidentium radiorum Solarium moverentur; uti etiam de columba, quam Archytas Tarentinus sic composuerat, ut vivæ volatum imitaretur. At hæc istorum artificum industria quantula est, si cum infinita Divinæ artis potentia ac sapientia conferatur? Certè tantula, ut non sit dubium quin possit Deus efficere artefacta incomparabiliter mirabiliora, quæ ad levissimos, quæ & occultissimos objectorum præsentium influxus sic moveantur, ut moveri videantur à principio intrinseco cogitante & spontaneo. Tum verò consequentia est evidens: quia in his rebus, quas Deus uno & altero modo potuit producere, nisi revelaverit ipse uter ille sit, quem usurpavit, pro utroque perinde certari potest; si itaque actiones brutorum perinde sine anima ac cum anima sensitiva possunt perfici, Divino Artifice providente, non est potior ratio certandi pro existentia, quàm adversus inexistentiā animæ sensitivæ.

XII.  
At multi  
negant

Respondent aliqui negando posse Deum talia automata producere; quatenus ea producendo nos falleret tribuens occasionem errori,

quo præventi assereremus inesse us automatis animam sensitivam : at Deus fallere neminem potest. Veruntamen non placet hæc responsio, quia Deus non animo decipiendi nos ea produceret ; sed potius ostendendi artem sui opificii infinitam. At ubi non est animus decipiendi, ibi nulla est tedatguenda fallacia ; alioquin perinde reputandus esset Deus fallax & reus erroris, in quem pletique cadunt, dum opinantur Stellas non esse pugno majores, quamvis plutimæ sint, quæ multis vicibus Terræ magnitudinem superent ; ut nihil dicam de innumeris effectibus, quos humana ignorantia falsis & inanibus causis attribuit.

Quare verius Respondeo admissio antecedente negandam esse consequentiam. Et ratio est, quia ad efficaciam convictionis humanæ in his rebus asserendis, quæ de potentia absoluta Divina potuerunt aliter atque aliter effici, satis est ut citra omnem revelationem addint motiva rationabilia, qualia in gratiam nostræ assercionis attulimus : alioquin cum nullus sit effectus naturalis, ad ejus productionem non potuerit Deus causas occultas innumeras ordinare, nulla adduci posset cōvictio Philosophica circa causam cujusvis effectus propositi requisitam. Præterea vero cum probabilissimè omnes Theologi opinentur Deum in hoc mundi opificio non nisi mediocres potentiz suæ vires exhibuisse, si comparentur cum illis, quas ostentare poterat in creandis præstabilioribus creaturis ; aliunde autem ad creanda automata, qualia Cartesiani tuerentur, ipsi necessariam esse admittant potentiam Dei summam & absolutam, consequens est bruta non esse mera automata ; sed animalia utique sentientia, sive dolentia, metuentia, appetentia, &c.

Obicies *tertiò*. Si quæ sunt in brutis actiones, quæ exigant in ipsis aliquam notitiam, sive cognitionem animæ inexistentis, illæ inter alias sunt, quæ spectant ad ipsorum generationem, nutritionem, & incrementum : atqui istæ actiones nullam in illis exigunt notitiam, sive cogitationem animæ inexistentis : ergo &c. Major conceditur ab Aristotelicis præsertim, qui vulgò putant animam sensitivam brutorum præsidere in ipsis exercitio omnium actionum, non tantum sentiendi, sed etiam vegetandi. At qualiter præsidet sine notitia modi, quo perfici debeant ? Minor autem probatur ; quia tales actiones neque in hominibus sunt dependentes ab ulla notitia, sed ex toto perficiuntur per solam vim machinæ corporeæ organice ; idque constat : quia ipsi ignoramus modum, quo tales actiones in nobis, aut à nobis perficiantur ; quot enim sunt, qui plane ignorant & numerum & situm & nomina organorum, quæ nutritioni, aut generationi deserv-

Deum id  
posse effi-  
cere.

XIII.  
Et aliunde  
nihil hinc  
convincitur  
contra  
nos.

XIV.  
Addit ani-  
mam sensi-  
tivam non  
præesse ac-  
tionibus  
brutorum.

viunt? Tum verò hinc concluditur non esse difficilius, ut ceteræ actiones, quæ pro sensitivis reputantur, fiant in brutis sine ulla sensatione, præsertim quia plurimæ ex illis sunt, quæ in nobis, similiter sine ulla notitia directiva perficiuntur, uti cum videmus & nihilominus ignoramus modum, quo fiat visio, & sic de aliis. Quare omnes actiones brutorum tantum machinaliter fiunt, sicut pleræque ex nostris; & sic non opus habent ad eas perficiendas anima sensitiva inexistente. Aut si utique inest, cum non minus caute ac solerter, quam anima rationalis se gerat in actionibus perficiendis, quæ omnimodam habent cum humanis similitudinem, dicendum erit, ut olim Pythagoricis visum est, eam esse utique rationalem; siquidem nec cautius, nec solertiùs illas perficeret, si nostro ratiocinio uteretur. Ergo &c.

XV.  
At licet  
non præ-  
sit omni-  
bus, præ-  
est saltem  
quibus-  
dam.

Resp. & concedo, quidquid interim hac de re Aristotelicis videatur, plerasque actiones tum vegetativas, tum sensitivas perfici in brutis perinde ac in nobis machinaliter, id est, propter solam vim ac dispositionem corporeæ molis organicæ; sed id non obstat quo minus cum illis conjuncta reperiat perceptio, quæ eas prævenit, aut comitatur, aut subsequitur. Sic itaque fateor bruta nutrire & crescere & generare independentem à notitia directiva talium actionum vitalium: at nihilominus actiones illas percipiunt, sentiuntque si quæ est in illis voluptas, aut molestia; & idem intellige de visione, olfactione, cæterisque sensationibus, quæ revera machinales sunt; sed tamen cum perceptione aliqua conjunguntur. Præterea verò ad hoc ut constet inexistere brutis animam sensitivam, satis est si in ipsis vel una deprehendatur operatio, quæ importet, aut exigit perceptionem. At hæc non una est; sed multiplex, ut patet ex singulari industria ac solertia &, ut fere dicam, sapientia, quam exhibent in cibis deligendis, in fœtibus educandis, in ædificandis nidis, in præstandis obsequiis, &c. Neque tamen omnis illa perceptio ad ratiocinium accedit, quod utique non potest convenire, nisi spiritui; anima verò brutorum corporea est, ut ex infra dicendis magis intelligetur.





## ARTICULUS II.

### QUID SIT ANIMA SENSITIVA?

**N**OTANDUM primò non inquiri hic tantùm à nobis quid sit anima sensitiva quoad entitatem ipsius metaphysicam, circa quam faciliè convenitur idoneas esse voces illas, quibus talis anima abstracte definitur *actus primus corporis organici potentia vitam sensitivam habentis*, aut aliter & brevius, *principium sentiendi*, sive id, quo vivitur & sentitur. Sed insuper ac præsertim inquisitio fit de entitate ejusdem physica, ubi abstinere obiter non possum, quin annotem quàm expedita ac velox sit Aristotelica methodus in istis ac cæteris quæstionibus enodandis: rem siquidem totam acu tetigisse arbitrantur post paucula verba, quibus expresserint præcisè & in abstracto illius definitionem, quasi verò definitio, quæ præter metaphysicum rei conceptum nihil edocet, non relinquat locum inquirendi ulterius, quid illa sit in statu suo physico, in quo temperiem & activitatem habet provenientem non ex ideis nostris, seu conceptibus ac præcisionibus; sed ex certis quibusdam principiis materialibus, ex quibus corporeæ res omnes constant, è quarum numero cùm sit anima sensitiva, materialia ejus principia hæc sunt, quæ à nobis modo inquiruntur; atque id est verè inquirere entitatem illius physici.

Notandum *secundò* operationes animæ sensitivæ esse haud dubiè omnes corporeas: cùm autem omnis actio corporea nihil sit in se ipsa, nisi quædam motio localis, hinc sequitur omnem sensationem, quæcunque illa sit ac quantumvis perfecta, nihil esse, nisi speciem aliquam motionis localis, utique immanentis: siquidem cæteræ motiones, quæ immanentes non sunt, ad gradum vitæ non assurgunt; nemo verò dubitat quin motiones sensitivæ omnes vitales sint. Igitur pro constitutivo physico animæ sensitivæ tantùm necesse est, ut assignentur talia principia materialia, quæ activitatem, sive

I.  
Quæ sit  
notio ani-  
mæ sensi-  
tivæ in  
sensu ab-  
stracto &  
physico.

II.  
Omnis  
sensatio  
referenda  
est ad mo-  
tionem  
localem.

mobilitatem obtineant idoneam ad exercenda in vivente sensitivo illa omnia genera actionum immanentium, quas vocant Philosophi sensitivas. Atque ita modò obtineamus principia talium actionum exercendarum capacia, cur non audacter affirmabimus euitatem physicam animæ sensitivæ coalescere totam ex illis? Ut autem optime dignoscatur quales sint actiones, seu motiones sensitivæ, notanda adhuc nonnulla sunt.

III.  
Sensatio  
importat  
actionem  
sensibilis,  
& passio-  
nem sen-  
sitivæ.

Notandum *tertiò* sensationem esse generaliter loquendo actionem omnem, quæ percipitur sensibilis externi actio in vivente sensitivo recepta, sive perceptionem motionis illius, quæ sensibile afficit sensitivum. Unde intelligis sensationem hæc duo importare, unum ex parte sensibilis, quod certa aliqua motione sua afficit sensitivum, alterum ex parte sensitivi, quod recipit simul ac percipit motionem illam à sensibili derivatam & in se transmissam; atque ita sensatio præter receptionem motionis, quæ sensibile afficit sensitivum, exigite perceptionem huiusmodi motionis. Tum verò in hac perceptione explicanda non parum à Physicis laboratur vix ac ne vix quidem capientibus modò, quo fieri possit ut conveniat rei materiali & corporeæ; qualis est tota illa compago ac temperies viventis pure sensitivi; idque revera arduum cùm sit intellectu, conabimur deinceps conjecturis saltem quibusdam ac probabilitatibus explanare. At interim prænotasse sufficiat ad quidditatem physicam animæ sensitivæ constituendam talia concurrere principia, quæ viventi sensitivo tribuunt vim ac facultatem intrinsecam non modò recipiendi motiones sensibiles externorum; sed insuper advertendi illas, ac proinde deinceps movendi se ipsum conformiter ad eam receptionem, tum advertentiam. His prænotatis venio ad decisionem quæstionis propositæ.



## ASSERTIO UNICA.

*Tota entitas physica animæ sensitivæ coalescit ex quibusdam selectis generibus particularum elementarium, quæ invadunt, occupant, movent partes viventis sensitivi omnes organicas magis minúsve primariò ac perfectè secundùm dispositionem ipsarum & exigentiam.*

**P**ROBATUR primò. Tota entitas physica animæ sensitivæ coalescit ex principiis materialibus idoneis ad exercendas operationes sensitivas: atqui principia hujusmodi non alia sunt, quàm selecta quædam genera particularum elementarium, quibus nimirum id conveniat invadere, occupare, movere ut par est partes viventis sensitivi omnes organicas: ergo &c. Major constat: quia cùm tota entitas physica animæ sensitivæ sit materialis, nec coalescit nisi ex principiis materialibus, nec insuper nisi ex idoneis ad exercendas operationes sensitivas. Minor verò sufficienter probatur. Tum quia operationes sensitivæ cùm nihil sint nisi selectæ quædam species motionum, ad hoc ut exerceeri possint, non exigunt nisi selectas vires motrices, quales utique sunt in selectis generibus particularum elementarium. Tum insuper quia nullum est dubium, quin potuerit Deus tribuere particulis elementaribus qualescunque vires motrices; atque ita cùm nullæ sint motiones sensitivæ, quæ prodire non possint ex viribus illis motricibus, non aliis utique opus erit principiis ad sensationes exercendas.

Aliunde autem Deum revera contulisse vires illas motrices elementis satis patet ex eo, quòd cùm elementa sint sola rerum omnium corporearum principia, sunt proinde etiam subiecta primaria mobilitatis omnis, quæ in mixtis sensitivis perinde ac in aliis reperitur. Ergo vires motrices, quæ necessariæ sunt ad operationes sensitivas, conveniunt elementis, id est, selectis illis particularum elementarium generibus, ex quibus viventia sensitiva sortiuntur suam hanc activitatem sensitivam. At hæc activitas sumpta physice & in concreto est anima ipsa: quapropter bene assertum fuit totam entitatem physicam animæ sensitivæ coalescere ex quibusdam selectis generibus particularum elementarium.

IV.  
Sufficiunt in illis particulis selectæ vires motrices.

V.  
Neque carèt istis viribus.

VI.

Neque  
addit alia  
principia,  
quibus ta-  
les vires  
coveniāt.

Probatur *secundò*. Anima sensitiva est substantia quædam corporea afficiens ac movens idoneè partes omnes organicas viventis sensitivi; atqui si ita est, non potest tota illius entitas physica convenientiùs componi, imò nec aliter componi, quàm ex selectis generibus particularum elementarium: ergo &c. Major est certa, & evidentior quàm ut ullà probatione indigeat; minor verò sic probatur. Si anima sensitiva est substantia corporea afficiens, ac movens idoneè partes omnes organicas viventis sensitivi, non potest aliter componi, quàm ex principiis substantialibus corporeis, quæ vim & activitatem obtineant sufficientem ad efficiendas & movendas idoneè partes illas omnes viventis sensitivi: atqui præter selecta genera particularum elementarium nulla talia adiunt principia: ergo &c. Major rursus patet ex terminis. Minor etiam constat: quatenus juxta doctrinam elementarem hæcenus stabilitam particulæ elementares habent innatam mobilitatem omnes; ac tum particulæ elementares selecti generis habent mobilitatem singularem & selectam, qualis utique necessaria est ad efficiendas motiones, sive operationes sensitivas. Aliunde verò sola elementa sunt corpora simplicia, quibus proinde solis competit esse principia. Ergo denique solis selectis generibus particularum elementarium convenit esse principia idonea ad efficiendas in viventibus sensitivis operationes omnes ac singulas sensitivas.

VII.

Et hujus-  
modi vi-  
res præ-  
sertim  
exercen-  
tur in ali-  
qua parte  
viventis.

Dixi propterea in assertionem animam sensitivam coalescere ex selectis generibus particularum elementarium; idque non tantum quia ad singulas species mixtorum singularia ac selecta genera elementorum requiruntur; sed insuper quia cum anima sensitiva habeat operationes valde perfectas, non qualiacunque vulgaria elementa sufficiunt ad physicam illius complexionem; sed illustriora & quæ Deus selegerit ad opus adeò nobile peragendum, desiderantur. Tum addidi selecta illa genera particularum elementarium, ex quibus coalescit anima sensitiva, invadere, occupare, movere partes viventis sensitivi omnes organicas *magis minusve, primario ac perfecte secundum dispositionem ipsarum & exigentiam*; ideoque addidi, ut intelligatur ex diversa illa dispositione & exigentia partium organicarum provenire varietatem omnem sensationum, quæ satis demonstrat animam sensitivam prius ac principalius sive invadere, sive occupare partes aliquas præ cæteris, ac perfectius movere. Atque ita in omni vivente sensitivo est præcipua quædam pars, quæ est veluti regia sedes animæ, ubi scilicet sensatio omnis perficitur, & unde omnis motio ad sensationem consequens derivatur, sicut in articulo quarto explicabimus.

Tum



Tum verò si quis à me inquireret quznam igitur sunt selecta illa particularum elementarium genera, ex quibus asserui animam sensitivam coalescere, responderem spiritus sanguineos, quos Philosophi vocant vitales & animales, posse inter illa sine dubio enumerari, suadetque id ipsum Sacra Scriptura, quæ nos edocet animam, scilicet sensitivam, totam esse in Sanguine, videlicet puriori, sic enim legitur Deuter. 12. *Hoc solum cave ne sanguinem animalium comedas, sanguis enim eorum pro anima est; & idcirco non debes animam comedere cum carnibus.* Et rursus Levitici cap. 17. idem præcipitur his verbis. *Si venatione atque aucupio caperis quis fexam vel avem, quibus vesci licitum est, fundas sanguinem ejus & operias illum terrâ; anima enim omnis carnis in sanguine est: unde dixi Filiis Israel sanguinem universæ carnis non comedere, quia anima carnis in sanguine est & quicunque comederit illum interibit.* Quæ testimonia adeò expressa sunt, ut nullum relinquunt locum dubitandi, quin anima sensitiva coalescat saltem præsertim ex spiritibus, sive corpusculis purioribus sanguineis. Dico saltem præsertim, quatenus probabile est præter spiritus sanguineos concurrere ad complexionem physicam animæ sensitivæ quædam alia genera spirituum, quales in aliis humoribus peminde ac in sanguine suspicor abundare; ne quid dicam de cæteris, quos potuit Deus creare & eligere pro variis differentium animarum temperamentis. Tandem quidquid sit de proprietatibus & denominationibus ignotis hujuscemodi spirituum, sive particularum spirituosorum elementarium, certum est animam sensitivam nonnisi ex talium componentium certa aliqua combinatione ac temperaturatione excrecere, prout ex solutione objectionum sequentium magis constabit.

Objicies primò. Anima sensitiva præter vim omnem qualemcunque motricem habet perfectionem aliam longè superiorem, quâ percipit ac discernit actiones sensibilibus externorum: atqui ad hanc sive perceptionem, sive discretionem non sunt idonea qualiacunque, ac qualitercunque selecta genera particularum elementarium: ergo &c. Major à nobis concessa, imo propugnata fuit adversùs. Cartesianos, qui perceptionem ac discretionem protulsi omnem brutis adimunt. Minor verò multipliciter probatur. Primò. Quia genera illa particularum elementarium qualitercunque selecta non superant gradum materiæ, quæ in suo conceptu essentiali nihil includit præter vel esse omnino puram potentiam, ut Aristotelici vulgò docent, vel esse purè extensam, ut Cartesio visum est. Secundò. Quia si quibuscumque selectis generibus particularum elementarium conveniret cognitio sensiti-

VIII.  
Tandem  
vis sensiti-  
va ressi-  
det potissi-  
mum in  
sanguine.

IX.  
Probant  
tripliciter  
eas particu-  
las esse  
incapaces  
percep-  
tionis.

va, præsumi perinde posset adesse in hominibus selectiora alia generâ particularum elementarium, quibus propria sit & connaturalis cognitio discursiva: cum enim imperfectioribus elementis conveniat cognitio imperfectior, cur elementis perfectioribus non poterit convenire cognitio perfectior, qualis est discursiva? Præsertim quia nulla excogitari possunt elementa adeò perfecta, quibus alia perfectiora non possit Deus producere: at quis non videt quantum periculosa esset prædicta hæc præsumptio? *Tertio*. Quia cum animalia vescantur alimentis, in quorum plerisque est vita vegetativa, suscipiantque ex illis totum suum vitale incrementum, necessariò hinc sequitur selectas illas particulas elementares, quæ vitam sensitivam constituerent, præexistere in illis vegetabilibus alimentis. Atque ita vel in viventibus pure vegetativis essent particulæ sensitivæ, quod est ridiculum, vel vita animalium sensitiva penderet ac proveniret ex particulis insensitivis, quod est absurdum; quatenus sicut ex inextensis, ut patet, non potest fieri quid extensum, ita nec ex insensitivis quid sensitivum: Ergo &c.

X.  
Ostenditur qualiter superent gradum materiz.

Resp. & concessâ majori nego minorem, pro cuius triplici probatione solvenda dico. Et ad *primam* quidem fateor particulas illas elementares quantumlibet selectas non superare gradum materiz in hoc sensu, quòd non attingunt gradum spiritus; at omnino superant gradum materiz Aristotelicæ, si illa non est nisi pura potentia; & rursus Cartesianæ, si illa non est nisi pura extensio. Materia quippe nostra elementaris est per se ipsam actiua, vivida, mobilis; ac tandem non minùs perfecta, quàm forma Aristotelica substantialis, & ideo mirum est Aristotelicos, qui formæ substantiali brutorum non denegant cognitionem sensitivam, adeò scire in opinionem, quæ similem cognitionem tribuit materiz elementari selectæ, quasi verò illa quidquam obtineat præter id, quod est esse taliter materiale, sive materiam taliter actuosam, aut quod idem est, taliter selectam à Deo, & creatam pro sensationibus animalium peragendis.

XI.  
Nec tamē possumus attingere vim discursivam.

Ad *secundam* deinde contendo quòd omnino gratis præsumeretur posse qualibuscunque elementorum generibus convenire cognitionem discursivam sub obtentu, quòd illis conveniat cognitio sensitiva; gratis, inquam, omnino id præsumeretur, quia cognitio discursiva est cognitio reflexa, ut alibi dictum est, & proinde immaterialis, ac supra sphæram & ultra ordinem cuiuslibet activitatis corporeæ: omnis autem elementaris activitas est corporea. Nisi quòd insuper satis patet plurimas esse in homine prærogativas cum cogni-

tionem discursiva conjunctas, quæ convincunt illam procedere ab anima spirituali, immortalis, incorruptibili, & ad finem supernaturalem Divinitus præelecta; ad quas utique prærogativas atreudebat haud dubie D. Aug. quæst. 57. supra Leviticum, ubi sic ait. *Nunquid si animam pecoris sanguinem dicimus, etiam anima hominis sanguis putanda est? absit.*

Ad tertiam denique dico nullam esse repugnantiam, imo summam esse probabilitatem in ea consequentia, quam ex nostris principiis eruunt Adversarii, scilicet quod in mixtis vegetativis, quibus aluntur animalia, existerent particulæ elementares sensitivæ: quid enim vetat particulas illas sensitivas in prædictis mixtis reperiri absque ulla sensatione exercita, eo scilicet quod organa desint ad sensationem requisita? Quid inquam vetat? quasi verò ignis v. g. non similiter in plerisque mixtis reperitur sine solito calore exercito, propterea quod sit multipliciter cum aliis elementaribus, particulis, quæ illa eadem mixta constituunt, implicatus. Imo non improbabile mihi est plerasque particulas elementares, quæ in viventibus vegetativis producunt actiones vegetativas, producere deinceps sensitivas in sensitivis, quando scilicet per comestionem aut aliter veniunt in compositionem illorum substantialem. Dico *plerasque*: siquidem alias opinor non omnibus particulis elementaribus, quæ vegetationi inserviunt, competere ut inserviant sensationi, propter discrimen specificum, quod interest inter vegetationem & sensationem. Ex quibus omnibus attente spectatis faciliè eruitur idonea totius objectionis solutio.

Objicies *secundò*. Anima sensitiva est quid homogenum: ergo tota ejus entitas physica non coalescit ex diversis particularum elementarium generibus. Consequentia est evidens; antecedens verò probatur. *Primò*. Quia animalia, quæ præsupponamus esse unius speciei, quamvis deinceps alimentis ex toto diversissimis nutriantur, nihilominus speciem non immutant, ut eveniret necessariò juxta nostra principia, quibus statuitur alimenta animalium animas perinde ac ceteras ipsorum partes organicas roborare, & augere propter particulas alimentorum adventitias consimiles his, ex quibus tum primò progignuntur: ac proinde ex diversitate alimentorum consequeretur immutatio specifica animarum. *Secundò*. Quia operationes animæ sensitivæ sunt multum concordantes, ut constat, quatenus placide & sine ulla molesta perturbatione exercentur: at qualiter esse posset inter ipsas concordia, si anima ex diversis, ideoque ex discordibus elementorum generibus coalesceret? Ergo &c.

XII.  
Sed possunt ex vi vegetativa pervenire ad sensitivam.

XIII.  
Opponitur animas sensitivas esse homogeneas.

XIV.  
Et inferūt  
quōdēdem  
vivens  
non habet  
et eadē  
animam.

Adde quōd animal toto vitæ suæ tempore eandem habet animam; atqui frequentissime ac per singulos dies mutaret illam aut ex toto, aut saltem ex parte, si coalesceret ex particulis supradictis elementaribus: ergo &c. Major constat, quia mors est separatio reciproca corporis & animæ, ejus nimirum animæ, quam vivens ab exordio suæ natiuitatis obtinuit; ita ut non possit illam amittere sive ex toto, sive ex parte, quin ex toto, aut ex parte emoriatur. At quis unquam audivit mortem sive ex toto, sive ex parte animali adhuc viventi accidere? quasi verò mors non sit in indivisibili posita, aut non tollat omnino vitam animalis, quod emoritur. Tum sequela minotis facillè probatur. Sive quatenus ex principiis nostris sequitur particulas illas elementares, quæ constituunt animam viventis sensitivi cū primò gignitur, non posse constituere totam ejusdem animam, postquam mox excrevit; sed egere aliis similaribus, quæ veniant in consortium primigeniæ compositionis atque ita anima per incrementum istud adventitium immutatur. Sive etiam quatenus ex iisdem etitur primigenias illas particulas elementares constitutivas animæ sensitivæ esse ut plurimum illos eisdem spiritus, quos Philosophi vocant vitales & animales: at isti, ut patet, quotidie depereunt, & sic anima per hujusmodi decrementum immutaretur: ac proinde, ut obijcitur, vivens toto suæ vitæ tempore non haberet eandem animam, quod est absurdum. Ergo &c.

XV.  
At non  
obstat ho-  
mogeneci-  
tas, licet  
verius sint  
heteroge-  
neæ.

Resp. negando antecedens, pro cuius duplici probatione solvenda dico. Et ad *primam* quidem nihil vetare quominus in alimentis, quamquam apparenter diversissimis, reperiantur particulas elementares permixtæ ejus generis, cujus sunt illæ, quæ constituunt animam sensitivam, quæ proinde eandem servabit speciem, sive per herbas v. g. sive per carnes alimentitias nutriatur. Nihil, inquam, id vetat, cū videamus in mixtis combustibilibus diversissimis, ut in stupa & palea perinde latere particulas igneas, quæ per utriusque combustionem solvuntur. Ad *secundam* deinde dico nullam esse qualem Adversarii fingunt discordiam inter particulas elementares, licet diversi genetis, quin potius concordiam & pacem, quā sollicitantur ut veniant in societatem ejusdem compositionis, & actionis. Nec obstat quōd talium elementorum activitates per se seorsim spectatæ sint diversæ; quia nempe hæc diversitas omnino requiritur ad executionem ipsorum reciprocam, sine qua nulla mixtio unquam contingeret. Ac tum si elementa, licet diversa, concorditer unjuntur, ut patet, in plerisque mixtis perennibus, cur unita non concorditer operabuntur in illis, ideoque etiam in animabus

sensitivis, quæ nihil aliud sunt, quàm mixta quædam selectiora. Neque aliunde jam occurrit repetere rationes, quibus non semel in hoc tractatu probatum fuit convenientius & rationabilius esse, ut animæ materiales heterogenæ reputentur, quàm homogenæ.

Ad instantiam verò solvendam respondeo distinguendo majorem. Animal toto vitæ suæ tempore eandem habet animam, id est, eandem apparenter & æquivalenter, concedo majorem: id est, eandem absolute & realiter, nego majorem: quâ distinctione ad minorem similiter applicatâ nego consequentiam. Et hæc distinctio per se satis intelligitur, si vel leviter attenditur ad necessariam animæ sensitivæ coextensionem cum tota viventis sensitivi mole organica. Siquidem cum hæc moles paulatim accrescat, donec ad staturam requisitam pervenerit, quin & deinceps paulatim decreseat, marcescat, pereat, opus omnino est ut anima obnoxia sit consimilibus vicissitudinibus incrementi cujusdam ac decrementi; unde patet animam absolute ac realiter non perseverare eandem, sicut nec vivens perseverat idem, si loquimur in sensu reali & absoluto. Præterea nunquid evidens est accidere animalibus per varia temporum intervalla multiplices mutationes connaturalis temperamenti, quod mox firmum, mox infirmum est; mox uno, mox altero humore abundat; quæ consistit, mox deficit? Quid autem in rigore physico aliud est connaturale cujuslibet animalis temperamentum, quàm ipsius animæ totam corporis animati machinam taliter afficientis & moventis temperies? Unde evidens est physicam animæ sensitivæ entitatem variis mutationibus subjacere: atque hinc satis eruitur propositæ difficultatis solutio.

Tandem ut in re admodum ardua non desint Lectori conjecturæ ulteriores, ac probabilitates nonnullæ, quibus suaderi sibi sinat lubentiùs quidquid hætenus dictum est, operæ pretium erit, si quæ menti occurrunt, breviter proponantur. Itaque non video cur Deus producere non possit creaturam spiritualem incapacem cognitionis; quin imo juxta communem Theologorum sententiam gratia habitualis est ens spirituale, cui nullam tribuunt cognitionem; neque aliter sentiunt de Donis & habitibus supernaturalibus infusis: ergo cur non poterit Deus producere creaturam materiale[m] capace[m] cognitionis? Et consequentiæ hujus vim pono in hoc, quòd si cognitio non est essentialis rei spiritali, privatio cognitionis non est essentialis rei materiali, idque propter oppositionem summam, quâ materia differt à Spiritu, exigitque privati iis perfectionibus, quæ essentialiter illum constituunt. At cæteris, quæ essentialiter illum

XVI.

Et ostenditur in quo sensu non fiat in ratione animæ.

XVII.

Arguitur ex eo quòd cognitio non sit essentialis spiritui.

non constituunt, non exigit privari: ergo materia non exigit essentialiter privari cognitione, si cognitio non est essentialis spiritui, sicut revera essentialis non est.

XXIII.  
Item ex  
æquiva-  
lencia  
cognitio-  
nis.

Deinde certum est plurimas esse res materiales etiam inanimatas, quibus convenit aliquid æquivalens cognitioni, scilicet sensitivum. Nam ferrum v. g. ad magnetem accurrit non aliter, quàm si effluvi-um illius oculum à cujuslibet alterius corporis effluvio quan- tumvis admodum sensibiliore discerneret; & ipse magnes alteri mag- neri jungitur, aut jungi renuit, prout alter alteri diversimode offer- tur, nec minùs caute, nec minùs constanter, quàm si utrique cog- nitus esset casus omnis, in quo convenit, aut non convenit ipsos jungi. Ne quid dicam de innumeris aliis phænomenis naturalibus, quæ sine vi motrice intrinseca, quæ cognoscitivæ utcumque æquiva- leat, nusquam evenirent. Et certè nullus saltem dubitat, quin bru- ta se gerant in suis vitæ tuendæ negotiis tali modo, qui si cognos- citivus non fuerit, attamen cognoscitivo æquivalet: qualiter enim si cognitione fruerentur, possent se in illis gerere cautius? Nunc autem sic infero. Si potuit Deus conferre brutis vim motricem cog- noscitivæ æquivalentem, potuit etiam conferre cognoscitivam, ut patet ex terminis; cùmque in brutis nihil sit præter particulas materiales elementares, ex quibus constant: hinc sequitur nullam apparere repugnantiam in hoc, quòd cognitio sensitiva conveniat selectis particulis elementaribus, ac per selectam combinationem de- bite temperatis.

XIX.  
Ac tandem  
ex notio-  
ne motio-  
nis corpo-  
reæ.

Ad hæc adde sensationem, qualem brutis tribuimus, aut nullam esse, quod falsum est ex articulo præcedente, aut nihil esse, nisi spe- ciem aliquam actionis, sive motionis corporeæ: at quænam illa est excogitabilis species motionis corporeæ, quæ convenire non possit particulis corporeis elementaribus in hunc finem selectis? Ergo potest tribui illis sensatio. Ac tandem si sensatio est qualitercumque incor- poreæ, sive, quod idem est, spiritualis, non video cur Aristotelici eam potius tribuere possint animabus brutorum pure corporeis, quàm nos particulis elementaribus purioribus & selectis, quibus haud du- biè potuit Deus conferre qualescunque perfectiones rerum purè cor- porearum: tantòque potius ea vis sentiendi particulis istis adscri- benda est, quantò simpliciores sunt omni substantia alia materiali assignabili, suæque illà simplicitate accedunt propius ad indolem rerum spiritualium.

# ARTICULUS III.

## UTRUM ANIMA SENSITIVA sit divisibilis.



**NOTANDUM** *primò* animas sensitivas ad duo diversa genera ab Aristotelicis revocari conformiter ad duplicem differentiam animalium, quorum alia *imperfecta* vocant, alia verò *perfecta*. Et illa quidem *imperfecta* vocant, quorum partes præcisæ vivunt seorsim aliquandiu; ut si caudam lacertæ à reliquo corpore præcidas, hæc licet præcisæ moveatur aliquandiu & si pupugeris acu aut aliter, contorquet se celerius, vertitque in omnem partem, acciditque idem in serpentibus, vermibus, anguillis, &c. Tum verò ea vocant *perfecta*, quorum nulla pars ab aliis præcisæ seorsim vivit vel per tantulam moram temporis; ut si cauda leonis à reliquo corpore præciditur, jacet illicò iners ac ex toto emortua; neque res aliter se habet in plerisque aliis animabilibus ut in bove, equo, cane, &c. Itaque propter prædictum discrimen placuit Thomistis asserere animas sensitivas animalium perfectiorum esse indivisibiles, quo nihil irrationabilius puto assertum unquam fuisse in schola Aristotelica, ac proinde nihil minùs dignum physica hac dissertatione, nisi prætermittenda non esset occasio arguendi, quàm parum fiduciz sit in doctrina ejus generis Philosophorum, qui circa præsentem controversiam errare adedò turpiter potuerunt.

Notandum *secundò* quæstionem esse de anima sensitiva sumpta in sensu physico, in eo scilicet, juxta quem consideratur quidquid totam illius entitatem utique materiale ac proinde corpoream molem & magnitudinem coextensam corpori animato constituit: siquidem aliàs sit sumitur in sensu metaphysico secundùm præcisam rationem animæ; non modò illa, sed etiam anima vegetativa perinde erit indivisibilis, imò & corpus ipsum quodcunque illud sit animal, in illo eodem sensu abstracto entis animati, erit similiter indi-

I.

Quæ sint  
animalia  
perfecta &  
imperfecta.

II.

Proponitur  
quæstio de  
anima se  
sensitiva  
physice  
accepta.

visibile. Et ratio hæc est, quia sive plura, sive pauciora sint illa, quæ totam animæ entitatem constituunt, non utique constituunt, nisi unicam ac talem animam, quam præcise, prout unicam ac talem, evidens est esse indivisibilem; sicuti etiam sive plura, sive pauciora, sint organa ac membra, quæ componunt corpus animatum, nihilominus ex illis omnibus non resultat nisi corpus unicum tale, quod sub illa præcisa ratione talis & unici, nunquid est similiter indivisibile? Quin imo tota Mundi compages prout resultat ex universis partibus, quæ illam componunt, sicque efficitur talis & unica, indivisibilitate suâ non caret; namque impossibile est, ut si vel minimam illius partem abstuleris, eadem subsistat & integra. Neque sicut nihilominus pro ridiculo haberetur, qui in sensu physico & absoluto assereret Mundum esse indivisibilem, ita contendo pro ridicula habendam esse opinionem, quæ in prædicto sensu physico & absoluto, tuctur animam sensitivam qualemcunque indivisibilem esse, ut constabit ex dicendis in assertionem sequente.

## ASSERTIO UNICA.

*Omnis anima sensitiva est divisibilis.*

III.  
Arguitur  
ex coexten-  
sione  
animæ  
sensitivæ.

**P**robatur primò. Omne quod est materiale, & coextenditur rei materiali divisibili, est divisibile: atqui omnis anima sensitiva, est materialis, & coextenditur rei materiali divisibili: ergo &c. Minor est evidens: nam quis nescit omnem animam sensitivam esse materialem? & rursus quis dubitat eam esse coextensam corpori animato, quod utique materiale est & divisibile? Major verò sic probatur. Omne quod est materiale & coextenditur rei materiali divisibili, per suam illam coextensionem obtinet quiddam res, cui coextenditur, habet per suam extensionem: ergo &c. Antecedens rursus est evidens: quia coextensio materialis nihil est, nisi extensio materialis; quæ coextensio vocatur propereà quòd adæquatur extensioni alteri pariter materiali. Consequentia autem sic probatur. Res materialis extensa divisibilis non habet illam divisibilitatem, nisi ab extensione sua materiali: ergo si, quidquid est materiale coextensum rei materiali, divisibili habet per suam coextensionem, id totum, quod, illa obtinet per suam extensionem, rectè consequitur omne, quod est materiale & coextensum, rei materiali divisibili, esse similiter divisibile. Atque ita omnis anima sensitiva erit

BON



non minus divisibilis, quam corpus sensitivum, cui materialiter coextenditur. Nec video quid rationabile venire in mentem Thomistis possit, quo hujus argumenti vis eludatur.

Probatur *secundo*. Omne, quod coalescit ex partibus diversis, est divisibile: sed omnis anima sensitiva coalescit ex partibus diversis: ergo &c. Major est cetera: Siquidem omne, quod coalescit ex partibus diversis, coalescit utique ex partibus, quæ sunt ab invicem separabiles: quare enim non sunt separabiles, si sunt diversæ? at divisibilitas totius nihil est nisi mutua separabilitas partium. Minor verò sic probatur. Illud quod est materiale ac tum augetur, minuitur, alteratur, &c. coalescit ex partibus diversis: sed omnis anima sensitiva materialis est, ac tum augetur, minuitur, alteratur, &c. scilicet secundum varietatem alimentorum, quibus vescitur animal, ac secundum vicissitudinem temporum ac morborum, quibus subjacet: ergo &c. Major constat: quatenus evidens est entitatem materialem non posse sine immutatione materiali augeri, minui, alterari, omnis autem immutatio materialis importat necessariò acquisitionem, aut deperditionem aliquam talium partium, ex quibus constat res illa materialis, quæ immutatur. Minor etiam non minus patet, si attenditur iisdem omnibus mutationibus animam sensitivam subiacere, quibus subiacet animal, cum sit compars coextensa & adæquata corporis animati, nihilque aliud sit animal, quam aggregatum ex corpore & anima per coextensionem reciprocam adæquatis.

Vnde consequitur augeri animam, cum augetur corpus, minui cum minuitur, & alterari cum alteratur; at istæ immutationes materiales cum sint, non fiunt, ut dictum est, siue aliqua vel acquisitione, vel deperditione particularum componentium. Igitur anima perinde ac corpus animatum ex pluribus partibus coalescit, imò ex totidem partibus: quandoquidem nulla est in corpore animato pars, quæ possit esse animata, nisi per conjunctionem cum parte alia sibi coæquata animante: unde resultat tot esse adminus partes animantes quot animatas: quid verò aliud sunt partes animantes, quam partes animæ? Jam verò videamus quid in gratiam opinionis contrariæ possit, aut solcat verisimilius aut minus irrationabile obici.

Obicies *primo*. Experimento constat caudas læctearum, serpentum, anguillarum ac plerorumque id genus animalium imperfectorum à reliquo corpore præcisas aliquandiu vivere; sed non vivere caudas equorum, bovm, & similibus perfectiorum animalium, quando pariter præcinduntur: atqui hujus experimenti nulla ratio assignari potest conveniens, nisi recurrendo ad doctrinam Thomisticam, quæ

IV.  
Actum ex  
heteroge-  
neitate il-  
lius.

V.  
Tandem  
ostenditur  
illius in-  
cremen-  
tum & de-  
cremen-  
tum.

VI.  
Opponit  
caudas læ-  
ctearum  
præcisas  
diu vive-  
re.

tuetur animas animalium perfectorum esse indivisibiles: ergo &c. Major, ut dictum est, constat experimento: minor verò quâ probatione indiget? cùm evidens sit in iis partibus præcisissimum unicum assignabile principium vitæ, per motus utique sensitivos demonstratæ, esse animam sensitivam, & contra non aliam esse rationem cur in aliis partibus præcisissimis non sit vita, nisi quia non inest anima, quæ utique si inesset, non abstrusos motus vitales produceret. Quare autem non inest anima, nisi quia non abscinditur simul cū partibus? Ergo &c.

VII.  
Et addunt  
posse animam  
sensitivam  
privari  
quantitate.

Adde quoddam juxta principia Aristotelica non difficilè intelligitur posse animam sensitivam, licet totius viventis molis coextensam, esse indivisibilem: siquidem divisibilis esse non potest, nisi dependenter à quantitate: potuit igitur Natura tali indivisibilitati providere, scilicet adimendo illi quantitatem, quâ utique ademptâ prorsus impossibile erit animam dividi. Unde consequenter intelligitur potuisse Naturam ad discrimen inter animas animalium imperfectorum & animas perfectorum conjungere cum illis quantitatem, per quam fiant divisibiles, non conjungere autem cum istis, ad hoc ut evadant indivisibiles: Atque ita tam propter hanc elucidationem, quàm propter præmissam experientiam nulla est sufficiens ratio, quæ compellat recedere ab opinione Thomistica, contra quam militat nostra assertio.

VIII.  
At lacertæ  
si in oblongum  
præcindantur,  
non vivunt.

Resp. aliud esse experimentum, quo ostenditur tum lacertas, tum anguillas, &c. si non in transversum, sed in oblongum à capite ad caudam abscinduntur, sic abscissas non vivere: quod signum est, si coherenter ad doctrinam Thomisticam discurrendum est, animas illarum non abscindi, alioquin partibus simul abscissis vitam tribuerent. Aut si nihilominus abscinduntur, sicuti revera accidit, dicendum est ideo statim emoti partes illas, quia ob singularem talis abscissionis modum abruptuntur nimis organa; & hæc sic abrupta tum non idonea sunt ad ullas actiones vitæ, tum exitum faciliorem præbent corpusculis illis mobilioribus, sive spiritibus animalibus, in quibus supra dictum est animam sensitivam consistere. Et hæc etiam ratio est, ob quam partes perfectorum animalium quocunque modo præcisæ statim emoriuntur, quia scilicet organa, quæ in iis supersunt, quamvis modice læsa, non sufficiunt ad vitæ functiones, aut ad servandam retinendamque animam, aut insuper quia tales partes indigent continuo aliarum influxu, quo interrupto vitâ excidunt.

IX.  
Tumidem  
accidit in  
animalibus  
perfectis.

Deinde si cor canis per medium secti statim avellitur, aliquandiu postmodum palpitat; nec sine spectatorum admiratione sæpe visum

est amputato felis capite truncum quadrupedem huc atque illuc aliquandiu proflire. Unde constat non omnino verum esse id, quod de partibus animalium perfectorum rescissis ac statim emorientibus tradunt Thomistæ: quandoquidem præcitæ partes non statim emoriuntur, propterea quod ob nescio quam peculiarem organotum contexturam intricata aliquandiu perseverat in illis quædam portio animæ, sive quædam portio spirituum vitalium, ex quibus anima coalescit.

Tum verò ad difficultatis additæ solutionem quid opus est nisi Lectori patefacere quàm vana sit fictio illa, juxta quam Adversarii opinantur posse animam esse corpori, quod animat, coextensam sine quantitate sibi propria? Namque necesse est, si revera coextenditur, ut sit coextensa per quantitatem, quæ tam propria ei sit, quàm coextensio, cum hæc non possit, nisi per illam effici secundum principia Aristotelica. Itaque chimæricum est posse animas sensitivas animalium perfectorum esse coextensas moli ipsorum corporeæ sine quantitate, quæ sit omnino similis ei, per quam animæ animalium imperfectorum pariter coextenduntur suis respectivè corporibus: atque ita omnes erunt pariter divisibiles.

Præterea sæpe nimis alibi probatum est quantitatem accidentalem Aristotelicam fictitiam esse, quàm ut iterum probare necesse sit. Tantum dico substantiam omnem materiale vi suæ productionis obtinere entitatem, quæ cum infinita non sit, est necessariò determinata ad certam aliquam entitatis mensuram; & hæc mensura est illius quantitas, ut par est, indistincta à numero partium, quæ mensuram illam componunt: atque ita, ut evidens est, omnis substantia materialis, qualis est omnis anima sensitiva, suam habet entitatis mensuram, sive suam quantitatem indistinctam. Quid ergo opus est fingere adventitiam quantitatem, quasi verò si illa non adveniret, non essent perinde divisibiles materiales omnes substantiæ plus vel minus secundum mensuram entitatis, quam recipiunt cum producuntur?

• Objicies *secundò*. Si quæ est convictio pro neganda indivisibilitate animatum in animalibus perfectis, illa præsertim eruitur ex materiali extensione illarum: sed extensio materialis nihil convincit contra prædictam indivisibilitatem: ergo &c. Major admittitur. Minor verò probatur ex nostris ipsis principiis, juxta quæ tuemur in tractatu de continuo puncta indivisibilia simul & extensa: ac proinde extensio per se præcisè non opponitur indivisibilitati; quod si non opponitur, extensio quæcunque major perinde ac quælibet minor poterit esse in-

X.  
Nec potest anima illa coextendi sine quantitate.

XI.  
Et aliundè hæc quantitas fictitia est.

XII.  
Opponitur præteritatem ductam ex punctis physicis.

divisibilis: ideoque poterit anima sensitiva in animalibus perfectis, licet ex toto corpore ipsorum moli coextensa, esse indivisibilis.

XIII.  
Et addunt  
quod po-  
test esse  
vis animæ  
in unico  
puncto.

Deinde neque nostris principiis absolute repugnat dari animam sensitivam indivisibilem: & ratio est, quia nihil vetat unum ex iis punctis physicis, quæ admittimus pro primordiis omnis quantitatæ continuæ, esse animam propter ingentem mobilitatem, quæ utique movere sive animare poterit punctum aliud, aut ex talibus punctis constantem moleculam, quæ exinde rationem obtinebit corporis, aut corpusculi animati. Imo cum anima sensitiva non possit esse divisibilis, nisi constet ex partibus, quæ seorsim rationem habeant animæ, deveniri proinde potest ad partes minimas, quibus alioquin indivisibilibus conveniet perfectio animæ. Nisi etiam quod implicat animam sensitivam coalescere ex particulis minimis elementaribus, sicut à nobis docetur, quin singulæ illarum sint sensitivæ; quomodo enim ex insensitivis resularet aliquid sensitivum? Ergo singulæ illæ partes erunt totidem velut animæ sensitivæ: atque ita non est cur adeò alte inclamemus adversus doctrinam Thomisticam, quæ in animalibus perfectis admittit animas sensitivas indivisibiles.

XIV.  
Sed patet  
disparitas,  
quia ex-  
tensio  
puncti est  
minima.

Resp. & concessâ majori nego minorem, pro cuius solutione breviter dico eam extensionem, quæ in punctis nostris physicis, sive in principiis materialibus corporum omnium cum indivisibilitate conjungitur, esse extensionem omnium minimam, & quæ non aliam ob causam est indivisibilis, nisi quia est omnium minima: at quantum abest ut rantula sit extensio animæ sensitivæ in camelo, in elephante, &c. Quare non recte arguitur posse extensionem talis animæ sensitivæ esse indivisibilem, ex eo quod extensio minima puncti, seu particulæ alicujus materialis non subiaceat divisioni; sicuti non recte argueretur posse numerum centenarium esse indivisibilem ex eo, quod numerus minimus, scilicet unitas, sit indivisibilis; aut si Adversarii in hoc quicquam recte arguant, perinde assererent omnem animam vegetativam posse esse pariter individuum; imo & omnem qualemcunque corpoream magnitudinem: quod nihil absurdius excogitari unquam potuit.

XV.  
Et aliunde  
vis ani-  
mæ requi-  
rit ali-  
quantulâ  
extensio-  
nem.

Ad id verò quod additur, dico omnem animam sensitivam eam pacem esse multiplicis operationis, ut experimentaliter notum est; atque ita necesse esse ut coalescat ex pluribus particulis, quæ per suas singulares variasque activitates concurrant ad animæ totius vim & activitatem multiplicem. Unde nego posse unicam & proinde

individuum particulam elementarem obtinere perfectionem unius animæ sensitivæ: at quamvis id ita esset, nihil tamen adverto, quod inferant rationabiliter Thomistæ in gratiam hujuscemodi animarum, quæ extensionem habeant notabilem. Et ratio est, quia, ut mox dicebam, ex indivisibilitate cujusdam minimæ extensionis non recte inferatur indivisibilitas extensionis alterius majoris, aut maximæ. Præterea admissio omnem animam sensitivam constare ex particulis sensitivis; sed hinc non sequitur eas esse totidem animas; sicuti non sequitur singulas partes, quæ corpus humanum v. g. componunt: esse tale corpus, quod ex omnibus simul sumptis componitur: sed ut singulæ sunt veluti quædam primordia totius corporis, ita singulæ particulæ elementares venientes in compositionem animæ sensitivæ sunt primordia quædam animæ, & ideo absolute loquendo *anima* non dicuntur, sicuti horologii rotati denominatio non datur rotis aliisve organis singulis, quæ compagem illius, machinamque efficiunt. Ex quibus omnibus satis patet difficultatum objectarum solutio.





# ARTICULUS IV.

## DE MODO, QUO FIT SENSATIO.

I.  
Actio sentiendi  
pendet ab  
actione  
sensibilis.

**D**ICO primo omnem sensationem necessariò comperiri intra aliquam speciem motionis localis, sicut jam sæpiùs dictum & ostensum fuit omnem actionem corpoream consistere in aliqua motione locali: at certum est sensationem qualemcumque purè animalem esse nihil præter actionem corpoream; sed selectam & cæteris omnibus perfectiorem. Quod cum ita sit, nèque aliter motio quàm ab alia motione produci possit, hinc sequitur sensationem omnem, quæ in animali perficitur, derivari ab extrinseca conveniente motione, quæ in animali similem progignit; & hæc genita simul ac percepta, est ipsissima sensatio animalis. Ac proinde sufficienter intelligetur modus, qui inquiritur sensationis, si is innotescat, quo sensibilia externa actiones, sive motiones suas communicare ac perducere possint ad illam internam animalis partem, in qua mox dicetur sensationem omnem perfici.

II.  
Ad sensationem  
requiritur  
sensus internus  
præter externos.

Dico secundo præter sensoria externa, sive sensuum externorum organa, in quibus tam falsò, quàm vulgò creditur perfici visionem, auditionem & cæteras sensationes, quas vocant *externas*, scilicet in suis singulas respectivè, uti visionem in oculo, auditionem in aure, &c. dico, inquam, præter sensoria illa externa internum aliud admitti debere, in quo revera compleantur sensationes istæ, quæ nonnisi inchoantur in sensoriis illis externis. Et ratio evidens est: quia animal non tantum videt colores, audit sonos, olfacit odores, &c. sed præterea optime discernit colores à sonis, & sonos ab odoribus; quæ utique discretio non potest fieri, nisi in organo, quod indifferenter excipiat actiones, sive motiones omnium illorum sensibilium. At ex prædictis sensoriis externis haud dubie nullum illas excipit; nam oculus quidem sic comparatus est ad excipiendos colores, ut

illum nullatenus soni afficiant; uti è contra auris sic instructa est ad excipiendo sonos, ut nihil à colorum præsentia patitur, & sic de aliis. Ergo præter externa jam dicta sensoria aliud quoddam est internum necessarium admittendum, & addo *taliter constitutum ac collocatum*, ut ad illud transferri possint motiones omnes ac singulæ, quas cætera sensoria à suis respectivè objectis patiuntur.

Dico *tertio* in nervis ac nervorum capillamentis præsertim residere vim illam, quæ opus est ad quæcunque genera motionum tum excipiendæ, tum transferendæ in eam animalis partem, in qua dixi necesse esse, ut omnis sensatio compleatur: siquidem ut si funem valide tensum quacunque in parte vel leviter percusseris, torus funis eâ percussione concutitur, ita si quacunque in parte nervus aliquis aut protrahitur, aut aliter utcunque violenter percutitur, suam illam violentam percussioem transferet usque ad suam originem. At origo nervorum omnium, ut constat experientiis anatomicis, est in cerebro. Quin & præterea necesse est, ut omnes in eandem aliquam cerebri partem protendantur, quamvis ob tenuitatem ramulorum, ex quibus nervi, veluti ex radicibus trunci, prodeunt, non satis observari potuerit quænam sit ea pars. Id, inquam, necesse est ob rationem prædictam: quia nisi motiones omnes ab externis sensibilibus exceptæ transferrentur in unam & eandem corporis partem, non posset anima alias ab aliis discernere, sive, quod idem est, sentire illas cum discrimine. Igitur ad unam & eandem cerebri partem producantur nervi, ac per nervos transferuntur motiones omnes sensibiles, & ad eam quidem verisimilius, quam vocant *apophysin vermiciformem*, inde dictam quod ad instar vermis conformata vim habeat protrahendi se paululum, ac retrahendi mirabilem.

Dico *quarto* intra nervos ac ramulos, in quos desinunt, aut ex quibus derivantur nervi, quamplurimos esse poros ac medullosos sinus, per quos fluunt resiliuntque ubertim spiritus animales, quorum subsidio Natura utitur non solum ad flectendos nervos pro transferendis ad cerebrum motionibus sensibilibus externorum; sed præterea ac præsertim ad eos agitandos pro efficiendis illis membrorum motibus, quibus viventia sensitiva aut prosequuntur bonum, aut fugiunt malum, quod persenserunt per motiones prædictas. Nam omnibus notum est motus omnes animales maximè dependere ab affluentia talium spirituum, qui excurrentes per nervos invadunt deinde musculos, suæque invasione instant: at talis est organica dis-

III.  
Qualiter  
nervi ac  
pervuli  
juvent ad  
sensatio-  
nem.

IV.  
Qualiter  
fluunt spi-  
ritus per  
sinus ner-  
vorum.

positio mufculorum, ut inflati reſtringantur, ſuaque illa reſtrictione retrahant tendinem, qui hinc cum iſtis, illinc cum parte corporis aliqua colligatur; & hæc proinde movetur per illam tendinis retractionem.

V.  
Hi ſpiri-  
tus non  
gignuntur;  
ſed elici-  
untur  
per diges-  
tiones.

Non eſt autem hujus loci recensere varietatem opinionum, in quas Philoſophi abeunt, ut explicent generationem ſpirituum animalium, quos alii quidem putant progigni in corde ex ſanguine arterioſo, alii verò in cerebro per vim & activitatem alterutriuſus idoneam ad talem effectum. Tantùm dico tales ſpiritus nequaquam in corpore humano progigni, ſi ſermo eſt de verà ac nova generatione; ſed dummodò elici poſſit plures ac ſuccellivas digeſtiones ex ſuccis alimentitiis, quibus animal nutritur: ſiquidem huiusmodi ſpiritus verè præxiſtunt in alimentis, quæ ex hoc maximè idoneæ ſunt ad vitam animalis conſervandam, quia præcontinent talia ſpirituum, ſive corpusculorum animalium genera, in quibus conſiſtit naturalis perfectio animæ, ſeu vitæ ſenſitivæ. Secernuntur autem & eliciuntur tales ſpiritus, ut puto, ex concretionem alimentitiæ vi caloris intrinſeci naturalis, ac non aliter v. g. quàm ignis ollæ ſuppoſitus varios carniū & herbarum ſuccos elicit, ſecernitque utiles ab inutilibus. At utcunque & in quacunque corporis ſenſitivi parte contingat fieri ultimam talium ſpirituum ſecretionem, ſaltem facilè convenitur eos copioſe affluere ac ſervari in cerebro, unde ad vitæ operationes ex impulſu animæ in omnes corporis partes, pro ut opus eſt, emittuntur.

VI.  
Quæ ſit  
pars, in  
qua ſenſa-  
tiones com-  
plemen-  
tur.

Dico quinto conformiter ad prædicta præcipuam ac ſingularem ſedem animæ ſenſitivæ conſtituendam eſſe in cerebro, & in ea turſus cerebri parte, in quam tum nervi omnes, tum maxime ſpiritus animales concurrunt, qualem Anatomix vocant *apophyſin vermiformem*. Id autem ſic intelligo, ut ex corpusculis elementaribus, quæ animam ſenſitivam conſciunt, ac per omnes corporis partes organicas diffunduntur, illa quæ ſpirituofiora ſunt & ad ſentiendum procliviora invadant & occupent partem prædictam, quæ alias ex ſua connaturali temperatura ac contextura flexibiliffima eſt ad omnes motiones tum excipiendas, tum imprimendas. Jam verò conſequentèr ad hanc doctrinam non difficile intelligetur modus inquiſitus, quo fit ſenſatio. Sic ut viſio ſit in exemplum, quis ſtatim non concipit lucem ab objecto, quod videtur, immiſſam aut remiſſam ſive, ut aiunt, reflexam ſerire oculum, ac feriendo externas illius pelliculas commovere etiam interiùs, ſive per aliquantulam intruſionem, reliquam contexturam ac præſertim



præsertim nervos opticos, qui commotionem eandem necessario deferunt ad supradictam illam cerebri partem, quæ est nervorum omnium origo, ubi anima residens excipit proinde ac simul percipit vehementiam, aut moderationem omnem hujusmodi motionis. Quod autem dico de visione, idipsum sufficit pro auditione cæterisque sensationibus, quæ in externis quidem sensoriis inchoantur; at non perficiuntur, nisi in interno illo, quod jam sæpius commemoravi, apophysis vermiformis.

Præterea quia consequenter & simul cohzenter ad motiones sensibilium externorum perceptas variæ animalis partes variis motibus commoventur, totumque animal se movet accurrendo, refugiendo, aut aliter, non superfluum fortè erit, si dixerim motiones istas consequentes à præcedentibus effici ad eum utcumque modum, quo à majori vel minori tensione variaque innodatione reticuli luforii pila incidens determinatur ad certam motus reflexi modificationem. Quo pacto mihi videor apprehendere modum, quo fit ut ad intuitum alicujus objecti cor v.g. palpitet; quatenus talis objecti visio taliter concutit prædictum sensorium internum, ut specialiter simul concutiat nervum aliquem, cujus concussio ad cor cum ipso colligatum transmissa motum illum palpitatiois efficiat, quem insuper capio posse similiter evenire propter affluentiam spirituum animalium, quos ad viam cordis potius quàm ad aliam incundam determinet illa eadem sensorii interni concussio aliter atque aliter ipsis communicata. Plura alia sunt, quæ ad hanc doctrinam elucidandam attinentia explicabuntur in disputatione sequente.

Dico *sexto* ac denique per consequentiam ex prædictis vanum omnino esse ac chimæricum quidquid vulgò in Scholis prædicatur de speciebus intensionalibus, sive imaginibus ac simulacris sensibilium externorum transmissis per sensoria externa ad sensorium internum cerebri; quandoquidem sensoria externa, ut nihil excipiunt, nisi certas motiones ipsis ab externis sensibilibus impressas, ita nihil aliud transmittunt, quàm motiones similes iis, quas exceperunt. At istæ motiones sive exceptæ, sive transmissæ, si secundum realem ac physicam entitatem spectentur, nihil habent, quod vocari possit sive *species*, sive *similitudo*, sive *simulacrum*, aut quid simile talium objectorum, à quibus primò causantur: quid enim habet v.g. motio lucis impressa oculo, sive lux ipsa in oculum incidens, simile cum muro, à quo reflectitur? Nihilominus non nego in sensu metaphorico posse prædictas motiones talibus denominationibus designari, quatenus in ordine ad sensationem idipsum præstant, quod

VII.  
Assertur  
modus  
quo sensa-  
tiones co-  
munican-  
tur:

VIII.  
Quid vul-  
gò & falso  
sentiat  
circa spe-  
cies.

præstarent similitudines ac species illæ, si revera emitti ac transmitti possent, quales finguntur. Neque inutile erit id observasse, ut si casu aliquo nominibus iisdem utimur, referantur utique ad sensum improprium ac metaphoricum, & ad usitatum modum loquendi.

IX.  
Nec ve-  
rius opi-  
nantur  
circa ha-  
bitus ac-  
quisitos.

Quia verò tum externa, tum interna animalis organa, si sæpius iisdem impressis motionibus moveantur, per eam repetitionem disponuntur ad illas facilius excipiendas, & transmittendas, ac communicandas prout opus est ad operationes omnes vitæ sensitivæ; etiam satis constat non minus ficticia esse plurima, quæ in Scholiis Aristotelicis passim docentur circa habitus naturales quoscunque genitos ex actibus repetitis. Illi siquidem habitus nihil aliud sunt verè ac realiter, quàm ipsa organa ac membra per motiones ejusdem generis repetitas melius disposita ad similes iterandas: ad id verò per eam repetitionem non aliter disponuntur, quàm rota ad faciliorem revolutionem, postquam circa proprium axem fuit pluries revoluta. Nisi etiam quòd motiones corporeæ, in quibus sensationes consistunt, peraguntur maximè omnes per excursionem spirituum animalium, ut supra dictum est: at spiritus animales multò facilius celeriusque excurrunt per illum sinum aut meatum, per quem contigerit eos sæpius excurrisse; sicuti aqua fluendo per alveum, illum sibi aptat ad fluxum faciliorem. Et hæc generatim monuisse sufficiat, donec post subsequentem disputationem de sensibus singulis tum internis, tum externis possit ea quivis applicare ad quoslibet habitus particulares sive sensitivos, sive ex sensitivis quibuslibet dependentes, Vide præterea Lector apud Maignanum cap. 24. de corpore sensitivo à num. 49. præclarum illud exemplum organi musci pneumatici, quo luculentissime enarrat & explicat qualiter sensationes omnes animales fiunt per interna corporis organa ac membra, cum quibus non indignam similitudinem obtinet prædictum illud organum pneumaticum.





# DISPUTATIO TERTIA

DE SENSIBUS TUM INTERNIS;  
tum externis.

**D**ISPUTATIO hæc sex articulis absolvetur. In *primo* agatur de sensibus internis, in *secundo* agatur in particulari de sensu externo tactus, in *tertio* de gustu, in *quarto* de odoratu, in *quinto* de auditu, & in *sexto* denique de visu.

## ARTICULUS I.

DE SENSIBUS INTERNIS.



**A**M fatis constat ex articulo quarto præcedentis disputationis admittendum esse aliquem sensum internum ultra externos, de quibus nemo dubitat. Et ratio, quam adduximus, hæc est; quia nisi ad eandem aliquam animalis partem internam transferrentur motiones omnes, quibus sensibilia externa sensus externos afficiunt, non posset animal inter eas motiones quicquam discernere; atque ita non discerneret visum ab audi-

**I.**  
Ostenditur necessitas sensus interni & communis.

Cc ij

tu, nec auditum ab odoratu, &c. Ergo datur aliquis sensus inter-  
nus, quem meritò voveant *sensum communem*, quatenus in se exci-  
pit ac simul percipit motiones omnes impressas externis sensibus.  
Sed insuper id ineluctabiliter constat; quia licet sensus omnes ex-  
terni quiescant, nulliusque externi sensibilis impressionem exci-  
piant, quod accidit durante somno, nihilominus non cessat omnis  
sensatio, ut omnino comprobatur ex fomuiis. Quin etiam in sta-  
tu vigilæ sæpe accidit, ut quamvis sensus externus aliquis à suo sen-  
sibili sufficienter afficiatur, nihilominus non fiat conveniens sensa-  
tio propter præventionem ac nimiam attentionem alterius; ita vi-  
sus attentior auditum impedit, & auditus attentior odoratum, &c.  
Quod evidens signum est motiones omnes sensuum externorum trans-  
mitti ad aliquem sensum internum, qui eùm non possit pluribus  
motibus aut non æque vivide simul affici, non percipit proinde,  
vel etiam non excipit motionem ab aliquo sensu externo transmi-  
ssam, quando reperitur præventus ac nimis sollicitatus à motione  
alterius in ipsum ante transmissa.

II.  
Qualiter  
sensatio-  
nes se in-  
terturbet.

Hinc patet veritas communis illius effati Philosophici, *pluribus  
intentum minor est ad singula sensus*, sive de sensu interno, sive de ex-  
terno quovis intelligatur: quia non potest fieri ut plures plurium sen-  
sibilium motiones simul in sensum aliquem incurrentes non se invi-  
cem turbent minuantque vim, quâ afficerent illum, si seorsim in-  
currerent. Igitur datur aliquis sensus internus, qui, ut prædictum  
est, meritò *communis* dicitur, & in cerebro collocatur, ex cuius quo-  
dam puncto, & quasi centro sensus omnes quinarie distributione dif-  
funduntur, sicut notavit Aug. in epist. 3. ad Volusianum. At jam  
quæstio est utrum sensus ille internus sit omnino unus aut multiplex;  
& hæc est quæstio, quam seclusis syllogisticis Scholæ disceptationibus  
proposui hic resolvere paululum dilucidius.

III.  
Operatio-  
nes sensi-  
tivæ in-  
ternæ sunt  
multiplici-  
ces.

Dico itaque *primò* multiplicem sensus interni (sive interim sit ille  
in se unus, sive multiplex) experimentaliter distingui operationem.  
Namque non tantùm excipit, percipitque motiones ab externis sen-  
sibus susceptas & in se transmissas, quales sunt motiones impressæ  
oculis à coloribus per interventum lucis reflexæ, & aliæ impressæ au-  
dibus à sonis per interventum aëris collisi, &c. sed insuper motiones  
illas ad instar imaginum ac phantasmatum in se ipso speculatur, & ali-  
quandiu servat, retinetque impressas. Præterea res olim sensatas veluti  
revocat in prospectum, quin & de plurimis, ut vocant, *insensatis*, sive  
quæ sensibus externis non possunt omnino percipi, quoddam veluti  
judicium profert, & multa tandem in suis sensationibus ordinandis;

componendis, dividendis, retinendis, revocandis, &c. præstat, quæ satis ostendunt, qualiter capax sit activitatis & operationis multiplicis. Quæ occasio fuit Aristotelici admittendi plures sensus internos, quasi verò unus & idem sensus non possit multiplices exercere operationes; præsertim quia nihil impedit quominus ex variis partialibus organis coalescat, quæ illum juvent ad multipliciter operationum.

Atque, ut Aristotelicorum mens aperiatur, non desunt, qui sensus internos quinque admiserint aliter & aliter ordinaros, scilicet Sensum communem, Phantasiam, Imaginativam, Memoriam, Cogitativam, aut aliter Æstimativam: alii verò confundentes Imaginativam cum Phantasia, tantum quatuor admiserunt: alii è contra non distinxerunt Cogitativam à Memoria; aut putaverunt distinguendam Cogitativam ab Æstimativa; ne quid dicam de cæteris ambagibus, in quas sensuum internorum multiplicitas Assertores suos coniecit. Per sensum communem intelligunt potentiam, ad quam spectat excipere ac discernere sensuum externorum omnium sensationes. Phantasiam accipiunt pro potentia, quæ ex pluribus speciebus unam efficit, aut unam dividit in plures, sicque varie & varie ordinat species exceptas, quas aliter vocant *phantasmata*. Imaginativam deinde explicant nomine facultatis idoneæ ad representationem objectorum, licet absentium. Tum Memoriam aptant definitionem facultatis revocantis veluti in actuale præsentiam res præteritas, sive res olim cognitæ. Ac denique cum animal multa, quæ sunt sensu imperceptibilia, utcumque cognoscat, veluti cum aves cognoscunt paleas, prout utiles ad nidificandum, **facultatem**, quæ talia percipiuntur, donant vocabulo Æstimativæ, quæ aliter à quibusdam vocatur Cogitativa: at hanc alii ab illa distinguunt & ob singularem, quæ in cogitatione est, excellentiam tantum homini tribuunt. Præterea ad hanc sensuum internorum multipliciter propagandam varias in cerebro partes distinguunt organicas, de quibus nihilominus inter se non conveniunt, nec convenient unquam: quia nullâ dissectione anatomicâ discernitur varietas organorum ordinata ad tales multiplices sensationes. Imo quamvis varietas illa appareret, non posset nisi divinando asserti aliud præ alio organum ad aliam præ alia sensatione efficiendam inservire.

¶ Dico *secundò* ex multiplici operatione sensitiva interna non sufficienter argui multipliciter sensuum internorum, cum in contrarium probabilius sit, & mihi quidem non invidens, unicum esse

IV.  
Hinc Aristoteli  
admittunt  
plures sensus  
internos.

V.  
Sed non  
sic satis  
probat  
ea sensuum  
pluralitas.

homine operationes animæ rationalis dependeant ab operationibus sensitivis, ut infra explicabitur, hinc patet veritas axiomatis illius Philosophici, quo asseritur *nihil esse in intellectu, quod prius non fuerit in sensu*: idque experimentaliter novimus, quis enim unquam intellexit colores invisos, aut sonos inauditos, &c.

Quia tamen color aliquis visus præbere intellectui potest occasionem cogitandi de alio colore multum illustriori, aut etiam de aliqua colorum serie, quæ nunquam visa fuerit, &c. Eapropter is modus axiomati prædicto adhibendus est, ut id tantum dicatur nunquam esse in intellectu, quod prius non fuerit in sensu directe aut indirecte, sive, quod idem est, aut per speciem propriam, aut per alienam consimilem. Sicut etiam in ipso sensu animali interno repræsentantur multa perdurante somno, aut aliter, quæ per se quidem nec visa, nec audita sunt, &c. sed nihilominus consimilitudinem aliquam habent cum aliis olim visis, vel auditis, &c. Nunc verò quamvis anima rationalis, ut dixi, ad suas operationes cogitandi, imaginandi, memorandi, &c. dependeat à multis organis sensitivis, nihilominus ridiculum esset admittere in homine plures facultates cognoscitivas. Quod eo tantum sine dixi obiter, ut hinc ad propositum meum inferam non nisi gratis prorsus admitti in animali multiplicem facultatem sensitivam, quamvis in ordine ad sensationes diversas dependeat à multis organis tum externis, tum internis. Itaque eadem est facultas sensitiva, cui sensus communis nomen tribuitur, quæ species, sive imagines rerum exceptas percipit, servat, comparat, conjungit, dividit, revocat, aliaque id genus plurima præstat, quæ ad *Phantasiam*, *Imaginativam*, *Cogitativam*, &c. referuntur ab iis, qui sensuum internorum multipliciter propagant.

Dico *quartò*, sive infero præterea ex ante dictis neque pro reali ac vera admittendam esse popularem illam quintuplicem differentiam sensuum externorum: idque non tantum quia, ut constabit ex consequentibus quinque articulis, omnes sensationes externæ fiunt per tactum; neque enim colores, soni, odores, &c. aliter sunt sensibiles, quam per contactum aliquem, quo incurrunt feriuntque sua videlicet organa respective, uti lux reflexa, in qua color consistit, oculum; & aer collisus, in quo sonus consistit, aurem; &c. ita ut non sit revera nisi unicus sensus externus, scilicet tactus; sed in varias partes organicas distributus, scilicet ad persentiendos modos multiplices, quibus tactilia multiplicia incurrunt in illas; de cætero certum est sensationes omnes externas perinde ac internas dependere ab aliqua

VIII.

At hæc  
dependen-  
tia non  
est semper  
directa.

IX.

Non satis  
probatur  
quinarius  
numerus  
sensuum  
externo-  
rum.

corporali motione sensibilium extetnorum: at implicat fieri motionem sine contactu. Sed insuper ratio potissima, quâ probatur non esse talem inter sensus externos specificam differentiam, qualem vulgus admittit, hæc est; quia nulla externa sensatio perficitur, nisi in sensu interno communi, ut probatum fuit. Unde resultat unicam in animali esse potentiam sensitivam, quæ variis uritur organis ad videndum, ad audiendum, &c. Ergo facultas visiva non distinguitur in animali ab auditiva, &c. licet organa videndi & audiendi, &c. distinguantur: at sensus præter organum importat potentiam sensitivam.

X.  
Et in hoc  
confunduntur  
sensus cum  
organis  
sensuum.

Cum itaque certum sit non esse in oculo potentiam visivam, nec in aure auditivam, &c. quis non videt prædictos illos sensus non esse omnino sensus; sed tantum organa sentiendi, ac proinde non obtinere inter se specificam illam sensitivam differentiam, qualem immerito Aristotelici eis tribuunt. Quia tamen si de sensationibus inchoatis, sive imperfectis sermo est, non incapacia eorum sunt prædicta organa, nihil vetat in hoc sensu, quin pro sensibus specificè diversis habeantur, obtineantque istam denominationem, de qua parum interest, modò circa rem, de qua controversendum erat, conveniant. Controversenda autem erat ad vitandam multiplicitem potentiarum sensitivarum, quæ adeò jam excrevit apud multos, ut brevè dicturi sint potentiam visivam coloris albi esse specificè distinctam à potentia visiva coloris nigri, & sic de aliis. Aut si eadem potentia visiva per diversas ejusdem organi motiones potest plures colores percipere, cur eadem potentia sensitiva non poterit per diversa organa ejusdem corporis percipere plures colorum & odorum &c. species seu seorsim, seu conjunctim sensibiles?

XI.  
Animal  
præter  
vim sensi-  
tivam ha-  
bet appe-  
titivam.

Dico *quintò* præter vim sensitivam, de qua hæctenus fuit sermo, esse in animali vim appetitivam boni, sicuti & averfativam mali, quod præsentis; sed si ad rei physice veritatem potius, quàm ad loquendi & cogitandi metaphysicam consuetudinem attenditur, eadem omnino est animæ sensitivæ potentia, quæ per sentit bonum & appetit, vel quæ per sentit malum & averfatur. Ad cujus propositionis intelligentiam sciendum est ad appetitionem actualem alicujus boni sensibilis duo esse necessariò requisita. Vnum est, ut sit cognitum in ratione boni, sola quippe bonitas cognita est appetibilis: alterum est, ut illud ipsum bonum sit cognitum in ratione boni proprii, quia bonum præcise, ut alienum, non est appetibile. Et ut me magis explicem, ad hoc ut aliquis leo v. g. appetat prædam, debet illam præcognoscere *primò* ut bonam, *secundò* ut bonam sibi: unde si illam præcognos-

cere

ceret tantum ut bonam alteri, ad eam utique appetendam nullatenus moveretur.

Hinc infero eandem potentiam alicujus boni sensitivam, esse ejusdem boni appetitivam; quandoquidem ut repugnat appeti prædam ab uno leone, si cognoscitur tantum ab altero; ita generatim implicat duas esse diversas potentias, per quarum unam sentiatur bonum, & per alteram appetatur. Deinde cum ex parte objecti sensibilitas & appetibilitas non sint, nisi duæ formalitates metaphysicæ, quia cuiuscunque objecti veritas & bonitas non nisi metaphysice distinguuntur, non video cur distinctio major quàm metaphysica admitti debeat inter potentiam sensitivam & appetitivam; & revera solent Scholastici non aliunde probare diversitatem potentiarum, quàm ex diversitate objectorum.

Sed insuper ecce exemplum physicum, quo ex identitate motus sensitivi cum appetitivo facile intelliges potentiam appetitivam cum sensitiva identitatem consimilem. Ecce inquam exemplum odoris, qui si gratus fuerit, ut suppono, taliter afficit mediante externo narium organo sensum communem in cerebro constitutum, ut afficiendo delectet, & delectando alliciat; omnis quippe motio delectans allicit, allicere autem nihil aliud est, quàm sollicitare & provocare ad prosecutionem boni delectantis. Atque ita animal uno illo & eodem motu, quo gratum odorem percipit, uno, inquam, & eodem motu, qui proinde gratus quoque est, delectatur, provocatur, sive compellitur versus odorem, quem præsentit. Quidquid autem dixi de identitate physica sensationis cum appetitione in ordine ad bonum sensibile, applica, si vaeat, Lector ad identitatem ejusdem sensationis cum aversione, sive fuga respectu mali sensibilis; quatenus ut motus ex bono sensibili susceptus delectat & allicit sensum, ita motus ex malo sensibili proveniens & susceptus illum cruciat retrahitque à prosecutione, sive potius compellit ad fugam & recessum.

Dico sexto ac denique per modum corollarii duos esse notissimos errores, quos Aristotelici intulerunt ex præsumpto reali discrimine inter sensum & appetitum animale. Nam primo contendunt appetitum esse potentiam cæcam; at omnino repugnat potentiam cæcam esse appetitivam; quomodo quippe potest esse appetitiva boni à se non cogniti? Nec sufficit, ut putant, bonum illud cognosci à sensu; si enim sensus verè ab appetitu distinguitur, cognitio sensus tam est extranea appetitui, quàm cognitio Petri extranea sit Paulo: at evidens est cognitionem Petri esse prorsus inutilem, & insufficientem pro appetitione Pauli. Sed in primis ridiculum est, quod aliqui dicunt

XII.

Neque tamen itæ duæ Potentiz distinguuntur.

XIII.

Et afferunt exemplum odoris.

XIV.

Hinc eruitur voluntatem non esse potentiam cæcam.



appetitum illustrari à sensu veluti facem præferente; quasi verò ad viam cæco monstrandam juvet vel minimum fax accensa, & non potius opus sit eum manuducere; idemque intelligendum est de voluntate, quam fingunt similiter cæcam & distinctam ab intellectu, ut inferius notabitur.

XV.  
Neque  
sensus &  
appetitus  
habent di-  
versas se-  
des.

*Secundò* non minùs turpiter errant circa sedem diversam hinc sensus, hinc appetitus, dum contendunt sensum quidem sedem habere suam in cerebro, appetitum verò in corde. Quia si extremam lacertæ caudam rescindas, movetur illa, ac præsertim si pungitur; cum autè omnis motus animalis localis pendeat ab appetitu, ut nemo dubitat, necesse est ut fateantur appetitum non subiectari in corde, nisi fortè in extrema cauda constituere cor lacertæ voluerint. Igitur ubicunque est sensus, ibi etiam est appetitus. Et ratio aliunde evidens est, quia ubicunque anima percipit aliquid sibi conveniens, ibidem illud appetit, quatenus ibi & non alibi excipit delectationem, quæ generat appetitum; aut potius quæ passivè accepta, est ipse appetitus animalis. Eapropter sicut in extrema cauda lacertæ rescissa fit sensatio, scilicet imperfecta, ut supra explicatum fuit, ita etiam fit appetitio, sed pariter imperfecta. Ex quibus omnibus sufficienter attentis quæcunque circa sensus internos præcipui sunt momenti satis intelliguntur.





# ARTICULUS II.

## DE SENSU TACTUS.

**A**NTEQUAM de sensibus istis externis in particulari, eorumque sensationibus dicam quid in physica veritate sentiendum sit, non erit superfluum annotare illos in omnibus animalibus nec ejusdem esse numeri, nec temperamentum. Nam de numero quidem constat plura esse conciliorum ac reptilium genera, quæ non omnes sensus obtinent, & de temperamento non minus patet eos in quibusdam animalibus esse acutos & obtusos in aliis, ita ut plurima ejusdem generis sensibilia ab uno percipiantur clare ac distincte, quæ nequidem confuse percipiuntur ab alio, licet in utroque non desit organum simile, sive sensorium visus v. g. vel auditus. Quid itaque obstat, nisi temperies tam internæ, quàm externæ compositionis, quæ non est æque firma, aut æque tenera, æque nervosa aut æque spirituosa, &c. ? Neque opus est ad id probandum exempla promere, quibus nemo est qui convictus non sit quanta sit inter ipsos homines sensuum differentia quoad vim sentiendi, scilicet videndi, audiendi, &c. plus minusve acutam aut obtusam.

Unde exoriri arbitror non solum varietatem illam, quæ non omnes æque delectat visio alicujus coloris, vel auditio alicujus soni, &c. sed illam insuper, quæ sæpe accidit, ut ejusdem coloris visio, quæ uni quidem grata est, ingrata sit alteri ac molesta; fieri quippe non difficile potest, ut incidentia luminis, quæ suaviter titillat oculum firmiorem, faciat lachrymam in oculo molliori, & sic de aliis sensibilibus in ordine ad sua respective sensoria. Deinde etiam non abs re suspicor non omnium animalium sensoria ex iisdem omnino partibus, sive partialibus organis, aut saltem non prorsus similiter configuratis componi. Unde necesse est ut resultet varietas maxima sensationum, sicut contingeret varietas maxima motuum in machinis rotatis, in quibus non esset idem

I.  
Temperies sensuum varia est in variis animalibus.

II.  
Hinc oritur varietas, & præcellentia sensationum.

Dd ij

aut numerus, aut ordo, aut circuitus totarum. Eapropter communiuntur varia animalium genera, quæ mirabilem plane ac stupendum habent sive visum, sive auditum, &c. atque in primis valde præstantiorem humano tum visu, tum auditu, &c. juxta illud vulgatissimum distichon.

*Nos Aper auditu; Linx visu, Simia gustu:  
Vultur odoratu, præcellit Aranea tactu.*

III.  
multa sunt  
sensibilia,  
quæ sensibus  
nostris  
non percipimus.

Deinde quamvis numerus sensuum externorum quinquarius à nec minime non judicetur convenientissimus ad vitæ animalis commoditates ac delicias, vel ex eo tantum quod non plures unquam Natura efformavit, nihilominus non ineuriose observabitur numerum illum non sufficere ab ad omnium sensibiliuni apprehensionem, vel fateam in nobis, qui nullo sensu deprehendimus effluvia corpuseulorum illa, quibus aut magnes ferrum allicit, aut succinum festucas, aliaque innumera, ex quibus maxime pendent pleraque admirabilia Naturæ opera, quorum ideo causas Physici perquirunt inutiliter, quia subtilissima illa effluvia, ut nullo sensu deprehendunt, ita nec intellectu usquam assequuntur, sed nec assequuntur, cum in intellectu nihil sit, quod non ante fuerit sensu aliquo deprehensum. Quo modo Deus opificii sui Mundani magnitudinem demonstravit nobis simul & occultavit, cum effectus naturales notissimos providit exoriri ab occultissimis causis, sive à tenuissimis mobilissimisque effluviis, ac proinde intangibilibus, invisibilibus, &c. propterea quod sensus habeamus non satis acutos ad eorum perceptionem.

IV.  
In quo  
sensu accipi  
debeant præ-  
sagia ani-  
malium.

Unde quia, ut ante dictum est, multa sunt animalia, quæ sensus habent nostris acutiores, hinc accidit ut varia sint aeris v. g. temperamenta, quæ illa suis sensibus deprehendunt statim atque inchoant; cum è contra nos ea non deprehendamus, nisi postquam invadunt. Sic quippe illa minutissimam pluviam sentiunt, quæ à nobis non sentitur, nisi cum evasis confertior; & ideo dicimus quædam esse animalia, quæ pluviam præsentiant, quanvis tevera nihil præsentiant; sed tantum sentiunt pluviam illam minorem, quæ est inchoatio confertioris. Atque ita intelligi debent quæcunque illa sunt, quæ animalibus tribuuntur præsagia; nam de cætero si præsagium stricte accipitur, quis non videt quam temere dicatur animalia posse futurum aliquid præsagire?

Præterea cum prorsus certum sit & à nobis alibi demonstratum nullam posse dari actionem, ut aiunt, *in distans*, id est in subiectum distans ab agente, cujus est actio; hinc sequitur necesse esse, ut omne agens sit conjunctum cum subiecto suæ actionis; at non est conjunctum, nisi quatenus illud attingit, seu tangit. Tum verò dupliciter potest accidere hic contactus, nimirum aut immediate, aut mediate. Et immediate quidem accidit, quando ipsa agentis corporeitas applicatur subiecto, ut si carbo ignitus incumbat frusto ligneo. Accidit autem mediate, quando agens non quidem per suam corporeitatem; sed tantum per exeuntem à se activitatem, sive per alicujus effluvi projectionem subiectum attingit, uti quando carbo ignitus frustum ligneum non attingit, nisi per emissionem sui caloris, qui consistit utique in certo quodam corpusculorum igneorum effluvio. At quocunque modo accidat contactus ille agentis cum subiecto suæ actionis, hoc certe evidens est, omnem effectum naturalem pendere ab aliquo contactu: ergo omnes proinde sensationes sunt per aliquem contactum.

Cumque ita sit, hinc resultat unicum esse in animali sensum, scilicet tactum, qui nihilominus in alios sensus dividitur juxta varietatem contactus, ad quem excipiendum, tum percipiendum diversa est dispositio in diversis sensoriis. Et ita sensus ille, qui contactu luminis incidentis afficitur eo, quo par est, modo ad visionem, vocatur *visus*: sicut ille alius sensus, qui aëris collisi & undulati propagati contactum excipit eo, quo par est modo, ad auditionem, nuncupatur *auditus*; &c. Ac tum uno ac simplici nomine *tactus designatur* sensus ille, qui toto corpore extensus idoneus tantum est ad excipiendos ac percipiendos contactus, ut ita loquar, crassiores corporum incumbentium, aut effluviis magis sensibilibus, quæ emittunt. Quare per tactum designatur sensus ille, quo discernitur corporum sibi conjunctorum asperitas, mollities, durities, lævor, configuratio, &c. ac rursus quo discernitur calor, frigus, & aliæ id genus qualitates, sive potius emissiones corpusculares, quæ in ipsum incurrunt, & quarum incursio percepta est ipsa calefactio, aut frigeffectio, sive sensatio ipsa caloris, aut frigoris, &c.

His jam præmissis faciliè intelligitur vim ac proprietatem sensus, quem *tactum* vocamus, in eo consistere quod cutis extrema, quæ animale corpus obtegit, sit nervosa, quatenus ad eam perveniunt & intra ipsam veluti contextuntur capillamenta omnia nervorum, ex quibus corporea compages constat. Quia verò, ut ante dictum

V.

Qualiter  
debeat esse  
contactus  
inter po-  
tentiam &  
objectum.

VI.

Hinc se-  
quitur  
unicum  
esse sen-  
sum, vide-  
licet con-  
tactus.

VII.

Qualiter  
fiat sensa-  
tio tactus.

est, nervi omnes ac proinde etiam omnes ipsorum ramuli perferuntur ac desinunt in eam cerebri partem, quam vocant *apophysim vermiciformem*, & in qua completur omnis sensatio, hinc accidit ut quando aliqua pars corporis ab alio corpore incurrente tangitur, suscipitque in se ipsa proinde motionem ab illo, motionem ipsam transferat ad nervorum originem, in qua tactus perficitur, & est aliunde gratus, vel ingratus conformiter ad inoderationem, aut violentiam motionis, quæ excipitur in extrema cute, & perfertur ad cerebrum.

VIII.  
Unde acci-  
dat diver-  
sitas in  
tactu.

Ubi maximè advertendum occurrit tactum varium esse in variis partibus corporis animati, etiam respectu ejusdem rei tactilis; nam si festucâ volam v. g. manus, aut plantam pedis, aut genas, aut inferiores nasi vibrissas, &c. veluti titillando tetigeris, longe aliter & aliter titillationem illam senties. Ut nihil præterea addam de molitie, aut duritie partis, quæ tangitur, aut de frequentia, aut tenuitate, & concursu nervulorum illam afficientium; quia hæc omnia potissimum concurrunt ad res tactiles obtusius aut delicatius persentiendas. Et generali quidem experimento notum est in partibus nervosioribus sensum residere delicatorem; neque difficile id intelligitur cum singuli nervi sint veluti totidem tensi funiculi, qui motionem rei tactilis perferunt ad cerebrum, sive ad eam cerebri partem, in qua toties diximus fieri omnem sensationem: unde non mirum si sensatio tum faciliior, tum promptior, tum suavior fuerit, aut molestior, &c. Quare insuper partes, quæ ex nervis non contextuntur, uti ossa, ungues & capilli expertes sunt sensationis.

IX.  
Refutatur  
id quod  
vulgò sen-  
tiunt circa  
qualitates  
tactiles.

Denique non erit superfluum, si obiter annotem objectum tactus non consistere. ut Aristotelici putant, in qualitativis, quas vocant *tactiles*; sed severa nihil aliud tangi, quàm res corporeas, quæ suâ tum motione, tum applicatione immediatâ aut mediatâ afficiunt partem sensitivam, cum de cætero qualitates illæ ineptæ sint ad actionem efficiendâ. Atque ut id probem, affero exemplum inanus tangentis hinc ferrum durum, hinc lanam mollem, ac discernentis suo contactu diversam utriusque externam dispositionem, quam vocabulo hinc duritiei, hinc mollitiei metaphysico designamus. Quid itaque à manu tangitur, nisi superficies utique corporea hinc ferri, hinc lane? At quia ferrum constat ex partibus bene compactis, lana è contra ex partibus sparsis ac per multò grandiores poros ab invicem separatis; hinc fit ut superficies ferri illa, quæ tangitur, non cedat manui tangenti pectinde ac superficies lane, & hoc pacto dis-

cernitur ferrum durum à lana molli. Unde patet quàm superfluum sit admittere in ferro duritiem distinctam à partibus ejus bene compactis pro objecto tactus, & similiter in lana molliem à partibus ejusdem sparsis diversam.

Nec aliunde aliunde obijci rationabiliter potest partes ferri non fore compactas sine duritie, nec partes lanæ sparsas sine mollietate, cum evidens sit ad ferri compactionem hoc tantum opus esse, ut partes alix aliis sint proximiores, quæ proximitas non pendet, ut puto, à duritie, quali verò sine illa non possint duæ partes conjungi altera alteri, aut ex se ipsis, aut ab agente extrinseco; ac tum quoque ab invicem paululum separari independenter à mollietate. Ergo nulla est in ferro distincta à partibus ejusdem bene compactis durities admittenda pro objecto tactus, nec in lana mollietis ulla distincta à partibus ejusdem sparsis. Quod autem dico de duritie ac mollietate, id Tu intellige de qualitatibus aliis tactilibus, uti scabritie, lævore, parvitate, figura, &c. Præterea quæcunque illæ qualitates, si non sunt corporeæ, & ut clariùs loquar, si non sunt corpora aut corpufcula, ineptæ sunt, ut dixi, ad tactionem in manu efficiendam; siquidem ad tactionem efficiendam, id est, ad efficiendam sensationem illam, quæ simpliciter vocatur tactio, aut aliter tactus, opus est contactu reciproco; contactus autem reciprocus non fit sine coextensione; quomodo autem potest qualitas incorporea coextendi cum corpore? Præterea ostensum est ad sensationem tactus in animali perficiendam non qualemcunque contactum sufficere, sed talem requiri, qui in parte nervosa, quæ tangitur, motionem efficiat ad cerebrum perferendam: quænam autem est vis illa motrix, quæ adeò vigere potest in duritie, mollietate, scabritie, lævore, parvitate, &c. certè nulla. Ac proinde nullatenus physicum est quidquid Aristotelici de suis qualitatibus tactilibus opinantur.

X:  
Et in pri-  
mis ostenditur ca-  
ram si-  
perfluitat;



## ARTICULUS III.

## DE SENSU GUSTUS.

I.  
Exponitur  
quale sit  
organum  
gustus.



**P**RÆTER sensum tactus, quo paucissimis exceptis partes omnes tam externæ quàm internæ, ut supra explicuimus, perfruuntur, in quibusdam præterea partibus ejusdem corporis sensitivi viget alius quidam sensus peculiaris, uti gustus in lingua, visus in oculo, &c. Et nunc quidem, ut proprietatem gustus explicem, dico in lingua ac præsertim in cuspide illius præter vim sentiendi id, à quo tangitur sub ratione duri aut mollis, calidi aut frigidi, &c. quasi dicas sub ratione præcisa tactilis, comperiri vim aliam superiorem sentiendi id ipsum, à quo tangitur sub ratione saporis. Sic verò accidit, quatenus pleraque tactilia præter duritiem, aut calorem cæterasque affectiones corporeas, quibus motionem imprimere possunt v. g. manni sufficientem pro sensu tactus, continent in se ipsis certum quemdam saporem, sive quod idem est physice loquendo, certa quædam salium genera, quorum activitate afficere possunt non quidem manum, aut pedem, &c. sed linguam propter idoneam, quæ in ea tantum est, dispositionem pro suscipienda ac percipienda motione, quam hujusmodi sales ipsi imprimunt, transferendam deinceps ad cerebrum, in quo necesse est sensationem gustus perinde ac cæteras omnes perfici.

II.  
Idem quæ  
sit temper-  
tis &  
mollities  
prædicti  
organi.

Quod si postmodum requiras quænam illa est, quæ in lingua desideratur contemperatio ad percipiendos saporis, nemo quidem est, qui eam plane comprehendat, sicuti nec in sensoris cæteris, in quibus Divini opificii industria, si usquam alibi, demonstratur; utcuque tamen intelligimus ad saporum perceptionem opus fuisse, ut sensorium esset molle ac spongiosum, tenerisque nervulis ac nervulorum ramulis intertextum, quibus hoc pacto non difficile sit moveri iisdem motibus, qui conveniunt salium incurrentium activitati. Nam sicuti leviculus ictus non sufficeret ad  
sensibilem

Insensibilem funis crassioris succussionem; ita nisi molles ac teneri essent & tenues nervi, qui per linguam sparguntur, non possent excipere leviculas salium incurSIONES, sicuti præterea nec sales possent invadere nervosam illam linguæ contexturam interiorem, nisi lingua, ut dictum est, esset substantia quædam mollis & spongiosa. At nihilominus ne invasio illa esset facilior ac proinde violentior, opus erat linguam satis solidâ membranâ obtegi, qualis ipsi & palato communis est, prædictis nervulis intertextâ; quare etiam gustus residet in palato, quamvis non æque acutus ac præsertim ille, quem in linguæ cuspide experimur. Et ratio est, ut opinor, quia nervi, qui linguam intertexunt, frequentiores sunt in ipsius cuspide, ubi etiam innodantur; & sic ibi aptiores sunt moveri prædictis motibus salium incurrentium.

Potest præterea aliter intelligi salivam, quæ continuò linguam irrigat, nec tantum suo humore mollietatem illius tuctur; sed etiam plurimum juvat ad dissolutionem salium, qui latent intra substantias alimentitias, continere certa quædam corpusculorum vitalium, sive spirituum animalium genera, quæ ex occurso salium prædictorum determinantur facilius ad motiones consimiles, eò quòd sint cum illis congenæ. Quo pacto isti spiritus vitales non solum inservient pro deferendis ad cerebrum motionibus, quas sales alimentitii linguæ impresserint; sed etiam juvabunt ad easdem roborandas: qualiter autem contingere possit determinatio illa ad motus consimiles rursus non explico; sed Lectorem remitto ad dicta alibi de elementis in communi, eorumque congenecitate, seu amicitia.

Nec parum insuper hæc doctrina, si recte comprehenditur, proderit ad intelligendam incredibilem illam gustuum varietatem. Quæ accidit, ut non modò eadem cibi species variis hominibus varios sapes ingetat; sed præterea uni & eidem horis ac temporibus diversis, uti ante ac post prandium, aut inter prandendum; idque hand dubiè propter salivam, quæ reperitur diversimode temperata. Et quia hoc salivæ temperamentum maxime per inductas ægitudines vitatur, hinc accidit, ut ægri longe aliter, quàm sani de saporibus alimentorum dijudicent, reputentque pro amaris dulces, & amaros pro dulcibus, aut pingues pro salis, aut salios pro pinguibibus, &c.

Quantvis infiniti fere sint sapes, idque non solum propter diversissimam contemperacionem ciborum ex varietate salium admixtotum provenientem; sed etiam propter non minùs diversam contemperacionem, quæ est in lingua ac palato animalium aliis & aliis cibis

III.  
Qualiter  
saliva ad  
degustationem  
requiritur.

IV.  
Unde procedat  
tanta varietas  
gustuum.

Quot cõmuniter  
admittantur  
saporis  
species.

Tomus IV.

E c



vescentium, nihilominus Phyci omnem illam saporum varietatem ad septem aut octo species revocant, scilicet ad dulcem, qualis est in melle & in zaccharo; ad amarum, qualis est in ablynthio; ad satsum, qualis est in sale & in nitro; ad acrem, qualis est in pipere; ad pinguem, qualis est in adipe & butyro; ad austerum, qualis est in fructibus immaturis; & ad acerosum, qualis est in aceto & in malis citriis; vel insuper ad acutum, qualis agnoscitur in zingibere, aut tandem ad insipidum, qualem Galenus admisit in albuginibus ovorum & pelliculis fructuum.

## VI.

Accamen  
sunt mul-  
tò plures;  
sed inde-  
signabi-  
les.

At ultra istas saporum species nemo est, qui non multò plures ex-  
pettus sit, sed quas non posset aptatis vocabulis designare; aut si  
utique designaret, non posset se præbere intelligendum aliis,  
qui aut similes sapores non experiuntur, aut certe nesciunt  
quales in individuo sint saporis illi, quos alter voluisset ar-  
bitrariis vocibus designare. Tum vetò quantacunque sit hæc va-  
rietas aut quantulacunque, id non impedit, quominus annotem il-  
lam ad vitæ animalis delicias pernecessariam fuisse; nam quæ esset  
in victu animali voluptas, si non aliter animalia cibis, quàm dolia  
vinis, aut facci paleis interciterent sine ulla suavitate. Ad illam ve-  
rò suavitatem omnino in cibis requirebatur sapor, qui gustum pla-  
cide titillaret, isque varius, ne si idem in cibis omnibus vigeret,  
tandem in fastidium verteretur. Præterquamquod non poterat idem  
sapor eandem suavitatem procreare in omnium animalium degusta-  
toris sensoriis tam diversissime temperatis.

## VII.

Arguitur  
ex defectu  
idoneæ ac-  
tivitatis.

Denique sicut in articulo præcedente ostensum est quàm chimæ-  
ricæ sint qualitates illæ tactiles, quas Aristoteliei admittunt pro ob-  
jecto tactus, ita jam paucis ostendo non minùs fictitias esse qualita-  
tes gustabiles, quas admittunt pro objecto gustus, & vocant *sapores*.  
Nam *primò* si qualitates istæ non habent corpoream vim movendi  
nervos, qui consuevit linguæ ac palati contextutam, quid illud erit,  
quod conferat ad gustus sensationem efficiendam? Siquidem non  
alio fine Natura nervos illos intertexuit & emollivit, nisi ad hoc ut fa-  
ciliùs moveantur; at si qualitates illæ Aristotelicæ movent prædictos  
nervos, qui sunt in sensorio gustus, necesse haud dubie est ut habeant  
corporeitatem, sive corpoream activitatem proportionatam suo sen-  
sorio; ergo cur qualitates dicuntur & non potiùs particulæ quædam  
corporeæ, scilicet salinæ, quæ sunt cibis immixtæ, & vim habent  
movendi certo quodam modo sensorium gustus?

## VIII.

Item ex  
superflui-  
tate talium  
qualitatum.

Quænam *secundò* repugnantia, aut potiùs quæ non omnimoda  
convenientia est in hoc, quod substantiæ alimentitiæ partim coalescunt

tant ex quibuscumque selectis ac permixtis particularum elementarium generibus, quæ peculiarem vim habeant pro efficienda ac titillanda, ut par est, molliæ sensorii gustativi: id verò sicut facillè potuit & convenienter debuit à Natura institui, ita non obscure probat Naturam nullatenus ad delicias gustus animalis usam fuisse qualitatibus illis, quas Aristotelici jactant pro objecto gustus; solet quippe Natura ad suos effectus causas minùs intricatas, sive magis simplices adhibere. Hujusmodi autem particulæ selectæ, quibus inest ea vis movendi gustum, vocantur sales, quorum diversitas eadem est ac illa, quæ inter sapes admittitur.

Denique & *tertiò*, ut cætera non repetam argumenta, quibus toties formas accidentales Aristotelicas impugnavimus, nunquid illæ admittuntur suorum subjectorum penetrativæ? At si ita est, inutilis esset mollis illa ac delicata sensus gustativi contemperatio; quia nimirum sapor illum pervaderet quamvis firmum ac rigidum, sicuti lux crystallum, ut putant, intime pervadit, aut calor lignum. Cùmque nihilominus certum sit ad suavitatem gustus desiderari prædictam & inoffensam molliem, hinc sequitur illam utique non desiderari, nisi ad admittendos sales, quos saliva diluit & ad excipiendas faciliùs motiones, quibus sales insinuati movent aliter aliterque sensorium jucunde aut injucunde, ac plus minusve juxta activitatem ac commixtionem ipsorum.

Tum ut experienciâ constet, tota ars condiendi cibos consistit in apponendis & idoneè commiscendis salibus, sive pigmentis, quæ sales continent, ad hoc nimirum, ut si cibus aut potus aliquis ex se non habet sufficientem salem, sive saporem, eum obtineat per illam commixtionem adventitiâ: sicuti etiam ad hoc ut si actiorem salem, sive saporem ex se habuerit, illius acrimoniam moderetur dulcedo alterius salis permixti, uti mellis, aut zacchari. Uno verbo sapes consistunt in rebus corporeis, quomodocunque interim vocitentur, quæ sensorium gustus motione locali efficiunt; quandoquidem constat evidentem cibos austeros & acerbos linguam astringere, & è contra dulces illam laxare. Ac proinde quia nudæ ac simplices qualitates ineptæ sunt ad efficiendas id genus motiones locales, rectè asseruimus nullas earum admitti debere pro objecto gustus, de quo hætenus sit satis disputatum.

IX.

Tum ex  
dispositio-  
ne organi-  
ca gustus.

X.

Qualiter  
sapes  
contem-  
perantur.

# ARTICULUS IV.

## DE SENSU OLFACTUS.

I.  
Exponitur  
quale sit  
organum  
olactus.

**A**LIA est insuper tactus sensitivi species, & vocatur *olfactus*, sive *odoratus*, quo nimirum excipiuntur ac percipiuntur odores. Ut autem dilucide explicem quæcunque sunt majoris momenti attinentia ad hunc sensum, statim dico neminem esse, qui nesciat olfactionem fieri, aut certe inchoari in superiori & interna nasi radice, ubi scilicet sub duobus majusculis foraminibus ossis cribrosi, quod Anatomici vocant *ethmoidem*, adsunt duo tubercula substantiæ mollis ac spongiosæ; & hæc ob similitudinem, quam habent cum papillis mammarum, vocantur *caruncula mamillares*; sicuti duo illi nervi, qui ab istis carunculis ad cerebrum protenduntur, vocati similiter & capropter solent *processus mamillares*. Jam itaque non difficile intellectu erit emissiones illas odorum, qui simul cum aëre respirato subingrediuntur nares, pervenire ad mamillares carunculas, quas utique suo quodam sensibili motu afficiunt: ac proinde etiam nervos ipsis adnatos & implicitos, quibus connaturale est ad instar funiculorum, quos apte tendimus, susceptos omnes ac singulos modulos impressæ agitationis transferre ad terminum suæ originis, sive, quod idem est, ex antedictis, ad cum cerebri locum, in quo nervi omnes per suos ramulos coadunantur, & in quo capropter completur omnis sensatio, ut probatum fuit.

II.  
Et ostenditur  
olfactum esse  
speciem  
tactus.

Dixi autem olfactum esse aliquam speciem tactus sensitivi, & certe evidens est odoris distantis nullam esse actionem in olfactum, quem idcirco ut afficiat, debet aspirari, aspiratus autem tangit suum sensorium, & tangendo afficit, ut par est, ad sui sensationem. Ergo olfactus est quidam tactus; sed residens in singulari prædicto sensorio, quod utique non modò idoneum est ad percipienda sensibilia sub ratione communi tactilium, sed insuper sub ratione odorabilium. Quo pacto

omnia odorabilia sunt tactilia, neque enim odorari possunt sine contactu; ac non omnia tactilia sunt odorabilia: sicuti etiam omnia gustabilia sunt tactilia, quamvis non omnia tactilia sint gustabilia, & sic de aliis. Cujus rei ratio firma in promptu est; quia non omnia sensibilia habent sufficientem & selectam activitatem ad perinde ac indiscriminationem movenda omnia sensoria; sed hæc quidem illis, alia verò aliis exhibent se sentienda, propter reciprocam ac congruam dispositionem hinc agendi, hinc patiendi.

Præterea ad ulteriorem explicationem sensus olfactivi addo maximam esse illius cum gustu conformitatem, sive conformem sensationem, in eo quod probabile est non valde differre inter se corpusculares illas activitates, quæ efficiunt gustum, ab iis, quæ efficiunt olfactum: nam ut experientiâ notum est, plerorumque comestibilium ac potabilium saporem ex odore judicamus. Quod indicio est tum non dissimilem esse activitatem corpusculorum, quibus sensus ille uterque afficitur, tum non esse proinde absumilem utriusque contemperationem organicam: & fortè corpuscula talia, quæ utrumque illum sensum afficiunt, ejusdem sunt generis cum hoc tantum discrimine, quod sparsiora sufficiunt ad olfactum, compactiora autem desiderantur ad gustum efficiendum. At si ejusdem generis sint, sive diversi, hoc saltem certum est olfactum affici à spirituoso quodam vapore, quem efflant sparguntque per ærem corpora odorosa; hic autem prout est plus minùsve copiosus, fit magis minùsve sensibilis ad eundem modum, quo magis minùsve copiosa emissio sive caloris, sive humoris, cujus aliàs majorem minoremve copiam non efficit nisi major aut minor frequentia ac numerositas corpusculorum, quæ calefaciunt aut humectant. Quare etiam similis numerositas ac frequentia corpusculorum è corporibus odorosis fluentium auget aut minuit copiam odoris; ideoque vim & activitatem.

Tum adeò magna est odorum varietas specifica, ut determinari non aliter possit, quàm per multitudinem specificam corporum odorantium, qualiter si dicatur alium esse odorem moschi, alium ambari, alium thuris, &c. Nam aliunde nulla fere esse corpora suspicor, quæ non aliquem odorem emittant, præsertim quoties aliquatenus atteruntur aut incalescunt: tunc quippe ob vim attritionis aut ob invasionem caloris necesse est, ut in speciem quandam vaporis sive fumi abeant spirituosiores ipsorum partes atque illæ in primis, quas Chymici vocant sulphureas; & in quarum præsertim activitate nares afficiente consistit odor. Præterquamquod effluvia

III.  
Quæ sit  
conformi-  
tas olfac-  
tus cum  
gusto.

IV.  
Quanta sit  
odorum  
varietas.

illa odorosa, quæ à vento aut aliter per aërem circumquaque sparguntur, adhærescunt, & adhesionem suam vel etiam immisionem efficiunt aut inficiunt cætera corpora, quæ hoc pacto odorosa evaderent, etsi fortè nullo naturali odore prædita essent.

V.  
Unde prædicta odororum varietas procedat.

Tum neque parum confert ad incredibilem illam odororum varietatem, quam percipimus, varietas, quæ est in temperamento constitutivo sive organi odorativi, sive cerebri, ad quod motiones impressæ ab odoribus transferuntur. Quatenus non modò pro diversa utriusque contemperatione odores sentiuntur grati vel ingrati; sed etiam plus minusve grati aut ingrati. Unde accidit non tantùm ut aliis quidem suavior sit odor moschi, aliis odor ambari, aliis odor rosarum, aliis odor pomorum, &c. sed præterea ut aliqui suavissimum reputent odorem, quem alii tanquam teterrimum exhorrescunt. Nec mirum, cum idem odor in eodem homine bene aut meliùs, male aut peiùs constituto diversas sensationes efficiat, accidatque etiam non rarò, ut odor, qui tunc primùm cum in odoratum incurrit, suavis est, incurssione assiduâ deinceps scæteat. Id verò non alia de causa accidit, nisi quia odorosus halitus, qui dum sparsus ac tenuis est, suo contactu titillat olfactum, lædit ipsum ac violentiùs ferit pungitque deinceps, quando evasit confertior. Quo modo calor modicus, qui statim gratissimus est, si continuus fiat, tandem evadit intolerabilis; quatenus per eam continuationem corpuscula ignea, quæ partem sensitivam invadunt, nimis multiplicantur; sicque nimis multiplicata sæviùs illam sentiunt; illa autem sævior incurssio est inchoata quædam combustio, ac proinde est calefactio dolorosa. Nec aliter discurrendum est, ut reddatur ratio cur moschus, qui procul positus vel etiam sparsus olet suaviter, scæteat si olfactui propior aut compactior offeratur.

VI.  
Qualiter ex effluviis odorosis multi effectus pendanc.

Hinc insuper conjicio ferè omnes naturales effectus atque eos præsertim, quos sympathicos & antipathicos vocant, non ab aliis causis pendere, quàm ab istis immisionibus & concursionibus odorosis, quæ utique non possunt non producere varios effectus in subiectis variè idoneis. Atque ut me magis explicem, nec coarctem hanc doctrinam ad eos tantùm effectus, qui ex sensatione odorosa possunt consequi, dico dupliciter considerari posse emissiones illas odorosas, præcise ut emissiones sunt, constantque ex corpusculis mobilibus tactibilibusque; aut insuper ut sunt odorosæ, constantque ex talibus corpusculorum generibus, quæ præter mobilitatem & tangibilitatem communem omnibus, eam obtinent, quæ specialiter idonea est ad odoratum afficiendum. Quæ

duplici consideratione præmissa evidens erit eas posse utroque modo spectatas speciales generare effectus, tum in sensitivis, tum in insensitivis agentibus; at in illis faciliores, occultiores autem in istis. Itaque si jam supponimus, sicut non abs re supponendum est, ex corporibus animalium effluere vel ejici non tantum per patentiora narium fauciumque organa, sed etiam per restrictiores poros, multiplices halituum species, quæ deinceps ab aliis animalibus per odoratum simul cum aëre adspirantur, vel etiam intra stomachum admittuntur, quando aërem iisdem halitibus affectum pulmones advocant, non erit arduum rationem reddere cur quædam animalia quæritent, aut fugiant aliorum contubernium, convictum, coitum, &c. quia nimirum ad id ita præstandum sollicitantur vel solo reciproco odoratu, quem gratum vel ingratum persentiunt, salutiferum aut nocivum; sicuti revera vel ad solum alicujus malevolentem halitum revocamur ab illius tum convictu, tum colloquio.

Neque tantum id accidit quando malus ille odor nos omnino inficit; sed etiam quando ita leviter inficit, ut fere nos lateat; quia quamvis nos lateat, nihilominus temperamento nostri corporis adversatur ad eum modum, quo multa, quæ comedimus, nobis nocent, etiam si nesciamus clare ac distincte quid aut cujus saporis illud sit, quod nocet. Unde provenit illud fastidium, quo certa quædam respuimus alimenta: cur etiam non ex simili causa proveniet fastidium illud, quo à convictu & colloquio &c. aliorum præ aliis revocamur. Ergo ad plurimos effectus sympathicos & antipathicos ejus generis valent halitus odorosi, & ad alios diversi generis multos, quos non opus est commemorare, sicuti nec repetere quæ de amicitia & inimicitia particularum elementarium alibi dicta sunt huc advocanda ad plenam præsentis doctrinæ intelligentiam.

Denique sicuti de sapore supra dictum est qualiter non sit forma accidentalis Aristotelica, ita nunc id ipsum de odore paucis, ut speto, demonstrabitur. Et *primò* quidem ténertudinem ac molitiam illam, quæ est in carunculis & processibus manillaribus, ex quibus præsertim organum odorativum componitur, quis putet non esse necessariam pro suscipienda agitatione odoris adventitii? Ad hoc autem ut hæc agitatio sit sufficiens debet esse non minùs corporea, quàm organum ipsum, alioquin non afficeret illud conformiter ad corporalem dispositionem suæ mobilitatis. Ergo odor non in qualitate Aristotelica, quæ vim corporalem motricem nullam obtinet; sed verè consistit in effluviis corpusculorum ex corporibus odorosis fluentium, ac deinceps incurrentium in nares simul cum

## VII.

Etiamsi hæc effluvia sint minùs sensibilia.

## VIII.

Quid rei physicè sit odor.

aëre adspirato. *Secundò* odorem consistere in quadam corpusculari ac veluti fumida evaporatione satis vincitur ex eo, quòd id totum illi conveniat, quod experimur evaporationibus fumidis convenire, sive de extero aqueis, sive vinosis, sive oleagiosis, &c. Quatenus sicut illæ, nisi cohibeantur, tandem exhauriuntur, ita nisi cohibeantur odores, quos emittunt corpora odorifera, ut occludendo & involvenda ea caute ac diligenter, exhauriuntur similiter, eaque relinquunt omni prorsus odore vacua. Nunquid etiam sicut fumigatio titionis per inspersum humorem sistitur, ita & sistitur odoratio corporis cujusvis odoriferi per affusionem injecti humoris? Aut nunquid sicut spissior confertiorque est fumigatio prope lignum, quod fumigat, ita vividior est odoratio prope corpus odoriferum? Quod indicio est manifesto odorem non aliter, quàm fumum spargi, rarioremque evadere, prout magis ab origine sua recedit: ventus etiam fumum huc atque illuc transfert & odorem similiter.

IX.  
Qualiter  
odoratio  
assimile-  
tur fumi-  
gationi.

Ne præterea adjiciam odorationem ita cum fumigatione assimilari, ut odoratio nihil sit, nisi species quædam fumigationis, sive expirationis subtilioris, quæ & interdum non movet præ sua subtilitate olfactum nostrum, scilicet hebetiorem; at movere potest olfactum aliud acutiorem v.g. canis, qui odoratu non modò Herum suum, sed insuper chirotecam, strophium, cultrum, aliaque id genus expirationibus Heri sui imbuta recognoscit: sicut etiam ferarum vestigia prosequitur absque alio duce, quàm odore, quem suo in transitu reliquerunt, non in aliis haud dubie consistentem, quàm in expirationibus, quibus currendo aërem affecerunt.

X.  
Opponi-  
tur moti-  
va senten-  
tiæ con-  
trariæ.

Nec video quid Aristotelicos impediatur quo minùs veniant in hanc nostram sententiam, nisi aut id *primum*, quod opponunt granulum mosehi v.g. suum servare odorem per annos plurimos: at si odor in expiratione corpusculorum consisteret, undenam tot provenirent corpuscula, quot ad tam diuturnam expirationem desiderarentur? cum aliunde granulum illud nullam suæ substantiæ, sui que ponderis jacturam fecisseprehendatur. Aut illud *secundum*, quod objiciunt pariter, si quædam esset exspiratio corpusculorum, eam fore utique videndam, vel saltem ad Solis irradiationem ac non difficiùs, quàm videantur particule illæ exilissimæ, sive atomi, quas radii Solares splendidi evehunt, atque in omnem partem exagitant: at nihilominus nullus est, qui hætenus odorem ullum viderit.

XI.  
Et hæc fa-  
cile sol-  
vuntur.

Neutrum tamen rationabiliter opponitur. Non *primum* quidem. Quia titio semiustus per plures horas fumigat, suoque fumo implet peramplas cameras ac domos absque sensibili ulla suæ molis jactura; cum

tum nihilominus hæc fumigatio sit mirum in modum crassior ex-  
spiratione odorosa, unde intelligitur illam fore multò diuturniorem,  
si sparsius lentiusque efflueret, & ut verbo dicam, ad instar odorosæ  
evaporationis. Quo modo etiam aqua modica, si lentè calefiat,  
diuturnos emittit vapores, coalescentes utique ex corpusculis,  
quorum incomprehensibilis est numerus: quis tamen dubitet hæc  
omnia intra parvitatem aquæ illius modicæ contineri. Sed multò  
magis infirmum est illud *secundum*, quod objicitur. Nam si stricte  
loquimur, nec sunt accipiendæ pro atomis particule illæ volatiles,  
quæ inter splendorem radiorum Solarium conspiciuntur, nec sunt  
nisi multò crassiores illis, in quarum fluore odor consistit. Unde  
non mirum si nullo visu humano quantumvis acuto deprehendan-  
tur. Neque necesse est, ut quidquid revera existit, subjaceat vi-  
sioni, alioquin perinde dubitari posset de existentia aëris, aut de  
illius corporali substantia: cum itaque nihilominus nemo de illa  
dubitet, quis non videt omnino puerile esse argumentum, quod  
contra substantialitatem odoris ex illius invisibilitate desumitur?  
Atque hæc de sensu odoratus dicta sufficiant.







# ARTICULUS V.

## DE AUDITU.

I.  
Qualiter  
auditus sit  
species  
tactus.

**H**ACTENUS de gustu & odoratu ostensum est qualiter uterque sit quædam species tactus; idque cum sit de auditu pariter stabiliendum, moneo in omni tactu, qui ad efficiendam sensationem sufficiat, necessarium esse aliquem impulsu: tactus quippe, præcise ut tactus est, nihil importat præter meram contiguitatem, siue immediatam applicationem, quæ nisi cum aliquo impulsu activo sensibilis applicati conjuncta sit, sensorium non moveret, eo utique motu, quem dixi esse transferendum ad sensum communem in cerebro constitutum mediantibus nervis, quos ex officio præstito vocare licet gustatorios, odoratorios, auditorios, &c. iste autem impulsus secundum variam activitatem ac configurationem sensibilis suo sensorio applicati varius est, & pro gustu quidem efficiendo v.g. insufficiens, ut puto, foret, nisi vim haberet punge[n]di, ac pro odoratu similiter, sed valde moderatiorem.

II.  
Exponitur  
organum  
auditus.

Nunc autem pro auditu non requiritur punctio, sed talis sufficit pulsatio, quæ commoveat tympanum auditorium eo modo, quem deinceps explicabimus, postquam istius sensorii compositio organica fuerit verbis pauculis explanata. Igitur præter auriculam externam, cujus configuratio non est parum utilis ad soni sparsioris reollectionem, meatui sinuoso ac sursum oblique verso occurrit membrana tenuissima, sed bene tensa, cui præterea fidicula quædam subtenetur, ut sit in membranæ tympanistriis. Ac tum huic fidiculæ simul ac membranæ implicantur tria quædam ossicula, quæ à suis configurationibus certe potius, ut puto, quàm ab ullis officiis talium rerum obtinuerunt denominationem *incudis*, *mallei* & *stapetis*, siue aliter *trianguli*. Neque deest nervus, qui *auditorius* nominatur, & à comuni nervorum origine, quæ in cerebro est, protenditur per meatus internos pariter auditorios hinc & inde ad membranam prædictam auricularem, quam vocant *tympanum*, ibique dividitur in plures ra-

mulos, quorum unum Anatomici præsertim notant, qui in linguam & laryngem derivatur: unde est, inquiunt, ut qui à nativitate sunt surdi, idem sint muti. Residet præterea post tympanum substantia quædam spirituosa, cui nomen *aëris innati* tribunt, & ad hoc videtur necessaria, ut membrana inter utrumque aërem hinc externum, hinc internum, sive innatum, tensa possit facilius suscipere quælibet ac quantumlibet leves pulsationes. Et hæc quidem est compositio organica auditus, cujus partes magis præcipuè reputantur hiuc tympanum, illinc nervus, qui à tympano provehitur ad sedem sensus communis: tympanum enim pulsationes sonoras excipit, nervus autem illas transfert ad cerebrum, ita ut reliquæ partes hujus sensorii supra memoratæ ad illud attingere videantur magis pro perficiendo, quàm pro simpliciter efficiendo auditu.

Neque præternitendum censeo, posse independentem à recta dispositione sensorii totius jam prædicti contingere, ut sonus aliquis audiatur; siquidem ut experientiâ constat, si surdus manubrium pulsatæ citharæ dentibus apprehendat, vel etiam regulam ligneam eidem citharæ incumbentem, audit illius sonos musicos ob id nimirum, quia tremulus, sive sonorus totius citharæ motus per dentes ac maxillas communicatur alicui nervo auditorio, aut cujusdam nervi auditorii ramulo, à quo transfertur ad cerebrum. Atque id, quod de surdo dictum est, potest optime quivis non surdus obturatis auribus experiri: quibus obturatis similiter si dentibus prehendas funiculum, ex quo corpus sonorum pendeat, sonetque ad concursum alterius, non modò audies sonum illum; sed audies multò magis clamorose ac reboantem, quàm apertis auribus audisses: quod obiter annotasse sufficiat.

Deinde ut modum explicem, quo fit auditio, evidens est membranam illam auricularem, de qua dictum est, esse ex suæ tensionis dispositione pulsabilem, sive mobilem motu aëris in eam incurrentis, aut utcumque illam ferientis vel propellentis; sicut ex altero capite non est minùs evidens aërem esse agibilem eo omni motu, quo possunt duo corpora intra ipsum se se mutuo ferire, collidere, vibrare, &c. Unde accidit ut toties audiatur aliquis sonus ab aure, scilicet intra debitam sphaeram idoneè constituta, quoties duo corpora se se mutuo intra aërem feriunt, collidunt, vibrant, &c. ac præterea vehementior aut languidior, clarior aut raurior, gravior aut acutior, &c. pro modo ac modulo reciproce illius percussionis, collisionis, vibrationis, &c. Idque, nec mirum, accidit, quia aër similes, quas in se excipit illius percussionis, collisionis ac vibrationis

III.

Et exponitur qualiter possit suppleri.

IV.

Afferunt modum physicum, quo fit auditio.

motiones, communicat memoranz auriculari; & hæc nervo acustico seu auditorio; & hic cerebro, ubi auditio completur. Neque præterea ad motiones id genus sonoras aëri imprimendas necessaria omnino est duorum pluriumve corporum percussio, namque perinde aër excipit unius virgulæ, aut unius fidiculæ intra ipsum vibratæ percussiones, ac secundum varios modos, quibus ipse percutitur, aut fluiditur, aut colliditur, evadit sonorus.

V.  
Quæ sint  
sint cor-  
pora so-  
nora, &  
qualiter.

De cætero quamvis non possint, ut puto, qualiacunque corpora se se intra aërem mutuo quantumeunque leviter percutere, aut percutere solum aërem, quin aliquantulum sonum edant, licet aliàs præ modicitate sua inaudibilem, nihilominus non omnia corpora pro sonoris reputantur. Ad hoc autem ut sint sonora, seu bene sonantia, requiritur quædam durities, vel tensio ac talis per quam fiant in corpore duro vel tenso ad occursum contactumque alterius crebræ ac repetitæ vibratiunculæ, quales v. g. experimur in campana sonante, cui si leviter manum admoveas, senties tremorem, qui nihil aliud est, quam motus ex crebris & repetitis vibratiunculis coalescens: aut quales etiam experimur in fidiculis citharæ pulsatis, & in omnibus passim musicis instrumentis. Sed neque talium vibratiuncularum tremor in corporibus sonoris juvaret, nisi aër capax esset ejusdem tremoris in se suscipiendi, ac deinceps transferendi ad tympanum auriculæ.

VI.  
Qualiter  
sint propa-  
gatio soni.

Insuper si unquam vidisti circulares illas undulationes, quæ in aqua procreantur ad injectionem lapilli, cogita concitari non absimiles concentricas undulationes in aëre, quoties utcunque percutitur, aut fit particeps alicujus reciprocz inter corpora concurrentia percussio. Quapropter nullatenus necesse est, ut pro movendo tympano auriculari in illud excurrat ipsissimus ille aër, qui percutitur; sed tantum ut aëri viciniore circumstanti communicet vim suæ undulationis, & hæc aliam excitet in aëre consequente, ac sic de cæteris. Quia verò gravitate suâ & coherentiâ naturali obstitit extraneis illis undulationibus, hinc accidit eas non nisi successive multiplicari & tandem paulatim languescere ac deficere postmodum. Nec omitto proinde necesse esse, ut aures omnes, quæ intra spherâ vocalem, quæ undulationes omnes illas cõplectitur, reperiuntur, necesse, inquâ, esse ut pulsantur motu alicujus undulationis, ideoque etiam aut vehementiori, aut languidiori prout undulatio, quæ immediate aurem pulsât, proximior est aut distantior à centro propagationis vocalis, quæ non immerito reputatur fieri per undulationes prædictas. Ex quo fit ut qui minus distant à centro, ut ita loquar, sonoro sive vocali au-

stant *ceteris paribus* sonum aut vocem elatiorem, clariorem, firmiorem, &c. Dico autem *ceteris paribus*, & hanc paritatem intelligi volo non tantum de organica aurium dispositione æque idonea; sed insuper de illarum situ æque idoneo: nam aurium situs aut obversus, aut aversus ad id juvat, vel obest plurimum.

Neque rursus prætermittam sonoras illas undulationes aut qualescunque agitationes aëreas ex occurſu alicujus obicis v. g. muri, rupis, &c. reflecti circumquaque; sed modis diversissimis juxta diversissimas corporum reflectentium dispositiones, quæ quandoque ac præsertim in vallibus & antris adeò coaptatæ sunt, ut ingeminent, pluriesque ac distincte repetant vocabula integra, aut certe postremas eorum syllabas. Et hæc sonora repetitio vocatur *echo*, quæ à Poëtis fingitur garrula & in dumosis vallibus habitare, sicut quidam illorum cecinit, *garrula dumosis habitans in vallibus Echo*.

Præterea neque superfluum erit annotare agitationes vocales, quæ intra aërem concitantur, quando ipse aër à corpore sonoro vibratur, aut inrer corpora sonora colliditur, ejus esse naturæ ac conditionis, ut quandoque se inturbent ac confundant, quando plures simul ex variis centris vocalibus inter se concurrunt; quandoque autem è contra se se attemperant & juvent ad delectabiliorem concentum, ut accidit in concentibus musicis. Unde intelligitur ex omnibus ac singulis agitationibus vocalibus inter se temperatis unam ac communem prodire agitationem, quâ auris pulsatur: & hæc agitatio quamvis sæpe judicetur continua, quando scilicet cæteræ agitationes, ex quibus temperatis resultat, creberrime ac simul celerissime repetuntur, nihilominus revera est interrupta per totidem, ut sic loquar, silentia, quot sunt temporum intervalla inter percussiones sonoras. Sed quia intervalla hæc sunt perexigua, hinc fit, ut sonus pro continuo habeatur, qualis est v. g. sonus unius phrasæ, aut periodi celerrimo conatu prolatæ, quamvis revera sonus ille sit tot silentiis interruptus, quot sunt in ea proferendæ literulæ, quæ haud dubie non nisi per diversas linguæ motiones proferuntur divisas iis temporum motulis, quibus opus est pro retrahenda lingua, quæ postmodum altero motu movenda est ad alteras syllabæ, vel etiam literæ prolationem.

Jam itaque accidit in contemperatione motionum vocalium id ipsum, quod experimur in contemperatione cæterarum motionum sensibilium, quæ gustum, aut odoratum afficiunt. Namque ut istæ motiones, prout attemperantur, gratam vel ingratam sensationem

VII.  
Qualiter  
fiat reflexio soni.

VIII.  
Quæ sit  
continuitas soni.

IX.  
Quæ sit  
eiusdem  
soni contempera-  
tio.

efficiunt, sic illę pariter suo in sensorio, quod est organum auditus, pariunt sonum delectabilem, aut injucundum. Quod autem dico de motionibus sonoris, quę sunt intra aërem, id de omnibus aliis dicendum est v. g. aqueis; perinde enim quamvis non ita facilę, propagatur sonus per aquam, ut multi urinatores experti sunt, & merito conjicitur ex piscibus, qui factò rumore aufugiunt. Neque id stupendum est, quia omnis motus, qui pulsatur aërem, est sensibilis non tantum sensatione communi tactus; sed etiam sensatione peculiari, quę correspondeat dispositioni illius organicę: & hæc est sensatio auditus.

X.  
Exponitur  
quid rei  
physicę  
sit sonus.

Ex quibus omnibus hucusque enarratis apertissime consequitur sonum, sive objectum auditus, non esse qualitatem ullam accidentalem de genere illarum, quas Aristotelici proclamant ex subjectis suis eductas; sed potius nihil aliud esse, quam motum aëris sive percussis, sive collisis, sive vibratis, &c. propagatum eo, quo dictum est, modo usque ad tympanum auriculare. Et *primò* quidem indubitatum est non posse æs campanum v. g. percuti à malleo, quin aër inter utramque collisus excipiat motum utcumque similem; sicut nec vitari potest, quin motus iste exceptus communicetur aëri viciniore atque ita deinceps; & revera si campanę sonanti non longe objicias chartam liberam papyraceam, videbis exagitari illam ab aëre, ab eo scilicet, quem campana sonans exagitat. Hic itaque aër sic motus, qui chartam agitatur, unquid vim habebis agitandi, sive pulsandi membranam auricularem ac tantò facilius, quantò hæc est opportuniùs collocata, tensa, & composita ad hunc effectum? At si pulsatur, pulsus utique illum communicabit ossiculis nervisque sibi cohærentibus, à quibus transferetur ad cerebrum, in quo fiet auditio: ad eundem modum, quo si à prædicto aëre casu aut aliter odoroso moverentur caruncule mamillares sensorii olfactivi, transferrent illę per nervos sibi cohærentes motionem suam ad cerebrum, in quo fieret olfactio. Ad quid ergo opus est fingere sonum sub specie alicujus qualitatis accidentalis, maxime cum ad id totum præstandum, quod sonus præstat, tantum necessaria sit vis quędam motrix corporea; qualis est in aëre colliso, aut vibrato, &c.

XI.  
Expropa-  
garetur in  
instanti, si  
esset qua-  
litas.

*Secundò* sonus minime propagatur, sicuti deceret propagari qualitatem accidentalem Aristotelicam; quatenus propagaretur in instanti, perinde ac juxta Aristotelicos propagatio lucis est instantanea: Et ratio est, quia sicuti lux non habet contrarium, scilicet positivum, nihil enim luci contrariatur præter tenebras, unde inferunt

lucem instantaneè propagari, ita sonus nullam habet contrarietatem positivam, cum non aliam habeat, quàm silentii: ergo perinde ac lux instantaneè propagaretur. Sed neque propagaretur, prout pariter experimur, uniformiter difformiter, quia si in suo excursu nullius contrarii resistantiam habet vincendam, nulla adest ratio, cur procul à centro sui excursus languidior sit, quàm prope illud, sicuti nulla pariter adest ratio, cur non ad quamcunque sphæram excurrat. Ergo non propagatur nisi ad instar motus prædicti corporis, qui propter gravitatem ac coherentiam aëris, vel alterius medii resistentis languescit tandem, ac deficit. Huc advoca, si volueris, Lector quæ ex dictis toties adversus formas accidentales videbuntur tibi convenientiora ad hoc propositum, nisi malueris apud Aristotelem ipsum in libris præsertim animalisticis & problematicis legere plurima, quæ satis convincunt quantum absuerit ab errore suorum sequacium, & quanta infelicitas ei fuerit hac in re perinde in cæteris multis habuisse Discipulos, qui sic extraneè Magistri sui sensum interpretari præsumperint.

Tandem nisi Physica suos haberet fines, quos non licet transilire, transferri huc possent multa, quæ in Musica mathematica tractantur de sonis, eorumque tum differentiis, tum causis, tum proprietatibus, inter quas valde singulare est, quod probavit & expertus est Noster Merfennus sonos omnes esse æquitemporaneos & æquiveloces, ita ut ad certum spatii excurrendi terminum non ante perveniat sonus tormenti v. g. bellici majoris explosi, quàm moschetti. Neque minùs eruditum est quod rursus expertus fuit, sonum qualemcunque procul audibilem percurrere uno horæ secundo ducentas triginta hexapedas, ac proinde, si fortè sufficit ad hujus spatii excursionem, uno horæ minuto percurrere trecentas octoginta supra hexapedarum tria millia, & sic consequenter. Atque insuper satis illustrata sunt experimenta, quibus comprobatum fuit sonum neque accelerari prospero vento, neque retardari adverso, quamvis de cætero certum sit eum non tam longe excurrere ad partes, unde ventus exoritur, ad eundem modum, quo undulationes, quem jactus lapillus excitat in aqua præterfluente, ulterius excurrunt infra, quàm supra. Aut etiam illa, quibus innotuit sonum non pervadere vitrum ex toto continuum, quamvis pervadat illud divisum in areas quantumcunque interplumbatas, quia nimirum alveolares illæ interplumbationes semper aliquem transitum offerunt aëri, à quo sonus desertur. Et alia tandem id genus plurima sunt tum experimenta,

XII:  
Referuntur  
varie  
proprietates  
soni ex  
merfennio.

tum problemata, quæ apud Scriptores Harmonicos videri possunt; inter quos supremæ notæ est Merseus Noster, quem jam citavi.



# ARTICULUS VI.

## DE SENSU VISUS.

I.  
Qualiter  
visus sit  
species ta-  
ctus.



**Q**UÆ hætenus dicta sunt de sensibus ceteris tum internis; tum præsertim externis non parum iuvabunt ad intelligentiam eorum, quæ mox tandem occurrunt dicenda de visu. Atque ut hoc primum annotem, certum est visum non esse nisi singularem quemdam, sed præstantissimum tactum, qui ad effectum suæ sensationis omnino indiget immediata applicatione, sive incurfione corpuscularis alicujus effluvi, cujus activitas sit conveniens & proportionata suo sensorio. Quia enim visus, perinde ac sensus ceteri, corporeus est, nec dispositionem sentiendi habet, nisi corpoream, resultantem scilicet ex variis tum tunicis, tum humoribus, tum musculis, &c. utique ex toto corporeis, hinc convenienter affici non potest, nisi per activitatem corpoream, sive corpuscularem. Et rursus quia nulla est possibilis actio in distans, hinc pariter fit, ut corporea illa sive corpuscularis activitas non afficiat visum, nisi per conjunctionem cum ipso immediatam. Tum verò cum nihil occurrat assignabile, à quo visus immediate afficiatur præter lumen, fueritque à nobis alibi demonstrata corporea illius substantialitas, nihil nunc rationabilius potest asseri, quàm quòd visus ad effectum suæ sensationis indigeat immediatâ applicatione luminis in ipsum incurfentis, ad eundem utique modum, quo odoratus nullum odorem percipit, nisi propter immediatam applicationem & incurfionem effluvi cujusdam corpuscularis odoriferi.

II.  
Quæ sit  
inciden-  
tia, & re-  
flexio lu-  
cis.

At lumen dupliciter incurrit in oculum, scilicet vel directè, quando in ipsum rectâ immittitur à corpore luminoso, ut accidit cum erecto vultu Solem intuemur; vel indirectè, quando ipsum non attingit, nisi postquam reflûit ex corpore illuminato, in quod rectâ

inciderat

inciderat, ut accidit cum vulnere demisso terrestrem planitiem intuemur. Igitur si lumen incurrit directe in oculum, tunc nobis repræsentat corpus luminosum, & illud quidem ut plurimum sub specie coloris subalbi & emicantis; si verò incurrit indirecte, tunc nobis repræsentat corpus illuminatum sub specie alicujus coloris vel albi, vel nigri, vel rubri, &c. vel alterius ex illis inter sese mixtis compositi. Nec difficile redditur ratio hujus discriminis, quia corpuscula effluvi luminosi aliter feriunt oculum, quando in eum diriguntur ab objecto illuminante, & aliter quando in eundem reflectuntur ab objecto illuminato; ad eundem modum, quo alia est percussio pilæ rectè incidentis aut immixtæ, & alia pilæ ejusdem reflexæ.

Unde necesse est non solum, ut incidentia luminis efficiat in oculo sensationem diversam ab ea, quam reflexio ejusdem producit; sed præterea ut tam multipliciter diversa sit visiva illa sensatio, quàm multipliciter diversa est incidentia, aut reflexio luminis parce aut copiose, vehementer aut segniter, perpendiculariter aut oblique, &c. oculum invadentis. Hinc nascitur incredibilis illa varietas colorum, quos oculus apprehendit, & ad quam non parum concurrat ejusdem contemperatio taliter diversa, ut sicut de gustibus v. g. non semper convenitur inter homines, ita nec conveniatur de coloribus, qui pulchri aut sœdi, fulgidi aut subobscuri, grati aut ingrati plus minusve reputantur. Nec omitto maxime etiam pendere sensibilem illam colorum diversitatem à diversis refractionibus, quas lumen patitur pertransendo diversa media, uti aërem, aquam, vitrum, & alia id genus. Tum verò quæ & quales sint refractiones illæ satis dictum est in disputatione de lumine & colore, ubi quæcunque de utroque ostensa sunt, pertinent ad materiam hujus notitiam; quare opto ut relegantur.

Deinde si bene ad naturam luminis attenditur, quam probatum fuit loco citato esse igneam, sub utroque respectu spectari potest calefactivi & illuminativi. Ac sub *priori* quidem sensus omnes externos afficit, quos utique, si modicum est, suo calore fovet; aut vitiat, si est immodicum: sub *posteriori* autem non afficit, nisi visum, idque propter singularem illius dispositionem ac contemperatorem organicam coalescentem ex variis tunicis, humoribus, muleulis, carunculis præter plures minores venas & arterias ramulosque intertextos nervi optici, quo uterque oculus cum cerebro colligatur. De quibus omnibus utique spectantibus ad artem anatomicam tantum obiter dico notabiliores tunicas seu pelliculas, quibus oculus convestitur, esse tres, scilicet *corneam*, quæ anteriorem

III.  
Hinc procedit colorum varietas.

IV.  
Quale sit organum visus.



oculum contegit cæterisque est pellucidior, & paulò durior ad oculum ab externis injuriis eximendum, obtinetque, ut putant, aliam sibi adnatam albugineam, qualis inde oculi circumambit. Ac deinde *uvam*, quæ quidem licet ad partes oculi anteriores versicolor, ad posteriores tamen est opaca ac nigra & in medio habet foramen, cui crystallinus humor inferitur, non aliter quàm crystallinæ lentes inferi soleant extremis orbibus conspiciolorum, vocaturque foramen illud *pupilla*, quam experimur in maligno ac nimio lumine contrahi, in benigno autem & modico dilatari. Tum denique *reticularem*, quæ convestit fundum oculi, & ad instar telæ aranæ intertextitur ex innumeris ramulis & capillamentis nervi optici.

V.  
Continuat  
ur expo-  
sitiō istius  
organi.

Humores etiam magis præcipui seu distinctius notati tres sunt; *aquens* effusus inter anteriorem tunicam & anteriorem; *visrens* inter anteriorem & posteriorem; ac tum *glacialis* sive *crystallinus*, qui ad instar lentis perpolitæ complet hiatum orbicularem tunicæ interioris, scilicet *uvæ*, quæ media est inter corneam & reticularem. Musculi verò, quos intellige ad instar producibilium ac retrahibilium filamentorum, observantur septem; ac necessarii quidem pro totidem generibus motuum, quibus totus ocularis globus attollitur deprimiturque verticaliter & oblique, sicut etiam volvitur versùs nares, aut tempora, aut desigitur in obtutu. Neque desunt cuilibet oculo carunculæ, sive glandulæ: una ad nares, quæ est conspicua; duæ verò supra & infra internam oculi conglotationem, cui molliter irrigando voluit Natura ut inservirent perinde ac plures venulæ & arteriolæ, quæ sunt per contexturam illius interiectæ. Sed præsertim observabiles sunt bini illi nervi, qui ex binis oculis prodeuntes versùs cerebrum non ante illud attingunt, quàm inter se sint coadunati: quæque coadunatio efficit, ut objecta non videamus duplicata, sed solitaria, nisi fortè in situ violento oculi statuantur; sicut etiam ut non possit moveri oculus unus sine altero; ut neuter sine alterius concursu exquisitè percipiat veram objecti visi distantiam; & tandem ut alia id genus multa circa sensationem visivam contingant, de quibus ex professo agunt Mathematici Optici.

VI.  
Exponitur  
modus  
physicus,  
quo fit  
visio.

Ex his omnibus sic digestis non erit jam valde arduum eruere modum, quo peragitur visio. Siquidem corpuscula qualiacunque luminosa, quoties incurrunt in oculum, non tantùm superficiem illius utcunque feriunt; sed insuper necesse est ut illum pervadant, ideoque perveniant ad illius fundum, id est, ad retinam, quæ prout ex multiplicibus tenuissimis, mobilissimisque nervi optici ra-

multis intertexta pervasionem prædictam excipit & exceptam communicat nervo optico, qui tandem illam transfert ad sensum communem, in quo completur visio. Hujusmodi autem motiones per invasionem luminis retinæ impressas multò faciliùs adhuc intelliges, cum tibi libuerit experiri non parum illustre illud spectaculum, quo si intra cubiculum obscuratum opponas chartam nitidam foramini modico fenestæ occlusæ, videbis super eam depictas imagines visibilium externorum; ac tum quoque fulgidiores, si prædicto foramini crystallinam lentem inferas. Sic quippe faciliè intelligitur non aliter externorum obiectorum simulacra depingi in oculi fundo per tunicam uveam obscurato, nimirum ob vim luminis pupillam pervadentis & pervenientis ad retinam, quàm suis pulsibus commovet. Qualia etiam simulacra videre est depicta in fundo oculi v. g. bovis recentè extracti & inutilibus à tergo relictis apppositi ad lucem. Illi itaque luminis pulsus, qui retinam feriunt, efficiunt visionem & independenter quidem ab imaginibus, quas dicebam appictis; perinde enim visionem efficerent, quamvis istas non haberent secum conjunctas; siquidem sensus communis, in quo toties dictum est sensationem omnem compleri, tales imagines non obtinetur; sed verè mediantibus nervis opticis afficitur certis quibusdam motuunculis, quarum perceptio est visio ipsa.

Quia verò vis luminis visoriam retinam offenderet, nisi incurreret temperata, idcirco mecum adverte Lector mirum illud artificium Naturæ, quæ intra ocularem conglobationem plures humores providit, à quibus efficitur luminis incurrentis refraction, ideoque & moderatio. At quia neque hæc moderatio sufficeret, si continuus esset incurfus luminis, idcirco eadem Naturæ providentia obtexit oculos papillis, quæ suâ demissione vim illius omnem effringant sive interrumpant cum opus fuerit. Simul etiam opto, ut mecum observes quàm bene quadrent cum dictis hæcenus de vi corporea luminis incurrentis læsiones illæ & incalcfactiones, quæ in oculis accidunt ex diuturniori ac pertinaciori obtutu alicujus objecti: susceptio enim & intromissio nimii luminis incalcfactionem illam faciliè creat, quin & creare potest excæcationem: adest quippe in nimio lumine, seu nimis intenso, non solum vis calefactiva, sed insuper combustiva, ut patet ex radiis Solaribus, qui ex speculo concavo reflexi urunt in puncto reflexionis communis, seu in vertice coni luminosi, ut Mathematici loquuntur. Quamquam insuper ad prædictas læsiones aliunde concurrunt defectiones spirituum vitalium, qui per visionem diuturniorem ac similiter pertinaciori exauriuntur. Tum

VII.  
Qualiter  
motio lu-  
cis attem-  
peretur.

verò sicut de singulorum sentium externorum objectis dixi supra quid sentiam quoad eorum tum realitatem, tum activitatem; ita id ipsum de objecto visus nunc præstare, nisi eo me labore sublevaret prolixa illa disputatio, quam in priori parte Physicæ institui, & ad quam patere tandem benigne Lector, ut iterum te remittam.

VIII.  
Quid sit  
sentien-  
dum de  
speciebus  
objecti-  
vis.

Tantum addo nihil mihi unquam visum fuisse fictitius, quàm quod Aristotelici vulgò tradunt de speciebus seu similitudinibus objectivis, asserentes visionem v. g. (& idem de sensationibus aliis externis. intellige) non aliter fieri, nisi quatenus objectum visum ope luminis veluti vehentis transmittit in oculum nescio quam accidentalem & à se productam similitudinem sui. Namque ut omittam innumeras rationes, quæ traditionis & assertionis illius fictionem faciliè improbarent, certum est nullius objecti quidquam videri præter nudam extremam superficiem, quæ cum, præcise ut nuda & extrema est, indivisibilis sit, nihil habet proinde, quod ex se ipsa depromat transmittatque in oculum. Præterquamquod cum nihil intelligibile sit, quod similitudinem habeat cum partibus rotundis v. g. aut acuminatis, aut planis, aut continuis, aut per poros interceptos disjunctis, &c. à quibus superficies non distinguitur, præter partes consimiliter rotundas, aut acuminatas, aut planas, &c. quomodo potest superficies visa transmittere ullam sui similitudinem?

IX.  
Tales spe-  
cies non  
conveni-  
rent ocu-  
lo.

Tum etiam quia similitudo transmissa non potest afficere oculum; nisi cum illo conjungatur & coæquetur, quomodo conjungi & coæquari eum oculi parvitate poterit similitudo spatiosi alicujus v. g. præti; hæc quidem similitudo, si vera & adæquata est, obtinebit non inæquales dimensiones? Nisi fortè dicatur pratum illud ad efformandam similitudinem sui novisse artem illam pictoriam, quæ tabellæ à majoribus dimensionibus ad minores coarctantur, & sic coarctare suam eo fine, ut transmittat facilius. Ac tandem si pratum illud, ut contingit verno tempore, præbeat se spectabile simul cum innumeris florum generibus in ipso virescentium, haud dubiè flores singularem sui similitudinem mittunt, ut nimirum ex his omnibus similitudinibus una totius præti similitudo proveniat. At quomodo non se interturbabunt similitudines illæ, ac præsertim si ventus vehemens intercurrat; aut unde ipsis nota est via brevior, per quam collineent omnes ad oculum alicujus spectatoris in hoc aut in alio loco constituti: aut unde norunt tunc temporis adesse spectatorem, vel etiam plures ad hoc ut scilicet in diversas partes transmitti prædictæ similitudines possint?

Nisi insuper dicatur similitudines illas momentis singulis & in singulas circumquaque partes assignabiles mitti : at si ita est, perinde viderentur in tenebris, aut si defectu luminis non vehuntur, producentur saltem ; sed quò abibunt jam productæ ? Itaque fictitiæ sunt species illæ visibiles objectivæ, & idem dic de gustabilibus, de odorabilibus, &c. quæ omnes, quamvis de cætero possibiles forent, essent prorsus inutiles ; nam ad gustum v. g. efficiendum haud dubie sufficiunt sales rerum gustabilium, & ad odoratum pariter sulphura rerum odorabilium, sicut ad auditum sonoræ aëris undulationes, & ad visum modificatæ luminis incurSIONES, & ad omnem generaliter loquendo tactum ipsæ rerum tactilium applicationes. Et hæc de visu dicta sunt satis.

X.  
Et visio  
fieret pe-  
rinde in  
tenebris.





# DISPUTATIO QUARTA

## DE ANIMA RATIONALI.

**P**LURIMA, quæ ad animam rationalem spectant, & in Scholis tractantur, ita ordinate concinnabo, si Deus juverit, ut complectar intra articulos quatuor subseqentes. In *primo* inquiretur an & quid sit anima rationalis, in *secundo* utrum anima rationalis sit immortalis, in *tertio* an omnes animæ rationales sint æqualiter perfectæ, & in *quarto* denique etiam investigabitur quæ & quales sint potentiz animæ rationalis, & qualiter condistinctæ ab invicem.

---

## ARTICULUS I.

### AN ET QUID SIT ANIMA rationalis.

I.  
Anima  
non tra-  
ducitur  
feminali-  
ter.

**N**OTANDUM est multiplices in veteri Philosophia fuisse circa Animam rationalem errores, inter quos valde notabilis est *prior* ille, quo præsumptum fuit ipsam simul cum corpore, quod informat, produci, ideoque traduci feminaliter unius ejusdemque viâ generationis; & hic *posterior*, quo creditum est omnes unâ ac communi creatione productas

perinde ac Angelos fuisse ab initio; atque ita deinceps in alia & in alia corpora transmigrare, ad quæ de cetero inhabitanda fixerunt illas damnatas fuisse in pœnam alicujus sceleris, quo cœlestia terrestribus postposuerint paulò post unam ac communem omnium creationem. Verùm quamvis errores isti celeberrimos sectatores habuerint, nullà tamen probabilitate vel modicâ fulciuntur. Quântum enim ad *priorem*, à quo audio non immunem fuisse Tertulianum, quid improbabilius, quàm posse animam corpoream esse rationis participem, aut si incorporea fuerit, generabilem esse? idque à nobis postmodum demonstrabitur, neque posse ratiocinium competere nisi enti spiritali; neque posse eas spiritali, nisi creatione produci.

Quoad *posteriolem* verò, quem constat propugnatum fuisse à Pythagora, Platone, Origene, &c. gratis omnino fingitur scelus illud antiquum & commune, in cuius pœnam providerit Deus humana corpora progigni, & ab illis animabus reis inhabitari; aut si non ad illa inhabitanda damnatæ sunt, sed simpliciter ordinatæ, quid inutilius vel inverisimilius, quàm eas creati antecederent ad suorum respectivè corporum productionem? sicut nihil intricatius est, quàm decantatæ illa metempsychosis, sive transmigrationis, quæ supposita nisi numerus idem corporum humanorum ab initio fuerit & deinceps perseveret, non intelligitur qualiter animæ omnes similis ac communis criminis conscientia similes ac communes pœnas sustineant. Ne præterea addam quântum à fabulosa illa transmigratione discordet Sacra Scriptura, quæ toties inclamat suam unicuique homini inesse animam, aut præmiandam, aut puniendam, prout se bene aut male gesserit. Quid igitur si quædam anima ex uno corpore in aliud transmigraret, gereretque se bene in uno, male in altero, annon oporteret eam simul præmiari & puniri, quod est impossibile? Mitto cætera Theologica argumenta, quæ cuivis faciliè in mentem veniunt: sicut etiam nec commemoro figmenta sive Manichæorum, qui in singulis hominibus animam duplicem, unam bonæ, alteram malæ indolis posuerunt; sive aliorum, qui unicam in hominibus omnibus animam opinati sunt præsidere. Quibus itaque prætermisissis stabiliamus animæ rationalis immaterialitatem in assertionem sequente.

II:  
Neque sic  
animarum  
transmi-  
gratio.

## ASSERTIO UNICA.

*Anima rationalis est immaterialis : atque ita solâ  
creatione produci potest.*

III.  
Arguitur  
ex cogni-  
tione re-  
tum uni-  
versalium

**P**ROBATUR *primò*. Anima rationalis talium operationum capax est, qualium est prorsus incapax substantia quæcunque materialis, & quantumlibet cæteroquin perfectâ: ergo &c. Probatur antecedens. Anima rationalis cognoscit & appetit res abstractas, & universales, & tandem immateriales: sed talium tum cognitionum, tum appetitionum est incapax substantia quæcunque materialis, & quantumlibet cæteroquin perfectâ: ergo &c. Major satis constat quotidianâ hominum experientiâ, ac toties repetitâ, quoties cogitatione & affectu feruntur in Deum & in illius beatitudinem, beneficentiam, misericordiam, &c. vel etiam quoties cogitant, scribunt, colloquuntur de Angelorum natura, de excellentia Virtutum, de eminentia Scientiarum, &c. minor autem non difficilè probatur. Quia res abstractæ, universales, & immateriales nullam habent sensibilitatem corpoream, uti nullam tangibilitatem, nullam odorabilitatem, &c. qualem utique supra explicuimus per motionem impressam sensibus ab objecto sensibili, vel immediate per se ipsum, vel mediate per corpuscula à se compulsâ, aut emissâ. At substantia quæcunque corporea non est apta affici, nisi per motiones impressas corporeas; præsertim verò in ordine ad sensationem, quæ nihil est, nisi quædam exceptio ac simul perceptio motionis proportionatæ. Ergo nulla est substantia materialis vel quantumlibet perfectâ, quæ sive cognoscere, sive appetere possit res abstractas, universales & immateriales, quales & qualiter eas tum cognoscit, tum appetit Anima rationalis, quæ proinde immaterialis est, ut assertum fuit.

IV.  
Arguitur  
rursus ex  
cognitione  
reflexâ.

PROBATUR *secundò*. Non tantum homines perinde ac cætera animalia sentiant, id est, audiunt, vident, dolent, &c. sed insuper suas istas sensationes tum externas, tum internas agnoscunt per reflexionem, quâ possunt eas avertere, aut iterare, spernere, ordinare, moderari, &c. Atqui hæc reflexio non potest fieri, nisi ab Anima, quæ sit prorsus immaterialis. Ergo &c. Major certa est: nunquid enim non tantum videmus, sed advertimus nos videre;

non.

non tantum imaginamur, sed advertimus nos imaginari; non tantum dolemus, sed advertimus nos dolere? Ac tum consequenter ad istam animadversionem plurima nunquid gerimus pro sensationibus illis vel advertendis, vel iterandis, &c. coherenter ad voluptatem, aut molestiam, quam in nobis procreant? Probatur minor. *Primò.* Quia experimentaliter notum est sensus nostros corporeos ex eo quod sint pure corporei, nullam habere cognitionem reflexam suarum sensationum, siquidem oculus v. g. videt quidem, sed non videt se videre; & auris audit, sed non audit se audire, sicut etiam sensus communis, ad quem sensationes externæ omnes, ut dictum est, transferuntur, eas quidem percipit, at non percipit se percipere; id verò non aliunde provenit, quam ex eo, quod isti sensus tam interni, quam externi sint materiales. *Secundò.* Quia sensus pure corporeus non potest obtinere aliam sensationem, nisi quam in eo efficit objectum sensibile corporeum.

At tale objectum non potest efficere in eo cognitionem reflexam, quatenus scilicet non agit influitque in eum, nisi modo unico, quo illum afficit in ordine ad unam ac simplicem sui cognitionem, minimè verò ad cognitionem sui reflexam, sive reduplicatam: alioquin in singulis objectis corporeis sensibilibus admitenda essent duo genera actionum, per quas primò concurrerent ad efficiendam in sensu corporeo cognitionem sui, ac secundò ad efficiendam cognitionem præcedentis cognitionis: quod est evidenter impossibile. Ergo sensus pure corporeus non est capax cognitionis reflexæ, ideoque nec anima corporea sive materialis. Ergo denique, ut erat probandum, reflexio illa, quam ad libitum homo multiplicat super suas tum cognitiones, tum appetitiones, non potest fieri, nisi ab anima, quæ sit prorsus immaterialis: & hæc est Anima rationalis, quam propugnamus immaterialem.

Atque hinc jam satis intelligitur discrimen specificum, quod est inter Animam hominum rationalem, & animam brutorum irrationalium ex hoc solo pendere, quòd hæc sit incapax, illa verò sit capax reflexionis super suas respective operationes: quandoquidem si anima brutorum non potest, ut dixi, super suas operationes cognoscitivas reflectere, nec poterit eas ordinare, neque componere, neque dividere, neque revocare, nec alias cum aliis comparare, &c. At in istis omnibus consistit ratio, ex quibus tum consequitur præstantissima illa facultas, quæ in homine est, operandi libere & moraliter tantò evidentius convincens Animam, cujus facultas est, non esse materialem, sive carnalem, quantò frequen-

V.  
Nec objectum corporeum potest illam causare:

VI.  
Hinc patet discrimen Animæ rationalis à sensitiva



tius Homo propter illam spernit leges, suasiones, oblectationes carnalis concupiscentiæ. Igitur immaterialitas, ac proinde etiam rationalitas Animæ humanæ optimè demonstratur per eam prærogativam reflexivam, quæ in hominibus adest: & in brutis deest.

VII.  
Hæc tamen habet  
ferè reflexionem  
æquivalentem.

Nihilominus vacuum ac superfluum non erit obiter annotare operationes brutorum sensitivas esse adeò perfectas intra ordinem cognitionis materialis, ut non procul accedere videantur ad perfectionem cognitionis immaterialis, siue reflexæ: sæpe enim bruta sic se gerunt in multis, ut non se convenientius gererent & oportunius ad intentos fines, etsi super operationes suas reflecterent. Quod in causa est, cur quamvis ob rationes præallatas non possit tribui brutis reflexio formalis, ac multò minùs virtualis, quæ perfectior est formali, tribuenda tamen aliqua videatur accessoria, & utcumque æquivalens. Neque id à me dictum miraberis, si attendas ad illud vulgare axioma, *Supremum infimi attingit infimum supremi*, quod verificatur tum in illis lapidibus, in quibus est aliqua species vegetationis, tum in iis plantis, in quibus deprehenditur quædam species sensationis: quo pacto mixtio perfectior proxime accedit ad vegetationem, sicut vegetatio perfectior ad sensationem. Quare igitur non poterit perfectior sensatio accedere ad rationem? vel certe in hunc modum, quo ratio humana, quò perfectior est, eò magis accedit ad intellectionem Angelicam, & hæc ad comprehensionem Divinam.

VIII.  
Opponit  
quòd Anima  
non  
cognosceret  
res materiales.

Objicies *primò*. Non minor est improporatio objecti materialis ad potentiam immaterialem, quàm objecti immaterialis ad potentiam materialem; atqui hinc sequitur Animam rationalem non esse immaterialem: ergo &c. Major est evidens ex terminis; minor autem sic probatur. Supposità simili illà improporitione si non potest potentia materialis attingere objecta immaterialia, non poterit proinde potentia immaterialis attingere objecta materialia: sed Anima rationalis attingit, siue cognoscit objecta materialia: ergo hinc sequitur Animam rationalem non esse immaterialem. Vel si id non recte sequitur, explicetur inexplicabilis modus ille, quo objectum materiale substantiam immaterialem movere possit ad cognitionem sui; neque enim movere potest, nisi per motum corporeum, hic verò, ut patet, est insufficientis. Ergo &c.

IX.  
Et addunt,  
licet esset  
immaterialis.

Adde quòd ad hoc maxime præsumitur Animam rationalem esse immaterialem, ut explicetur qualiter cognoscat objecta immaterialia; quasi verò hæc cognitio ex immaterialitate consequatur: atqui im-

materialitas nullum jus tribuit ad hanc cognitionem, ut patet *primò* quia immaterialitas juxta suum formalem conceptum nihil importat, nisi carentiam partium; ac *secundò* quia Theologi agnoscunt varia genera entium spiritualium, videlicet gratiarum, donorum, habituum, &c. supernaturalium, quibus tamen nullam tribuunt cognitionem, si-  
ve potentiam cognoscendi. Ergo &c.

Resp. negando absolute majorem, quæ nullam de cætero verisimi-  
litudinem habet, nisi spectatis præcise terminis prout sonant; sed so-  
nus nihil confert ad sensum, qualis in adducta propositione non mi-  
nùs fallax est, quàm v. g. in ista. Non minor est impropor-  
tio minimi ponderis ad vires maximas, quàm ponderis maximi ad vires minimas:  
ita ut sicut ex ista propositione non potest inferri insufficientes esse vi-  
res maximas ad minimum pondus, propterea quòd insufficientes sint  
vires minimæ ad pondus maximum; neque etiam ex illa inferri possit  
insufficientem esse potentiam immaterialem ad objecta materialia,  
propterea quòd insufficiens sit potentia materialis ad objecta immate-  
rialia. Et ratio evidens est; quia potentia, quæ est immaterialis, ultra  
perfectionem quam continet formaliter, continet etiam virtualiter  
perfectionem inferiorem potentie materialis: sicut generaliter in om-  
ni ente perfectiori continetur virtualiter perfectio alterius entis mi-  
nùs perfecti: & inde est ut potentia immaterialis dispositionem innatam  
habeat, qualiscunque interim hæc sit, pro percipiendis objectis  
materialibus perinde ac immaterialibus. Dispositio autem illa innata,  
ut id obiter dicam deinde fusiùs explicandum, in hoc consistit, quòd  
potentia, siue anima immaterialis sit apta moveri motu intentionali,  
per quem id totum præstat, quod potest præstare potentia materialis  
per motum localem corporeum, siue impressum ab objecto extrinse-  
co, siue in se ipsa expressum.

Ad id verò quod additur, respondeo breviter vim facti à nobis  
argumenti demonstrativam, quam dissimulat Adversarius, non esse  
in hoc positam, quòd ex immaterialitate Animæ rationalis arguatur  
cognitio, quæ in ea est objectorum materialium; sed versà vice ar-  
guatur immaterialitas, quæ erat probanda, ex prædicta cognitione.  
Quapropter siue immaterialitas cognitionem illam secum importet si-  
ve non, ex suo conceptu formali, quod utique nihil interest ad pro-  
positum; at certum tamen ex cognitione objectorum immaterialium  
recte argui immaterialitatem potentie objecta illa apprehendens.  
Unde patet vim nullam esse instantie hujus propositæ adversùs nos-  
tram assertionem.

X.  
Sed nega-  
tur pari-  
tas, quam  
adducunt.

XI.  
Et reflexio satis  
probat im-  
materiali-  
tatem.

XII.  
Opponit  
quod im-  
materiali-  
tas non fa-  
tis probe-  
tur.

Obijcies *secundo*. Potissimum argumentum, quod ad probandam Animæ rationalis immaterialitatem profertur, illud est, quod desumitur ex reflexione, quâ homo operationes suas non solum sensitivas; sed etiam intellectuales agnoscit, ordinat, comparat, & alia id genus præstat plurima, quorum incapax censetur anima materialis: sed argumentum illud ad intentam probationem est inefficax: ergo &c. Major conceditur; minor verò sic probatur. *Primo* quia reflexio intellectiva non est altioris ordinis, quàm ipsa intellectio: quapropter si intellectio non probat sufficienter immaterialitatem Animæ rationalis, nec reflexio sufficiet ad id ipsum; ergo gratis adducitur reflexio ad probandam immaterialitatem, de qua agitur. *Secundo* quia sicut intra ordinem materiale datur sensus communis, qui agnoscit operationes sensuum externorum, licet non agnoscat suas, ita nihil vetat, quin detur alius sensus perfectior v.g. intellectivus, qui agnoscat operationes sensus communis; quin & alius adhuc perfectior, qui agnoscat intellectiones. Ergo hoc pacto non probatur sufficienter immaterialitas Animæ rationalis ex iis cognitionibus reflexis, quas exercet in homine.

XIII.  
Et addunt,  
quod nec  
satis concipitur.

Adde quod si bonâ fide certatur circa hanc præsumptam Animæ rationalis immaterialitatem nemo est, qui non fateatur se neque immaterialitatem illam concipere, neque proinde concipere modum, quo illa sit aptior ad reflexiones supra dictas, quàm materialitas substantiæ alicujus in hunc effectum à Deo selectæ. Et hæc, ut opinor, occasio fuit plerisque Sanctis Ecclesiæ antiquis Patribus opinandi Animam rationalem esse materiale, verum purius, pulchrius &, ut verbo dicam, selectius, quàm corporeas substantias cæteras; qualem, sed adhuc multò selectiorem compositionem censebant attribuendam esse Angelis. Igitur nulla est sufficiens ratio, quâ convincatur Animam rationalem esse immateriale.

XIV.  
Sed ostendit  
ur suffici-  
entia proba-  
tionis.

Resp. & concessâ majori nego minorem, pro cujus duplici probatione solvenda dico *primo* sufficienter quidem probari Animæ rationalis immaterialitatem ex intellectione, quâ prædita est; ac præsertim ex tali intellectione, quâ non tantum objecta singularia, sed insuper abstracta & universalia concipit. Verum quia reflexio majorem adhuc arguit independentiam à materia, capropter potissimum vim facimus in hac reflexione, quando offertur demonstranda immaterialitas animæ, scilicet rationalis, cui certum est & indubitatum reflexionem supra dictam competere. Tum *secundo* adpicio non solum repetiri in homine cognitionem, quâ operatio-

nes suas tum sensitivas, tum intellectivas percipit; sed rursus superiorem aliam & aliam sine ulla limitatione, quæ vim reflectendi coerceat. Et hæc illimitata reflexio maxime probat immaterialitatem Animæ rationalis, quia probat illius independentiam à materia, talem utique, ut possit Anima sese & intra se ipsam movere motibus quibusdam intentionalibus, sive, quod idem est, cogitationibus, quibus cæteras agnoscit, ordinat, comparat, &c. quæ in ipsam adveniant ex consortio, quod habet cum corpore.

Atque ut id paulò clariùs explicem, nullus est sensus corporeus, qui in ordine ad suam sensationem movere se ipsum possit tali motu, quo sensationem suam efficiat independentem ab aliqua adventitia, sensibili compulsionc. Igitur si res ita se habet, prout compertum est v.g. in visu, qui visionem nullam elicit, nisi dependenter ab incurfu luminis, quod emittitur, aut reflectitur ab objecto visibili, si res, inquam, ita se habet, nunquid necesse est, ut asseratur sensum illum, qui independentem ab ullo incurfu materiali movet se ipsum advertendo, ordinando, &c. sensationes inferiores, esse incorporeum: talis autem est sensus reflexivus. Quapropter quavis intellectio humana perinde ac visio vel imaginatio esset corporea, ac impossibile est corpoream esse reflexionem, quæ, ut dictum fuit, sensus omnis reflexivus movet se independentem ab omni objecto corporeo, quod potest quidem sollicitare & ingerere cognitionem sui, ac nec sollicitare, nec ingerere potest cognitionem cognitionis sui, id est, cognitionem sui reflexam.

Ad id verò quod additur, fateor à nemine quidem, ut puto, concipi clare & distincte immaterialitatem hanc, quam propugnamus; sed ad eam propugnandam contendo necessarium non esse, ut clare ac distincte concipiatur; satis quippe est ut quomodocunque concipiatur dummodò certum aliunde & demonstratum sit non posse intellectiones Animæ, præsertim reflexiones, esse cum materialitate ejusdem conjunctas: sicuti ad propugnandam Dei infinitatem, quam nemo satis concipit, satis est si intelligitur Deum non esse finitum, quod est intelligere infinitatem Divinam negatives; qualiter quoque intelligitur prædicta immaterialitas Animæ rationalis. Neque contra hanc immaterialitatem quicquam obstat auctoritas eorum Patrum, qui in Animabus rationalibus perinde ac in Angelis admisserunt aliquid corporeæ complexionis; quia scilicet aut id sine assertione opinati sunt, aut non asseruerunt, nisi coherentem ad principia Philosophica, quæ sequebantur; sed quæ non erant infallibilia. Denique quis ille est, qui neget Deum esse

XV.  
Et additur  
probatio  
petita ex  
sensibus.

XVI.  
Nec in  
hoc requi-  
ritur sum-  
ma evide-  
tia.

immaterialem, quamvis hujulce immaterialitatis non habeat germinam ac claram speciem? At si Deus est immaterialis, non video cur hanc suam perfectionem non possit perinde ac cæteras creaturis quibusdam suis communicare: & hoc pacto nullam repugnantiam adverte in hoc, quod asseritur Animam rationalem esse immaterialem.

XVII.  
Qualiter  
nomen  
*anima* sit  
nomen of-  
ficii.

Cùm jam ex dictis constet Animam hominis esse in se ipsa substantiam immaterialem ac rationis participem, subjungo nomen illud *anima*, quod huic substantiæ immateriali, & simul rationali tribuitur, non utique esse naturæ nomen; sed officii, quod exequitur in regendo, servando, & movendo humano corpore sive, quod idem est, in animando, aliter informando: unde fit ut illa eadem substantia vocetur *anima*, sive etiam forma corporis humani. Cùmque aliunde hinc compareat Deum substantiam illam ordinasse ad constituendam simul cum corpore quasi cum altera cumparte unam totalem & integram hominis complexionem, eapropter solemus illam ipsam concipere ad instar substantiæ incompletæ, sive partialis, & ex sua propensione naturali tendentis ad unionem cum corpore: quamvis non minus in se ipsa obtineat perfectionem entis completi, quàm alia substantia quævis immaterialis, uti Angelica. Idque satis intelligitur ex eo, quòd donec est in corpore, suam ab illo non mutuatur subsistentiam, & eandem tuetur post illius interitum perinde fruens omnibus dotibus ac privilegiis suæ naturæ, quin & multò sublimius, quàm dum corpus inhabitat. Quando enim corpus inhabitat, pendet in plerisque suis operationibus à consortio sensuum eorumque temperamento, quod proinde cùm non sit convenientis aut ejusdem activitatis cum Anima, vim rationalem illius minuit, lædit, & aggravat. Unde accidit tum illa pigritia & mollities, cui se homo in prosequendis scientiis ac virtutibus experit obnoxium, tum illa indecens oblectario, quâ se finit pertrahi ad operandum juxta legem ac consuetudinem concupiscentiæ, quæ est in sensibus, quorum scilicet activitas non propendit in ea genera actionum, quas Anima deberet præligere.

XVIII.  
Qualiter  
Anima  
pendeat  
in operationibus  
suis à corpore.

De cætero circa prædictam Animæ inhabitationem valde observandum est, qualiter Deus illam ex servitute & dominio temperavit: nam ut in multis Anima pendet à corpore, sic in multis corpus pendet ab Anima. Atque ut paucis explicem reciprocam istam contemperationem hinc servitutis, hinc dominii, dico Animam à corpore pendere in plerisque suis operationibus intellectivis, quas uti-

que tanto perfectius exercet, quanto perfectior est dispositio organica corporis, ac præsertim cerebri, quod proxime deservit exercitio huiusmodi operationum; idque experimentaliter notum est, quatenus vel ob levissimam cerebri læsionem ratiocinium deficit, & quandoque in delirium, aut in stultitiam commutatur. Sicut etiam aliunde certum est cognitionem omnem rationalem pendere directe, aut indirecte ex prævia aliqua sensatione corporea; quidquid enim Anima cognoscit, id utique cognoscit aut intra ordinem materiale per species proprias, quæ non perveniunt ad intellectum, nisi per viam sensus corporei; vel intra ordinem immateriale per species alienas, id est, per assimilationem cum speciebus alienis corporeis; & sic sensatio prævia vel est causa, vel est saltem occasio consequentis intellectionis: ita ut si quæ in Anima est operatio intellectiva independens à corpore, illa utique est reflexio, quæ suas intellectiones considerat, ordinat, comparat, &c.

Et capropter dixi Animam pendere à corpore, in *plerisque* suis operationibus intellectivis; quia prædictæ reflexiones aut nullatenus, aut ita parum dependent, ut merito pro independentibus reputentur, perinde ac determinationes illius liberæ, prout utique sunt liberæ, pertinentque ad ordinem honestatis moralis. Tum ex alio capite corpus in multis suis motibus pendet ab Anima, ut experientia constat motus v. g. localis, quo homo ad nutum suæ voluntatis transfert se huc arque illuc. At non pendet in omnibus, cum non pauci confurgant involuntarii, quos anima cohibere non potest; nec pauciores alii sint, quos non concitat, aut non moderatur ad libitum; idque, ut puto, totum provenit ex dispositione corporis organica, quam Deus sic emollivit, inflexit, contemperavit, ut certis ac quibusdam motionibus seu impressionibus intentionalibus appetitionis humanæ obtemperet, sinatque se compelli, ut opus est, ad exercendos motus solitos; cæteris autem resistat, ad eundem modum, quo intra machinam aliquam prægrandem adsunt aliquæ partes, quas posset quis levi manu at tollere, & aliæ quas nullo conatu posset vel tantulum dimovere, aut propter ipsarum pondus, aut propter contexturam, aut propter concatenationem cum aliis firmiorem.

XIX.]  
Sed non  
quantum  
ad opera-  
tiones re-  
flexivas.



# ARTICULUS II.

## UTRUM ANIMA RATIONALIS SIT *immortalis.*

I.  
Quæ sit  
immorta-  
litas, de  
qua agi-  
tur.

**P** RÆNOTANDUM est immortalitatem Animæ rationalis satis evidenter consequi ex immaterialitate ejusdem hæcenus stabilita; nihilominus non superfluum erit, si pro veritate hujus momenti paulò evidentius confirmanda ulterius quædam probatio conquiratur. At interim adverte obiter per immortalitatem deinceps propugnandam non intelligi absolutam indestructibilitatem; potest quippe Anima, perinde ac quævis alia res creata, destrui sive annihilari à Deo, qui solus proinde in hoc sensu absoluto est immortalis, ut scribit Apostolus ad Timotheum; sed intelligi relativam, sive talem, quæ sit opposita mortalitati rerum materialium, quas contingit interire per separationem mutuam partium, ex quibus coadunatis componebantur. Quapropter tota quæstio ad hoc reducitur, utrum intereat anima ad instar corporis, ita ut postquam homo excessit è vivis perinde vera sit & verificari possit non-existentia utriusque. Neque nisi intra limites Physicos hæc eadem quæstio à me tractabitur; siquidem intra Theologicos difficultatem nullam patitur, cum nulla sit in Sacris libris pagina ac ferè linea, quæ hanc Animæ immortalitatem non edoccat.

### ASSERTIO UNICA.

*Anima rationalis est immortalis.*

II.  
Arguitur  
ex immu-  
tabilitate  
sensibili.

**P** RØBATUR primò. Illud est immortale, cujus constitutio naturalis à nullo agente creato immutari potest, aut ullatenus viciari; atqui naturalis constitutio Animæ rationalis à nullo agente naturali

naturali immutari potest, aut ullatenus vitiari: ergo &c. Major satis constat ex terminis attente consideratis; siquidem mors accidere non potest sine notabili immutatione quæ adveniat constitutioni, aut aliter temperiei substantiæ, quæ mortalis dicitur. Quare si nulli hujus generis immutationi obnoxia esset substantia corporea sive hominis, sive leonis, &c. nunquid pro immortali reputaretur? Minor autem sic probatur. Tum quia nullum agens creatum ullam in quovis subjecto immutationem efficere potest præter localem, qualis est aut conjunctio, aut separatio, aut transpositio, aut coæquatio, &c. sicut sæpius probatum fuit: at certum est Animam rationalem, immaterialis cum sit ex articulo præcedente, nullam ejus generis posse subire in se ipsa immutationem localem, quæ utique supponit in subjecto mutabili partes mobiles, id est, conjungibiles, separabiles, &c. Tum etiam quia agentia creata nullam in suis subjectis immutationem efficiunt, nisi qualein fieri exigunt qualitates ipsorum hinc passivæ, illinc activæ, quales sunt caliditas, frigiditas, siccitas, &c. at nullæ sunt qualitates hujusmodi assignabiles sive ex parte Animæ sufficientes & idoneæ ad efficiendam immutationem, quæ sit interitus prædictæ Animæ. Nunquid enim fortè Anima calida est ex suo temperamento & interire potest vi frigoris; aut frigida & interire vi caloris; &c. quasi verò interimere illam possit aut calor ignis, aut frigus aquæ, vel quid simile. Ergo &c.

Probatur *secundò*. Substantia, quæ semper ac necessarîo perseverat in suo statu & modo agendi, est immortalis: atqui id verificatur de Anima rationali: ergo &c. Major est satis evidens, quatenus mors adveniens auferret perseverantiam illam, quæ proinde contra hypothesin non esset necessaria. Minor verò sic probatur. Illud semper ac necessarîo perseverat in suo statu, & modo agendi, cujus actiones tales sunt, ut nec suspendi, nec retardari, nec impediri utcumque possint ab ullis agentibus creatis per actiones contrarias: sed sic se habent actiones Animæ rationalis: ergo &c. Major iterum satis constat, ac præsertim si in exemplum affertur animal, quod haud dubie nunquam interiret, si nihil unquam aut suspenderet, aut retardaret, aut uno verbo impediret actiones, quas obtinet sibi proprias edendi, bibendi, digerendi, ac tum videndi, audiendi, &c. ita quid infert animali interitum, nisi contrarietas quædam actionum extranearum, quæ connaturales, in quarum exercitio vita consistit, fruant & extinguunt? Minor autem sufficienter probatur experimento, quo certum est solas actiones intelligendi & appetendi esse proprias Animæ rationali: at illæ actiones tales sunt, ut nulla sit assignabilis

## III.

Item ex in  
impedibili  
tate actio-  
num.



actionum extranearum contrarietas, per quam impediri possint: nam quæ est illa actio contraria, quæ intellectui, vel appetitioni rationali opponitur? Nulla certè. Ergo cum intellectio non possit impediri, aut fruari, aut extinguì per actionem contrariam, consequens est illam esse perpetuò duraturam, ac proinde perpetuò duratura est existentia animæ intellectivæ, quod idem est ac si dicatur Animam rationalem esse immortalem.

IV.  
Additur  
motivum  
simplici-  
tatis.

Ad hæc non immeritò additur sola mixta corporea obnoxia esse interitui, quatenus obnoxia sunt separationi partium, ex quibus componuntur; nam de cætero elementa, ex quibus mixta prodeunt, si præcise in se ipsis spectentur, incorruptibilia sunt, ac proinde immortalia, ut suo loco ostensum est. Quapropter non video cur immortalitas sit ejus generis qualitas, quæ denegari debeat Animæ rationali, quæ utique quamvis non esset immaterialis, contraquàm probatum fuit, at certe obtineret perfectionem entis alicujus simplicis elementaris, uti ignis, vel aëris, vel cujusvis alterius sive cogniti, sive incogniti: talis autem perfectio secum importat immortalitatem substantiæ. Quia verò aliunde nulla est activitas contraria, sicut accidit in elementis, quorum activitates & actiones contrariæ sunt, quæ actiones Animæ rationalis saltem per se ac directe coerceat, hinc plane sequitur illam esse absolutissime immortalem, quatenus necessariò perseveraturam in suo statu, & modo agendi.

V.  
Et aliud  
conscien-  
tiæ ac se-  
curitatis.

Tum verò satis apparet Animam rationalem esse securam conscientiamque suæ immortalitatis ex constante illa ac plena spe, quam habet æternæ vitæ, ac tum etiam famæ, felicitatis, &c. Nam nisi diceretur voluisse Deum (quòd ipse ab humana cogitatione averteat) voluisse, inquam, Deum nos fallere, seu falsa spe deludere, constans illa ac plena spes prædicta non potest aliunde suboriri, quàm ex securitate illa, conscientiaque intrinseca, quæ se ipsam Anima præsentit in æternum victuram. Ac denique cum nihil æquius sit, quàm bona opera, quæ gesserit homo, dum viveret, præmiari; mala autem puniri, nec locus aut infligendæ poenæ, aut præmio tribuendo supersit ullus, si simul cum corpore anima interit, quid proinde evidentius est quàm Animam rationalem esse immortalem? Nihil certè, cum ejusdem prorsus evidentia sit, cujus est Deum esse & justum, & veracem, & proinde non defuturum sicut hinc promisit, hinc comminatus est, sive præmio bonæ vitæ, quàm homo duxerit, sive malæ supplicio: Verùm adhuc magis intelligetur hæc nostra assertio ex solutione objectionum sequentium.

Obijcies *primò*. Si quæ esset convictio pro immortalitate Animæ rationalis, illa utique erueretur ex ejusdem immaterialitate, quam præsumimus: sed hæc immaterialitas præsumpta non probat sufficienter immortalitatem, de qua agitur: ergo &c. De majori non est dubium; minor verò sic probatur. Tum quia plures ex antiquis sanctis Patribus, qui immortalitatem animæ propugnabant, nihilominus non admittebant illius immaterialitatem, ut supra dictum est: id verò satis probat immaterialitatem non esse veram ac formalem causam immortalitatis: alioquin illi non sejunxissent immortalitatem ab immaterialitate. Tum etiam quia licet Anima esset immaterialis, interire tamen potest cum corpus interit; quid enim impedit quominus potuerit Deus producere substantias immateriales, usque assignare humana corpora inhabitanda eo pacto, ut simul cum illis vitam inchoent, ducant, ac tandem concludant: ergo ex immaterialitate Animæ rationalis non arguitur necessariò ejusdem immortalitas.

Resp. & concessâ majori nego minorem, ad cujus priorem probationem dico sanctos illos Patres, qui conjunxerunt materialitatem Animæ cum immortalitate ejusdem, vel ad hanc probandam obtinuisse aliud medium; quid enim vetat posse unum & idem probari pluribus mediis? aut non obtinuisse sufficiens; atque ita propter principia quædam Platonica, quibus adhærebant, discessisse à veritate dupliciter, scilicet quia nec immaterialitatem animæ debuerunt negare, nec aliunde quàm ex immaterialitate ista probare immortalitatem. Tum verò ad probationem posteriorem solvendam subjungo posse quidem Deum annihilare Animas cum intereunt corpora; at licet id possit, non convenit tamen æquitati ac veracitati illius, ut dictum est, propter aut præmium quod bona, aut supplicium quod mala opera promerentur. Sed præterea quamvis id contingeret, nihilominus anima non dicenda esset mortalis, quia non interiret, propter illas contrarietates activas corporeas, quæ corporis causant interitum; sed tantum deficeret per micram annihilationem, quæ utique, ut prænotatum fuit, non obstat immortalitati.

Obijcies *secundo*. Substantia, quæ subiacet contrarietati corporeæ agentium naturalium, non est immortalis: atqui sic se habet Anima rationalis: ergo &c. Major est satis evidens, quia talis ac tanta esse potest hæc contrarietas, ut tandem destruat subiectum, in quo sic se exercet, sicut videmus destrui tandem ferrum, licet rigidissimum, per diuturniorem ignis insultum; contraria siquidem quæcunque sunt quid aliud iis, quibus contrariantur, nisi machinantur interitum? Minor etiam satis constat experimento, quo no-

VI.  
Opponi-  
tur ineffi-  
cacia ra-  
tionis,  
quæ uti-  
mur.

VII.  
At effica-  
cia illius  
facile pro-  
pugnatur.

VIII.  
Addunt  
Animam  
subjacere  
mutatio-  
nibus cor-  
poris.

vimus Animam perinde ac corpus ex incurfu frigoris v. g. accionis, vel caloris nimii dolere, languere, infirmari; quomodo enim explicabitur dolor ille, qui totum hominem occupat, nisi doleat Anima simul cum corpore, aut certe illi condoleat, & sic de aliis? At si Anima dolet, languet, infirmatur, cur non tandem perinde ac corpus emoritur, cum non ob aliam ob causam corpus mortale sit, nisi quia pravis illis affectionibus subjacet? Quin præterea actiones intellectivæ non minùs quàm sensitivæ nunc debilitantur, nunc vigorem accipiunt, & per singulas hominis ætates, in quibus temperamentum corporeum perficitur, aut deficit à perfectione obtentæ actiones illæ similem aliquam vicissitudinem patiuntur: hinc in pueris desideratur judicium, quod in adultis viget, & in senibus reperiatur.

IX.  
Et opponunt  
tertium  
monium  
Sacre Scri-  
pturæ.

Neque tandem hæc immortalitas in Sacris Scripturis stabilitur ita invictè, ut non sit locus ambigendi de illa propter plures textus, in quibus mentio fit Animæ non aliter, quàm substantiæ alicujus corporeæ, uti cum legitur cap. 12. geneleos de Abraham egrediente è terra sua. *Tulitque Sarai uxorem suam & Loth filium fratris sui, universamque substantiam, quam possederant, & animas quas fecerant in Haran;* sed præsertim locus ille ambigendi de immortalitate prædicta apertus est in verbis istis Ecclesiastes cap. 3. *Unus interitus est hominis & jumentorum, & aqua utriusque conditio: sicut moritur homo sic & illa moriuntur; similiter spirans omnia & nihil habet homo jumento amplius:* ac deinde *Quis novit si spiritus filiorum Adam ascendat sursum, & si spiritus jumentorum descendat deorsum?* Ergo &c.

X.  
Sed non  
subjacet  
illis, nisi  
per acci-  
dens.

Resp. distinguendo majorem. Substantia, quæ per se subjacet &c. non est immortalis, concedo majorem: substantia quæ subjacet tantum per accedens &c. nego majorem; & distincta similiter minori nego consequentiam: hanc verò distinctionem, quæ, si bene intelligitur, est adæquata solutio totius objectionis, sic non prolixè explicò. Quando Deus in corpore humano creat Animam inhabitaturam ac simul dominaturam, utique illi talem tribuit indolem, quæ amice in eo se gerat, diligatque societatem sui corporis, ac proinde vitam, valetudinem, voluptatem, &c. Unde consequitur Animam in omnibus congaudere corpori, vel condolere, sicut amicus amico condolet, aut congaudet. Ratio autem congaudendi vel condolendi desumitur ex eo quòd Anima excipit percipitque motiones omnes, quæ ab extrinseco corpus afficiunt, simulque agnoscit an bonam illius temperiem integramque com-

positionem lædant, aut juvent, sive, quod idem est, an ei voluptatem inferant, vel dolorem; ad cujus discriminis notitiam consequitur prædictum discrimen gaudii vel doloris in ipsa pariter ac conformiter excitati. Præterquam quòd propter strictissimam unionem quâ corpus eum anima colligatur, probabile est Deum animam subdidisse motionibus intentionalibus, quæ ad corporeas necessariò consequantur, & eis æquivalent quoad vim sensationis jucundæ, vel injucundæ: quo pacto necesse erit ut dolor corporis ad animam transferatur. Quia tamen anima non constat ex partibus, quæ possint ab invicem separari, inde fit ut nullus dolor sive ex læsione, sive ex infirmitate corporea proficiscens possit inferre illi qualemcunque interitum. Neque obstat quòd actiones Animæ, scilicet intellectuales, vigoris sui decrementum aut incrementum accipiant secundum diversas ætates hominis; nam id tantum probat Animam, donec in corpore est, ab illo pendere in agendo, sed non in existendo, quasi verò simul cum illo debeat interire.

Sed multò minùs obstat quod addunt immortalitatem animæ non esse sufficienter stabilitam in Sacris Literis: & ut non sim prolixus in explicandis seorsim locis, quæ pro illa oppugnanda adduci solent, dico hanc esse phrasim Sacræ Scripturæ, ut Anima pro homine nominetur, & rursus ut homo quandoque accipiat pro parte ipsius inferiori, quæ est corporea, seu sensitiva; in quo sensu Ecclesiastes accipit hominem, quando illum comparat eum jumento. Vel etiam loquitur ex persona hominum carnalium, qui præter & ultra hanc vitam, nullam cogitant meliorem. De cæterò autem liber ille sacer Ecclesiastes refertus est innumeris monitis ac præceptis salutaribus, quæ plusquam satis convincunt hanc immortalitatem, de qua hætenus actum est.

XT:  
Et expenduntur loca Sacræ Scripturæ adducta.





## ARTICULUS III.

*AN ANIMÆ OMNES RATIONALES SINT  
equaliter perfectæ.*

I.  
Omne dif-  
crimen in-  
ter substan-  
tias est sub-  
stantialē.

**N**OTANDUM est diversitatem omnem, quæ est inter res quasunque sive spirituales, sive corporeas esse, si bene attenditur, substantialem. Et ratio ex principiis nostris desumpta hæc est; quia omnis purè accidentalis differentia, si quæ est, illa utique per diversas seu actiones, seu activitates dignoscitur: at omnis actio cum activitate, cujus est, sicut omnis activitas cum substantia, cujus est, identificatur realiter: ergo omnis diversitas, quæ est inter res quasunque sive spirituales, sive corporeas necessario reducitur ad diversitatem aliquam substantialem. Quæ doctrinâ suppositâ evidens est omnes animas rationales differre inter se substantialiter; vel saltem in hoc sensu, quia substantia unius non est substantia alterius: alioquin obtinerent eandem individualement naturam, ac non tantum specificam, qualem inter illas supponimus. Ideo verò supponimus illas intra eandem speciem contineri, quia licet non eandem substantiam obtineant, nihilominus non habent illam satis dissimilem pro inducenda varietate specifica; hæc quippe est substantialis dissimilitudo, quæ si notabilis fuerit mutat speciem; si verò modica non immutat. Quo pacto duo leones quamvis suum substantiale temperamentum sortiantur paululum dissimile, nihilominus speciei ejusdem reputantur; sed quia hæc dissimilitudo longe major est inter leonem & equum v. g. capropter referuntur ad duas species. Nec de cætero statui potest qualis aut quanta dissimilitudo ad diversitatem speciem requiratur, nisi confugiendo ad vulgarem cogitandi & loquendi consuetudinem, quæ hæc & illa vel intra eandem speciem coercentur, vel extenduntur ad diversam: & inde provenit infinita illa lapidum, fructuum, colorum, &c. multiplicitas specifica popularis,

quam utique non impugnamus, quia, ut ingenue loquar; non novimus quantum dissimilitudinis requiratur ad speciei variationem.

Igitur cum non qualiscumque dissimilitudo vel inæqualitas immutet speciem, hinc relinquitur locus quæstioni propositæ, scilicet utrum omnes Animæ rationales, quæ unius speciei supponuntur, obtineant de cætero perfectionem vel ex toto æqualem, vel parumper inæqualem: quod idem est ac si quæteretur, utrum omnium illarum activitas, sive intelligentia connaturalis sit æquivalenter eadem, vel diversa. Hanc ergo quæstionem paulò aliter ab Aristotelicis proponi solitam; sed non aliter proponendam, si physice proponenda est, sic decidimus in assertionem sequente.

II.  
Proponitur præsens diffinitio.

## ASSERTIO UNICA.

*Omnes Anima rationales non sunt æqualiter perfectæ in se ipsis, scilicet spectatis seorsim ab omni corporum inhabitatione.*

**P**robatur primò. Experienciâ constat substantias materiales, quæ intra eandem speciem continentur, non esse omnes æqualiter perfectas: atqui hinc satis convincitur à pari non omnes Animas rationales esse æqualiter perfectas, licet intra eandem speciem contineantur: ergo &c. Major est cetera; nam si speciem v. g. leonum; nam accipimus, evidens est non omnes leones esse ejusdem indolis, vigoris, valerudinis, voracitatis, &c. atque ira non omnes sunt æqualiter perfecti, quia utique temperamentum, quod attinet ad speciem leoninam, non obtinent æque perfectum, sive coalescens ex elementis, consimiliter mixtis, combinatis, copiosis, &c. Minor autem sic probatur. Ideo maxime non omnes substantiæ materiales, quæ intra certam speciem continentur, sunt perfectæ æqualiter, quia hæc inæqualitas valde confert ad pulchritudinem speciei, non aliter quàm multiplicitas specierum confert ad pulchritudinem generis: ergo hinc satis convincitur à pari non omnes Animas rationales esse æqualiter perfectas. Er ratio est, quia putandum est Deum non minus providisse pulchritudini specierum immaterialium, quàm materialium; & aliunde inæqualitas prædicta individuum non minus juvat ad pulchritudinem speciei immaterialis;

III.  
Arguitur ex perfectione inæquali inter res materiales.

quàm materialis. Quod ut faciliùs intelligas, cogita Animas rationales, quotquot hactenus creatæ fuerunt, quasi nunquam ante conjunctas cum suis respectivè corporibus; mox quæro an obtinerent omnes eandem indolem, dilectionem, perspicaciam, spem, lætitiàm, &c. absque ullo discrimine? Ac præterea num esset inter illas quædam subordinatio, vel saltem utcunque similis ei, quam agnoscunt Theologi inter Angelos? Intercederet certe aliqua subordinatio, quin & agendi differentia, scilicet diligendi, intelligendi, sperandi, &c. nec aliunde procederet, quàm ex inæqualitate aliqua perfectionum connaturalium. Ergo &c.

## IV.

Tum nec  
eorum æ-  
qualitas  
esset natu-  
ralis.

Adde quòd Naturæ genio, vel potius Dei arbitrio sic conformis est inæqualitas individualis inter res materiales, licet ad eandem speciem pettinentes, ut unius alteriusque individui perfecta ac omnimoda æqualitas reputaretur pro miraculo, quale hactenus vidit nemo, vel audivit. Quænam igitur idonea ratio moveat Adversarios potest, ut putent individua omnia speciei immaterialis, qualis illa est, intra quam rationales omnes Animæ continentur, esse perfecta prorsus æqualiter? Quasi verò notitia, quæ nobis inest distinctior rerum materialium, non debeat veluti nos manuducere in discursu, quem instituimus de rebus immaterialibus minùs notis. Quo pacto sicut agnoscimus individua specierum materialium inæqualiter perfecta, ita nec immeritò suspicabimur similem inæqualitatem inter individua specierum immaterialium, ac proinde inter Animas rationales. Ergo &c.

## V.

Deinde  
non repu-  
gnat ani-  
mas esse  
inæquali-  
ter perfe-  
ctas.

Probatur *secundo* Si quæ ratio vetat admittere inæqualitatem, de qua agitur, inter Animas rationales, illa maxime est quæ deducitur ex præsumpta ejus impossibilitate: atqui ea nullatenus est impossibilis: ergo &c. Major constat: quia jam ostensum est inæqualitatem illam esse maxime convenientem ac conformem cum genio Naturæ similem procurantis inter individua omnia specierum materialium: quare si aliunde non probatur impossibilis, nulla sufficiens ideo ratio, ob quam non admittatur. Minorem autem sic probat. Non est impossibilis prædicta inæqualitas inter individua speciei materialis: ergo nec inter individua speciei immaterialis. Antecedens jam certum est; consequentia verò sic probatur, & ut puto evidenter. Nam ideo non est impossibilis inæqualitas prædicta inter individua speciei materialis, quia possunt illa obtinere, sicuti revera obtinent, plus minùve hujus aut illius substantiæ intra certam speciem comprehensæ: sed id potest contingere similiter in individuis speciei cujuscvis immaterialis; quandoquidem Deus non  
est

est minus aut modis paucioribus participabilis intra lineam immaterialem, quam intra materialem. Ac proinde sicut plus minusve suæ substantiæ communicare potest individuis materialibus, ita similiter plus minusve ejusdem suæ substantiæ communicare poterit individuis immaterialibus; & sic una Anima rationalis poterit obtinere plus minusve, quàm altera, ejus substantiæ, quæ ex participabilitate substantiæ Divinæ proveniens efficit speciem, intra quam omnes Animæ rationales concluduntur.

Itaque ut exemplo utar, quo vis hujus argumenti melius innotescat, quamvis supponatur stellas omnes fixas esse ejusdem speciei, nihilominus non sunt omnes ejusdem perfectionis substantiales, quia non omnes obtinent eandem copiam luminis, corporci utique ac substantialis, ut alibi à nobis probatum est. Cur itaque non poterunt pariter Animæ rationales, quas intra eandem speciem supponimus, obtinere majorem aut minorem copiam luminis incorporei & immaterialis, sive majorem aut minorem copiam substantiæ intellectivæ, quam vocare fas esset *illuminativam*? At cave ne quod ego dico de majori aut minori copia substantiæ immaterialis, id Tu intelligas ad instar quantitatis corporeæ, ac sine illa cautione, quam mens adhibet, cum concipit plus esse entitatis immaterialis in Deo, quàm in Angelo, & plus in Angelo quàm in Anima rationali. Eandem igitur cautionem adhibeat, ut absque errore intelligat qualiter facili contingere possit, ut una Anima rationalis majorem aut minorem, quàm altera, obtineat copiam substantiæ illius immaterialis, quæ constituit speciem Animarum omnium rationalium. Ergo &c.

Adde quòd inæqualis illa perspicacia, quæ in judiciis & rationibus hominum reperitur, satis convincit aliquam substantialem differentiam inter animas reperiri. *Primò* quia sicut facili concedimus ea inter se substantialiter differre corpora, quæ vim habent motricem multum diversant, non video cur non ex vi cognoscitricæ adeò diversa æquè arguatur differentia spirituum substantialis? *Secundò* quia prædicta illa inæqualis perspicacia falsò tribuitur tota inæqualitati corporeæ dispositionis organicæ: licet enim hæc inæqualitas non parum ad illam conferat, non certe totaliter illam efficit; sicuti discrimen luminis, quo micant sydere, non totum efficit ær, per quem ipsorum fulgor transmittitur, quamvis ad hujus fulgoris transmissi vim aut moderationem inæqualitas æris purioris aut crassioris multum conferat. Ac tandem *tertiò* quia si potest inæqualis illa perspicacia perinde referri hinc ad inæqualitatem corpo-

VI.  
Et probatur paritate sumptæ ex stellis.

VII.  
Tum id ostenditur ex inæquali perspicacia.



rum organicam, illinc ad inæqualitatem animarum substantialem; quæ est illa ratio, cur ad illam ab Adversariis potius, quàm à nobis ad istam referri debeat? Nulla certe, nisi quòd Adversarii periculosa occasione præbent suspicandi inæqualitatem omnem virtutum perinde ac scientiarum ex corporum temperamento, non autem ex spirituum bona indole aut libertate, quâ perfruuntur, derivari. Ergo non omnes Animæ rationales sunt æqualiter perfectæ, ut assertum fuit, magisque intelligitur ex solutione objectionum sequentium.

VIII.  
Opponit  
non sufficere  
discrimen  
intelligentiæ.

Objiciès primò. Animæ rationales non possunt differre inter se, nisi pens majorem minoremve intelligentiam: sed hæc differentia non est substantialis: ergo non sunt inæqualiter perfectæ, eâ scilicet inæqualitate substantiali, qualem asseritur à nobis intercedere. Major constat: quia de cetero omnes gaudent connaturali quadam intelligentia. Minor autem probatur. Tum quia plus minusve intelligentiæ est quid omnino accidentale respectu naturæ intelligentis, ac proinde non inducit differentiam substantialem. Tum etiam quia si inæqualitas intelligentiæ induceret differentiam substantialem, major utique intelligentia majorem substantiæ copiam supponeret: id verò falsum est, quia è contra naturæ spirituales, quò sunt simplices, eò sunt magis intelligentes, & aliunde quò simpliciores sunt, eò minus habent substantiæ, ut satis patet. Ergo &c.

IX.  
Vel præfertim  
quia non est, nisi  
discrimen  
intensionis.

Adde quòd illa major minorve intelligentia non est nisi quædam intensio aut remissio intelligentiæ, quam Animæ omnes obninent tanquam sibi connaturalem: atqui neque hoc pacto importat ullam differentiam, scilicet substantialem, inter illas: ergo &c. Majorem non negabis, si terminos illius tantum intelligas, concipiasque intensiorem ac remissionem qualitatum spiritualium, inter quas numeros intelligentiam, ad instar intensionis ac remissionis illius, cui subjacent qualitates corporeæ. Minor autem satis verificatur hac paritate, quâ constat neminem esse, qui dicat unum ignem ab altero differre substantialiter, propterea quòd calor unius sit intensior aut remissior calore alterius: vel proinde qui asserat substantialem differentiam reperiri inter duos homines eo quòd alter altero sit doctior, aut sapientior, &c. quasi vero hæc & similia attributa inducant differentiam plusquam accidentalem. Ergo &c.

X.  
Ostenditur  
quali-

Resp. & permissa majori ideoque permissa, quia animæ rationales præter intelligentiam obtinent alias proprietates, secundum quas plus minusve à Deo communicatas possunt ab invicem dif-

ferre, permiffa, inquam, majori nego minorem, pro cuius utraque probatione folvenda dico Animas fimplices & immateriales cum fint, non effe compofitas ex fubftantia & ullis accidentibus realibus fuperadditis; itaque in illis omnis exceffus intelligentiæ erit aliquid fubftantiale, quamvis nihil impediatur quominus fubftantiale illud concipiatur per modum & ad inftar accidentis alicujus logici. Tum addo in rebus fpiritualibus majorem quantitatem fubftantiæ non effe vifæ virtualiter accipiendam, quapropter nullatenus obftat earum fimplicitati: alioquin quomodo cum Divina fimplicitate, quæ fuprema eft, concordaret quod Theologi docent omnem entitatem creaturarum omnium effe in Deo, nec aliud effe qualemcunque creationem, nifi aliquam participationem Divinæ effentia?

Ad id verò quod additur, concessa majori nego minorem. Et ratio negatæ propofitionis eft, quia ut eandem, quam Adverfarius intorquet, paritatem retorqueam, intentio qualitatis alicujus corporeæ v. g. caloris quomodo fit aliter, quam per copiofio- rem accelfionem ejus generis corpusculorum quæ phyficum calorem conflituunt, quidquid interim fit de metaphyfico illo, aut potius chimærico, de quo Aristotelici difputant. Quare paritas adducta nobis potius favet, fuadetque fpiritualis & incorporeæ qualitatis intentionem quomodocunque intellectam non aliter quoque contingere, nifi per accelfionem fcilicet virtua- lem, ejus generis fubftantiæ, quæ rem fpiritualem conflitu- it: ita ut ficuti res fpirituales fpecificè diftinguntur propter diverfitatem fpecificam fubftantiæ, ex qua conflituuntur, fic intra eandem fpeciem obtineant majorem aut minorem perfectionem juxta majorem aut minorem intelligibilem copiam illius ejusdem fubftantiæ, quæ naturam ipfarum conflitu- it.

Objicies fecundo. Nulla eft perfectionis inæqualitas inter Animas rationales admittenda, nifi illam fufficienter fua- deat inæqualis perfectio operationum, quas exercent in corpore: fed hæc inæqualis perfectio non fuadet illam fufficienter: ergo &c. Major conftat: neque enim illa perfectionis inæqualitas aliunde, quàm ex inæquali perfectione operationum probari folet. Minor autem probatur. Potest inæqualis illa perfectio operationum, quæ exercentur in corpore, procedere ex inæquali perfectione organorum corporeorum, quæ fimul cum Anima concurrunt ad illas exercendas. Et ratio eft, quia, ut experimentaliter conftat, & duobus Artificibus æquè peritis ille excellentiora artis opera præftat, cui præfto funt aptiora ad inten-

ter prædi-  
ctum dif-  
crimen  
fufficiat.

XI.  
Imo fuffi-  
cit, quia  
eft difcri-  
men in-  
tensivum.

XII.  
Opponit  
difcrimen  
intelligē-  
tiæ pende-  
re ex cor-  
pore.

tum laborem instrumenta: corpus autem quid aliud est, quàm instrumentum ex multiplicibus organis compactum, quo ad operationes suas Anima utitur. Ergo &c. Cùmque perinde ad opportuniorum corporis dispositionem referri possint perfectiores Animæ operationes, non potest seclusa revelatione proinde asseri unam esse alterâ perfectiorem.

XIII.  
Aut Deus  
non æque  
providisset  
saluti  
omnium.

Adde quod si adesses inter Animas rationales inæqualis illa perfectio, essent hoc pacto aliæ aliis intelligentiores, dociliores, proniores ad bonum, &c. sed hoc est falsissimum: ergo & illud. Sequela majoris est evidens: minor autem non inevidenter probatur in hunc modum. Quia si res ita esset, quoties quis arguitur ex hoc quod non sit æque ac alter iustus, misericors, pacificus, doctus, &c. iustam sui erroris ac criminis excusationem haberet dicendo se Animam accepisse à Deo non æque intelligentem, aut non æque pronam ad bonum: quæ tamen excusatio nullum in rebus moralibus locum habet, ut constat. Sed quod præterea evidentiùs est, ex illa inæqualitate sequeretur Deum non omnibus hominibus æqualiter providisse ad salutem; ac proinde voluntatem illam, quæ salutem omnium persequitur, non esse relative ad omnes æque sinceram; sed multò magis amicam respectu eorum, quibus Animam contulerit propensiorum ad virtutes, dociliorem, mansuetiorem, &c. Ergo &c.

XIV.  
Sed Animæ  
extra  
corpus nõ  
habente idem  
intelligentiã.

Resp. & concessa majori nego minorem, pro cuius probatione solvenda dico posse quidem, ut supra ostensum fuit, inæqualem organicam corporis dispositionem javare animam ad operationes perfectiores; ac non esse causam unicam, quæ illis tribuat maiorem istam perfectionem, vel saltem semper non esse pro causa unica præsumendam; sicuti gratis in omni casu præsumeretur egregium opus, quod Artifex elaboravit, pendere ex optima dispositione instrumentorum, quibus in illo elaborando utebatur. Quasi verò non perinde potuerit ad illius præstantiam concurrere ejusdem artificis tum praxis, tum industria, propter quam utramque non raro accidit, ut peritus Artifex cum instrumentis parum aptis conficiat opera, quæ imperitus præstare non possit cum multò aptioribus. Præterea verò cùm sit satis certum ex supra dictis Animas, si existerent omnes à suis corporibus separate, non omnes tamen fore ejusdem intelligentiæ, indolis, & propensionis in consimilia studia, aut exercitia virtutum, cur quandiu sunt in corpore non eandem differentiam patiuntur, quæ utique perfectionem inter illas arguit inæqualem?

XV.  
Et alijs  
omnes sit  
satis intelligentes  
ad re salutis.

Ad instantiam verò, quæ additur, solvendam dico *Primò* plenam libertatem, quæ Animæ omnes perfruuntur, obulare quomodo

Nus excusationem ullam habent sui cujuscunque erroris aut criminis; nam præterquamquod sufficienter ex sua natura inclinantur ad verum & bonum, possunt se utique applicare pro arbitrio, & sic sine propria culpa nunquam ab alterutro declinant. Tum *secundo* adjiciam nullatenus obstarè sinceræ voluntati, quâ Deus vult homines omnes salvos fieri, prædilectionem, ob quam contulerit dona quædam naturalia abundantius uni, quàm alteri, sicuti de donis supernaturalibus Theologi docent, quorum inæqualis communicatio non lædit, ut putant, sinceritatem ejus Divinæ voluntatis, quæ salutem nostram procurat. Deinde annon voluit Deus salutem hominum æque sincere ac Angelorum? & nihilominus quis negat Angelos ab eo nobiliora naturæ dona & privilegia accepisse? Atque ita paucis soluta manet hæc objectio cum sua superadjuncta instantia.





# ARTICULUS IV.

## QUÆ ET QUALES SINT POTENTIÆ

*Anima rationalis, & qualiter condistincta  
ab invicem ?*

I.  
Quæ &  
quot sint  
potentiæ  
animæ ra-  
tionalis.

**N**OTANDUM primò tot esse haud dubiè potentias Animæ rationalis, quot sunt diversa genera actionum, quas illa nata apta est sive extra, sive intra corpus, quod actuat, exercere; quales utique sunt actiones apprehendendi, judicandi, discurrendi, comparandi, fingendi, amandi, timendi, sperandi, &c. necesse quippe est, ut unicuique generi actionum sua correspondeat ex parte agentis potentia. Nihilominus omnes istæ potentiæ ad triplicem communiter revocantur, scilicet ad intellectivam, volitivam & memorativam. Imo quia memorativa, si attentius consideretur, nihil est nisi quædam potentia continendi, sive asservandi præsuppositam intellectionem, vel repetendi, sive revocandi eam, si fortè evanisset; inde fit ut simul cum intellectiva confundi soleat. Atque ita questio proposita de discrimine inter potentias Animæ rationalis reducitur ad intellectum & voluntatem. De quibus una eademque est difficultas, utrum ab Anima distinguantur.

II.  
Quale sit  
discrimen,  
de quo  
agitur.

Notandum secundo difficultatem procedere de discrimine reali, quale reperitur inter eas res omnes, quarum nec una eademque est productio, nec conservatio, nec destructio: hæc quippe est vera realis distinctio, quæ tum habet omnimodam independentiam ab intellectu, tum importat existentiam minimè communem inter eas, quæ supponuntur realiter distingui. At evidens est distingui independentem ab intellectu & existentiam sortiri perinde ac entitatem minimè communem res eas omnes, quatuor, ut dixi, nec una ea-

demque est productio, nec conservatio, nec destructio. Quia verò aliunde absolutissime implicat entitatem inter res duras aut plures qualescunque assignabiles esse simul unam & non unam; hinc rursus evidens est omnem distinctionem esse aut ex toto realem, aut ex toto mentalem. Quo pacto præter ea quæ in Logica dicta sunt, distinctio illa, quam Scotistæ opinantur mediare inter realem & mentalem, est purè fictitia, eamque proinde non minùs, quàm realem Thomisticam contendimus nullatenus reperiri sive inter potentias Animæ rationalis, sive inter hanc & illas, sicut in assertionem sequente probatur.

## ASSERTIO UNICA.

*Potentia Anima rationalis, quales sunt intellectus & voluntas, aut quotquot sub iis comprehenduntur, nec inter se, nec ab Anima distinguuntur realiter: sed si qua est distinctio, illa est simpliciter ac pure mentalis.*

**P**robatur *primò*. Illa non distinguuntur realiter, quæ neque possunt seorsim produci, neque possunt seorsim destrui: sed sic se habent potentia Animæ rationalis sive secum invicem, sive cum Anima conferantur: ergo &c. Major constat ex prænotatis; minor verò probatur. Et *primò* quidem potentia, de quibus agitur, non possunt seorsim produci. Si enim producerentur seorsim, vel producerentur nihilominùs simul, vel successive; *si simul*: ergo nec dependerent, nec emanarent ab Anima, ut vulgò fingitur. *Si verò successive*: ergo posset anima existere absque suis potentiis, quia posset Deus posteriorem potentiarum productionem cohibere. Quid autem absurdius, quàm posse Animam existere sine suis potentiis? Neque *secundò* possunt seorsim destrui: quia destructio consequitur ad productionem, eique sic correspondet, ut repugnet evidenter destrui per diversas actiones rem, quæ per diversas produci non potuit; ideo nimirum, quia est incomposita. Unde jam intelligitur Animam simul cum suis omnibus potentiis nec posse, nisi unà creatione produci, neque posse, nisi unicà annihilatione destrui, ac proinde esse ab illis omninò indistinctam realiter. Quod

III.  
Arguitur  
ex simula-  
nea produ-  
ctione.

autem dico Animam neque produci, neque destriui posse seorsim à suis potentis, id pariter probat neque potentias producibiles esse seorsim à se invicem; atque ita illas esse similiter à se invicem indistinctas.

IV.  
Assertur  
fundamen-  
tum hujus  
discursus.

Principium autem, unde totus hic discursus pendet, desumitur ex dictis in priori parte hujus Physicæ disput. 4. art. 4. ubi ex identitate actionis cum agente illatum fuit non posse unâ eâdemque actione duo entia distincta produci. Nunc autem præterea recte infero non esse distincta illa, quæ non nisi per actionem unicam producuntur. Vide igitur quæso Lector locum citatum; sed neque omite articulum tertium ejusdem disputationis, ubi fusc probatum fuit in genere potentias activas agentium omnium esse realissime identificatas cum agentibus, quorum dicuntur potentiz: poterisque sic non difficile ex universalibus, quæ ibi occurrunt, argumentis deducere particularia, quæ probent hanc specialem indistinctionem inter Animam rationalem & ipsius potentias.

V.  
Tum in-  
telligen-  
tia non  
esset pro-  
pria Ani-  
mæ.

Probatur *secundò*. Si potentiz Animæ rationalis distinguerentur ab illa realiter, intelligere & velle essent quid non minùs extraneum respectu illius, quàm respectu corporis: consequens est absurdum; ergo &c. Probatur sequela majoris. Supposito tali discrimine actiones intelligendi & volendi non sunt magis actiones Animæ, quàm corporis: ergo &c. Consequentia est evidens; nec minùs evidenter antecedens probatur ex eo quòd sint actiones alicujus, quod non minùs distinguitur ab Anima, quàm à corpore. Siquidem si supponimus potentias, de quibus est quæstio, distingui realiter ab anima, cum nulla sit distinctio assignabilis, quæ sit major reali, non minùs proinde ab Anima, quàm à corpore distinguuntur. Ergo ex hoc capite actiones intelligendi & volendi non sunt magis actiones Animæ quàm corporis, cum sint actiones potentiatarum, quæ non minus ab Anima, quàm à corpore distinguuntur.

VI.  
Et non  
obstaret  
emanatio  
potentia-  
rum ab  
Anima.

Nec obstat potentias, ut Aristotelici opinantur, emanare ab Anima. Non, inquam, obstat; quia si emanatio illa non impedit distinctiõnem, proinde etiam non impedit extraneitatem illam, quam objecti futuram inter hinc Animam, hinc actiones potentiatarum, quæ ab illa realiter distinguuntur. Idque exemplificari in hunc modum potest; quia licet Filius emanet à Patre, nihilominus actiones Filii, si in rigore physico loquimur, non minùs extraneæ sunt Patri, quàm Avunculo aut Sorori, &c. ideo scilicet, quia emanatio Filii à Patre non impedit, quin alter ab altero distinguatur realiter. Atque hinc intelliges ob simile discrimen reale, quod Aristotelici

totelici

totelici admittunt inter potentias; actiones unius fore alteri prorsus extraneas, videlicet voluntati intellectiones. Cumque aliunde impossibile sit appeti rem incognitam, non poterit voluntas quidquam appetere, quatenus ad appetendum non juvabitur ab intellectione, quæ licet humana, tam extranea illi est, quàm Angelica, vel Divina. Aut si conceditur voluntatem nihil appetere, quod non præintellegerit, jam hoc ipso voluntas, quæ proutdum esset potentia intelligens, confunderetur cum intellectu. Ergo &c.

Ad hæc quæ satis insinuant quantum præterea distinctio realis, quam impugnamus, repugnet cum simplicitate ejusdem Animæ rationalis superius stabilita, adjici potest multò magis cum illa pugnare id, quod plerique consequenter docent de nescio quo reali discrimine inter intellectum agentem & patientem, & explicari solito in hunc modum, quòd hic non sit idoneus ad percipiendas species materiales impressas sensibus tum externis, tum internis corporeis, nisi prius ab illo veluti spiritualizentur. Nam quid hoc aliud est, quàm intellectum componere ex duabus portionibus, quarum una sit minus spiritualis, quàm altera: aut potius quarum una sit materialis & sic proportionata cum speciebus corporeis, altera verò sit immaterialis & sic improportionata cum illis? Ut insuper non dicam impossibile esse quidquid fingunt circa spiritualizationem illam specierum materialium, quia ad propositum meum non attinet. Verùm extra illud non erit, si addam ex differentia reali, quam admittunt inter Animam ejusque potentias, similem consequi & admissam similiter inter istas potentias & actiones illarum; quæ cum de cætero sint innumerabiles & intra ipsam animam ut plurimum compleantur, in ea evidentissime efficerent pluralitatem & compositionem minimè tolerandam. Neque superfluum erit, si annotem periculum, quod occurrit in occasione, quæ præbetur suspicandi similem aliquam tum in Angelis, tum etiam in Deo compositionem ex natura & potentiis; ac rursus ex potentiis & actionibus: ut magis intelligatur ex objectionibus mox solvendis.

Objicies *primò*. Illa distinguuntur inter se realiter, de quibus prædicantur attributa diversa: atqui de potentiis Animæ sive cum illa, sive secum invicem comparatis, prædicantur attributa realiter diversa: ergo &c. Major satis constat: quia ex adverso de iis, quæ identificantur, prædicantur eadem attributa; ita ut nihil v.g. assignari possit, quod prædicetur de animali rationali, & non prædicetur de homine, propter identitatem scilicet utriusque: at si hæc identitas non intercederet, multa utique prædicarentur de uno, quæ non prædicarentur

VII.  
Quid sentiendum sit de intellectu agente & patiente.

VIII.  
Oppositè diversitatem attributorum.



de altero. Minor autem non difficilè probatur adducendo varia illa attributa in hunc modum. De anima prædicatur quòd sit substantia; quòd habeat pro potentiis intellectum & voluntatem, & ab utriusque ministerio pendeat ad operandum; è contra autem de potentiis prædicatur quòd sint accidentales, & emanent à substantia Animæ. Sicut insuper de una ex istis potentiis, scilicet voluntate, prædicatur quòd sit libera, & habeat pro objecto bonum; de altera, scilicet intellectiva, prædicatur ex adverso quòd sit necessaria & habeat pro objecto verum; ut plurima interim taceam alia diversissimi generis attributa, Ergo &c.

IX.  
At hæc diversitas non probatur, nisi discrimen abstractū.

Resp. vel retorquendo id totum respectu Angeli, quin etiam Dei; in quo, si argumentum adductum aliquid probat, admittenda erit distinctio non minùs realis inter utriusque potentias, sive cum substantia aut natura, cujus sunt, sive secum invicem comparatas. Siquidem quis v. g. non advertit omninò diversa esse, quæ prædicantur v. g. hinc de justitia Dei, illinc de ejusdem misericordia, hinc de ejus potentia, illinc de ejusdem immensitate, asseitate, &c? Vel aliter respondeo negando majorem; atque ut pateat esse negandam, dico sufficere ejusdem rei diversos respectus ad hoc ut de illa prædicari possint attributa multum ac toto cælo diversa. Nam quæ attributa v. g. sunt magis diversa, quàm dependere ac non dependere: cogitare ac non cogitare: &c. at de eodem homine secundum diversos respectus hinc servi, hinc domini, hinc vigilantis, hinc dormientis, &c. nunquid illa omnia prædicantur? Quare multiplicia illa attributa, quæ Adversarius enumeravit, nullam ex parte animæ & potentiarum illius probant sufficienter differentiam, nisi respectivam ac purè mentalem in hoc constitutam, quòd Anima sub uno respectu suæ entitatis sit substantia, sub alio sit acidens; ac deinde quòd sub uno respectu suæ activitatis intelligat, sub alio velit; sub uno timeat, sub altero speret; &c.

X.  
Addunt quòd confunderentur actiones potentiarum.

Objicies secundò. Si potentie Animæ rationalis non obtinerent inter se distinctionem realem, quæcunque operationes conveniunt uni ac quocunque tempore, eadem & eodem tempore alteri convenirent: sed hoc est falsum: ergo &c. Sequela majoris est evidens; quia nullum esse potest infallibilius signum distinctionis inter potentias operativas, quàm quòd nec eodem modo, nec eodem tempore operentur. Minor verò probatur. Tum quia certum est operationes voluntatis necessariò antecedi ab operationibus potentie intellectivæ, nihil quippe volitum, quin præcognitum. Tum quia aliàs indistinctim pronunciari posset intellectum velle, & voluntatem intelli-


gere aut recordari; & similiter intellectum sperare, metuere, amare, odisse, &c. voluntatem cognoscere, fingere, meditari, &c. Quæ omnia importarent modum loquendi absurdum. Aliunde autem non tantum quandoque una potentia otiosa est, interim dum alia operatur; sed insuper sæpe Anima vacat ab omni operatione; unde pariter sequitur Animam distingui quoque realiter ab omni sua tua actione, tum agendi potentia.

Resp. potenas Animæ posse dupliciter considerari, vel physice secundum entitatem realem quam habent, vel logice sive secundum abstractam singularum ideam, ad quam attenditur, cum varia ipsis appellantur nomina, aut officia tribuuntur. Si itaque priori modo spectantur, omnis illarum omnium operatio perinde ac entitas est communis: si autem posteriori modo conspiciuntur, cuilibet tribuendæ sunt sue operationes, ad vitandam scilicet confusionem, quæ aliàs in nostris tum cogitationibus, tum colloquiis reperitur. At hinc nulla distinctio realis intercedens potest argui, ut supra dictum est: & sic patet qualiter distinguenda sit sequela majoris, quæ ab Objiciente proponitur. Neque vim adversus nos ullam habet quod adjicit sæpe Animam vacare ab omni operatione, aut certe aliquam sui potentiam continere in otio, interim dum in exercitio habet aliam; quia scilicet id tantum probat Animam non semper, aut non eodem modo exercere suam activitatem: sicut neque Deus semper, aut non eodem modo exercet suam omnem potentiam, quæ nihilominus cum ipso realissime identificatur. Sic etiam Anima secum habet identificatam suam omnem activitatem, sive potentiam operativam; atque ita potentis, de quibus agitur, nec ab illa, nec ab invicem distinguuntur realiter, ut erat probandum. Et hæc pauca, quæ hæcenus dicta sunt de anima, sufficiant.

XI.

At ostenditur qualiter vitetur ea confusio.





PHILOSOPHIA MORUM, SIVE  
MORALIS,  
QUÆ EST QUARTA PARS  
Philosophiæ.

DISPUTATIO UNICA.

**Q**UAMVIS hæc doctrina, quam *Moralem* vocant, pertineat ad disputationes Theologicas ac illas præsertim, quæ instituuntur de actibus humanis, de virtutibus & vitiis, de præceptis & auxiliis Divinis, de Sacramentis, &c. nihilominus invaluit usus, ut in gratiam eorum, qui Theologiam non addiscunt, pauca quædam moralia sub finem cursus Philosophici pertractentur. Cui non spernendæ consuetudini lubens obtempero; sic tamen ut ne hæc pauca in proximiorum enarrationem me pertrahant, abstinere ab omnibus iurgiis scholasticis, quæ utique, si seriò inchoantur, desiderant in concertantibus mentem profundioris Theologiæ studio deditam: atque ita non pertinent ad tractatum purè Philosophicum. Igitur quæcunque circa præsentem materiam pro nunc tractanda offeruntur ea complectar sex articulis hac methodo ordinandis. In *primo* statuam quid sit moraliter operari: in *secundo* quæ sit libertas requisita ad operationes morales: in *tertio* quis esse debeat finis operationum moralium: in *quarto* quid sint passiones, quæ ad

operationes morales inserviunt: in *quinto* quæ & qualis sit divisio operationum moralium in virtutes & vitia: ac denique in *sexto* quænam sit retributio speranda aut timenda punitio actionum moralium.



# ARTICULUS I.

## QUID SIT MORALITER operari.

**A**D constituendam moralitatem alicujus operationis plurima sunt, quæ concurrunt; eaque ut seorsim explicem, dico *primò* requiri in operante usum actualem rectæ rationis, quâ operationem suam agnoscat ac simul dignoscat sitne conformis legibus ac consiliis in casu simili ab ipsa præscribi solitis. Quapropter nulla reputatur moralitas in actionibus dormientium, phreneticorum, amentium, puerorum, &c. Et ratio est: quia cum moralitas actionis, prout fusiùs deinceps explicabitur, sit quædam illius æstimabilitas, sive quod idem est, dignitas imputabilis operanti, necessariò exigit desideratque in illo præviã ejusdem actionis considerationem ac deliberationem idoneam, quæ utique dependet ab usu rectæ rationis.

I.  
Qualiter  
usus ratio-  
nis requi-  
ratur.

De cætero ad hoc ut usum rectæ rationis istum, quem moraliter præsupponit, intelligas, cogita Deum Animæ rationali talem noticiam contulisse, quæ in singulis singularum operationum circumstantiis sufficiat ad suggerendum qualiter operatio fieri debeat, aut omitti. Ideoque nulla est actio, vel actionis ommissio, quæ homini utenti prædictâ noticiâ non imputari debeat ad laudem, aut vituperium: illâ autem utitur, quoties ac quandiu non habet organa, quæ animæ ad discurrendum quomodocunque inserviunt, impedita aut læsa. Quia verò, ut id obiter dicam, paucos admodum homines esse puto, in quibus adsit perfectio organica ab omni prorsus læsione, aut, quod idem est, intemperie vel debilitate immunis, majori quidem aut minori prout varii varium obtinent sui corporis ac cerebri

II.  
Exponitur  
iste usus  
rationis.

in primis temperamentum, hinc meritò suspicor eandem actionem; aut ejusdem actionis omissionem, in iisdem scilicet agendi aut omit-tendi circumstantiis, non esse æqualiter vertendam laudi aut vitupe-rio respectu omnium: quamvis satis vertenda sit, ut bona, aut mala moraliter reputetur.

## III.

Etiā re-  
quiritur  
usus liber-  
tatis.

Dico *secundò* requiri præterea ad moralitatem alicujus operationis usum aſualem ac perfectum libertatis, de qua, cū in articulo ſe-  
quente agendum ſit, hoc tantūm præoccupabo, ſcilicet quòd cū ac-  
tio moralis ſit imputanda operanti ad laudem aut vituperium, ta-  
lem utique ſupponit in operante diſpoſitionem, quæ illi non præ-  
ripiat locum laudis aut vituperii. At ſi ſublata libertate eſſet in illo  
inſuperabilis neceſſitas agendi, vel non agendi, quis alterutri locus  
ſupereſſet? Nullus ſane & ad eum modum, quo ſi quis manu invitā  
alterius uteretur ad homicidium, non eſſet alter ille culpandus, ſicuti  
nec laudandus, ſi manum æque invitam porrigeret ad largitionem  
elemoſynæ.

## IV.

Et iſte  
ſupponit  
uſum ra-  
tionis.

Tum verò uſus libertatis ſic ſupponit uſum rationis, ut quicunq;  
que iſto carent, videlicet pueri, amentes, phrenetici, &c. carere  
etiā illo cenſeantur: ac meritò quidem, quia niſi clare ac diſtincte  
cognitum ſit quidquid in actione vel actionis omiſſione comperitur  
boni ac mali, nulla fieri poteſt optio in ordine ad agendum vel omit-  
tendum, quæ pro libera habeatur: ſicut accidit in motibus vindictæ  
primo-primis, qui homini ſubripiunt plenam cognitionem malitiæ,  
quam ſecum trahunt, vel includunt: unde ſit ut ei non relinquatur  
pro tunc optio inter inſiſtentionem & dilationem vindictæ. Id ipſum  
autem, quod iſti motus primo-primi præſtant cum agitatione ſua  
præcipiti interturbando rationis ac deliberationis exercitium, cogita  
ſimiliter evenire in pueris, amentibus, phreneticis, &c. propter in-  
temperiem aut debilitatem aliquam organorum, quæ ideo non ſunt  
idonea ad præviam illam deliberationem, unde actio *libera* denomi-  
natur.

## V.

Quid ſit  
agere pro-  
pter finē.

Dico *tertiò* homini quatenus obtinenti uſum rationis nihil con-  
venientius eſſe, quàm ut in ſuis actionibus obtemperet ejusdem ra-  
tionis dictamini; quemadmodum enim agens naturale convenienter  
operatur, cū operationes ſuas perficit conformiter ad exigentiam  
ſuæ indolis, ita agens rationale non operatur convenienter, niſi  
cū operatur conformiter ad exigentiam rationis. Quia verò quod  
unicuique conveniens eſt, id quoque bonum eſt, prout vulgò lo-  
quimur, capropter operationes humanæ, quæ cohærenter ad dicta-  
men rationis peraguntur, ſunt & vocantur moraliter bonæ, & e

contra moraliter malæ, quæ ejusdem rationis dictatini obversantur. Hinc homo, qui assuevit operari juxta leges à ratione præscriptas dicitur bonus, & ex adverso *malus* denominatur quisquis spernit illas atque infringit.

Tum verò quia leges omnes, quas ratio præscribit, exoriuntur à lege Divina tanquam à suprema, quæ cæteris omnibus vigorem ac splendorem omnem tribuit; eapropter omnis actio, quæ legi rationis repugnat, censetur opponi legi Divinæ, etiam si Deus nullam expresse tulerit, aut ferri providerit ad id, quod agitur, præcipiendum vel omittendum: ita ut quidquid ratio, scilicet recta, vel prohibet vel præcipit, reputetur tanquam à Deo præcipi vel prohiberi. Et inde est, ut actiones humanæ omnes aut placeant Deo, aut displiceant, mereanturque ultionem aut præmium. Ac rursus cum ob reverentiam legibus Divinis exhibendam honore inter homines dignus sit quisquis vitam suam componit coherenter ad illas, ob hanc causam illæ ipsæ actiones humanæ, quæ sunt moraliter bonæ, dicuntur etiam *honestæ*, quasi dicatur *honorabiles*; sicut revera Viri boni ac prudentes honore singulari eos afficiunt, qui præ cæteris leges Divinas sectantur. Merito quippe judicant eos esse præ cæteris laudandos ac magnificiendos, ut è contra legum Divinarum contemptores ac prævaricatores in summo contemptu habent, ac pro impiis reputant.

Dico *quartò* ac denique moralitatem actuum humanorum desumi insuper ex ordine ipsorum ad finem, propter quem exercentur. Cum enim omne agens rationale non aliter agat, quam propter finem: alioquin irrationaliter ageret, sive temerariè & inconsultò; evidens est dignitatem aut indignitatem finis plurimum conferre ad dignitatem aut indignitatem operis. Quo pacto ut dignum est Viro bono eleemosynam largiri ad sublevandam pauperis egestatem, sic indignum eodem est elargiri illam ad conciliandam sibi inauem gloriam, & sic de aliis. At verò præter dignitatem finis cujuslibet particularis, quem quisque sibi proponit ad recte operandum, id præsertim satagere debet, ut opera sua omnia dirigat in finem ultimum, id est, Deum Optimum Maximum, qui ut creaturarum omnium, ita & operationum est principium & finis, ut magis intellegitur ex dicendis articulo tercio hujusce tractatus.

Quapropter nihil addo hac de re, ut dicam aliquid circa denominationem ipsam moralitatis ejusque etymologiam à variis variè intellectam. Et male quidem olim ab Aristotele eam desumente ex mora, per quam omnis consuetudo operandi acquiritur; nam

VI.  
Et qualiter concordet cū lege Divina.

VII:  
Quid sit agere propter finem.

VIII.  
Unde Moralitas sic dicta sit.

bruta pariter ac homines consuetudines suas obtinent ex mora & iteratione suarum, cum nihilominus operationes earum nemo haftenus morales dixerit: at bene à Maignano nostro, qui opinatur actiones humanas morales meritò denominari à mora, quā homini opus est, ut cum plena ac perfecta deliberatione actus suos perficiat: siquidem hæc plena ac perfecta deliberatio precipitantiam omnem excludit, tanquam omnis boni consilii inimicam.

IX.  
In quo  
sensu sit &  
sententia,  
& ars.

De cætero jam satis intelligitur doctrinam, quam mox tradituri sumus & vocamus, ut solet, *moralem*, esse directivam morum traditis in hunc finem consiliis ac præceptis, quibus vita sancta instituitur; ad eum modum, quo Logica v. g. est directiva operationum mentis, quam eapropter imbuat certis quibusdam legibus syllogisticis ad recte discurrendum prærequisitis. Quia verò non utrunque talia consilia salutaria aut præcepta tradit; sed si opus est suadet demonstratque adhibitis principiis verissimis Theologicis; hinc fit ut meritò obtineat dignitatem scientiæ; quamquam alio titulo, eo scilicet, quo sua documenta ordinat ad praxim virtutum, pro arte, quæ *ars* utique est *salutis*, debeat reputari. Tum præterea quia alia & alia sunt documenta moralia respectivè ad statum triplicem vitæ monasticæ, œconomicæ & civilis, ideo doctrina moralis dividi quoque tripliciter solet in monasticam; quæ homini privato suggerit qualiter se gerere debeat; œconomicam, quæ præcipit qualiter quisque vivere debeat in societate domestica; & civilem, sive politicam, quæ docet qualiter administranda sint jura urbium & regnorum. Quæ verò sint documenta illa non est hujus loci ac multò minùs mei propositi specialiter explanare: quapropter apud suos respectivè Authores, sive Legislatores videantur.



## ARTICULUS



## ARTICULUS II.

### QUÆNAM SIT LIBERTAS AD operationes morales requisita.



**D**ICO primò tanquam quid indubitatum, nullam esse operationem moralem independentem à libertate, quæ scilicet voluntatem humanam relinquat sibi ipsi, efficiatque immunem ab omni coactione: quia scilicet voluntas non censetur per se ipsam præstare id, cujus assignabilis est causa quædam extranea, tanquam causa unica, & quæ proinde sublatâ non poneret actum, ad quem ponendum compellitur. Quid enim evidentius est, quàm voluntatem in his, ad quæ agenda compellitur per causam extraneam insuperabilem, verè potius agi, quàm agere? Non sunt autem voluntati imputanda ea, in quibus agitur; sed quæ agit: quia vere non sunt actiones illius, sed principii ejus extrinseci, à quo per ipsam prodeunt. Præterea, si propius res attenditur, concurrere coacte ad aliquem actum non est concurrere, nisi merè passive, ut patet exemplo lapidis v. g. qui utique non nisi merè passive se habet ad motum sursum, quem projiciens in ipso efficit, cum cogit ipsum pro iacunda via, quam ne ineat à suo naturali pondere præpeditur. At concursus merè passivus non est imputabilis operanti, ut patet, sive ad laudem, sive ad contumeliam. Igitur neutra imputabilis esset actionibus humanis, quæ fierent per vim & coactionem voluntati impressam. Cum itaque certum sit coactionem esse prorsus oppositam moralitati actuum humanorum, jam superest stabiliendum an sola libertas à coactione ad hanc moralitatem sufficiat.

Dico secundò inter varias libertatis divisiones, quæ tam multiplices asserri possent, quàm multiplices sunt calamitates, aut infirmitates, aut prævæ consuetudines, &c. à quibus potest aliquis esse liber, præ-

Tomus IV.

M m

I.  
Quid sit  
agere li-  
bere, &  
coacte.

II.  
Alia est  
libertas à  
coactione,  
& alia à  
necessita-  
te.



cipue notabilem censerī illam, quā libertas dividitur universaliter in eam, quæ est à coactione, & aliam, quæ est à necessitate. Itaque illud agens dicitur liberū à coactione, quod ad agendum quidem compellitur; sed per compulsionem nihilominus proprio temperamento sic consentaneam, ut quamvis ab actione abstinere absolute non possit, eam tamen sponte ac non invite eliciat. Atque hoc pacto bruta libertatem à coactione obtinent, cum v. g. comedunt, aut bibunt: quia licet ad id insuperabiliter sollicitentur ab apposito cibo, vel potu, nihilominus huic sollicitationi nec illibenter, nec injucunde obtemperant, propterea quod conformis sit contemperationi ipsorum ac simul appetitioni. Illud autem agens dicitur præterea liberum à necessitate, quod quantumvis suaviter ac jucunde sollicitatum ad aliquam actionem potest nihilominus abstinere ab illa, vel etiam exercere oppositam. Et hoc pacto libertas prædicta à necessitate subdividitur in eam, quæ dicitur *contrarietatis*, & alteram, quæ vocatur *contradictionis* aut *exercitii*: quatenus est in potentia agentis liberi vel cessare ab omni exercitio actus, vel etiam exercere oppositum illius, ad quem sollicitari supponitur.

III.  
Qualiter  
libertas à  
coactione  
non suffi-  
ciat. ?

Dico *tertiò* ad moralitatem actuum humanorum non sufficere libertatem à coactione, sed requiri libertatem à necessitate. Et ratio una ex multis, quæ adduci solent, hæc est: quia haud dubie non sunt homini omnino imputabiles ad laudem aut contumeliam, nisi actiones illæ, supra quas obtinet plenum & absolutum dominium; at, sola libertas à necessitate importat plenum illud & absolutum dominium. Ad rationem quippe pleni & absoluti domini opus est, ut voluntas non obstante quacunque prævia motione, aut sollicitatione extranea reperiatur in statu indifferentiæ sic tranquillo, ut perinde possit ponere actum alterutrum, sive eum, ad quem sollicitatur, sive contrarium, ad quem non sollicitatur: ut si sollicitatur ex hypothesi ad amorem, perinde possit odisse nihilominus ac amare. Tum, ut patet, sola libertas à necessitate talem secum affert indifferentiam: quatenus altera, quæ est tantum à coactione, non habet privilegium prædictæ indifferentiæ, cum non conferat voluntati posse determinare se ipsam ad utrumlibet, sed tantum posse se determinare à duobus actibus ad alterum, ad cujus determinationem incundam, aut potius subeundam sollicitatur.

IV.  
Exponitur  
notio vera  
libertatis.

Deinde etiam vera libertas humana illa est, per quam positis omnibus hinc ad agendum, illinc ad non agendum prærequisitis conjungimus actum cum potentia non agendi, aut non actum cum potentia agendi, prout nobis libuerit. At vera libertas ad moralitatem actuum

humanorum requiritur : & hæc, qualem descripsi, non est tantum à coactione. Ac denique non alia libertas sufficit ad moralitatem, quam quæ requiritur ad meritum & demeritum. Ad utrumque autem non sufficit libertas à coactione : nam in Beatis cum felicissima necessitate amandi Deum reperitur libertas à coactione ; sed nihilominus non amant meritotie. Ac tum etiam bruta pleraque suas operationes cum simili libertate exercent ; at sine imputatione ulla meriti moralis, aut demeriti. Igitur ad bonitatem aut malitiam moralem actuum humanorum requiritur libertas à necessitate, ac talis ut homo per eam intelligatur *constituens à Deo & relictus in manu consilii sui, ut ad quod voluerit porrigat manum suam, sicut legitur Eccl. cap. 15.*

Dico *quarid* ac denique libertatem, quam dictum est inesse homini moraliter operanti, intelligi debere relative ad bonum quodvis in particulari ; sed non relative ad bonum in communi. Et ratio est : quia voluntas humana necessitatur amare bonum sicut & odisse malum spectatum generaliter, seu in communi : cum enim bonum, præcise ut bonum, sit ex toto conveniens, & è contra malum, præcise ut malum, sit ex toto disconveniens, neque istud est quocunque modo amabile, neque illud est odibile ullo modo. Quod autem spectat ad quodvis bonum in particulari, cum nullum sit, in quo verè aut imaginariè deprehendi non possit aliqua ratio mali, aut certe minoris boni, quod relative ad majus bonum reputabile est pro malo ; hinc oritur, ut non sit necessariò appetendum. Excipi tamen debet bonum infinitum clare ac distinctè perceptum, quod utique necessitat voluntatem, ut accidit in Beatis, qui Deum ut intuentur, sic amant necessariò. De malo quoque particulari facillè jam intelligis qualiter non necessitet voluntatem ad odium ; cum nullum sit adeò grave, quod sub aliqua ratione boni velut permixta non possit secundum quasdam circumstantias apprehendi.

Tum verò quia omne agens rationale agit, ut supra diximus, propter finem, ad cuius consecutionem conquirat adhibetque media convenientia ; neque de cætero finem vel media, quæ ad illum conducunt, appetit, nisi sub ratione boni alicujus particularis ; hinc sufficienter agnoscitur qualis ea sit libertas, quæ homini inest in ordine ad fines particulares, quos sibi in operationibus suis proponit, & in ordine ad media, quæ ut plurimum ipse sibi seligit pro consecutione finis intenti : nam hæc eadem est libertas, scilicet à necessitate, quali ipsum potiri dictum est relative ad bona quævis particularia. Sed superfluum non erit addere triplicem esse differentiam boni, scilicet honesti, utilis ac delectabilis : ex qua utique differentia prodit

V.  
hæc liber-  
tas non  
respicit  
bonum in  
communi.

VI.  
Sed bonū  
in parti-  
culari, &  
qualiter.

omnis illa, quæ in hominibus laudatur, aut vituperatur inæqualitas vitæ moralis; dum alii bonum honestum præferunt utili, sicuti præferendum est, & alii ex adverso præferunt honesto utili, aut utrique præterea delectabile contra jus omne fasque humanum. Ac tum prodi præsertim supradicta inæqualitas ex multiplici ulteriori discrimine, quo boni cuiuslibet, sive honesti, sive utilis, sive delectabilis plurimæ species designantur; ac tot scilicet, quot sunt species virtutum & vitiorum; sed de his infra dicetur.



## ARTICULUS III.

### QUIS ESSE DEBEAT FINIS operationum moralium?

I.  
Quæ sint  
actiones  
elicitæ &  
imperatæ.



**D**I CO primò actiones hominis rationaliter operantis vel esse elicatas, vel imperatas. Et *elicitæ* quidem dicuntur, quando sunt solius voluntatis, veluti actiones volendi, amandi, spectandi, & cæteræ id genus, quas per se ipsam ac sine alterius potentie subsidio voluntas elicit: *imperatæ* autem vocantur, quando prodeunt à cæteris humanis potentiis subeuntibus imperium voluntatis. Utrasque autem supradictas actiones, quatenus, ut patet, à voluntate libera & deliberante aut immediate, aut mediate proficiuntur, nemo dubitat ordinati in aliquem finem, quisquis interim ille sit, quia omne agens, ac rationale præsertim, agit propter finem. Cum autem innumeri sint fines particulares seu debiti, seu indebiti, quos quisque sibi potest proponere in suis operationibus, non inquiri quicquam de illis; sed tantum propono & si, mul probo in hanc modum operationes moraliter bonas non esse, nisi illas omnes ac singulas, quæ ordinantur in finem ultimum, id est, Deum aut ut creatorem, aut ut legislatorem, aut ut misericordem, aut ut iustum, &c. Ratio itaque fundamentalis, quam unam adduco, hæc est, quia sicut omnes fines inhonesti, quos homo sibi proponeret, declinant ac deficiunt ab ultimo fine, quippequi

est honestissimus; ita omnes fines honesti, ad illum referuntur veluti ad complementum totius honestatis & virtutis. Quia verò nulla operatio humana potest esse moraliter bona, nisi tendat in finem honestum, hinc satis convincitur nullam quoque fieri moraliter bonam, si non tendit in finem ultimum.

Quà ratione itur obviam Objectionibus non posse fieri, ut homo suos omnes ac singulos actus dirigat in finem ultimum; hæc quippe directio importat actualem de Deo cogitationem, quæ in nobis tantâ negotiorum varietate ac multitudine perturbatis non potest esse continua, unde evidens salutis periclitatio sequeretur. Itur, inquam, obviam id Objectionibus; quia, ut satis jam intelligitur, operationes in honestum finem tendentes per se sufficienter, sive, quod idem est, virtualiter referuntur ad finem ultimum absque directione voluntatis ac mentis actuali in ipsum, quæ quidem licet sit consulenda & quoties id possumus, iteranda, non est tamen necessaria absolute: ac præsertim, quia directio, quæ semel fuit emissâ, censetur perseverare, donec vel explicite, vel implicite per prava opera retractetur.

Dico *secundò* finem, quem quisque ultimò in operatione sua sibi proponit, multò magis ad illius moralitatem concurrere, quàm ipsum ejusdem operationis objectum. Et ratio manifesta est; quia id, quod est magis volitum, magis concurret ad moralitatem operationis; at finis est magis volitus, quàm objectum: imo frequentissime objectum nullatenus est volitum in se ipso; sed tantummodò propter finem; uti quando quis patitur venæ sectionem, vel alijus membri resectionem pro redintegratione valetudinis. Igitur moralitas, id est, moralis bonitas aut malitia cujuslibet operationis pensanda est præsertim ex fine: unde accedit non frequenter, ut malitia finis deturpet actionem alioquin bonam ex objecto, ut v. g. si quis elemosynam largiatur pro aucupio vanæ gloriæ, non est dubium, quin ea largitio sit vitiosa.

Neque tamen propterea putes posse fieri, ut actio, cujus objectum fuerit moraliter malum, spoliatur eâ malitiâ per bonitatem finis intenti participatam. Non, inquam, id propterea putes. Tum quia opus malum non potest ex natura sua referri ad bonum finem, cum bonitas & malitia sint diversissimi generis. Tum etiam quia juxta regulam in rebus moralibus observatam bonum ex integra causa, malum autem ex quocunque defectu desumitur. Quapropter licet malitia finis possit vitare bonitatem objecti, non tamen potest illius bonitas objecti malitiam honestare. Ac tandem hinc intelli-

II.

Qualiter omnes refferri possint & debeant ad finem ultimum.

III.

Qualiter bonitas actionis pendeat ex fine.

IV.

At bonitas finis, an corrigit malitiam objecti.

gis quantum homini interfit pro merito vitæ suæ moralis se suosque omnes actus refert ad fines honestos & præcipue ad honestissimum, scilicet ultimum, qualis est Deus Optimus Maximus, qui ut est terminus, à quo omnia bona opera prodeunt, ita similiter est terminus, ad quem redire compelluntur feliciter, & fere non aliter, quàm ad Mare, unde exeunt, flumina revertuntur.

V.  
Finis ultimi  
mus va-  
rios habet  
titulos.

Dico *tertio* omnes actus humanos, sicut supra insinuavi, esse ad Deum referendos sub variis titulis, ejusdem scilicet vel creatoris, vel legislatoris, vel misericordis, vel justis, &c. neque enim necesse est, ut sub eodem titulo referantur. Qualiter autem referri debeant, stabiliri non potest; sed nihilominus potest suggeri bonum esse, si quisque suos referat præcipue ad excellentiam ejus attributi, cujus beneficentiam expertus est, aut cui pro variis rerum ac temporum circumstantiis æquum putat majorem reverentiam exhiberi, &c. sic v. g. bonum ac peroptimum est, ut ad Dei misericordiam pleraque sua opera peccator referat, per ipsa scilicet invocandam atque implorandam. Neque minùs consultò ageat, qui per menses, aut dies, aut horarum excursus singulos successive cujusdam attributi singularis adorationi sua opera devoveret; sic quippe præclare assueficeret in iis ad finem debitum ordinandis.

VI.  
æqualiter  
amandus  
sit, ut per-  
fecte ame-  
sur.

Verùm ut hæc omittam, quorum prolixior enucleatio ad Mysticos Scriptores attinet, obiter annotabo bonitatem infinitam finis ultimi, ad quem necesse est actus omnes humanos dirigi, ut dictum fuit, tantò excellentiùs amari, quantò puriùs amatur propter se ipsam, atque, ut ita loquar, sine reversione ad nostra commoda aut præmia, quæ speramus. Quamvis enim culpabile non sit Deum ut benefactorem & remuneratorem nostrum diligere, quod est diligere illum non purè propter ipsum, sed concupiscibiliter propter nos: nihilominus si in hac reversione & concupiscencia omnino voluntas conquiesceret absque ullo resultu puri amoris, quantuli urique *capax* est, non plane, ut reor, esset innoxia. Et ratio est: quia sic se gerendo constitueret se ipsam pro fine ultimo, atque ita inordinate se gereret.

VII.  
Nulli ac-  
tus huma-  
ni sunt in-  
diffe-  
rentes.

Dico *quarto* ac denique per modum corollarii ex dictis hætenus consequentis, nullum actum humanum esse absolute & in rigore morali loquendo indifferentem, spectato fine ad quem refertur. Vel enim refertur ad finem, quem dixi ultimum; vel non refertur: si *primum*, erit moraliter bonus; si *secundum* erit moraliter malus; & sic nullus erit indifferens. De cætero omnis actus humanus, qui non refertur utcumque ad Deum, scilicet vel explicite vel implicite, formaliter vel interpretative, adminùs est otiosus: quatenus nihil in-

serviens ad perfectionem vitæ moralis : erit igitur culpabilis ac non minus reprehensibilis , quàm omnis sermo otiosus , de quo reddi-  
turi sumus rationem in die iudicii , ut legitur Matt. cap. 12. Id nihilo-  
minus non obstat , quominus sint multi actus humani indiffe-  
rentes in specie , id est , ex parte objecti à quo desumi solet specifica-  
tio cuiuslibet actus : siquidem plurima sunt objecta , quorum per-  
ceptio , aut pertractatio est per se indifferens , ut scriptio , locutio ,  
deambulatio , &c.

Imo etiam sunt plurimi actus indifferentes , si tantùm attenditur  
finis illorum proximus , ut quando quis calceat se ad deambulan-  
dum , vel pennam acuit ad scribendum ; vel arma parat ad pugnan-  
dum , &c. hæc quippe omnia & similia indifferenter fieri & intendi  
possunt , quia neque sunt prohibita , neque iussa. At si sumitur ac-  
tus in individuo , ut loquuntur Scholastici , vel in exercitio secun-  
dum omnes circumstantias , quæ ad illius moralitatem concurrunt ,  
hoc pacto nullus est indifferens ; quoniam una ex multis circum-  
stantiis est , ut referatur ad finem ultimum : si itaque refertur  
bonus est , & ex adverso malus , si non refertur. Et ita qui-  
dem sentiendum in rigore morali ; sed si minùs rigide loqui-  
mur , nihil impedit quominus cum plerisque inspiciamus veluti in-  
differentes , & ita denominemus eos actus , quos opinamur esse  
nec prohibitos , nec præceptos : modò enim constat de veritate rei ,  
non est cur tantopere simus solliciti de consuetudinibus ac modis lo-  
quendi , quibus frustra ut plurimum contradicatur ; siquidem quis non  
potius præcipes aquarum lapsus , quàm populares loquelas aut  
diverteret , aut mutaret ?

VIII.

Possunt  
tamen pro  
indiffere-  
tibus ha-  
beri , &  
qualiter.





## ARTICULUS IV.

*QUID SINT PASSIONES, QUÆ AD operationes morales inserviunt?*

I.  
Quid sit  
passio &  
undedicta.

**D**ico *Primò* passiones humanas, quamvis vulgò accipiuntur pro repentinis ac turbulentis motibus, qui in animali excitantur ad præsentiam, vel imaginationem boni, aut mali alicujus vehementis sensibilis, nihilominus potiori jure esse accipiendas pro connaturalibus temperamenti sensitivi complexionibus, ratione quarum præsentia, vel etiam sola imaginatio alicujus objecti potest excitare motus illos repentinos & turbulentos. Et ob hanc, ut puto, causam *passiones* vocantur, quia propter illas homo patitur excipitque vehementiorem impressionem à certis quibusdam objectis, ab iis scilicet, quæ specialiter prædictas complexionibus naturales afficiunt. Tum verò quia solet homo intus se gerere, quamvis aliter id possit, conformiter ad sensibiles objectorum occurrentium impressiones, hinc intelligis qualiter præmemoratae complexiones vertantur in consuetudines operandi: quo pacto passiones, prout explicuimus, intellectæ plurimum concurrunt ad moralitatem actuum humanorum.

II.  
Qualiter  
consuetudo in passionem  
vertatur.

De cætero sicut dixi passiones verti in consuetudines operandi, ita nunc addo istas consuetudines per frequentiam & repetitionem actuum acquisitas commutari non rarè in passiones; ideo scilicet, quia repetitio actuum cujusdam generis emollit temperamentum, efficitque susceptibilis impressionis illius objectivæ, iuxta sollicitat ad actus ejusdem generis excrescendos: ut accidit in hominibus potatoribus & gulosis, qui potui & esui immoderato ventrem suum assuesciant, sicque suum temperamentum naturale commutant. In quo sensu verum comprobatur consuetudinem esse naturam alteram: hinc consuetudo, quæ non sine resistantia primigenii temperamenti sæpe acquiritur, non deperditur deinceps sine simili resistantia temperamenti

peramenti alterius accessorii, quod per eandem consuetudinem fuerat comparatum. Quid verò aliud est cuiuslibet agentis temperamentum, siue illud sit primigenium, siue sit accessorium, quàm ipsa ejus natura secundum quod est principium ejus generis actionum, quæ agenti conveniunt?

Dico *secundò* passiones proinde, quæ in appetitu sensitivo hominis comperiuntur, posse dupliciter spectari; vel quatenus sunt omnino à natura, vel quatenus sunt à consuetudine, quæ acquiritur per liberam actuum repetitionem, & in alteram naturam vertitur, ut dictum fuit. Si itaque priori modo spectentur, nec vituperio, nec laudi subjacet quisque eas pro temperamento nativo accepit, quia ex se ipso nihil contulit; sed mere passive se habuit in illis excipiendis. Si autem posteriori modo accipiuntur, nunquid evidens est illas cedere in laudem, vel vituperium hominis juxta dignitatem, vel indignitatem consuetudinis, per quam sese ipsis subjecit? Nihilominus quamvis nec laudandus, nec vituperandus sit quisquam ob passiones sibi connaturales, pro felici tamen vel infelici habendus est prout passiones, quibus abundat, ipsum inclinant ad operationes virtutis, aut criminis. Quia enim quæ ad virtutem inclinant audiendæ sunt, & è contra quæ ad crimen inclinant, refræmandæ, nec nisi difficile admodum refrænantur absque continuo Gratiae singularis præsidio, hinc meritò pro felici reputatur fors illorum, qui virtuosis passionibus sunt præventi, aliorum verò è contra; quoniam isti magis, illi autem minùs periclitari videntur de salute.

Nulla tamen est ira ferox cuiusvis passionis intemperantia, quæ planè non subiaceat libertati; & præsertim cum Divino auxilio prævenitur. Arque hinc accidit, ut illa eadem intemperantia, quæ in quibusdæ est causa peccandi, sit in aliis occasio majoris meriti & proventus spiritualis: quamvis id non obstat, quominus multum periculosa sint, ut dictum fuit, passiones, quæ propendunt in vitium; quatenus in contemptum libertatis & Gratiae sinit se homo frequentius ab illis subjici & abduci quocunque ipsum inclinant. Quare etiam peccaminosa vocantur & quasi pro peccatis reputantur: ac in primis lethalis illa concupiscentia, quæ regnat in membris nostris, vocatur frequenter peccatum apud sacros Scriptores, non quod peccatum sit; sed quod rarum sit eam à peccato sejungi.

Dico *tertiò* passiones, quæ in appetitu sensitivo hominis subjequantur, provenire omnes simul cum ipsorum excessu, aut moderamine ex commixtione particularum elementarium, quæ constituunt integram temperamentum humani corporis. Quia enim singulæ cu-

III.

In quo sensu passiones nec subiacent laudi, nec vituperio,

IV.

Ratio passionibus dominatur, & qualiter.

V.

Unde proveniat via & diversitas passionum.



iussu generis particulæ elementares suam obtinent activitatem diversam; hinc accidit, ut ex contemperatis plurimis illis activitatibus resulcet certa quædam sive una, sive multiplex activitas in hominibus singulis, & eò quidem major, aut minor, quò plures ac pauciores sunt huius, aut illius generis particulæ, quæ conferunt illam activitatem. Tum verò cum elementares particulæ præter activitatem suam, seu vim motricem intrinsecam, indigeant ad suos actuales motus determinatione actuali extrinseca, sicut alibi probatum fuit, quin insuper determinatione speciali, quatenus non sufficit eadem determinatio ad eas indifferenter movendas, suis scilicet singulis motibus respective, sicuti planum est non determinari geminam per effluvia magnetica ad eisdem motus, ad quos frustum ferri determinatur: capropter contemperatio activitatum elementarium illa, quæ est in parte singulorum hominum animali, exigit certam aliquam ex parte objecti determinationem, ex qua supposita varii subsequuntur effectus secundum quòd prædicta contemperatio in subjectis diversis diversa est. Itaque non aliunde provenit, ut complexiones sensitivæ hominum, sive, quod idem est, passiones, variè à variis objectis seu visis, seu cogitatis afficiantur; neque alia ratio est, cur sentiat se aliquis turbari, vel molestari, aut è contra voluptuose recreari ad præsentiam mulieris, alius ad præsentiam vini, alius ad præsentiam honoris oblati, &c. sicut etiam hæc eadem est ratio, cur alius sit promptus ad blanditias amoris, alius ad molliem ebrietatis, alius ad quæstum vanitatis, &c.

## VI.

Qualiter  
ex corpore  
in Animam  
transmittantur.

Deinde quævis non facilè intelligatur modus, quo passiones corporis in animam transmittuntur, non est tamen dubium, quin aliquatenus transmittantur; aut certe vim faciant ad eam transmissionem. Et hinc procedit, ut vel Anima iisdem passionibus appetitus sensitivi suo utique modo subjaceat, vel ne subjaceat colluctetur saltem cum ipsis aliquando victuris & aliquando vincendis. Atque hoc modo caro concupiscit adversus spiritum & spiritus adversus carnem, acciditque propter illam alternantis concupiscentiæ luctam, ut sicut quandoque caro suas passiones transmittit in animam, sic Anima suas quandoque transmittat in carnem. Passiones autem animæ connaturales voco propensiones, quas ab exortu suo obtinuit, vel deinceps acquisivit bonæ, aut malæ indolis.

## VII.

Passiones  
omnes  
versantur  
circa bonum  
aut malum.

Dico quare ac denique passiones omnes versari circa bonum; quod prosequimur, aut circa malum, quod averfamur: atque ita omnes oriuntur ex amore, vel odio. Imo quia non habetur odio malum, nisi quia amatur bonum illi oppositum, capropter possunt

Omnes prorsus ad amorem, ueluti ad originem & radicem unicam, revocari. Dividi autem solent passionēs à Scholasticis in undecim species, quarum sex appetitui concupiscibili, quinque verò reliquæ appetitui irascibili tribuuntur. Neque opus est, ut dicam appetitum istum utrumque, quamvis physice & realiter unum, distingui respectu in hoc, quòd appetitus concupiscibilis passiones sint in ordine ad bonum & malum, præcise ut tale apprehensum; alterius verò, scilicet irascibilis, sint in ordine ad bonum & malum, quatenus arduum est; nec tamen faciliè constat, cur sive hic, sive alter designari possit nomine appetitus respectu mali, cum potius aversatio, quàm appetitio dicenda sit omnis passio, quæ in nobis est respectu mali. Sed omisâ hac quæstione de nomine, subjungo appetitui concupiscibili convenire amorem, gaudium & desiderium respectu boni; odium verò, fugam & tristitiam respectu mali: ac deinde competere appetitui irascibili spem & desperationem relative ad bonum; sicuti timorem, audaciam & iram relative ad malum, scilicet ut arduum, ut jam dixi.

Ratio autem hujus divisionis passionum in undecim species prædictas hæc adduci communiter solet: quia statim atque offertur visui vel imaginationi objectum conveniens, excitatur in vidente vel imaginante quædam appetitio illius; & hæc appetitio præcise sumpta vocatur amor, transitque in desiderium, donec bonum sit in possessione amantis; vel in gaudium, quando possessio ista accesserit. Deinde è contra objectum, quod offertur & judicatur disconveniens, excitat statim inappetitionem, seu aversionem; & hæc aversatio vocatur odium, quod vertitur in fugam, quando quis sollicitus est, nititurque malum illud à se avertere; vel in tristitiam, si fuga non impedit invasionem ejusdem mali. Similiter si bonum, quod amatur ab amante percipitur sub idea boni ardui, seu obtentû difficilis, vel nihilominus postquam adhibuit aliquantulam considerationem sperat illud obtinere, vel desperat. Sicut denique si malum, quod odio habetur, ab odio habente percipitur sub idea mali ardui seu vitatû difficilis, vel timet ne ipsi eveniat; vel audet contra ipsum insurgere ac resistere invadenti; vel saltem concipit in se ipso indignationem; vel etiam desiderium vindictæ, quod est irasci. Atque ita hinc exurgunt præmemoratæ passionum species undecim, quæ & multipliciter subdividuntur: sed de his subdivisionibus nihil nunc attinet dicere.

Cæterum non omitto prædictas passiones præter bonum & malum sensibile, quod habent pro objecto, obtinere insuper pro eo-

VIII.  
Quare dividantur in undecim species.

IX.  
Qualiter passiones transferantur ex objectis ad personas.

deni personas ac qualescunque etiam creaturas: quatenus nobis aut obfunt, aut profunt ad affecutionem boni intenti, vel ad repulsionem mali propositi & imminentis. Et ratio evidens est; quia quisquis vult, seu amat finem, amat media, quæ juvant ad obtinendū finem: deprehendit quippe aliquam rationem boni in illis mediis, quæ ad alterius boni intenti affecutionem concurrunt, sicut similiter agnoscit rationem aliquam mali in istis impedimentis, quæ oppositionem habent cum fine intento. Quapropter passionēs humanæ non aliter exercentur circa prædicta hæc media & impedimenta, quàm circa quodcunque bonum obtinendum, aut malum refugiendum. Unde fit ut proinde si quis nos juvet ad affecutionem boni, quod prosequimur, eum amemus; & è contra si obsterit, odio habeamus, multòque ampliùs si ipse malum aliquod suo aut nutu, aut consilio, aut ictu, aut alitercunque nobis infixarit: ex amore autem & odio jam satis intelligitur quomodò ceteræ passionēs suboriantur.

X.  
Nec desunt  
passiones in  
brutis, &  
qualiter.

Neque taceo tandem passionēs, quæ partem hominis sensitivam afficiunt, perinde esse in brutis quoad suam moderationem, aut vehementiam; constantiam aut mutationem; &c. sed cum hoc manifesto discrimine, quòd cum bruta non obtineant regulam superiorem, quæ utantur in illis inhibendis, aut cohibendis, nullam sive laudis, sive vituperii moralis notam incurrant. At nos eam incurrimus, quia legem habemus scriptam in cordibus nostris ac mentibus nostris à Deo, ut ita loquar, insculptam, quam opponere debemus inmoderationi passionum insurgentium, & ex adverso decorare per moderationem ipsarum. Hinc igitur fit, ut actiones ex nostris passionibus prodeuntes sint virtuosæ aut vitiosæ, sicut magis explicabitur in articulo sequente.





# ARTICULUS V.

## QUÆ ET QUALIS SIT DIVISIO operationum moralium in virtutes & vitia?

**D**ICO primò ex repetitione quorumcunque actuum gigni consuetudinem, ut omnibus experimentaliter notum est; & hæc semel genita inclinat habentem ad actus ejusdem generis repetendos, neque facile ab ipso tollitur: atque hinc, ut puto, vocatur *habitus*, quòd in habente ipsam constanter maneat, nihilque potiori jure aut perenniori *habitu* nominari debeat, quàm consuetudo ipsa, quæ habetur. Tum verò quod circa omnes in genere consuetudines certum est, id verissimum comprobatur circa consuetudinem, quæ est agendi coherentem ad dictamen rectæ rationis, & vocatur *virtus*; ac rursus circa aliam, quæ non raro in hominibus est, agendi contra dictamen ejusdem rectæ rationis, & solet *vitiis* nomine designari. At hinc oritur vulgatissima illa divisio humanarum consuetudinum in virtutes & vitia, prodeuntium utique ex iteratione suorum respective actuum, ad quos, cum jam semel acquisitæ sunt, sollicitant & inclinant. Sed cum isto, nisi fallor, discrimine, quòd virtuosæ tantò difficilius vitiosis acquiruntur, tantòque infirmiore sollicitandi vim habent postquam fuerunt acquisitæ, quantò actus peccandi præ virtuosos sensibilibi voluptate carnalis concupiscentiæ gustum afficiunt: quamquam longe aliter de voluptate illa sentiunt Viri boni, qui virtutem sectantur audiuntque Prophetam, *gustate & videte quoniam suavis est Dominus.*

Tum verò non difficile jam intelligitur virtutes & vitia versari circa passionem humanas in hunc modum, ut ad virtutes pertineat moderari ac refrænare illarum intemperantiam, in cujus habituali exercitatione consistit vitium. Illa autem moderatio ac refrænatio

I.  
Quid sit  
habitus,  
& qualiter  
divisus.

II.  
Ad virtutes  
spectat  
passiones  
refræcare.

passionum peragitur à prudentia sectante in omnibus debitam mediocritatem : virtus quippe quælibet astringitur intra certos morales fines, quos ultra citraque nequit consistere rectum, ut quidam Poeta dixit. Sic itaque Liberalitas mediocritatem suam obtinet inter hinc excessum prodigalitatis, hinc defectum avaritiæ ; & Audacia, sive Fortitudo media est inter temeritatem, quæ sine consilio omnibus periculis se immiscet, & metum, qui à levissimis refugit, vel etiam qui præsumit multa pro periculosiss, in quibus ne vel ulla est umbra periculi : atque ita de cæteris.

III.  
Virtutes  
aliæ sunt  
intellectu-  
ales, aliæ  
morales.

Dico secundo ad omnem actum virtutis concurrere directionem intellectus & affectionem voluntatis. Siquidem intellectus proponit finem, & honestatem illius, & media ad ejus consecutionem idonea, & mediocritatem, quæ est inter passiones vitiosas virtuti exercendæ oppositas, cæteraque id genus multa, quæ pro actu virtutis desiderantur. Voluntas autem quæcunque sibi ab intellectu proponuntur approbat, vel reprobât ; rejicit, vel admittit ; eligitque pro arbitrio. Atque ita non accipitur virtus juxta suam perfectionem adæquatam, quando dividitur in virtutes intellectuales & morales, seu voluntarias ; inter quas statim discrimen illud agnoscitur, quod intellectuales, cum non sint simpliciter virtutes, nec reddunt, nec denominant habentem simpliciter bonum ; at eum sic reddunt denominantque virtutes morales. Quare justitia hominem denominat bonum ; sed non scientia & sic de aliis. Igitur virtutes intellectuales illæ sunt quæ perficiunt intellectum, efficiuntque capaciores veritatis inquirendæ & amandæ : & in hunc modum considerari possunt, tanquam conditiones & dispositiones idoneæ ad acquisitionem virtutum simpliciter dictarum, id est, moralium : quamquam non raro accidit, ut intellectus suis illis virtutibus abutatur, convertatque eas in defensionem erroris, suæque salutis perniciem.

IV.  
Qualiter  
intellectu-  
ales divi-  
dantur.

Illæ tandem virtutes hoc quinario numero concluduntur, Intelligentiæ, Sapientiæ, Prudentiæ, Scientiæ & Artis, quarum tota differentia petitur aut ex parte objectorum, aut ex parte modi, quo attinguntur. Nam de cætero non important, nisi cognitionem intellectivam habitualement, quæ prout versatur circa prima principia obtinet nomen *Intelligentiæ* : & illud *Sapientiæ*, prout per altissimas causas deprehendit existentiam selectorum effectuum : ac deinceps illud *Scientiæ*, prout quoscunque effectus per quascunque causas, vel quascunque causas per quoscunque effectus deprehendit : tum denique nomen habet vel *Prudentiæ* in ordine ad agibilia, vel *Artis* in ordine ad opera factibilia, seu mechanica. Atque ita ex discriminibus

istis bene perpenſis arduum non eſt eruerе cujuſlibet virtutis intellectualiſ definitionem idoneam.

Quod autem pertinet ad virtutes morales, variis diviſionibus ſubjacent; ſed illa in primis ſpectanda eſt, quā dividuntur in Prudentiam, Juſticiam, Fortitudinem & Temperantiam, quas & *Cardinales* vocant, veluti totidem ædificiū totius moralis cardines, quibus illud ſuperſolvitur, aut potiùs firmiſſime ſtabilitur. Ubi obiter notabis Prudentiam eandem ſub diverſo reſpectu boni hinc conſilii, hinc affectus inter virtutes tum intellectus, tum voluntatis enumerari. Neque non advertes utraſque ſicut vel ſunt à natura, vel certe per praxim & frequentiam actuum acquiruntur; ita quandoque ſupernaturaliter infundi: & iſtæ virtutes ſic inſuſæ ſunt juxta definitionem vulgarem Theologicam bonæ illæ qualitates mentis, quas Deus in nobis ſine nobis operatur; quarum inſuper tres præſertim enumerantur & *Theologica* nominari conſueverunt, Fides, Spes, Charitas; ſed de iſtis non eſt hujus loci fuſius ediſſere.

Dico *tertio* vitia, ſive peccata habitualia propter contrarietatem, quam habent cum virtutibus, pendere è contra à pravo quodam conſilio intellectus & ab æque pravo voluntatis aſſenſu, tanquam ab adæquato principio, unde exoriuntur. Poſſunt nihilominùs quædam ex iſtis imputari ſpecialiùs intellectui, & alia voluntati; ſic quippe pravæ cogitationes intellectui, voluntati autem prava deſideria attribuuntur, quamvis nec prava cogitatio ſit abſque aliquo deſiderio, neque pravam eſſe poſſit deſiderium abſque concurrente cogitatione. Errores præterea ac deſectus, qui opponuntur virtutibus quinque prænumeratis intellectualibus, non eſt dubium quin ſpecialiter ſubſequentur in intellectu: nec minùs proinde ſubſequentur in voluntate cæteri deſectus vicioſi, qui contrarietatem habent cum virtutibus illis moralibus, quas dictum eſt reſidere in voluntate; quare etiam non aliter poſſunt vitia, quàm virtutes dividi ex adverſo.

Sed ſunt præterea multæ aliæ vicioſorum, ſive peccatorum diviſiones, quarum primaria recenſeri ſolet illa peccati in originale, quod ab Adamo in omnes illius poſteros tranſmittitur atque tranſfunditur viâ generationis; & actuale, quod quiſque ſua propriâ culpâ perpetrat, poteſtque ſubdividi in peccatum commiſſionis, quo præcepta poſitiva tranſgredimur, & omiſſionis, quo tranſgredimur negativa; vel etiam in mortale, quod gravi ſua malitiâ gravem quoque inſiſſit plagam, ſeu potiùs intertrecionem moralem Animæ peccatrici, ſpoliatque omni Divina amicitia; & veniale, quod ob le-

V.  
Qualiter  
dividuntur  
morales.

VI.  
Vitia di-  
viduntur  
ex oppoſi-  
to ad vir-  
tutes.

VII.  
Reſerun-  
tur aliq-  
ue diviſiones.

viorem malitiam, quæ in ipso est, neque interim omnino Animam, nec omnino Divinam amicitiam disperdit: quare qui sic peccavit, potest à Deo facilius veniam impetrare. Nihil addo de vulgatissima alia divisione peccati in septem capitalia, scilicet superbiam, avaritiam, luxuriam, invidiam, gulam, iram, & acediam; sed tantum non prætereo potuisse non minus peccatum dividi, quamvis non sic soleat, in quatuor Cardinalia, quatuor nempe virtutibus Cardinalibus obversantia, sic compellenda vocabulis imprudentiæ, injustitiæ, meticulositatis ac tandem intemperantiæ. Verùm istæ & similes divisiones fusè in tractatu Theologico de peccatis exponi solent: ad instituti autem nostri rationem satis fuit eas tantum obiter recensere.

VIII.  
Arguitur  
ex inutili-  
tate talis  
gentitatis.

Dico *quartò* ac denique valde superfluum & à veritate alienum esse quidquid plerique Aristotelici juxta sua principia stabiliunt de quidditate physica virtutum & vitiorum docentes eam esse de genere talium formatum accidentalium, quales passim admittunt gentitas ex suis subjectis, & ab illis distinctas. Nam *primò* sola actuum frequentium repetitio per se flexit & habilitat subjectum ad actus similes iterandos; in hac autem habilitate consistit consuetudo; neque virtus est quicquam aliud, quàm consuetudo quædam recte agendi, sicut vitium nihil est, nisi consuetudo agendi perversæ, seu adversus dictamen rectæ rationis. Ad quid ergo opus est fingere entitatem accidentalem, quæ sit talis habilitas, seu consuetudo, cum entitate illà sublata impossibile prorsus sit, ut non perinde agens quodcunque tantò habilius aptiusque evadat ad operandum in quovis genere operationis, quantò plures iterat operationes ejusdem generis?

IX.  
Item ex  
inaffignabi-  
litate  
subjecti.

*Secundò* cum virtus peripde ac vitium utrique pariter potentiæ, intellectui scilicet & voluntati, imputari debeat, non satis intelligitur qualiter in utraque subjectari possit una eademque entitas cujusdam habitus seu virtuosus, seu vitiosus. Imo quia hujusmodi habitus inclinationem promptitudinemque agendi simul importat in vatiis membris & partibus corporeis, quæ ad agendum intellectui atque voluntati deserviunt, explicent nobis Adversarii, si libet, modum, quo tot subjecta simul afficere possit habitualis illa una entitas, quam confingunt.

X.  
Tum ex  
insuffici-  
tia ad ef-  
fectum.

*Tertiò* supponamus consuetudinem moralem consistere in entitate aliqua accidentali, ad quid entitas inserviet? Non certe ad determinandum intellectum, qui non potest, nisi per illustrationem aut suasionem determinari; nec ad determinandam voluntatem, quæ  
**non**

nō determinatur, nisi per oblectationem. At evidens est entitatem illam, de qua tantummodo nescitur an sit spiritualis; vel materialis, nec posse illustrare, nec suadere, nec oblectare, cū saltem sciatur eam neque consilii, neque ratiocinii ullius esse participem. Aut certe si homo esset per eam determinabilis ad agendum, cū illa haud dubie non sit agens liberum, non posset nisi vim determinativam necessitantem obtinere: atque ita vim ac necessitatem inferret humanis actibus.

*Quartò* ac denique si quid reale est & positivum in entitate illa habituali, nec produci potest, nec destrui, nisi per causam, cujus activitas sit realis & positiva. Nulla autem talis causa est assignabilis: & multò minù assignabilis est materia ulla, quæ veniat in illius compositionem. Sed quod valde notandum est, per solam cessationem actuum, quorum prævia repetitio consuetudinem effecerat, deperit ipsa eadem consuetudo: non ergo destruitur ab ulla causa positiva: atque ita nō est entitas positiva, seu forma accidentalis, ut Adversarii opinantur. Neque valet paritas, quam ad defensionem sui erroris adducere solent, habituum supernaturalium. Nam isti habitus supernaturales sive supernaturalium Gratiarum, sive Virtutum, vel sunt qualitates supernaturales creatæ, ac proinde multum distinctæ à formis accidentalibus, quales admittunt ex suis subjectis genitas; vel consistunt in auxiliis Divinis continuò subministratis, quæ propter continuam illam subministrationem æquivalent qualitatibus, si quæ essent, permanentibus, nec immeritò denominationem illarum obtinent. Lege opusculum, quod inscribitur *Systema Gratia*.

XI.  
Tandem  
ex impro-  
ducibili-  
tate illius;







# ARTICULUS VI.

QUÆ SIT RETRIBUTIO SPERANDA;  
aut timenda punitio actionum moralium?

I.  
Præmium aliud est æternum, aliud temporale: idem est de pœna.



Ic o primò dubitare neminem sanz mentis, quin opera moraliter bona mereantur aliquam retributionem à Deo, cujus bonitas infinita est, obtinendam, & è contra mereantur mala opera pœnam ab eodem Deo, cujus non minùs infinita est iustitia, infligendam. Ita ut quamvis nec ullum pro illis præmium pollicitus, nec pro istis supplicium ullum comminatus fuisset, sicut utrumque millies per se, ac per suos Sactos Scriptores præstitit, nihilominùs sola ratio Viris quidem bonis præmiù spem suggereretur, & malis ex adverso metum supplicii: ejusdem quippe Rationis dictamen utrumque inclamat, quociens aut à malo avertit, aut ad bonum sollicitat. Sed duplex est sive retributio, sive punitio, temporalis scilicet & æterna. Et de temporali quidem retributione, ut primùm loquar, cùm ea nullius momenti ac pretiù sit, si conferatur cum æterna; aut nisi ad istam conducat; & aliunde cùm sèpiissime contingat illam consecutioni istius obstare propter pravos affectus hominum, qui divitiis abutuntur ad luxuriam, valetudine ad libidines, autoritate ad rapinas, &c. hinc non mirum est, cur Deus non semper impeticiatur retributionem prædictam temporalem; qualem vulgò creditur consistere in divitiis, in diuturnitate vitæ & valetudinis, in honoribus, in dominiis, in propagationibus filiorum, &c.

II.  
Temporale interdù & feliciter denegatur.

Imo solet Deus persæpe frustrare suos Electos istis commodis tantòque cautius, quantò evidentius novit ea propter solitum abusum esse offencula, & impedimenta salutis. Cùmque non adeò caute, ut sic loquar, se gerat erga impios & reprobos, qui suæ ipsius salutis sollicitudinem nullam ambiunt; hinc accidit, ut isti

frequentissime vitam agant cumulatissimam bonis transitoriis divitiarum, voluptatum, honorum, &c. At quidquid sit de premio aut supplicio temporali, quod differt Deus & transfert, & denegat, aut moderatur, &c. prout suæ gloriæ, vel utilitati nostræ opportunius reputat: hoc saltem certum est nulli remunerationem æternam, quam promeruerit denegari, sicuti ex adverso nemo qui prave vixerit, immunis est à vindicta æternæ punitionis ad modum, quo dicam deinceps.

Dico *secundò* præter auxilia naturalia libertatis, bonæ indolis, præ educationis, tutæ societatis, &c. quibus hominem Deus juvat, sollicitatque ad bene operandum intra ordinem naturalem operationum moralium, non deesse alia ordinis superioris, scilicet supernaturalis, quibus idem homo juvatur & sollicitatur pariter ad actiones altioris meriti simul & præmii, ejus, inquam, præmii quod consistit in æterna beatitudine, quam Deus Electis suis ab initio præparavit, & ad quam propter dignitatem, quæ in ipsa est, termini supernaturalis perveniri proinde non poterat, nisi per media coherrentia actionum supernaturalium; quemadmodum neque potest homo actiones hujus ordinis exercere, nisi obtineat quoddam principium agendi supernaturale. Eapropter prævenit nos Deus donis suis & gratis, quibus si recte utimur, voluit misericorditer, ut prædictum æternæ beatitudinis præmium mereamur: sicut è contra si abutimur, iuste decrevit, ut non tantum ab illo excidamus; sed insuper ut incidamus in infelicitatem nullis unquam metis temporum finiendam. Atque hæc est sive retributio, quâ, ut superius dixi, neminem merentem frustrat; sive puniatio, qua neminem merentem eximit.

Tum verò hinc accedit, ut plerique suæ salutis periculum faciant & jacturam, quia non sunt solliciti de fine ultimo supradictæ æternæ beatitudinis, ad cujus consecutionem necesse est ut opera nostra omnia referantur; tantumque attendunt ad acquisitionem falsæ cujusdam beatitudinis temporalis; atque ideo falsæ, quia transitoria est, imo si cum æterna confertur, momentanea. De cætero cum beatitudo æterna unica sit, multiplex est temporalis & ejusdem ac tantæ multiplicatis, quanta est inter contemperationes & propensiones affectuum humanorum aut erga divitias, aut erga honores, aut erga voluptates, aut erga diuturnitatem vitæ, aut erga amicorum societatem, &c. unusquisque enim in iis, quæ suæ indoli magis conveniunt, constituit temporalem suam beatitudinem, nec propter aliam operatur. Quæcunque tamen illa, est vel

III.  
Auxilia  
alia sunt  
ordinis  
naturalis;  
alia super-  
naturalis;

IV.  
Qualiter  
hi auxi-  
liis sit uti-  
tendum.

est illicita, nimirum si non potest, nisi per prævaricationem legum; quibus altringimur, obtineri; vel licita, si nulla lex prohibet illam seu optare, seu assequi; & in primis est licita, quoties illa est veluti quædam via ac manuductio ad alteram, id est, ad æternam, ut satis per se intelligitur.

V.  
Quid sit  
Beatitudo  
æterna.

Dico *tertiò* beatitudinem supernaturalem, ut omnibus notum est, consistere in possessione æternæ boni infiniti, alioqui non esset *status bonorum omnium aggregatione perfectus*, qualiter à Boëtio definitur: siquidem bona omnia non possunt, nisi in bono infinito concludi, neque pro perfecta eorum possessio reputaretur, nisi esset æterna, quia non excluderet metum amissionis. At difficultas est circa modum, quo Beati bonum illud infinitum, siue Deum principaliter atque essentialiter possideant, sitne id per claram & intuitivam ejus visionem, vel per amorem, qui ex visione confurgit, vel tandem per gaudium, quod ex visione simul & amore consequitur. Hæc siquidem sunt celebriores opiniones, quæ exornant controversiam hac de re apud Theologos excitatam. Cumque instituti non sit pronunc nostri eam fusius dirimere, satis est si breviter annotavero amorem non minùs, quàm visionem esse de conceptu essentiali beatitudinis; quia, ut patet, Anima non est perfecte beata, quin beatitudo communis sit utrique illius potentiz, intellectui scilicet, cujus est videre, & voluntati, cui proprium est amare. Ac tum etiam quia secluso amore boni cogniti, quisquis illud cognoscit, reputat illud pro indifferente, ac proinde tanquam non pertinente ad ipsum; ergo ad possessionem alicujus boni non minùs necesse est ut ametur, quàm ut cognoscatur; beatitudo autem, ut dictum est, importat possessionem boni beatificantis. Et eadem de causa gaudium essentialiale perinde est beatitudini, cum gaudium nihil aliud sit, quàm ipse amor rei possessæ.

VI.  
Et hæc  
Beatitudo  
adhuc magis  
physice  
exponitur.

Deinde si seclusis omnibus ambagibus vocum ac dictionum metaphysicarum, quibus pleræque altercationes Theologicæ intrinsecantur, præsens difficultas physico examini subjaceret, multo faciliùs solveretur; quia nimirum Anima humana cum sit entitas physice simplex, habet proinde suas potentias physice indistinctas, ac proinde etiam suos actus physice indistinctos, quidquid interim sit de distinctione illorum extrinseca & objectiva, ac præsertim in hoc casu, in quo actus videndi Deum clare & intuitive nec de potentia ejusdem Dei absoluta potest non esse simul cum amore & gaudio: visio quippe intuitiva boni infiniti nullam relinquit indifferentiam in intuente, quia perfectissime satiat universa illius desideria. Itaque

essentia beatitudinis, integra scilicet & completa, quâ Deus Electos suos remunerat, consistit in prædictis actibus continuò exercitis, ac nunquam intermittendis visionis, amoris & gaudii. Quia verò gaudium commensuratur amoris, sicut amor visioni: visio autem non est eadem & æque perfecta in omnibus; hinc intelligitur nec eandem, nec æque perfectam esse in omnibus beatitudinem. Hæc verò inæqualitas præmii consequitur ad inæqualitatem meritum, ad quorum copiam inopiamque attenturum se Deus promissit, ut ampliori justificationi respondeat amplior glorificatio. Atque id præstat præbens se magis minusve videndum cui voluerit, sive interim id ipsum efficiat per modificationem cuiusdam actionis suæ in intellectum, sive per modificatam effusionem luminis gloriæ. Quæ & similia fuscè à Theologis disputantur, apud quos videri poterunt.

Dico *quarto* ac denique posse jam faciliè ex præmissis circa retributionem bonis operibus exhibitam intelligi quid sit pœna pro malis operibus infligenda. Et ut taceam de temporali, cujus multipliciter facis manifestant morbi, lites, calumniæ, inimicitie, egestates cæteraque innumera vitæ pericula, atque incommoda, addo æternam consistere non modò in privatione bonorum omnium, quæ ad vitam beatam attinent; sed insuper in confluxu malorum omnium, quæ consociari possunt ad supremam vitæ miseriæ. Igitur sicut vita beata abundat bonis omnibus propter possessionem boni infiniti, sic vita, ut ita loquar, damnata ad pœnas infelicitatis æternæ abundat malis omnibus propter ejusdem boni infiniti privationem, quæ secum cætera mala omnia pertrahit. Quo pacto reprobi præter pœnam damni consistentem in privatione amissæ beatitudinis, alteram sensuum patientur. Et isti quidem quomodò subjacere possint post corpora reassumpta non difficilè intelligitur: sed qualiter ei subjaceant nunc Animæ à suis corporibus interim exsolutæ, id certè difficile & insuperabile forsitan est intellectu, cum nullum sensibile corporeum sive ignis, sive quodcumque aliud excogitari possit, cujus activitas sit idonea ad Animam pure spirituales affligendam, tali utique afflictione, quæ similis sit afflictioni, sive dolori afflicti visum, vel auditum, &c. hæc enim est illa, quæ vocatur pœna sensus.

Ad id nihilominus utcumque intelligendum proderit, si advertatur activitates omnes agentium omnium siue spiritualium, siue corporeorum perinde ac entitates esse in ipsis per participationem à Deo, in quo proinde compertiuntur vel formaliter, vel certe emi-

## VII.

Qualiter  
è contra  
discurren-  
dum sit de  
pœna æ-  
terna.

## VIII.

Afferatur  
modus,  
quo Ani-  
ma subja-  
ceat pœnæ  
sensibili.

nenter. Unde consequitur posse Deum in subiecto quocunque idoneo exercere actionem cuiusvis agentis, id est, actionem con- similem ei, quam agens quodlibet exerceret. Quo pacto concipi- mus posse Deum afficere lignum actione ignis, oculum actione lucis, &c. Nunc verò aliunde concipimus Animam, quamvis spiritua- lem posse, à Deo scilicet, affici per huiusmodi actiones, quia actiones illę Dei spirituales sunt, licet corporeis æquivalent, & ideo mirum non est animam idoneam esse ad illas excipiendas. Igitur potest Deus agere in Animam actione ignis, luminis, soni, &c. istę verò actiones juxta moderationem aut immoderationem, quam obtinent, voluptatem afferunt vel dolorem. Atque ita tum recrea- re, tum cruciare animam potest per huiusmodi actiones in ipsam: ergo denique potest animas ad infernalem infelicitatem damnatas torquere pœnis sensibilibus, agendo nimirum in ipsas non aliter, quàm in corpora nostra agere soleat ignis urens, lumen importunum, sonus ingratus, &c. Id verò si immediate ac per se ipsum præstare potest, etiam, ut putò, id ipsum poterit mediante igne urente, lumine im- portuno, sono ingrato, &c. communicando istis agentibus activi- tatem solitā majorem, sive solitam elevando ad gradum & mensu- ram illius, quā per se ipsum exequi potest prædictos effectus. Et sic verum comprobabitur id, quod Theologi passim docent de pœnis sensibilibus, quas Animę reprobrę apud inferos patiuntur.

IX.  
Submissio  
Authoris.

Et hæc dixisse sufficiat de materiis istis moralibus, in quibus pe- rinde ac cæteris omnibus philosophicis si quid à me erratum est, id totum libentissime submitto infallibili Ecclesię judicio & re- prehensioni sapientum.


**FINIS** Tomi quarti;  
ac totius operis.











*Frons est ista Viri, qui cum Virtutibus Artes  
Virtute, Arte nova connexuit omnibus omnes.*

DE VITA, MORIBUS,

ET SCRIPTIS R. P.

EMANUELIS MAIGNANI

TOLOSATIS

ORDINIS MINIMORUM,

PHILOSOPHI,

ATQUE MATHEMATICI PRÆSTANTISSIMI

ELOGIUM

iteratò editum

Anno 1703.

A R. P. JOANNE SAGUENS

EJUSDEM ORDINIS MINIMORUM

& Urbis Tolosanæ Alumno.

*Memoria Juste cum laudibus. PROV. 10.*



## MONITUM AD LECTOREM.

**S**Ex ante annos, videlicet anno 1697, publici Juris feceram qualecunque istud elogium de Vita, moribus, & scriptis R. P. Maignani: neque cogitabam de illo novis typis submittendo. Ac ecce occurrit Amicus, qui auctoritate, quâ apud me valet, invictâ suadet mihi, dicam an jubet, iteratò illud edere & providere ut ad frontem vel ad calcem quadripartiti operis hujus mei Philosophici illigetur. Excipe itaque illud, Optime Lector, & ex eo conjice qualis quantusque fuerit Vir, cujus opiniones conscriptor. Fortè & hinc singularem suasionem; si minùs urgentem rationem accipies easdem conscribendi, vel certe addiscendi, quia Primus discendi ardor nobilitas est Magistri.

Caterùm rogo Te, ut quidquid ad exscriptiones Chronologicas pertinet, id referas ad annum prædictum primæ editionis. Qua de re monendus ac rogandus fuisti: vel multa mihi verba circa illas accessissent mutanda, ob factam novi sæculi accessionem.

Tum verò nec apicem addidi: quia non multò post, Deo juvante, obtinebimus à R. P. Henrico Poyrier nostri Ordinis Viro plane erudito & in Maignanum valde propenso amplam totius Vita ac Doctrinæ Maignanæ Historiam. Et jam quidem illius speciem quoddam ac consilium nunc nuper legi in opusculo quodam edito sub forma epistolæ ad Doctos omnes tum Extraneos, tum præsertim Domesticos directæ: nec arduum fuit ut conjicerem opusculum illud esse magni cujusdam operis & Doctis omnibus profuturi prænuncium.



# DE VITA; MORIBUS ET SCRIPTIS P. M A I G N A N I E L O G I U M.

**S**I quæ frequens jactura contingit, num illa rerum præclare scriptarum: ut apud Sapientes si quid non infrequens, num illud maximè, quod deperditas lugeant, devevantque magno ære redemptas? Et id meritò quidem; quia agnoscunt, si quam ob causam ad Veritatem non pervenitur, suboriri illam ex incuria hominum, aut ex temporum injuria, quæ nobis misere subripit præmonitiones à Majoribus nostris ad institutionem nostram vulgaras, nihil ira constans cum sit longam adeò, arduamque esse veritatis viam, ut nisi juveniur Antenororum nostrorum prælucentibus studiis, tam impossibile videatur ad remotissimas illius metas pervenire, quàm cæcum, nisi manuducatur, totum Orbis circuitum peragere.

At ut frequentem istam jacturam rerum præclare scriptarum animo comprehendas, cogita illas infelicitè ruere non tunc tantùmmodò, quàm libri, quibus concredidi fuerant, aut usu teruntur, aut obeduntur à tinea, aut flammis vocantur, aut neglecti spernuntur: sed multò infeliciùs, quoties inattente leguntur, & maligne, aut ignoranter detorquentur in sensum reprobum, & à mente Scriptoris alienum: hæc quippe illa est periculosior librorum lues, ac tantò irrevocabilior, quantò expeditius est illos novis typis redintegrari, quàm Lectores restitui in statum à præjudiciis liberum, & immunem.

Itaque Scriptoris mentem evanuisse reputa, quam Lector non fuerit assecutus: paucissimis autem cum indulgeatur eam assequi, idque ex multis capitibus obvenire possit, unum illud commemorabo: quod nisi ad obviam vi-

vendi scribendique servatam normam attendi possit, velut ad superstitem Authoris jam extincti vivam imaginem, intimior sententiarum, quas protulerit, sensus non facili rescitur. Hinc pro consulto laudatur, quorum libri commendationem in Orbe Literario obtinuerint, vitas publicari, ut propter ingentem morum & doctrinarum cohesionem, istæ ex illis apertius illucescant.

Quare cum iussus fuero Maignani Nostri mentem, quam me putant propius assecutum, explanare: sive, quod eodem redit, impedire quominus res à tanto Vito prodite pereant, duxi ultra quamplures aliunde exanilatos labores non esse isti parcendum, quo conscriberem qualecunque elogium de vita, moribus, & scriptis illius. Idque tanto lubentius prestiti, quanto plura in eo occurrunt novi, quæ si Viris Literatis ad eruditionem non profuerint, Religiosis ad imitationem esse multum profutura confido: nam in Maignano æquis passibus, & ita quidem acceleratis doctrina ac pietas procedebant, ut nullâ prætereunte die, quæ splendidum utrique non adiecisset incrementum, ante non obierit, quam peroptatum, ac perrarum utriusque complementum obtinuisset.

Tum verò Lector optime effugiam, si usquam alibi, hic maximè, verbosam omnem eloquentiæ conquistæ jactantiam, quæ inducere suspensionem possit adulteratæ veritatis. Enarratione ingenuâ utar ac simplici, nec talem esse dedecet, quâ proclamatur vita hominis Religiosæ tum ingenuitati, tum simplicitati supra Mortales omnes addicti.

Maignanus natione Gallus, patriâ Tolosæ natus est anno primo hujus sæculi die 17. mensis Julii. Patet ei fuisse Petrus Maignanus Consiliarius Regius Referendarius & Decanus in Cancellaria Tolosana Vir æquitatem servans, & conspicuus splendidissimi generis antiquâ nobilitate indubitata. Siquidem ut omnes novimus, Maignani Tolosates isti stirpem suam trahunt ex illis, quos Eluza urbs nunc obscura; sed antiquitate celeberrima ad Gelisam amnem sita in Comitatu Arminiaco Barones suos strenuos, opulentos, magnificos per multas non interruptarum generationum successiones reverenter, ac peramanter complexa est.

Matrem habuit Gaudiosam de Alvarez charam filiam celeberrimi illius Medici Emanuelis de Alvarez, quem Tolosa Urbs Literarum omnium amantissima precibus ac pollicitationibus multis ex Lusitania advocavit perfuncturum munere Regii Professoris. Hic originem suam ducebat ex antiquissima Familia Alvareziorum de Buhendya in regno Lusitaniz, & fuit Patrens Lustricus Maignani Nostri, qui ex illo nomen Emanuelis obtinuit, & sacram significationem deinceps complexit per constantem Dei secum inhabitationem, quam innocentissimo Christianæ vitæ tenore promovebatur.

Infans, & adhuc in cunis nescio quid futuræ eruditionis præfagebat; dum nusquam tam libenter à vagitibus temperabat, quàm quàm fortè obtinebat libellos, in quorum evolvendis foliis ac perspiciendis characteribus mirè oblectabatur, ut alii solent in bullis, tæniis, coraliis, crepitaculis, cæterisque crepundiis. Dixisses animam illius prægestire, & cum anticipata lætitia prægustare delicias, quibus cumulatæ illam aliquando erant exercitationes Literariz.

Jamque vix quimatum excefferat, quàm inclyti Patentes ex erumpentibus ingenii, ac judicii præmatûri scintillis conjicere cæpetunt quantum profecturus esset in studiis. Mirabantur puerum puerilia spectantem, abhorrentem à ludicris, seria cogitantem, & precibus, ac præceptionibus catechisticis sic attentum & memorem, ut in eum graviter peccare reputassent, nisi de providendis ei absque mora Magistris cogitationem sollicitam induxissent. Domesticos itaque obtinuit, à quibus prima latinæ rudimenta excepit; tum externos, quos in Collegio Tolosano Societatis Jesu audivit, & coluit deinceps cum ea submissione, ac significatione grati animi, ut si quid didicisset, id non suæ perspicaciæ aut diligentiz; sed eorum benevolentiz ac peritiz acceptum referret.

Cùmque nihil illi molestum, nihil aspectum in istis humanioribus Literis addiscendis occurreret; nihil in quo non potius ludere, quàm meditari; aut reminisci, quàm de novo addiscere videretur: non tam stupeo quòd ad fetenda officii sui pensa nullis incitamentis unquam egeret, quàm vehementer lætor, quàm audio nec sollicitationibus ullis urgeti debuisse unquam ad omnia Scholasticæ pietatis exercitia, à quibus non peccinacius alii resiliabant, quàm iste alacriter profiliret concitatus narivo bonæ indolis zelo, & felici propensione ad virtutes, quæ in molli juvene, & nondum per ætatem firmato robur insolitum obtinebant.

In primis ad omnes vitæ suæ actus, & usus advocabat honestum, ac modestum illum pudorem, qui abhorret ab omni inquinamento lascivientis colloquii. Quare cæpit paulatim declinare à sociis præeligans omni joco abstinere, quàm facere vel levissimum verecundiz suæ periculum. Tum ut omnes periculosi commercii procellas cautius subterfugeret, si quid temporis post exacta precum ac lectionum suarum officia offerebatur residui, totum in conveniendo recessu Minimitani hujus Cœnobii impendebat: vel maxime ad confabulationem bovi cujusdam Senis, qui se illi offerre ultro solebat, & monita salutis dabat.

Habent Cœnobitica colloquia suas illecebras, & istæ suos laqueos, quibus leviter innodabatur præsentiens suavitatem vitæ ab omni saltu, & impetu sæculi alienæ. Verùm ut nihil inconsideratè moliebatur, expectabat patienter plenitudinem sui temporis, seque inscium ad gratiam Religiosæ

vocationis parabat. Quotusquisque autem ille est, qui non noverit intimas Divini eloquii suasiones istas, quibus parvuli ut parvuli sapientes abducimur à sæculo ad claustrum, præveniri sæpè sapius motivis externis in speciem levibus; at in re gravibus, quippe quibus altitudo Divinæ Sapientię & incomprehensibilitas judiciorum ejus utitur ad deducendos Electos in viam rectam? Quare injucundum non erit, si Lectori communicavero enarrationem mihi sapius indultam facti, quod Nostro Adolescenti occasio fuit seriùs cogitandi, ac proponendi desertionem Mundanam.

Frequentabat tunc temporis Primam Grammatices, & ita quidem diligenter, ut esset omnium admirationi, aut invidiæ; quùm obtigit eam anni tempestatem recurrere, quâ solebat publica quædam eloquentię concertatio fieri, & præmiari. Argumentum canendi poematis erat, *Gallina indica pullos suos ab importuna milvi invasione liberantis victoria*; & hæc quidem fuit à Rhetore nostro celebrata versibus multis, quibus etsi neque deesset fictio, neque pompa laudatissimæ poëseos, defuit tamen jure an injuria palmæ adjudicatio. Itaque spei, quam præconceperat, amissionem sic ægre tulit, ut feriatu per aliquot dies à solitis studiis, frequentius conveniret deamatum hujus claustrii recessum, in quo apud se ipsi recogitabat, quàm consultius esset ibi Christianas purę animę dotes ab iucursu sæculi illæsas servare, quàm in sæculo canere victoriam præmissam gallinæ indicæ: ibique studiorum suorum spem omnem defigere apud Deum, quàm alibi apud homines, apud quos tum vana est remuneratio, tum acceptio plurima personarum.

Tandem repetita hæc sanctissimarum cogitationum incendia tam altâ mente excepit, ut perinde spretis abstinentissimæ vitæ acerbitatibus, ac blandissimis parentum & amicorum assentatiunculis Claustralem amictum efflagitaverit: nec diu tamen, quia faciles se præbuerunt Patres Nostri precibus Adolescentis spem secum plurimam afferentis. Exinde tum audiente me, tum compellato, cùm ætatis esset jam serè exactę sæpius aiebat. *Annon rectè me gessi: saculum poemati meo palmam denegavi: à saculo ad æternitatem appellavi? Ecquis provocationem hanc meam frustratoriam dixerit? Hanc ultionem volui, & debui ex amulo meo referre, quem reliqui in saculo, & ad æternitatem me transtuli.*

Solent apud nos Magistri, & Informatores morum toto pendente anno probationis suos, ut loquimur, Novitios onerosis & abjectis ministeriis, multisque acerbitatibus exercere, quibus non rarò contingit eos cedere, deterri, & ad sua reverti. At quęcunque aliis ingrata fortè erant, & gravia onera illa, Fratri Emanueli grata præsentiebantur & levia: ipse se urgebat, ut juberetur; & animum sanctę obedientię anhelum iis ferendis non modò parcm; sed longe superiorem ac perseveraturum commonstrabat. Equi-

dem modestiæ, humilitatis, patientiæ, cæterarumque consentanearum virtutum accumulato numero semper enituit: sed neque leve præstantiam omnibus audidit casus iste fortuitus, quem auditum à multis non præteribo.

Non multi, ex quo vestibus sanctis amictus fuerat, effluerant dies, quàm intra lacerum quoddam Missale Romanum, quod fortè ad comparandam Rubricarum notitiam evolvebat, pervidit fragmentum dissolutæ ac detritæ chartæ. Legit illic & agnovit rescriptam ex parte Matris exposcentis ab Hierophilacte nostro ( Sacristam usitatò vocant ) certa quædam Missarum sacrificia in gratiarum actionem celebranda pro obtenta præter spem omnem incolumitate filii sui Emanuëlis, quem graviter decumbentem, ac de vita periclitantem sancto Patri Nostro Francisco Paulano devoverat. Casum secum ipso ponderavit, & cælestis cohortationis ad instat reveritus censuit officii sui partes primarias esse, ut vitæ residuum, quod Maximus Patriarcha morti eripuerat, sub vexillo Minimitanæ Charitatis transigeret: tantòque sanctius, quantò duplicem personam gerebat, unam alterius Samuelem voto materno, alteram Emanuëlis suo: & jam quidem privato obstrictis sed mox publico solemniter astringendi.

Fluebat interim duodenarius ille mensium circulus, quem ad tentandam Novitiorum indolem Sacra consuetudinis nostræ, & æquitatis jura præfixerunt. Eoque revoluta Frater Maignus cum omnium Cœnobarum nostrorum applausu plurimo Religiosæ militiæ nomen dedit anno Christi 1619, & ætatis suæ 18. suæque nuncupavit vota inter manus R. P. Ledous Conventualis Præpositi: & Viri, quem etsi nescirem in rebus multis ac præclare gestis de Regulari observantia benemeritum, colerem ex hoc cumulatissime commendatum, quod Hortis nostris novellam hanc Plantam luciferet, quæ deinceps, ne dixerim derepente, in celsissimam vitæ pig, ac doctæ Arborem germinavit.

Nam ut primum Frater Maignus obtinuit copiam referendi se ad studia, cepit id exequi tantò felicius, quantò post avidè excepta, impigresque exulta Logicæ & Metaphysicæ præcepta, ut ad res Physicas ventum est, non modò leviter suspicabatur. Aristotelem falsa multa pro veris ad posteros remisisse. Hinc conjecit nullum esse in rebus Philosophicis vitium periculosius, ac turpius cæca credulitate, à qua deinceps tantum abhorruit, ut in illis veritatem nullam habuerit pro comperta, nisi quam aut solidi ratiociniæ, aut luculenta experimenta plenissime demonstrarent.

Eximium illum & magnà apud nos celebritate eruditionis commendatum Magistrum Ruffatium audiebat. Is verò etsi Aristotelica placita additissime tueretur, bene nihilominus ominabatur de adolescente, qui si in aliqua sententiâ Aristotelis proposita vel minimam subodorabatur contagio-



vocationis parabat. Quotusquisque autem ille est, qui non noverit intimas Divini eloquii suationes istas, quibus parvuli ut parvuli sapientes abducimur à sæculo ad claustrum, præveniri sæpè sæpius motivis externis in speciem levibus; at in re gravibus, quippe quibus altitudo Divinæ Sapientię & incomprehensibilitas judiciorum ejus utitur ad deducendos Electos in viam rectam? Quare injucundum non erit, si Lectori communicavero enarrationem mihi sæpius indultam facti, quod Nostro Adolefcenti occasio fuit seriùs cogitandi, ac proponendi desertionem Mundanam.

Frequentabat tunc temporis Primam Grammatices, & ita quidem diligenter, ut esset omnium admirationi, aut invidiæ; quùm obtigit eam anni tempestatem recurrere, quâ solebat publica quædam eloquentiæ concertatio fieri, & præmiari. Argumentum canendi poematis erat, *Gallina indica pullos suos ab importuna milvi invasione liberantis victoria*; & hæc quidem fuit à Rhetore nostro celebrata versibus multis, quibus etsi neque deesset fictio, neque pompa laudatissimæ poëseos, defuit tamen jure an injuria palmæ adjudicatio. Itaque spei, quam præconceperat, amissionem sic ægre tulit, ut feriatus per aliquot dies à solitis studiis, frequentius convenerit deamatum hujus claustrum recessum, in quo apud se ipsum recogitabat, quàm consultius esset ibi Christianas puræ animæ dotes ab iucursu sæculi illæsis servare, quàm in sæculo canere victoriam præmissam gallinæ indicæ: ibique studiorum suorum spem omnem defigere apud Deum, quàm alibi apud homines, apud quos tum vana est remuneratio, tum acceptio plurima personarum.

Tandem repetita hæc sanctissimarum cogitationum incendia tam altâ mente excepit, ut perinde spreis abstinentissimæ vitæ acerbitatibus, ac blandissimis parentum & amicorum assuetiunculis Claustralem amictum efflagitaverit: nec diu tamen, quia faciles se præbuerunt Patres Nostri precibus Adolefcentis spem secum plurimam afferentis. Exinde tum audiente me, tum compellato, cùm gratis esset jam ferè exactè sæpius aiebat. *Annon rectè me gessi: sæculum poemati meo palmam denegavit: à sæculo ad æternitatem appellavi? Ecquis provocationem hanc meam frustratoriam dixerit? Hanc ultionem volui, & debui ex amulo meo referre, quem reliqui in sæculo, & ad æternitatem me trans tuli.*

Solent apud nos Magistri, & Informatores morum toto pendente anno probationis suos, ut loquimur, Novitios onerosis & abjectis ministeriis, multisque acerbitatibus exercere, quibus non rarò contingit eos cedere, dererteri, & ad sua reverti. At quæcunque aliis ingrata fortè erant, & gravia onera illa, Fratri Emanuëli grata præsentiebantur & levia: ipse se urgebat, ut juberetur, & animum sanctę obedientię anghelum iis ferendis non modò parcm; sed longe superiorem ac perseveraturum commonstrabat. Equi:

dem modestiæ, humilitatis, patientiæ, cæterarumque consentanearum virtutum accumulato numero semper emuit: sed neque leuem præstantiam omnibus addidit casus iste fortuitus, quem auditum à multis non præteribo.

Non multi, ex quo vestibus sanctis amicus fuerat, effluerant dies, quàm intra lacerum quoddam Missale Romanum, quod fortè ad comparandam Rubricarum notitiam evolvebat, pervidit fragmentum dissolutæ ac detritæ chartæ. Legit illic & agnovit rescriptam ex parte Matris exposcentis ab Hierophilacte nostro ( Sacristam usitatò vocant ) certa quedam Missarum sacrificia in gratiarum actionem celebranda pro obtenta præter spem omnem incolumitate filii sui Emanuëlis, quem graviter decumbentem, ac de vita periclitantem sancto Patri Nostro Francisco Paulano devoverat. Casum secum ipso ponderavit, & cælestis cohortationis ad instar reveritus censuit officii sui partes primarias esse, ut vitæ residuum, quod Maximus Patriarcha morti eripuerat, sub vexillo Minimiræ Charitatis transigeret: tantòque sanctius, quantò duplicem personam gerebat, unam alterius Samue-  
lis voto materno, alteram Emanuëlis suo: & jam quidem privato obstrictis sed mox publico solemniter astringendi.

Fluebat interim duodenarius ille mensium circulus, quem ad tentandam Novitiorum indolem Sacra consuetudinis nostræ, & æquitatis jura præfixerunt. Eoque revoluta Frater Maignus cum omnium Cœnobarum nostrorum applausu plurimo Religiosæ militiæ nomen dedit anno Christi 1019, & ætatis suæ 18. suæque nuncupavit vota inter manus R. P. Ledous Conventualis Præpositi: & Viri, quem etsi nescirem in rebus multis ac præclare gestis de Regulari observantia benemeritum, colerem ex hoc cumulatissime commendatum, quod Hortis nostris novellam hanc Plantam lucifecerit, quæ deinceps, ne dixerim derepente, in celsissimam vitæ piæ, ac doctæ Arborem germinavit.

Nam ut primum Frater Maignanus obtinuit copiam referendi se ad studia, cepit id exequi tantò felicius, quantò post avidè excepta, impigresque exulta Logicæ & Metaphysicæ præcepta, ut ad res Physicas ventum est, non modò leviter suspicabatur. Aristotelem falsa multa pro veris ad posteros remisisse. Hinc conjectit nullum esse in rebus Philosophicis vitium periculosius, ac turpius cæca credulitate, à qua deinceps tantùm abhorruit, ut in his veritatem nullam habuerit pro comperta, nisi quam aut salida ratiocinia, aut luculenta experimenta plenissimè demonstrarent.

Eximium illum & magnà apud nos celebritate eruditionis commendatum Magistrum Ruffatium audiebat. Is verò etsi Aristotelica placita addictissime tueretur, bene nihilominus ominabatur de adolescente, qui si in aliqua sententia Aristotelis proposita vel minimam subodorabatur contagio-

nem erroris; insurgebat audax; & ut moris est, per invasiones syllogisticas pugnacissimè decertabat. Sed multò celsiorem de illo opinionem accepit, quùm occasione datà schematis Mathematici, quo ipse ad explanationem reconditoris cujusdam Physici mysterii lucem afferebat, intellexit eum esse Geometram; stupuitque, & curiosè requisivit causam, ac methodum comparatæ, & eò usque occultatæ eruditionis.

Verùm ut responsuri juvenis modestiæ parcam, dicam ipse ego paulò liberiùs, quod multò post ad suadenda rerum Mathematicarum studia contraxerat sibi obtingisse, ut intra horas unius anni liberas, seu rescisas à tempore ad cætera Chori, & Scholæ ministeria usitato, tot Theoremata, ac Problemata Geometrica per se ipsum adinveniret, ut deinceps non plura deprehenderit contineri totis sex prioribus libris Euclideanorum Elementorum. Annon diceris illum ralem fuisse, qui, nisi extitissent Elementa Euclidis, edidisset. Simile quid refertur de clarissimo Viro Pascasio inter Geometras hujus sæculi celeberrimos annumerando: ita ut videatur utrique Deus præstantissimæ illius disciplinæ anticipationem copiosissimam contulisse.

Tum neque mirum est, inquiebat Maignanus, quod leves istos Mathematici tyrocinii conatus ultra promoverim: an nescitis Crucem Matheseos mea Magistrum habui? Cùm enim frustratus omni instrumentorum figuris exarandis inservientium apparatu nec normam haberet, nec circinum: circini quidem vice duobus tignulis ligneis ex parte una liberè affixis infixerat ex altera duas acus futorias. At pro norma, aut quòd opportunum nihil occurreret, aut potius quòd mallet sua schemata omnia appposito Crucis signo communiri, ut à pterisque more Catholico illud appingitur summis capitibus paginarum, cruce lignea utebatur. Et illa crux erat equidem paupercula; sed videte, rursus aiebat, quanta instrumentorum, artefactorumque omnis generis multitudine me distavit; imo beavit.

Pretiosa tamen non erant instrumenta, & artefacta ista, nisi ob structuram exquisitissimam: nam ut ipse suis manibus elaborabat omnia; ita cum acerrima sollicitudine verebatur, ne si magnifice ornarentur, parum essent conformia cum pauperrimis Crucis Magistræ initiis: quorum non immemor erat, quùm hæc scriberet Optices suæ horariz prop. 18. Equidem fateor id me ..... semper egisse, ut certitudinem operationis magis, quàm splendidum & magnificum instrumenti cultum curarem. Ac deinde. Studi quantiùm licuit, ut cum paupertate, qua Mathematicis licet non omnibus votiva, tamen quàm plurimus familiaris est, structuram usumque conjungerem.

Gradum cum illo exinde faciamus ab exercitationibus Philosophicis ad Theologicas; & stupebimus obtuentes hominem à se ipso mutatissimum. Qui enim ab illis aures credulas tantopere avertēbat nihil non submittens subtilioribus

subtilioribus fortè disquisitionibus, ac ferè fastosis judiciis, submississimè & contra istius fidem offert; refugitque ut à leviuscula dubitatione, sic ab omni curiosa indagine, ex quo audit scrutorem Majestatis oppressum iri à gloria. Nihilominus cum via Theologorum promulgata, & quæ jam longo intervallo percrebuit consuetudo hæc sit, ut ad res Fidei elucidandas, ac ferè sumandas afferant argumenta multa ex Aristotelicis fontibus derivata, sui rursus esse juris prælumebat indagare quid illa continerent aut solidi, aut inanis, & ab illis discedere negligendo Aristotelem, si quæ oportiora extarent apud Platonem.

Noveat nullam in alterutro esse pro hisce quæstionum supernaturalium generibus dirimendis legitimæ jurisdictionis acceptam Divinitus facultatem: quare utrius doctrina prævaleret pro exponendis, dubitari posse tantò securius confidebat, quantò convictius intelligebat posteriorem Aristotelis Patres equidem ac Doctores ferè omnes, qui sancto Thome successerunt, prætulisse; sed quotquot antecesserunt, Platonis priorem prælegisse.

Nisi quoddam ad invidiæ reciprocæ locum neutri relinquendum maximo in pretio posuisset verè doctam ac plane tutam methodum illam, quæ Catholice veritates solâ Sanctorum Patrum & Conciliorum unâ cum additis Ecclesiasticis Scripturis, traditionibus, gestis & decretis, auctoritate sanciantur: agnoscens quàm parum roboris, ac lucis, imò quàm multum imbecillitatis ac caliginis sepe ex angustiis Philosophicis in immensitates Theologicas transferatur: ac simul pro perversissimum habens morem illum, quo pluri mi multa ad disquisitionem Philosophicam merè spectantia, & captus nostros non prætergressa ex assertis incomprehensibilibus Theologicis arguere, aut illustrare præsumunt. Quâ de re agebat frequentissime, idque scriptum reliquit Phil. Entis cap. 10. *Non satis posse se mirari ea ingenia, quæ Mysteriis Divinis inscrutabilibus, & potius cum silentio ac fide reverendis putant se posse lucem asferre, vel etiam eorum essendi modum cerò arguere & verum humanarum tenebris; ac deinde res easdem humanas luce Divinarum earundem illustrare: atque etiam vi ejus lucis efficaciter construere nituntur, &c.*

Quia tamen post multos annos temporis interlapso sibi plane suavit quàm vanum foret velle obistere, & non potius obtemperare consuetudini Scholasticæ philosophandi in Saceratio Theologico; Religiose decrevit pro figmentis, ac mendaciis philosophicis multis, quæ flagitiosè illud coinquinant, inducere vera, ac probata principia Philosophiæ restauratæ. Sed ad quid præoccupatio quæ dicenda recurrent, quum de scriptis tanti Viri erit particulatim edisserendum? Aut ad quid abrupto narrationis filo moror addere plenum illud immensè operosissimis, sexcentium, quod Tolosæ sub Magistro transegit, non fuisse nisi levem affatum, & prævincium laboris lon-

gé operosissimi, quem in exploranda rerum veritate collocandum meditabatur?

Generoso ardori stimulos addidit R. P. Lavedanius, qui tunc Provinciam istam sapientissime administrabat, metuebatque ne potiores muneris sui partes deseruisse videretur, nisi Patrem Maignanum Sacro jam Presbyteratus Ordine insignitum Magistrali pulpito admoveret. Non offerebatur solertior alius, non observantior veri ac boni, non argutior ad respondendum, non patientior ad concertandum, tandem non dignior ad hæc subsellia alius occurrebat, ut eventu comprobatum nulli nescimus. Nam quis aut Religiosioris observantiæ, aut castigationis discipline, aut severioris diligentis nervos omnes in informationem Juventutis tetendit? Quis illam ad subeundum simul utrumque virtutis ac doctrinæ comparandæ jugum vehementius incitavit? Quis plenas Sapientiæ manus in cam liberalius exportavit?

Sola ferè Viri præsentia sapientiam edocebat: fuitque semper eximia hæc prærogativa dotatus; ut quæ vix alius potuisset plurimis, hæc iste paucis dictionibus distinctissime, gravissime, ornatissime explanaret; quasi mollis illius, quæ paululum laborabat, balbutiei damnum voluisset Natura compendiosæ oratoris suadellæ dono rependere. Si tamen balbuties dicenda est linguæ morositas illa, quæ ex prænimia cogitationum turmatim irritantium proflutione suboritur, qualem S. Gregorius Nyssenus in vita S. Ephræm Syri sic exornavit. *Tantam enim sapientia abundantiam largitus illi (S. Ephræm) Deus fuerat, ut quantumvis ei perpetui quasi verborum fontes suppeterent; rebus tamen explicandis parvis nequaquam essent, illudque non tam lingua tarditate, quam cogitationis celeritate accidebat. Lingua enim cogitandi aliorum vim exæquebat; attamen tardior erat, quam ut ipsum sententias assequi posset. . . siquidem doctrina profunditas linguam ipsum absorbebat, ut sensa animi efferre nequirit.*

De cætero ita peracutè & cautè abstrusissimarum quæstionum adyta secretiora inibat; ut quod neque hæteret, neque exspiraret in indaganda ac referenda veritate, obtinuisse videretur & lucernam è Sydereâ luce accensam, & clavem desuper fabrefactam. Quare ut natura lucis ei non latere, quid tandem interponere vel levissimam moram potuit, quo minùs fama consummati perfectique Magistri superatis hinc quidem Alpinorum, illinc autem Pyrenæorum montium obviantium jugis intra Minimitani Nostri Ordinis fines excurreret.

Commovit omnes sparsus hic rumor insperatâ lætitiâ, ut affectit cumulatissimo jubilo Reverendissimum Patrem Franciscum à Cælico præstantissimum totius Ordinis Præpositum Generalem, qui tam celebratæ eruditionis certior factus illum Romam accersit anno 1636. professurum in Domo Na-

tionali Sanctissimæ Trinitatis nuncupata, & sita supra verticem amcenissimum montis Pincii ( intellexerat enim quantum decoris & utilitatis ad optimarum artium notitiam promovendam hinc consequeretur, si Vir cujus eruditio tam splendide efflorescebat in Provincia Aquitanica, eò accederet, quò ex omnibus nostris Galliarum Provinciis convenitur ) in illa, inquam, Domo per antiquam Regum nostrorum munificentiam erecta, & per conspirantem Romanorum beneficentiam aucta, quæ ad celebritatis suæ famam non minus Literariis Scholæ lectissimæ exercitiis, quàm perennibus Regularis zeli monumentis tuendam, ut generatim neminem sustinet, qui non sit eximia morum probitate conspicuus, sic speciatim non nisi Juvenes ingeniosissimæ spei admittit; nec istos erudiendos committit, nisi Magistris gravibus ac præstantibus, quorum, nisi me nescio quæ fors minus dignum interlocaisset, non fuisset hætenus series interrupta.

At eorum nemini, quod putem, ero injurius, si Maignano primas defendendas proclamaverim: nam vix, ac nè vix quidem inter lapsus annus fuerat, quum pervulgari cepit inter Doctos Maignani nomen, & amicum ac familiare esse omnibus; iis maximè, qui rerum Physicarum & Mathematicarum experimentis vacabant. Isti certè si quid experirentur, id quasi in expertum sprevissent, nisi favisset & adjuvasset P. Maignanus. Et ecce, qui insartum oninium nominari possit, Gasparem Bertium Virum in capessendis experimentis profusissimum ac solertissimum: attamen aut absque illo nihil tentabat, aut si quid marti proprio confidisset, non omittebat totum recte, & sententiam reposcere decretoriam. Testem habeo casum experimenti illius circa vacuum operosi, de quo Athanasius Kircherus, Nicolaus Zucchi & alii, quamquam hæc cum Gaspare Bertio, nec secum invicem satis concordēs, plura scripserunt. Vide longam illius enarrationem & figuram, si vacat, Lector Optime, aquod Maig. Phil. Nat. cap. 20. prop. 10.

Ipse vicissim, si quid novum moliebat aut ad rerum Physicarum resciendam veritatem, aut ad operationum Mathematicarum demonstrandam pulchritudinem, non absque invidia modò, sed gratissima cum urbanitate amicis communicabat, quin etiam, quum res tulit, spectaculo jurisque publico permittebat; ut in primis unam, alteramque summi, novique artificii Perspectivam, quæ Regii nostri Conventus concameratam porticum decoravit. Neque etsi possim de illa silere, quæ est optica, & refert effigiem Sanctissimi Patriarchæ Nostri adgeniculatim orantis; propius quidem & ex adverso si conspicitur, deformatam in campos latè apertos, venatoribus pervios, nemoribus confitos, cinctos montibus, fluminibus irrigatos, &c. procul autem, & ex assignato puncto si in latius respicitur, eximie reformatam. Etsi, inquam, silere de illa possim ob id maximè, quòd præclaram illius mentionem fecerit Nicronius Noster in Thaumaturgo suo Op.

tico ; prætermittere silentio non licet alteram, quæ est catoptrica anacamptrica, complectiturque integram calî faciem suis omnibus ad res Astronomicas spectantibus circulis interstinctam ; idque ob contentionem, potius æmulationem exorram, quam paucis excipe.

Athanasius Kircherus Vir in Orbe Literario plurimum conspicuus, & in omni genere tum artium Mathematicarum, tum Linguarum maximè Orientalium supra opinionem omnem eruditus, is ille est, qui inter spectanda Almæ Urbis Cœnobitica ædificia jure aliquo computans eîdes nostras, secum quadam die adducebat, qui curiosè illas inviseret, nobilem Germanum, cui in insolitum stuporem raptò ob magnitudinem, pulchritudinemque operis prædicti Catoptrici : *Quid stupes*, ait, *Annon hac est figura mei libri?* Aderat è Nostis unus, qui non obscure intelligens illum R. Patrem sibi his verbis vindicare Catoptricæ istius adinventiois primitias, nec omisit paulò asperius retorquere, inò *hic est liber tua figura*, nec distulit rennuciare P. Maignano omnem eventum.

Sed Virum verè humilem parùm movit delata Kircheri gloriatio. *Nulîus hac in re*, inquit, *furti sum conscius, nisi fortè manus meas, opus quod elaboraverunt, menti subripuisse quis sinxerit*: Totaque res ibi sublitteret, nisi visa fuisset communibus amicis digna diligentiori examine, quodque ducebant vertendum ad gloriam non mediocrem aut Germani, aut Galli Mathematici. Omniud enim in quovis artium, & doctrinarum genere primum fuisse ita gloriosum est, ut id Posteritas omnis, quia imitari non potest, invidia dignum putet. Primus labor plerumque sibi aut totum honorem vindicat: aut secundo non nisi magna ex parte imminutum relinquit: vel quòd difficultatem penè omnem, quam in rebus inveniendis maximam esse constat, exhauriat: vel quòd non parùm emolliat: vel denique quòd præstantioris cujusdam ingenii aciem judicique demonstret.

Ecce itaque inter Doctos certatur, & ambigitur uter è duobus eximix illius primæ excogitationis Catoptrico Gaomonix laudem sit relaturus, gravissimoque tandè judicio declinabant ad partes Kircheri, qui prior typis nuper eam commiserat: nisi in restam acerrimum compellatus occurrisset alius R. P. ejusdem Societatis Mathematicus, qui feliciter Romam accesserat, & ingenuè enarrabat vidisse se multos ante annos in Gallia, & in Conventu quidem hujus Aquitanix Provincix nostræ Albaterrensis tale, quoddam opus Catoptricum à P. Maignano elaboratum. Res ita erat; & Maignanus quidem me audiente non semel retulit cogitationem illam horographicam sibi adhuc juniore subito immoderatoque impetu occurrisset; tantaque voluprate mentem occupasse, quâ nullam majorem in vita sensisset. Hinc eruditorum Romanorum cohors suam utrique palmam contulit,

protulitque paria esse in gignendis fortunatissimi ingenii Viris Germaniæ Gallizque Imperia.

Inter aqutissimos illos rerum ad artes, doctrinasque atinentium æstimatores eminebat titulo eoque multiplici purpuræ, nobilitatis, peritiæ, auctoritatis, & summæ in rebus Ecclesiasticis decernendis, administrandis, fortunandis experientiæ Eminentiſſimus Cardinalis Spada totius Ordinis noſtri amantiſſimus Protecſor, qui poſtquam à Maignano obtinuiſſet artefactum ejuſdem generis præclarum, quod in ampliſſimarum ædium ſuarum porticu ſplendiſſima delineari & appenſis abſolutiſſimæ picturæ tabellis exornari curavit; hanc rependere voluit magnificentiæ omnibus profuturam, quâ ſumptibus cum effuſa largitione ſuppeditatiſ Perſpectivæ Horariæ Magnanæ editionem acceleraret. die tandem opus illud Phyſico-Mathematicum in lucem prodijt: opus verè eximium, & ad illa uſque tempora intentatum, cujus compendioſam notitiam haud multis complectar.

Cum ad res Aſtronomicas edocendas non ſit accuratior methodus, quàm ſi excogitabiles omnes Aſtronomiæ Sphæræ circuli exhibeantur in propoſito quovis plano deſcripti, ſeu, ut aiunt, projecti: poſſitque id non tutius perſici, quàm per radios aut directos, aut reflexos, aut refractos Solis, quem quis dicere falſum audeat? Hinc intellexit Author neque digniorem poſſe publicari totius Aſtronomiæ Perſpectivam, neque ornatius diſtribui, quàm in Opticam, quæ directis; Catoptricam quæ reflexis; & Dioptricam, quæ refractis radiis perſicitur tota. Verùm quia operæ pretium erat nonnulla documenta generalia ad iſtas partes ſingulas prælibari, hanc ob cauſam compulſus fuit, ut Perſpectivam ſuam diſpertiretur in libros quatuor. Quòd verò *Horariam* nuncupaverit, etſi perinde vocare potuerit *Aſtronicam*, hac, ut opinor, ratione movebatur; vel quia ſprevit falſum tituli; vel quia inter Aſtronomicos circulos, qui Horarii dicuntur, ii ſunt, quorum notitia pluris intereſt ad uſus omnes humanæ ſocietatis.

De cætero non dicam quàm multa obiter toto opere reſperſerit ſingularis evidentiz ratiocinia, quibus naturales occurrentium aut effectuum cauſas, aut cauſarum effectus exploraret, inſinuaret, convinceret. Sed nunquid ſilēbo, quanto, oſtentatà ad id occaſione, ſubſidio fuerit rebus Calcūlis per tubos Teleſcopicos contemplandis; tradens ſuè, & accuratè ad calcem Dioptrices ſuam methodum formandi, ac poliendī lentes cryſtallinas. *Suam dixi, ac jure ſuam: ut non leviter, ex ſequentibus verbis colligitor. Et mea quidem fortune, inquit Maignanus, id nunquam fuit, ut mecum voluerit aliquis hujus artis peritus, vel minimum quid ſuarum ſive experientiarum, ſive cogitationum communicare: ſed me ipſum forſè non immeritò felicior omnibus predicabo, cui abſque aliena ope contigit ad ingeniam exercitationem terenti cryſtallum, Teleſcopia Aſtronomica edere etiam longiſſimi*



tubi, alienis qua hactenus viderim aequalis tubi, certè non inferiora. Unde existimavi methodum à me excogitatam esse perfectam, & longè perfectius cessuram cuius alteri plus otii, & rei habenti .... hanc verò, ut sine invidia, ita sine ambagibus libenter concedo, & publici juris facio, &c.

Adhuc non reputabat satis id esse, quòd mentem suam typis vulgasset; nisi si qui offerrentur Artifices ad ingeniosas ejus generis machinationes imitandas parati, illas cum propensissima voluntate familiariter, privatimque communicaret. Quare omnium talium Operariorum etiamnum verax perseveransque consensus est, si quid Roma in artefactis Dioptricis habet, ut equidem habet, præcellentissimum, id hæreditarium & per manus acceptum à Maignano esse. Nam cæteri, inter quos eximius erat Eustachius Divini, si quæ noverant artis mysteria, ante maluerunt commori illa secum, quàm prodi. At contra Maignanus quæcunque callebat, ea publicæ utilitati peramantem dicabat supervictura.

Sed quæ celeritas, quæ vigilantia, quæ immensitas ingenii illa est, quam Mathematicæ istæ operositates perinde ac remissiones quotidianæ ne minimum quidem tetrahebant; ac ferè non distrahebant à severioribus studiis, quibus toto uno, alteroque septennio Romanæ commorationis non interruptè vacabat? Aut si vel ob valetudinem non satis firmam, vel ob impositam rei Domesticæ præfecturam à quotidianæ lectionis penso aliquandiu sublevatus est, ea tamen à Reverendissimis nostris Præpositis, quorum perhonorifica extant diplomata, cautio accipiebatur, ut nunquam non valeret autoritate Moderatoris in studia animadvertentis supremà, quamque sibi planè suadebant iis promovendis neque splendoris parum, neque modicum roboris allaturam. Sane verò quæ amœnitas, quæ diligentia, quæ æmulatio florentium studiorum? Quis ardor discendi, & excipiendi lumina sapientissimi Moderatoris non adtrebat meditullia lectissimæ Juventutis? quæ ut avida sciendi Romam accefferat, sic postmodum in varias Galliæ Provincias redibat satia & onusta doctrinis, privatis publicisque concertationibus generosa, demonstrationum capax, experimentorum memor, veritatis amans, pietatis tenax, numeris tandem Religiosæ vitæ omnibus absoluta.

Ipsam interim jamdiu iteratissimis precibus Parentes de reditu in Patriam commonebant supremum illud senectæ suæ soaltium reposcentes, quo si frustrarentur, obtestabantur anxium, ac plenum ærumnis fore illud vitæ paululum, quod spirandum supererat. Promptissimam filialis observantiæ commiserationem movebant literæ istæ, suadebantque obtemperantiam; sed plurimæ mœrentium amicorum dissuasiones occurrebant: atque illa in primis Paternæ benevolentis spirantissima, quam objiciebat Reverendissimus Pater Davila Corrector noster Generalis, & à quo nec nisi diutissime expecta-

tam, nec nisi sub expressa sponſione futuri redditus, licentiam profectionis obtinuit. Itaque Româ diſceſſit anno 1650. ineunte Vere: at non inſultatis doctri-næ ſuæ tam teſtibus, quàm præconibus Religioſiſſimi, illuſtriſſimi, Eminentiffimi Ordinis: quorum ſeries, ſi recensenda eſſet, prolixitate ſuâ æquaret tabulam Univerſorum qui tunc temporis Romam dignitate aliqua conſpicua, aut eximia Literarum cultura exornabant.

Et regreſſum quidem inchoandum per pulcherrimam Florentiæ Urbem parabat rogatus à Ferdinando ſecundo Duce Magno Etruriæ, & ejuſdem Patruo Eminentiffimo Cardinali Carolo, apud quos optimam exiſtimationem obtinuerat, pauculiſque ſuſtinuerat rerum Mathematicarum tum communicatis arcanis, tum donatis munuſculis non ſine grata animi repenſione per episto-las jam toties conſignificata exceptis. Sed ob non obtentum liberi commeatus ſingraphum quem temporum inoportunitas requirebat, iter ſuum direxit ad ſacras Aedes Lauretanas; ubi inſtauratis vitæ Religioſæ meditationis, ac denuò dicatis Sanctiſſimæ Divini Numinis Genitrici elucubrationibus ſuis omnibus, hinc Venetias appulit: conſpectiſque ibi inſignioribus Architectonicis monumentis, organiſque machinariis, quibus non aliæ alibi ſeu plura, ſeu promptiora ſunt ad nauticum apparatus, retulit ſe Bononiam, proſecturus Mediolanum.

Quâ in utraque ampliſſima Civitate heu neſcis! quanta Eruditorum multitudo ad Maignanum confluxerit aut ventura in partem doctri-næ audiendæ, aut ſaltem expertura veritatem publicatæ opinionis. Et in illa quidem præter multos ex *Otiſſis* qui nunquam otiantur, ut in iſta ex *Latentibus*, quorum præclara ſcripta neminem latent, Viris Academicis non defuerunt Procereſ graviffimi, qui primarias Sacræ Theologiæ Cathedras offerebant. Sed quid cum homine honorum parciſſimo plauſus iſti & ambitioſa illa ſubſellia? Tum Alpibus non inoperoſè ſuperatis, ut Galliæ fines attingit, brevî pervenit Tolofam.

Atque hic proruptæ audaciæ foret velle quicquam decernere circa abundantiam gaudii uberioris, quo vel Parentes Filium, vel Tolofates Civem, vel Collegia Magiſtrum, vel Nos inclytum Provinciæ noſtræ Alumnum reducem obtuentes geſtiebamus. Non dicam niſi quod exploratum comper-tumque eſt, ut in cæteris amplexus, blanditias, jubilationes, ſic apud Nos non deſuiſſe cumulas hilaritates, quas reputatum eſt non poſſe ſignificantiùs in illum proſundi, quàm ſi plenis Comitiiſ eo ipſo anno celebratis in Patrem benevolam & Præfectum Provincialeſ eligeretur. Ipſe tamen rogatu ac niſu multo contra obtendebat ſibi chatiores eſſe artes, quàm dignitates, multoque diuturniorem apud ſe fore recordationem ejus beneficii, quo privatæ in ſuo Muſæo vitæ licentiam indulgerent, quàm quo ad adminiſtrandæ Provinciæ publicam procuracionem compellerent. Sed

quàm superflua fuit aut abnegatio istius, aut illius conditionis requisitio? Aures enim suffragantium occludebat tum timor, quo nè nobis Roma rursus hominem eriperet, verebantur: tum amor, quo comitatem illius, modestiam, mansuetudinem, verecundiam, probitatem, patientiam, mores tandem omnes facillimos, & ab omni inhumana propensione disjunctos colebant.

Hinc exurgebat & occupabat omnium animos optimi ac sapientissimi domini spes plurima, quæ deseruit, illisit, afflixit neminem. Erat enim Religiosæ Antiquitatis custos rigidus, pudicitiae vindex acerrimus, disciplinae severioris defensor, restitutor, promotor indefessus: utque solebat asserta doctrinalia ad usque ultimos apices summi ratiocinii expendere; non aliter acta Religiosæ vitæ omnia ad amussim summi juris librabat, à quo si vel uno quadrante deficerent, arguebat & admonitione, aut castigatione salutarî carcebat. Neque tamen putes illum non omnino alienum fuisse ab omni emendationis excessu, qui vel minimam immisericordiæ acerbicatem redoleret; nam cum Paternitate severitatem semper sic conjungebat, ut à severitate Paternitatem nunquam disjungeret; sed alteram cum altera in cum temperaret modum, quo neque pietas sanctius viguisse unquam, neque pax illustrius floruisse conspecta est.

Interim dum gravissima tuendæ æquitatis in claustris cupidine urgebatur, non illum deseruerat æquissima liberalitas publicandæ Veritatis in Orbe Literario, ejus utique, quam pro doctrinis Philosophicis illustrandis per longa laborum, temporumque intervalla quævisse se sedulo *sciebat*, & adinvenisse *opinabatur*. Illam igitur detinere diutius inconspexam, & sub taciturnitatis periculose otio languentem videbatur ipsi tum irreligiosæ, tum invidiæ mentis non condonandum piaculum. Nihilominus providendi præli diligentiam non parùm accelerabat publica novi operis expectatio, quam amicorum tam ex Nostriis, quàm Extraneis plurimi cupientissima adhortatione firmabant; compertum cum utrisque esset, quæ Maignanus in lucem ederet, non fore nisi eximie utilia magni cujusdam moliminis documenta. Neque parum instabant non emendationi subscripta, ut frequens est; sed per ultroque concessionem oblata auspicia præstantissimi Viri ac Domini Berterii, qui cum tam altè cordi insitæ æquitate, quàm veritate Tolosano supremo Senatui præsideret, nec illam non servari, nec istam non vulgari studiosissimus procurabat. Atque ita publicæ lectioni primum permissus fuit anno 1652 Cursus Maignani Philosophicus in quatuor minoribus tomos distributus, de quo, ut hæc pauca adjiciam, non una ratio me compellit.

Propositum Maignani non erat aliud, quàm ut si quid veri in rebus Physicis, aut Physico-Mathematicis per sensata experimēta, vel non dissentanea

nea

nece ab illis ratiocinia adinvenisset, id in publicas transferret notitias, voluprarsque eorum, qui politioris Physicæ studia consecrantur. Quia tamen ceterorum consuetudini, & expectationi non erat omnino mos abnegandus, Philosophiam edidit, ut fieri assolet, divisam in partes quatuor; sed eâ ratione pertractatas, ut quæ ad quartam pertinent Moralia, tantum summarim delibaverit, caveus nè excurreret in fines Theologicos; quæ verò ad primam spectant Logicalia, aut ad secundam Metaphysicalia contaxerit in compendium. Nam multa quæ de utrisque in Licco dimicantur, non pluris quàm tricas & apinas faciebat, nisi non ironicè locutum affirmaveris in Dioptr. Horar. prop. 10. ubi ait. *Non planè comperi, quam refracta lucis causam ( Aristotelici ) assignent . . . . Vix ac ne vix quidem in Scholis ista agitantur : fortè quia trita & cuicunque obvia ; vel quia tempus prariperent tractatui de ente rationis, ac similibus aliis subtilioribus, atque ad solidioris Philosophiæ acquisitionem utilioribus.* Physicalia tandem, quæ ad tertiam referuntur, ex professo scripsit: suæque mentis totum impetum fixit in statuendis verissimis eorum principiis, scilicet Elementaribus, quorum multiformi combinationi per intimam particularum immisionem temperaræ effectus Naturæ omnes, quos vel Cartesius suis materiis tribuit, vel suis atomis Gassendus, potiori jure adscribendos esse censuit, & convicit.

In quo conatu ad exitum non infelicem perducto si nomen Authoris non promeruit ( nam audio qui susurrantes opponunt Empedoclem olim eadem principia agnovisse ) ad illam appellationem frustra quoque aspiraret Cartesius, cujus materias & vorticales earumdem agirationes nemo est, qui nesciat referendas esse ad Hypparchum, ut Aromos Gassendi ad Epicurum. Sed quid fortè abuegaturus es posse eundem thesaurum bis terque quaterque inveniri, si toties postquam inventus fuerit, deperdat? Esto adinvenit olim Empedocles thesaurum Philosophiæ Elementaris; at iterum amissus fuerat, jacebatque obscurus, & sepultus sub aggere oblivionis, refodit, exsuscitavit illum Maignanus: quidni quòd adinvenit gloriabitur? Quamquam si quæ fuit olim excogitata & ordinata ab Empedocle Philosophia Elementaris, quis dubitet illam fuisse tot erroribus Gentilitiæ cæcitatæ fœdatam, ut ante haberi non potuerit nisi pro fœtente cadavere, cui Maignanus inspiravit spiraculum vitæ, & suavolentissimum Christianæ veritatis statum immisit?

Aut, si ad rem meam malueris, cogita formam Apollinis manu rudi & indoctâ antiquitus pictam, in manus eximii cujusdam pictoris plurimos post annos devenisse. Quid iste? vix fetens turpitudinem sædi monstri, talem arreptâ scobulâ totam obnigrat: ac deinceps eidem appingit, ut artis est, pulchrum concinnumque Apollinem. Uter quæso, si apud te contenditur de gloria picti Apollinis, palmam referet? Errabis sanè si posteriori

non adjudicas, licet telam emutuatus fuerit à priori. Sanè capis quid velim: Philosophiæ Elementaris formam pinxerat olim horrendum in modum Empedocles, suamque telam pigmentis turpibus, pallidis, fuscis, aridis, adulteris insecerat. Quid Maignanus? Affuso atramento delcxit eam, aut potius atra jam oblivione deletam usui suo adscivit; & colores substituit floridos, tinsillantes, purpureos, ardentissimos, nativos, qui cum nova optimaque delineatura novam optimamque Philosophiam expresserunt. Cujus itaque Philosophica imago hæc est, an Empedoclis, an Maignani?

Mallet, ut id obiter dixerim, magisque consentaneum est Platoni, quàm Empedocli referre acceptam, si tandem alicui ex Veteribus referenda est; nam Platonis quæ Philosophia fuit alia, quàm Elementaris, ut patet scè ex toto libro 32. qui Timæus, sive de Natura inscribitur. Neque circa hoc leviusculæ dubitationis scrupulo premitur quisquis unquam legit Eusebium Pamphilum Cæsariensem lib. 15. de præp. Evang. De cætero fuit, ut multi sentiunt, Empedocli coætaneus Plato, & creditus acerrimo, quo pollebar, ingenio ita propemodum ad veritatem omnem Philosophicam accessisse; ut si pauca exceperis, quæ Christianis juribus non concordabant, in cæteris antiquiores Catholici Magistri ab illo steterint. Quæ de re redituro sermoni quare non persedeo, aut quid motor in adornando Authoris titulo ambizioso illo, & quo parùm fuit sollicitus is, quem nulla vanæ gloriolæ titillatio demulcebat.

Graviotibus sanè curis detinebatur, ac nunc quidem instante jam exitu suæ administrationis, quæ fuerat ad triennium perducenda: noverat enim multò ingentiorum virium suarum contentionem exerendam tunc esse, quâ Regularem suo regimini creditam obsequantiam exhiberet proximo totius Provinciæ confessui nulla seu remissione emollitam, seu abusione subinducta temperatam, aut degenerem: quin multò quàm ante vegetiorem ad opera poenitentiae, ad tuenda sanctæ pacis vincula propensiotem, & clariorem, ut verbo dicam, addito plurimorum charismatum incremento. Idque omnibus postquam fuisset comprobatum, præfecturâ suâ lætante abiit, & hilaritet ejuravit, ut liberiores vitæ anhelicum in solito suo Musæo traheret, & ad perficienda, quæ jamdudum meditabatur, Philosophiæ ejusdam sacræ opera opportunum. Quâ ratione autem, & occasione ad illam conscribendam permotus fuerit, non è re mea citè breviter præoccupasse.

Multis jam in manus venerat Cursus is Maignani Philosophicus nuper vulgaris: nec longum arduumque fuerat, ut ominarentur tela, quibus Aristotelicæ Sectæ molem oppetit, locum evasioni relictura angustissimum, latissimum apertura ruinæ. Sed quid fiet, aiebant, de Commentariis nostris Theologicis, in quibus doctrina Aristotelica perpetua quædam est Interpretes fidei, ac Magistra? Quale enim est illud Mysterium Theologicum, cuius vel subli-

mitatem demittere, vel profunditatem erigere ad captus nostros non tentaverit D. Thomas Aristotele Advocato? Apud illum num Aristoteles omnia ordinat, explanat, conciliat, concludit; schismata reprobat, hæreses arguit, Ethnicos flagellat, mores corripit: quid plura? Diceret Aristotelem Doctorem tam eximii Catholicum quemdam præcursorem fuisse. Nunc igitur, subjungebant, si doctrina Philosophica, quam in usus suos Theologi nostri traducunt, ad fidei dogmata tum elucidanda, tum tuenda ab impetu Ethnico & Hæretico malefidi erroris, falsa est, ut Recentioris istius Authoris argumenta ferè convincunt: alterum è duobus necesse est, aut quòd Fides omninò pateat ictibus hostium suorum, maneatque ( quod absit ) in tenebris ab omni rationabili nostro obsequio alienis; ( neque enim potest per caliginosa & infirma mendacia lumen, aut robur ullum in eam induci, ) aut quòd ille ipse Author novos edat Commentarios, in quibus id totum doctrinà suà præstet circa res Fidei, quod hæcenus fortunatissimo, potentissimoque cum applausu præstitisse Aristotelica gloriatur. Sanè erit, si publici juris aliquando evaserit opus illud ad instar Lydii Lapidis reëctitudinem Philosophicarum hypotheseon, de quibus agitur, probaturi: quarum utique si aptior, quàm cæterarum concinniorque fuerit cum Fidei Mysteriis nostra consensus, argumento erit illas esse veraces; sin minùs, mendaces, & proscribendas.

Et hæc quidem, ac oppidò plura præoccupaverat jamdiù sagacissimà mente suà Maignanus Noster: nam etsi primùm cogitasset de conscribenda Theologia illustrata tantummodò, & communita oraculis Ecclesiasticis, tum sciens quàm parùm lucis ac firmitatis asserre ad illam valeant Philosophicæ humanæ ratiunculæ, quæ & interdum spatiosiores hæreticis contumaciis campos aperiant: tum conjiciens posse non multo negotio modicum illud, quod quis transferre satageret, erui ex principiis Philosophicis jam à se vulgatis. Nihilominùs commutatâ sententiâ decreverat, maximeque ad ostensionem coheræntiæ, quæ naturales inter & supernaturales assertiones comperitur, quando utriusque inest veritas, edere Theologiam, ut sic loquar, Philosophicam: aut ut loqui ipse maluit, Philosophiam Theologicam, sive Sacram. In qua Summa elaboranda, quàm utiliter deinceps desudaturus sit, exitu comprobabitur.

Quare parùm perdurate Lectores Optimi, neque interim labores istos suspitione cæca temporis inauspicatò terendi violatè ut cæteri, qui quòd assueti sint, ac nescio quo jurejurando astricti ratiociniis Aristotelicis, usurpata hæcenus quævis alia floccifaciunt, & usitari præstantiora posse desperant. Ad quos his pauculis digressurum calamum, etsi obniteret, non continerem: quare si quid mordacius, acidiusque procurriter exscribitur, id, certè non mihi; sed illi regenti & incitanti se ipsum, quæso, ut tribuatis.

Ad vos itaque, ô Vici, quo fascino mentem demonstratis ligatam, quò oblitus factam maleficio, quo delirio agitatam, quæ vecordia, quæ fatuitas ista est? An non pudet tantum geneti humano præjudicare, ut quiddid excogitari potuit verius, id totum ad Aristotelem referatis? An Natura uni oculos, nos ad cæcitatem; uni jus decernendi, nos ad credulitatem; uni vim dominandi impertita est, nos ad servitutem omnes damnavit? Homo fuit: errare potuit: imo planè in multis erravit: quæ ergò iniuritur illi injuria, si disquiramus, an in cæteris quoque erraverit? Id, ut audio, disquirebant exordientis Ecclesiæ Patres, ac Præceptores nostri Sanctissimi, qui à vero aberrasse illum in plerisque magis, quàm Platonem quàm comperissent, istius tanquam Divinè Philosophiæ cohærentabantur sententias, & in Sanctuarium Theologicum inducebant.

An negatis celeberrimum illum Philosophum simul & Martyrem Justinum fuisse Platonicum, qui, ut refert Photius in sua Bibliotheca, *scripsit in gratiam Platonis contra primum & secundum librum Physicæ ascensionis, sive contra materiam, formam & privationem: itidem contra illud corpus, motumque sempiternum, quem Aristoteles mirifico ratiociniorum acmine genuit?* An non Platonius fuit Clemens Alexandrinus, Origenes, Eusebius quem modò retuli, Basilii, &c. An non quoque Augustinus qui l. b. 7. confess. etiam adjicit se in libris Platoniciis legisse multa, quæ subsidio non spernendo fuerint sibi ad uberiores Sacrarum Paginarum notitiam? An non denique id pluries agnovit, & retulit S. Thomas in 2. Sent. dist. 13. a. 3. & dist. 14. a. 2. D. Aug. & D. Basil. & alios Sanctos Patres in Philosophicis rebus secutos fuisse opiniones Platonis?

Et sic quidem à propoſita rerum Maignanæarum enarranda serie, factor, paululum aberravi: verùm id præstiti, nè Tu ipse turpius aberrares; ac ne diffideres viribus Philosophiæ Platoniciæ suam in tractandis quæſtionibus Theologicis opem, & operam collaturæ. Vel ob id maximè, quòd jam Tibi etiam protervo suatum est Philosophica documenta illa, quorum advocato præsidio antiquiores Catholici sua ex fontibus Apostolicis propius, putiusque haustum Theologiam tuebantur ab horrendis frequentissimarum hæresèon monſtris, fuisse Platonica. Platonica, inquam, sed in multis castigata, & ab omni infidelitatis suspitione sejuncta; qualia sunt, quæ Maignanus consequitur. Sanè enim (quod opto plurimùm ab amicis nostris Peripateticis exaudiri) Platoniciæ sectæ addicti erant equidem; sed nusquam mancipati; nec suum jus abdicabant reprobandi in ea, si quid in quavis alia veritati fideique proximius comperissent. Cujus eximii & restituendi motis temperantiam probat aurea hæc Philosophiæ definitio, quam habes apud Clementem Alexandrinum lib. 1. Strom. *Philosophiam non dico Stoicam nec Platoniam, Epicuram, & Aristotelicam; sed quæcunque ab his*

*señis rellē dīlla sant, qua docent iustitiam cum pia scientia, hoc totum se-  
lētium dico Philosophiam.*

Eo jam reverior, unde forsā paulō longiūs excucurri, dumque Maig-  
nanum Nostm diurnā nocturnāque manuscriptantem conspicio, pluri-  
māque fruoꝝ spe op̄is ad celerem exitum perducendi, ecce ardentissima  
ac perpetuā febris illum impetit anno 1654. quē uno alteroque mēse post-  
quam immisericorditer sēvīssēt, & degenerasset in aridam, diurnā mi-  
serāque vitium defectione cruciabat. Nostm tamen expectationibus non pa-  
rum arrisit ægītudo inexpectata, quā ægro per literas de reditu interpel-  
lantes, & accumulatas sollicitato ex parte Romanorum primarii Ordinis  
amicorum, ac simul ex nomine excellentissimi Viri & Domini de Valen-  
cey Regii apud summum Pontificem Oratoris, legitimæ exultationis,  
aliās non ocursoꝝ, argumentum suppeditabat.

Tum ut fuit ex invaletudine longa illa, quam humane & placate tute-  
rat, paululū restitutus, cepit ab elaborationibus nonnullis Mathematicis,  
in quibus delitiabatur, reverti ad elucubrationes Theologicas, quas abjectā  
omni cunctatione urgebat. Non defuerunt tamen honorificæ interpellatio-  
nes, quæ præclaris cep̄is invitas afferrent. Illam tacebo, quæ pro  
adeundis Comitibz Generalibus, & alteram quæ pro exequendo Visitatoris  
Generalis apud Conventum Perp̄inianensem nostm officio serias non pau-  
corum mensium requirebat. At de tertia dicam, quæ non multas quidem  
temporis expensas, sed generosæ modestiæ vires multas desideravit.

Post pacta tamdiū oppugnata, tandemque inita Pacis sancitæ an. 1660.  
in Phasiana utriusque Regni contermina, & juris communis insula; circuitu  
quidem exigua, sed rerum gestarum magnitudine immensa, properabat Rex  
ad celebrandas nuptias suas apud Fanum D. Joannis Lucii cum Maria The-  
resia Primogenita Regis Hispaniarum. Sed casu Tolosæ parumper constitit:  
nec inter res, quæ oculis Regiis dignæ censebantur, infima fuit cellula Cœ-  
nobotica Patris Maignani, quæ intra Religioꝝ egestatis angustias, si quid  
Mathesis pulchrum coluit, includebat; tubos omnis generis Telescopicos,  
Microscopicos, Poliopriscos, Hygroscopicos, Thermometricos; ut non ad-  
jiciam machinamenta Pneumatica, Hydraulica, Magnetica multa: sileam-  
que de planisphæriis, tabellis opticis, fabrefactis tum ad figurati. torni in-  
dustrias, tum ad vires staticas attinentibus ingeniosissimis plurimis: spe-  
culisque ustoriis, qualia nec capacioris sphæræ, nec nitidioris formæ,  
nec demum incendii pernicioꝝ ullibi tunc temporis prodebantur.  
In quo copiosissimo supellectilis Mathematicæ apparatus non tam  
mirabarur Rex suo cum Aulico Comitatu manum artificem, quæ totum  
elaboraverat, quā mentem ad multo plura, & utiliora Rcipublicæ mo-  
limina perficienda instructam. Quare recogitare apud se ipsum occipit,



quantus Matheſeos fulgor per univerſam Galliam irradiaret, ſi Vir ille Bonus ex Tolofana, ut ſic loquar, eremo in popularem Regiæ Civitatis & Ang frequentationem educeretur.

Aderat Eminentiffimus Mazzarinus, qui Regiæ voluntatis benevolos natus voluit die alterâ per Clariffimum Virum, ac Protopreſidem Tolofani Senatus Dominum de Fieubet ſignificatos eſſe Maignano. Reſponſum queris. Illud ſinge, quo non humilius ipſa protuliſſet Modestia, ſi perinde loqui ac vultu cadere, & nativo pudore velari potuiſſet. Sibi nimium immeritumque honorem deferri contendebat Vir ſubmiſſiſſimus; ſinique famam mendacem, & proditricem fuiſſe conquerebatur; nec poſſe ſe unquam ſuaderi adſcribere citra edictum Regiæ juſſionis, quam ſuppliciter precabatur averti, ad commutandam vitæ ſuæ ſortem latentem cum ulla ſplendidioris ſibi tandem nihil carius eſſe, quàm ut ad eum, quo trahere primos Regularis ſolitudinis ſpiritus cæperat, modum, poſtremos ageret in pauperculo cellulæ ſuæ nidulo. Quæ & ſimilia multa, ut renunciata ſunt Purpurato Regni Adminiſtro, bene viſum fuit nullam eſſe tam præclaræ humilitati vim compulſionis, licet perhonorificæ, inferendam. His geſtis reſult ſe P. Maignanus ad ſolitas veritatis Philoſophico - Theologicæ diſquiſitiones, quarum biennio poſt tomus prior in lucem prodiit Mæcenatis ſui Viri Principis Armandi Borbonii de Conty Occitanæ Proregis non minùs, quàm eruditorum omnium applauſu & gratulatione exceptus.

Poſteriori proxinus ſedulam manum applicuit; ſed nec infrequenter conſigit; ut amovere compelleretur ob vehementiſſimum iſtum veritatis amorem, qui neque illam ignorari à querentibus, neque à ſcientibus impugnari facilè tolerabat. Ex quo enim Philoſophia Maignanza cæperat apud Literarias Nationes clareſcere, multi crebris aut literis, aut colloquiis modò iſtas, modò alias difficultatù obviantium, & confidenter propoſitarum ſolutiones expoſtulabant: interim dum alii maluerunt dubia ſua in ſpeciem apertæ aggreſſionis typis committere: idque fortè vel ad ſolemniorē meditatæ offenſionis iſtum, vel ad ambitioſum extorquendæ deſenſionis prurium. At Maignanus eſt hæcenus arbitraretur ſatis eſſe, ſi verbo verbum, calamo calamus, prælo prælum opponeret, nihilominùs poſthæc conſilium hoc inivit non præpoſterum, ut objectis adverſus doctrinam ſuam univerſis, quæ ſibi clam & privatim propoſita, aut patam, & in vulgus edita fuiſſent, ſolutionem afferret, ac vulgaret idoneam: illis maxime, quibus ſe nominatim & publicè impetitum agnoſceret, provocatione ad conſictum non abnegatâ.

At à quibus ad iſtas controverſias provocatum illum fuiſſe ſuſpicaris? ab hominibus doctis, obſcuris, garrulis, aut hoſtiles iras gerentibus? Abſit: imo à Viris pereruditis, probatiſſimis, gravibus, & exiſtimatione re-

eiproca, aut etiam familiaritate conjunctis; nec aliter pro veritatis, quàm pro humanitatis referenda gloria concertantibus. Quia tamen prævidit rem fore portentoso simillimum, si exardescenti calamo non exciderent utrinque dictèria quædam subduriuscula, (quamquam hæc condonanda sunt generoso incitatz descriptionis ardori) hanc triumphatrici mansuetudini suæ legem indixit, ut maximopere tum ab intorquendis, tum à retorquendis caveret. Quare à prima fronte suarum Appendicum præfatur his verbis. *Interim omnia velim à me dicta salvâ pace, ne quem pungere videar: nec enim etsi vellicatus aliter afficior, quàm ut plane respondeam cum moderamine inculpata tutele.* Et alibi. *Propterea sicut Fabri solent aculeos non aliis è contra vibratis aculeis retundere; sed impacto valide malleo solido, & ponderoso: ita ego dictèria excipiam religiosa, ut decet, meæ mentis, hinc pace, hinc patientiâ, & eloquentiam aculeatam conabor obtundere solâ objectâ solide veritatis mole.* Quem concertandi modum ita severe tenuit, ut in toto conspectu isto, quem appendicibus quinque complexus est, multiplici vestigiū pervicacis, vel amarulentæ vindictæ compareat nullum.

De istis itaque Appendicibus continenter dicturus, etsi non ad continentem temporum seriem attingant, satis est ut videatur, si summatim singularem excriptionis occasionem retulero, nolens me tantorum Virorum pugnis immiscere, multoque minùs arrogare mihi palmæ adjudicandæ prærogativam, ex alterutro, quod malueris, capite: aut quòd judicem me constituerit nemo: aut quòd non plane censeri immunis debeam à propensione erga Magistrum meum vix arbitraria, quæ alienare me à ferendo iudicio possit. De cætero tamen non omisi referre in decursu meo Philosophico Scholastico quidquid ex istis controversiis deærpi potuit ad defendendam veritatem doctrinæ nostræ, eandemque stabiliendam.

Et primæ quidem Appendicis editionem urgebant in primis non procrastinanda responsa ad impugnationes R. P. Laloveræ S. J. cujus spectanda auctoritas, utpote viri in quadrandis circulis, parabolis, cycloidibus, &c. pericissimi, ac versatissimi in plerisque doctrinarum, artiumque cæterarum generibus, gravissimum afferre veritati impugnatz præjudiciū potuisset, nisi occurrisset calamita Maignanus non infeliciter ob detectam in existimata demonstratione aliqua Laloverana labem insignem paralogisticam, de qua deinceps diu, & acerrime conflictatum est: profuitque conflictus ad auctoritatem tribuendam canoni isti Physico-Geometrico. *Plus proderis*, inquit

Maignanus, in rebus Physicis peritissimus Physicus mediocriter in Geometriis versatus, quam peritissimus Geometra parum Physicus. Tum addit. *At si utroque genere excellat, nihil prorsus optabilius esse potest.* Atqui ô Maignane Noster Tâpse es, qui utroque illo genere excelluisti, & ab ipsis utrisque initiis excrevisti ad doctrinam tuam illam immensam Physico-Mathematicam, quæ ab Adversariis tuis turbari quidem poterit: at nunquam, ut opinor, è throno quem in Regia Veritatis Aula occupat, deturbari.

Exinde ut legit R. P. Lalovera Appendicem hanc primam, sensitque defensionem offensione superiorem, (nam ad quid tertias altercandi vires parare, si offensio stetit indefensa?) opusculo quodam ad libros de Cycloide suos adjectitio tertio pugnam instauravit, & novas quæstiones intexit. Quare etsi codices isti iterati provocatorii scilicet non continerent novam ullam demonstrationem rei, qua de agebatur; ne quis tamen sub egregia Ciceronianæ eloquentiæ pompa Veritatem esse putaret, quæ predicaretur; & non potius Veritatis larvam; exscendit denud in arenam sibi plane notam Maignanus, & Aggressorem excepit appendice sua secunda, quam multis observationibus auxit circa propagationem luminis non instantaneam; circa scintillationem Fixarum; circa mirabilem diffractionem Lacrymarum vitrearum; &c. ita ut strenuissimo ac sapientissimo impugnatori debitores simus neque ingrati ob accessoria ista Doctrinæ nostræ incrementa:

Interea Tolosates Nostri plurimi, quorum ingenia nata sunt laudi ac decori Literarum, experimentalibus rerum Physicarum notitiis solito curiosius incumbēbant; nec infima erat illa, quam proum erat, ut colligerent ex massulis illis vitreis ad instar Lacrymarum rigentium, aut fluentium conformatis, quæ id novi atque admirandi continebant; quod licet malleo tussæ, quâ parte crassiores erant, vix obtererentur; in fragmenta tamen minutissima dissilirent, si vel leviter percuterentur, quâ parte erant graciliores. Norunt Physici Recentiores quid dicam, etsi plane non noverint contemperationem illius humidi, in quo celato massulas istas candentes extinguebat olim Artifex quisquis ille erat aut Prussus, ut aiunt, aut Hollandus. Itaque una ex illis adducta fuit in experimentum tentatum an. 1662. ac celebratum in hoc Cœnobio à gravissimis omnium Ordinum Viris coram Maignano Suo, Suo veluti coram Apolline: cumque singuli in orbem ritu Academicum suam circa illud mentem communicassent, rogatus à lectissima Corona Maignanus fuit, ut non tantummodo quid ipse sentiret; sed etiam quid non sentire deberent alii stantes aut à Cartesio, aut à Gassendo, id totum vulgaret.

Aderat inter illos Vir eximius Ducassus, qui summæ pietatis ad summam eruditionem accessione factâ magnam Nominis celebritatem promeruit Sapientissimorum

pietissimorum Præsulum judicio, & gratiâ plurimorum, apud quos valuit, comprobata. Hic sua de isto experimento publici seorsim juris cogitata esse voluit, quæ quòd discordarent à nostris vel maxime ob reditum quendam elasticum, cui Maignanus tribuit mirabilem illam distractionem, communienda esse censuit dissertatione alterâ inscriptâ de motu Elastico, & Reflexo adversus Maignanum. Sed quid id est adversus Maignanum? Id inquam est (ut humanissimi Congressoris sermone utar) *adversus consummata sapientia Virum*. Isti itaque dissertationi Appendicem tertiam suam opposuit Maignanus, totque ratiociniis, & experimentis illustravit; ut æmulus qui ingenuæ, ac candidæ mentis erat atque indolis, non erubuerit acquiescere, & in privatæ confabulationis aditu quodam suo dare manus tum amicis, tum gratulatorias pro veritate feliciter demonstrata.

De quarta Appendice non dicam donec te monuero, Lector Optime, R. P. Laloveram novissima ægritudine laborantem causas suas & concertationes omnes Physico-Geometricas ipsum inter & P. Maignanum excitatas commississe R. P. Cousboulæ ejusdem Societatis Doctissimo Scriptori. Hic in eas facile ingressus est, & suam ex aliena constitutam litem persequutus? Sed quia causæ bonitas, ut puto, deerat, maluit semoto paulisper principali, jurgium movere accessorium; cum enim summum litis agitata caput esset de labe Paralogistica quadam Laloverana, in ea purganda minùs laboravit, quam in exornanda querela quadam sua commentitia de læsis à Maignano nostro Primariis almæ Societatis Scriptoribus, Suarez, Vasquez, Mendoza, Zucchio, &c. Ad hæc Maignanus sollicitè labem deprehensam iteratò manifestavit; sed multò sollicitius convicit nunquam à se læsos primarios illos, sive ceteros Societatis Scriptores: quos è contra impense se revereri testatus est, vel solo titulo Societatis, quam omnes Pii ac Docti metito reverentur; præter alterum illum meriti Personalis, quo plerique veluti totidem Soles emicant in Firmamento Literario.

Sed tum suo, ac pleniori jure conqueritur ipse & dolet investum fuisse se non semel ab istis Reverendis duobus Patribus ut olim à Cicerone Verrem, vel Catilinam conquestis bullatæ eloquentiæ phaleris ad oportuniora dicteria, fere convicia: Quæ tamen equo omnia ferebat animo, ac forsitan æquior, quàm sparsas laudes, quibus exprobratorios ferreos illos cuspidales obtundere, & emollire per intervalla dignabantur. Num scripsit Maignanus vel apicem unum nisi candide? Num permodeste agnovit sibi rem esse cum Strenuissimis duobus Bellatoribus? Num falsus est paris neque peritig, neque roboris esse se ad contentionem? *Quia si ne Hercules quidem contra duos*, inquit, *multò minùs poterit stare contra Hercules duos Pumlionem*. Summa tamen litis presentis momenta si liberâ trutinâ pensitaveris, conciticies, ut spero, Lector, non illâ cecidisse Pumlionem istum; sed obtenta

D

prevaluisse. Mitto Appendicem istam quartam fuisse excusam anno 1667. Bardigalæ, quò P. Maignanus, ad administrandam annuo, ut solemus, tegimine Familiam illam nostram fuerat avocatus.

Ad Appendicem quintam jam venio, cujus editioni causam indeclinabilem præbuit Appendix Theophili Raynaudi quædam pro Accidentibus in Eucharistia remanentibus scripta contra Maignanum nominatim: illius, inquam, Theophili, qui quòd ignoraverit nihil, nesciit satis singula. Acque ut de cæteris taceam, patet ex illo casu singulari parum omnino accessisse illum ad Maignani mentem, quam confundens cum sententia Siculi cujusdam Chiavettæ, quid nisi mare cælo commiscuit? Rursus quàm parum idonea ad vim paratæ offensionis argumenta selegit, hinc conjice, quòd Physico-Theologica nulla contulit, etsi res, de qua concertationem instituebat, esset Physico-Theologica: ita ut toto opere illo requiras, in quo suas illas decretorias, ac censorias adversus nostram de Speciebus Eucharisticis sententiam notas adeò, & rigidas obfirmare potuerit. Quid moror? Excepit Aggressorem istum Maignanus animadversione in singulos ferè apices prolixa, quæ & futura fuisset superflua, nisi prætermittere noluisse præclaram occasionem, quidquid sparsum de Speciebus Eucharisticis tradiderat, id conferendi in Summam istam quadripartitam, in qua nihil quoad objectiones insolutum, nihil quoad maculas indeletum reliquit: atque ita convicit Invasorem suum & iniquæ accusationis reum esse; & multæ, sed quam ultro condonabat, obnoxium.

Incitabat adhuc calamum ad clausulam hujus operis, quùm ecce ad eum deferantur libri duo, in quibus eandem suam opinionem nec magis doctè, nec minùs injuriè reprehensam agnovit. Quare illam unà eademque operâ, ac diligentia protexit; in hunc tamen modum, ut pauca reposuerit ad censuram immunitam R. P. Vincentii Bator, qui quòd junxerit in causa ista Maignanum cum Cartesio, & Gassendo, palam fecit sibi quidem eorum nomina nota esse; sed planè incognita esse dogmata. Cum altero autem Scriptore ejusdem Dominicanæ Familiz P. Nic. Arnu fusior fuit ob non omittendam responsionem ad argumenta quædam illius Theologica. Ac denique Lectorem suum movit debere se plurimùm duobus istis Viris doctissimis, scilicet R. P. Theop. Raynaudo, & Nicolao Arnu, quòd suam de Speciebus Eucharisticis sententiam sic discussissent omni genere argumentorum; quatenus sicut per idoneam ventilationem purgatur triticum, sic per optimam propulsionem tantæ exagitationis mansit illa ab omni suspitionis, ac dubietatis labe purgata, & multò quàm ante nitidior. Addam ego quoque gratitudinis meæ calculum etga tum istos, tum ceteros Adversarios; eum enim nec generosiores, nec eruditiores insurgere possint, hinc spe plurima fruor nunquam adversus veritatem ita potenter conjuratum iri.

ut non Philosophiæ Maignanz nomen Venerabile, & Sacrum maneat. Et hæc quidem obiter dicta sint de quinque istis Appendicibus, quas etsi Author seorsim, ut occasio tulit, publicasset, curavit tamen in unius voluminis molem compingi anno 1672.

Hoc eodem anno communi utilitati permissus prodiiit tomus Phil. Sacre secundus, cujus laudatissima cruditio commonstrat, quanto ad istam, ut par est, elucidandam subsidio sint probata, ac indubitata prænotiones alterius, scilicet Naturalis. Ac ne de cæteris in eo comprehensis materiis dicam aliquid, ad illam urgeor commemorandam, quæ de supernis Gratiæ Divinæ auxiliis pertractatur ita solide, & peracute, ut spem tamdiu dilatam proferat conciliandæ Sectæ Thomisticæ cum Molinistica, quo parato fœdere nihil optabilius esse potuit ad Humanæ mentis modò in hanc, modò in partem alteram fluctuantis, ac secum ipsa immanissime colluctantis tranquillitatem Theologicam comparandam. Monco tamen parum ad id Tibi profuturam hanc doctrinam esse, si Tua tecum ad illam audiendam accesserint præjudicia; sed paululum remiga contra flantem procellosum Africum inveterati Tui iudicii; sicque ad novum illud, quod spondeo, bonæ spei Promontorium tutus appelles.

Altero post anno, nec longa mora, iudem accuratissimi typi Lugdunenses Joannès Gregorii in aspectum secundò protulerunt cussum Maignani Philosophicum recognitum & auctiorem non solum accessione sparsis ratiocinii, quo creberrime doctrinam suam firmavit: aut doctissimi Apologismi, quo adversus Joannem Guilheminot & illam in multis defensatus est: aut triplicis optimè concinnati systematis Logici, Metaphysici, Phisici, &c. sed præsertim unius alteriusque opusculi, de quo si placet, paucula hæc subijciam. Abibat tunc temporis Mundus pene rotus post Cartesium, cujus etsi ingenium Maignanus magnificeret, non magnificiebat iudicium, quod vulgaverat de rebus Phisicis. Quare de primariis Cartesianis hypothesebus Vorticum tantopere celebratorum uno conatu convellendis cogitavit; ut iis ruentibus corrueret tota illa speciosa quidem, si ornatum cultumque externum species; sed parum solida tamen Cartesiani opificii Mundani moles.

Quem ausum, ut exitu felici commendaret, non attulit toto illo opere, nisi præsentissima argumenta ad Hominem, vel nisi urgentissima experimenta: ut illa in primis, quæ adducebat ex quodam globo à se excogitato vitreo-aqueo ingeniosissimum in modum referente Vorticem quemcumque Cartesianum. Erat globus ille sesquipedalis fere diametri, quem axe ad Horizontem recto tabulæ substratæ sic aptaverat, ut simul cum illa agitari facillime posset ope torni Horizontalis. Tum per supernum Globi illius officium demissis aut suspensis moleculis diversi generis, uti plum;

beis, cereis, &c. rotabat machinam saepe suam Maignanus coram primis Ordinis Literarii primariis Viris multis; conspiciebantque omnes quantum à Naturæ Genio discordarent universæ illæ motuum hypotheses ac leges, quas ex ingenio suo fluxerat Cartesius, aut fuisse ab illa observatas, aut observari potuisse in perficiendo rerum istarum omnium spectabilium opificio. Præsertim verò conjiciebant, quàm chimericus sit motus, aut ad motum conatus à centro Vorticis per Secantes ille, quem pro plerisque phænomenis exponendis Cartesius suis materiis affinxit. Unde & denique inferebant Universos, qui post illum abierant, si Saperent, ad Maignanum reversuros. Neque circa Machinam istam libet omittere, quod à Viro fide digno audiivi Philosophum quemdam Maignanistam curasse similem confici, similiterque instructam, & agitaram exhibuisse Parisiis, (jam sunt anni, nisi fallor, duodecim) spectandam lectissimæ celebriorum Cartesiano-  
rum Coronæ; qui ex tempore nihil commenti quod reponerent, spon-  
derunt se die quadam alterâ responsuros. At dies ista altera nondum affu-  
sit, nec fortè in posterum, siquidem de idoneo responso agitur, affulge-  
bit.

Opusculum exinde alterum, quod mox commemoravi, inscribitur de Tuba Vocali, seu de vi loquelæ longiùs clamorosiùsque vibrandæ per Tu-  
bam, *Vocalem* annuncipatam: quam adinvenit quidem perillustis Eques  
Anglus Morland; ipse verò ad melioris formæ modulos concinnavit,  
translulitque in praxim, quæ nec Anglicanæ, nec deinceps Parisiensi quic-  
quam invidet. Utriusque autem hujus opusculi promotor fuit præstantissi-  
mus, & amantissimus suus Mæcenas Donovanus Parlamenti Tolosani  
Præses Diadematus, cujus commendationi ac magnificentiæ fatcor Maig-  
nanum (nec piis Manibus Viri gratissimi id displicebit) magnam celebri-  
tatis suæ partem debuisse. Id enim ob Votivam vitæ solitariæ & egenæ  
conditionem, fortis nostræ est, ut nisi ope, & opibus amici feliciter oc-  
currentis juvemur, urgeamur, proclamemur, qualemcunque penitiam in-  
dustriamque nostram in tenui, & obscuro jacere necesse sit.

Tandem intelligo seriem narrationis meæ ad ea deductam tempora, quibus  
cæperat Maignanus senio laborare obnoxio plurimis temperici valetu-  
dinariæ fluctuationibus, quibus non parum incitandis contulerat parcissi-  
mi victus tenuitas sejuncta nunquam ab acerima judicii, ingeniique con-  
tentione: ne quid dicam de perpetuo commoratu cellulæ angustæ ac nudæ,  
quæ nec hyemi ullum caloris, nec æstati ullum refrigerii solatium affere-  
bat. Illas tamen, cæterasque multas vitæ acerbitates longanimiter ferebat  
Vir bonus, aut nunquid sanctus? Si castitas ab omni libidine, paupertas  
ab omni cupiditate, obedientia ab omni segnitie libera: si temperantia je-  
junii, oratio vigiliis, constantia laboribus assueta: si Fides fluctuationem,

Spes præfidentiam, Charitas simulationem, invidiam, inimicitiam omnem exosa videbuntur Tibi tales esse virtutes, quibus in Religioso cœtu ad sanctimoniam petvenitur. Aut nisi in eadem cæcutias opinione eorum, qui si quid doctrinis comparandis impenditur, id totum virutibus subtrahi arbitrantur; quasi non sibi mutuum lumen, decus, robur concilient, quando id utrisque commune est, ut in eundem supremæ Veritatis agnoscendæ cultum conspirent. Mihi planè è contra, & hæud dubie cuivis Sapienti suum est tantò alterutris unumquemque nostrum excellere, quantò satagit, ut in utrasque pariter vitæ suæ ætatem & operam omnem conferat, neutris subtrahens alternatim, nisi tantulum illud otii, quod honestæ Religiosi commercii remissiones efflagitant. Quod si ita est, ut confido, pauci sunt qui sanctioris vitæ institutum tenerint.

Quare nē reputes, quæso te, Maignani senectam talem fuisse, quæ in se ipsam collecta, aut deflecta in otium Literatis laboribus valedixerit. Parum est quòd plusquam sexagenarius quotidianis Lectionibus Scholasticis Juventutem nostram instituebat; nisi ultra annum sepruagesimum eandem benevolam sollicitudinem etiam Extraneæ concessisset: si tamen pro Extraneis computandi sunt ejusdem Ordinis, etsi non Provinciæ ejusdem Alumni ingenui illi, in quibus incredibilem discendi ardorem tanta, ac tanti Magistri audiendi nobilitas progenuerat. Nèque ex illis ad minùs duos fas erit filere mihi familiariter junctos, quorum alter \* (Heu inexpectato ac præcipitato infortunio jamdiu vitæ ereptus) Regium Mathematici Professoris munus aliquot annis in Urbe Toloniensi summa cum laude sustinuit. Alter verò \* & nuper edidit Parisiis præclarum volumen de plantis Americanis, & jam tertium in insulas illas jussu, sumpruque Regio Profectus, præstantiora opera meditatur. Tandem, quod publico gratitudinis meæ qualiscunque monumento isto ut constet velim, Cathedram feretro copulavit.

Nam cum vix anni nuius supra vigesimum adolescens nimia edocendæ in hoc Tolosano Cœnobio Philosophiæ Maignanæ præfidentia abundarem, Senem Optimum miseruit mei, quippe imparis ferendo oneri. Quare etsi annum supremæ necessitati imminentem ageret, nullam diem, nisi obstaret invaletudo, præterire patiebatur, quâ me libenter non admitteret, ac benigne audiret garrulitatem de suis gravibus sententiis incam aliquam. Imò, quamquam re tam incredibili offenditur Lectoris fides, non ratò contigit,

\* R. P. Amatus Josephus Villeneuve ex Provincia Provincia.

\* R. P. Carolus Plumier. Edidit deinceps Lugduni Gallicæ & latine aliud volumen de arte tornandi curiosis inventis conspiciendum, & frequentibus deliciarioris calaturæ tabulis decoratum.



ut leuiusculis quibusdam objectis meis opponeret calami sui conatum typis Regis dignum, quo ingenioli tarditatem meam acius incitaret, aut dilucidius caliginem amoveret. Neque vicem hanc meam dolere debui, donec vertente postrema vitæ hebdomada vires suas brevi in deliquium collapsuras intelligens, nescio quid inquirenti, mihi hoc unum responsum dedit. *Tuum sit Fili mi id, ut poteris, in libris meis expiscari, & sciam, quam profiteris tueri: neque si placere studas, alteram imposturam meditando & in Christo, ac pro Christo obeunda mortis Philosophiam representa.*

Et jam quidem ante biennium, quo suæ quieti minùs quàm salutis studeret, plerisque amicitiiis sæcularibus, & solitis de re Literaria confabulatoriis commercii repudium humanum miserat. Sed præsertim contineuerant literæ, illæ, inquam, suauissimæ literæ, quibus ex variis Europæ Regionibus eruditissimi quique Maignanum crebrò ante convenerant, aut sua communicare gesti-  
entes, aut ambientes communicari cogitata de areanis & supercilliis scientiarum. At proh dolor! Pauca è plurimis disperditioni ereptæ sunt, quarum tamen si persolutiones inter adversaria comperissem, permisset ex utrisque edi liber non poenitendus: & quod optarem plurimùm instrumento authenticocomprobari, si quid magnum de Maignano à me dictum est, id Magnorum Virorum iudicio, eloquio, scripto prælibatum fuisse, & sapienter anticipatum.

Nec tacebo prorsus supremo mihi quondam fuisse solatio pauculas illas epistolarum reliquias, ex quibus lectitatis, an devoratis? argumentum accipiebam invictum pretii maximi, in quo is fuit apud Digbæum, Magnasium, Graindorgæum, Kircherum, Fermatium, Chambergum, Regisium, Dupræum, & alios subactissimi iudicii Viros. Relinquo, non relinquendum tamen, Mommorium, munificum illum artium, atque doctrinarum omnium Hospitem, cujus gratiam in eruditos ceteros distributam collegisse Maignanus videbatur. Magnum autem initæ necessitudinis hujus coagulum firmari cepit anno 1657, quo susceptâ professione in Urbem Parisiensem non ante appulit, quàm Fama prævolasset. Quare ædibus ac confessibus Academicis Mommorianis exceptus est, & sedem simul ac auctoritatem Mersenni Nostri antè annos novem fatis functi promeruit. Illâ prior, istâ superior nulla apud Mommorium. At Mersennus, inquires, quis ille est, aut quid magnum eodem loco haberi? An ludis, an audiisti nihil de plane immenso illo gurgite scientiarum? Quid tum? Arbitror tamen latere sub coæquatione ista laudem eximiam: quamquam non veto quin adhæreas præiudicio consuetissimi Carcavii, qui in epistola quadam ad Cartesium directâ Maignano primas doctrinæ adjudicat. \* Tutius fuit nihil

de prerogativa decernere. Hic plura scripsit; ille de pluribus: uterque doctus; ut supra nemo. Ergo sua, sui que nominis utrique claritas inaneat ab omni exosq; contentionis examine liberata.

Tum volens nolens ad chartas illas, quæ male perierunt, cogitationem meam refero: nihilque acerbius ferò, quàm quòd nulla observationum Astronomicarum ex naufragio tabula in portum recepta sit. Namque is plurimas suas in scriniolis diligenter asservabat exscriptas de Cometis præsertim, quibus prosequendis, ut Astronomi solent, multùm invigilabat. Vehementem quoque diligentiam collocabat in computandis Eclipsibus, in explorandis ope telescopii exinii sui maculis tum Solis, tum Lunæ; in deprehendendis motibus Planetarum, ac tandem in pervestigandis admirandisque cæteris Cælestium rerum universalium Phenomenis, in quibus quoties novi aliquid contingeret, accurrebant ad illum omnes audituri aut Copernicum, aut Ptolemaeum. Atque hinc omninò innotescebat Maignanum partes doctrinarum Mathematicarum omnes perinde ac Philosophicarum complecti: sic tamen ut in Catoptricis, quæ ad illas, & in Physicis, quæ ad istas spectant, primam quæsi glaciem fregisse, & omne punctum tulisse reputatus sit. Vide de illis apud Ricciolum Italum; de istis apud Boyleum Anglum, quàm bene meruerit.

Nemo abhorruit magis ab otio: nemo brevioribus intervallis ingenii, iudicii que contentionem remisit. Mentem laboribus istis ita feliciter assuefecerat, ut emensa diem studio, in nullam nocturnæ corporeæ quietis partem veniret. Quod rariùm aliis, frequentissimum Maignano fuit, ut idem assequeretur somni, & somnii alicujus eruditi initium redeunte mente ad solita sua theoremata, nec absistente donec de illis demonstrationem obtinisset, cujus inopinata voluptas dormienti sæpe fuit pro suscitabulo. Tum ne illa fulguris ad instar emicaret & fugeret, ceteram suo sub cervicali recondebat, quàm notulis, quantum id tenebræ patiebantur, in parata charta exaratis eam sisteret. Quid plura? eloquarne an tacebo incredibilem illam conscribendi sine lituris ullis cogitata sua rapiditatem: Appendicem tertiam tribus horis; quartam conscripsit tribus hebdomadis: incredibilem, inquam, ac ita plane, ut meritò confinxisse ego vanitatem istam viderer, nisi Author ipse, qui libros suos nullâ sœdavit, id asseruisset: non gloriolæ aucupandæ ullo, quod suspiceris; sed ut ita loquar, glorificandæ Veritatis, quæ sic prompte scribendam se objecisset, argumento sollicitatus.

At quamvis in conscribendis rebus à fide sejunctis mirabilem istam pernicitatem non cohereret: torquebat tamen, & processu lentissimo moderabatur in cæteris, quæ cum illa haberent, vel speciem levissimam affinitatis. Quis enim Sacrosancta illius Mysteria reverentiùs amplectebatur, vel religiosiùs tuebatur mores sanctissimos? Hinc nullibi vel pauculas lineas exa-

ravit, quas cum testificatione demississima noluerit infallibilibus Ecclesie Sanctæ oraculis subjugatas. Et isthæc quidem instar omnium, quæ passim ad intractæ Fidei suæ significationem accumulat, verba audiantur. \* *Mallem* inquit, manu ipse mea flammis tradere, quàm luci publice credere libros quoscumque meos, vel scripta; si quem in eis agnoscerem esse apicem velle-vissimum, qui utcumque dissideret à sacris dogmatibus, &c. Prætereaquæ numero-sissimi sumus auriti, nec excipiendi testes ejus Apostolicæ sententiæ, quâ suos præmonere solbat Discipulos. *Videte ne quis vos decipiat per Philosophiam*: Taleui videlicet interpretabatur, quæ vacuis verborum ampullata, & arrogantis iustitiæ fastu turgida dominaturæ Fidei jugum ab-jicit. \* *In præf. Phil. Sacra sub finem.*

Advertite demum potuisti, Lector Optime, enarrationem istam procursu suo non seniel attingisse articulum infandæ illius noctis, quæ vivum Maignani lumen non extinxit quidem; sed contexit. Mens tamen meminisse horrens-tonies repressit calamum, quippe tam explicando, quàm ipsa sibi videretur sustinendo dolori inparem. Quamquam non ita luctu refugiendum est, ut taceatur mors, quæ spectandis Christianæ rolerantiæ conditionibus exornata, intemeratam rationem præterite vitæ subindicat, & non incertam futuræ felicitatem augurat. Itaque invaletudo, quæ ab uno alteroque anno frequentem cum morte conflictum sustinuerat, conflictata tandem, victaque est. At invictio animo stetit Maignanus, qui sanctissimo utroque Pœnitentiæ & Eucharistiæ Sacramento communitus, sui que compos, imminentem corporis dissolutionem imperturbato vultu præstolabatur; id unum à Familiari-bus suis Religiose efflagitans, ut proximi agonis sui curam haberent, nec deferrent inunctum sacro oleo, aut frustratum piis illis, ac salutaris adhorta-mentis, quæ nios est ad aures animarum periclitantium inclamari. Ipse interim suspiriis multis, & iugeminatis orationibus spem, ac fidem suam sollicitabat, donec instante extrema hora illa, quam non procul abesse præ-dixerat, inrer repetitas Sanctæ Crucis deosculaciones, inter preces & eju-laciones nostras spiritum Deo reddidit. \* *Tolose anno 1676. die 29. Octobris.*

O immanem chari capitis amissionem! ô jaçturam domesticam! ô cla-dem publicam! quando nulla tam læra redibunt sæcula, quæ tanti Viri cineres excitent, aut umbram ferant. Nam quæ tandem græ Maignanum imitabitur, illum, inquam, Maignanum, qui natus in virtutibus adolevit inter doctrinas, & pariter in utrisque consenuit: qui ab omni intem-perantia declinavit, abhorruit à mendacio, & à jaçtantiæmores alienavit; qui invidie nemini, neminem provocavit, nec in provocatores suos reci-procantem convicii, aut dissterii ferram exercuit; qui tandem sanæ suæ, rei tam fragilis, integritatem ab omni decoloratione custodivit illæsam, & supremam cæterorum omnium de se exsultationem, cum infima sui ipsius despicientia,

despicientia, raro connubio, copulavit. Saltem si toto hoc centenario vitam optima mori debuisset nihil, si quæ scintillare cæperat ab exordio sæculi ad finem usque lux affulsisset: quantum hinc accessurum erat & mærori nostro solatium, & Literario splendori lucrum. Invida tamen non rapuistis totum Sydera: Animam quidem Cælo inulistis: at nos hic Mentem interpretamur, memoriam colimus, mores imitatur: sectamur doctrinam, & afflatum suaveolentissimæ vitæ odorem, quem nulla diffudit oblivio, vestigamus, & famam recordatione nunquam intermoritura fovebimus.

Ac denique ecce Tolosam, Civitatem istam Deo caram, virtutum quàm caput plenior, Musarum Arbitram simul & Hospitam, quæ vultum tanti Viri veneratura fato superstitem, Maignano Civi, & Alumno suo Scaturam decrevit, atque posuit. Et in ea quidem amplissima Municipalis Curia suæ Porticu, ubi quotquot Divini cujusdam ingenii Viros suo quondam partu effudit, iis ad pompam monumenti supervicturi effigiem integræ eminentiæ dedicavit. Quare jam vobis liberam potestatem facio, consultissimi Lectores, si quid tenuitati meæ sparsim excidit, quod parando Maignani nostri encomio profuturum putaverim, pro suspecto aut indicto ut habeatis: cum jam splendidissime vel hinc pateat, quantum inter Viros absolute doctos, ac pios celebrandus is sit, in quem mira consensione Senatus atque Capitolii sui Sanctissima simul ac Doctissima Tolosana Pallas tam singularem honorem effudit. Neque perorari tandem à me sapientius quicquam posse arbitror, quàm si edictum ab eadem præconium, & aureis notis thebaico marmori incisum oculis vestris subjiciam. *EMANUEL Maignanus ex ordine Sancti Francisci Paulensis Mathematicis rebus apprime doctus, lucis artem suis inventis luculentior, quàm erat antea, fecit: physicis et theologicis aditis, quæ densissimis tenebris obducuntur, solito etiam clarius illuxit. Et cum jam per totum literarium orbem div scriptis quasi radiasset, decvittandem illum æterna luce frui, qui virtute magis, quàm eruditione claruit.*

E









# INDEX ALPHABETICUS

rerum ac verborum, quæ in hoc opere philosophico continentur.

Littera T. denotat tomum : tum verò littera alia P. indicat paginam enumeratam tomi designati.

Abstractio *vide*, Præcisio.

**A** Abstractio est cognitio rei inadequata. T. 1. p. 189.  
Acceleratio.

Qualiter constat fieri accelerationem in casu gravium. T. 3. p. 283.

Talis acceleratio tandem obtinet suum maximum quod sit. *ibidem*.

Quæ sint varia sententia circa illam accelerationem. *ibid.*

Acceleratio illa non fit juxta simplicem progressionem, contra P. Fabry. *ibid.* p. 286.

Nec rursus juxta progressionem duplicem, contra Balianum. *ibid.* p. 287.

Sed fit juxta progressionem numerorum ab unitate pariter imparim. *ibid.* p. 288.

Accensio.

Qualiter fiat accensio ignis. T. 3. p. 307.

Hæc accensio non est vera & absoluta productio. *ibidem*.

Qualiter accensio illa non sit instantanea. *ibid.* p. 311.

Accidens *vide* forma.

Accidentis dua sunt definitiones vulgares. T. 1. p. 84.

Denominatio accidentis potest convenire substantia. *ibid.* p. 85.

Accidens potest denominari substantia. *ibid.* p. 86.

Accidentia accepta pro formis accidentalibus Aristotelicis nulla sunt. T. 2. p. 67.

Accidentia localia sunt duplicis generis. *ibid.* p. 267.

Accretio.

Accretio vegetativa qualiter fiat. T. 4. p. 141.

Talis accretio non est vera & absoluta productio. *ibid.* p. 159.



## Actio, vide causa.

*Quid sit actio predicamentalis.*

T. 1. p. 321.

*Actio nihil reale distinctum superaddit agenti.*

ibid. p. 322.

*Si qua esset actionis realitas distincta, esset inutilis & inepta.*

ibid. p. 323.

*Causa efficiens non agit per actionem a se distinctam.*

T. 2. p. 131.

*Quid sit actio in distans, & qualiter impossibilis.*

ibid. p. 142.

*Qualiter actiones omnes pendant immediate à Deo.*

ibid. p. 155.

*Ad actiones omnes Deus concurrit, & qualiter.*

ibidem.

*Actiones alia sunt elicite & alia imperata.*

T. 4. p. 276.

*Nulla actio humana est indifferens in individuo.*

ibid. p. 278.

## Activitas.

*Non deest in agentibus activitas intrinseca.*

T. 2. p. 115.

*Et hæc activitas non pendet ab impulsione materia subtilis.*

ibid. p. 116.

*Neque etiam consistit in compulsionem activa solius Dei.*

ibidem.

*Quid intelligatur per activitatem extrinsecam.*

ibid. p. 117.

## Adamus.

*Qualiter Logica infusa fuerit Adamo.*

T. 1. p. 3.

*Si Adamus Logicam ignorasset, fuisset plane ignarus.*

ibid. p. 4.

*Qualiter Adamus non fuerit proprie deceptus.*

ibid. p. 6.

## Aër.

*Ex compressibilitate aëris probatur vacuum actuale.*

T. 2. p. 295.

*Quot sint regiones aëris.*

T. 3. p. 34.

*Qualiter aer, quem spiramus, sit impurus.*

ibid. p. 341.

*Aer est corpus homogeneum admittens expirationes heterogeneas.*

ibid. p. 342.

*Aer est indifferens ad calorem & frigus.*

ibid. p. 348.

*Aer est gravis, & quare.*

ibid. p. 353.

*Quanta sit aëris gravitas.*

ibid. p. 356.

*Varia passiones aëris falso tribuuntur antiperistasi.*

ibid. p. 362.

*Quantum possit aer rarefieri.*

ibid. p. 369.

*Quid sit sentiendum circa porositatem aëris.*

ibid. p. 370.

*Qua sit altitudo media regionis aërea.*

T. 4. p. 114.

## Æquivocum.

*Quid sit terminus æquivocum.*

T. 1. p. 91.

*Quid sint æquivoca æquivocata.*

ibidem.

## Æternitas.

*Refertur definitio Boëtiana æternitatis.*

T. 3. p. 73.

*Æternitas est duplex, alia adequata & alia inadequata.*

ibid. p. 131.

*Æternitas Mundi non repugnat, sine à parte ante, sive à parte post.*

ibid. p. 131.

## Æther.

- Falsò recurritur ad tenuitatem ætheris pro vacuo vitando.* T. 2. p. 288.  
*Æther habet adhuc plures poros quàm aër.* ibid. p. 297.  
*Qualiter non inserviat æther ad attollendos & suspendendos vapores.* T. 3. p. 388.

## Ævum.

- Duratio rerum spiritualium vocari solet à Philosophis ævum.* T. 3. p. 72.  
*Qualiter ævum sit distinctum ab æternitate & tempore.* ibid. p. 73.

## Agens, vide actio.

- Admittenda est in agentibus activitas intrinseca, contra Cartesium.* T. 2. p. 115.  
*Ac præsertim admittenda est in iis agentibus, quæ sunt elementa.* T. 3. p. 189.  
*Quid sit agere libere & coacte.* T. 4. p. 273.  
*Qualiter omne agens agat propter finem.* ibid. p. 270.  
*Falsum est quòd omne agens intendat assimilare sibi passum.* T. 3. p. 173.

## Alteratio.

- Quid rei physica sit alteratio in rebus materialibus.* T. 3. p. 172.

## Analogum.

- Quid sit terminus analogus.* T. 1. p. 91.  
*Analogia duplex est proportionis & attributionis.* ibidem.  
*Quid sint analogæ analogata.* ibidem.  
*In quo sensu ens non sit tantummodò analogū respectu Dei & creaturarū.* T. 1. p. 187.

## Anima.

- Quæ sit notio animæ in communi.* T. 4. p. 133.  
*In quo sensu communiori animæ accipiatnr.* ibidem.  
*Qualiter animæ materiales sint heterogeneæ.* ibid. p. 135.  
*Possunt plures animæ materiales sociari in eodem subiecto.* ibid. p. 136.  
*Quenam partes corporis sint animatæ.* ibid. p. 137.

## Anima vegetatiua.

- Quid sit animæ vegetatiua.* T. 4. p. 140.  
*Qualiter fiat vegetatio.* ibid. p. 141.  
*Qualiter omnia vegetabilia prodeant ex aliquo semine.* ibid. p. 142.  
*Ostenditur tres esse potentias animæ vegetatiuæ, & quid sint singulæ.* ibid. p. 151.  
*Quenam sint subiecta animæ vegetatiuæ.* ibid. p. 167.

## Anima sensitiva.

- An detur animæ sensitiva in brutis, contra Cartesium.* T. 4. p. 172.  
*Quid rei physica sit animæ sensitiva.* ibid. p. 183.  
*Omnes animæ sensitivæ sunt veriùs heterogeneæ.* ibid. p. 188.  
*Omnis animæ sensitiva est divisibilis.* ibid. p. 191.  
*Qualiter animæ sensitiva exerceat suas operationes.* ibid. p. 198.

### Anima rationalis.

<i>Referuntur varia sententia circa quidditatem anima rationalis.</i>	<i>T. 4. p. 23.</i>
<i>Qualiter &amp; quare anima rationalis sit immaterialis.</i>	<i>ibid. p. 240.</i>
<i>Qualiter pendeat in multis operationibus suis à corpore.</i>	<i>ibid. p. 246.</i>
<i>Ostenditur animam rationalem esse immortalem.</i>	<i>ibid. p. 248.</i>
<i>Omnes anima rationales non sunt aque perfectæ.</i>	<i>ibid. p. 255.</i>
<i>Quid sit sentiendum de potentiis anima rationalis.</i>	<i>ibid. p. 262.</i>
<i>Quid sit animam moraliter operari.</i>	<i>T. 4. p. 269.</i>
<i>Qua sit libertas anima.</i>	<i>ibid. p. 273.</i>
<i>Qualiter anima subiaceat passionibus corporeis.</i>	<i>ibid. p. 282.</i>
<i>Qualiter egeat variis auxiliis Divinis ad varie operandum.</i>	<i>ibid. p. 291.</i>
<i>Qualiter subiaceat panis sensibilibus corporeis.</i>	<i>ibid. p. 293.</i>

### Animal.

<i>Animal præter vim sensitivam habet appetitivam.</i>	<i>T. 4. p. 208.</i>
<i>In quo sensu accipi debeant præfagia animalium.</i>	<i>ibid. p. 212.</i>
<i>Qua sit sensuum præcellentia in animalibus.</i>	<i>ibid. p. 211.</i>
<i>Animalia sunt incapacia reflexionis.</i>	<i>ibid. p. 240.</i>

### Annihilatio, nihilum.

<i>Sicut productio forma esset creatio, ita destructio esset annihilatio.</i>	<i>T. 2. p. 15.</i>
<i>Qualiter forma fieret è nihilo materia.</i>	<i>ibid. p. 59.</i>
<i>Non desunt nihilo sua proprietates.</i>	<i>T. 2. p. 236.</i>

### Anser.

<i>Afferitur experimentum anseris ad demonstrandam aqua gravitatem.</i>	<i>T. 3. p. 373.</i>
<i>Et fulcitur hoc experimentum evidente ratiocinio.</i>	<i>ibid. p. 374.</i>

### Antiperistasis.

<i>Quid sit apud Aristotelicos antiperistasis.</i>	<i>T. 3. p. 362.</i>
<i>Ostenditur quantum illa antiperistasis sit parum philosophica.</i>	<i>ibid. p. 363.</i>
<i>Afferitur vera causa effectuum, qui falso antiperistasi tribuuntur.</i>	<i>ibid. p. 365.</i>

### Appetitus.

<i>Qua sit vis appetitiva in animali.</i>	<i>T. 4. p. 208.</i>
<i>Vis appetitiva &amp; sensitiva non differunt inter se realiter.</i>	<i>ibid. p. 209.</i>
<i>Sensus &amp; appetitus non habent diversas sedes.</i>	<i>ibid. p. 210.</i>

### Apprehensio.

<i>Qualiter apprehensio sit prima operatio mentis.</i>	<i>T. 1. p. 34.</i>
<i>Alia est complexa, &amp; alia incomplexa.</i>	<i>ibid. p. 37.</i>
<i>Apprehensio nunquam potest esse falsa.</i>	<i>ibid. p. 38.</i>

### Apophysis.

<i>Omnes sensationes complentur in ea cerebri parte, qua vocatur apophysis vermiformis.</i>	<i>T. 4. p. 206.</i>
	<i>Aqua</i>

## Aqua.

*Qualiter fiat ebullitio aqua.*

*Aqua rarefit per congelationem.*

*Calor aqua calefacta non est forma accidentalis producta.*

*Exponitur modus physicus, quo aqua calefit.*

*Ostenditur aquam gravitare.*

*Cur aqua non premit urinatores.*

*Cir non sentiatu pondus situla intra aquam.*

*Qualiter aqua ubique afflctet sum aquilibrium.*

*Qualiter aqua conscendat ad montium iuga.*

*Non omnes tamen aqua marium sunt aquilibrium, & cur.*

*Afferuntur alia exceptiones circa istud aquilibrium aqua.*

*Qualiter aqua abeat in vapores.*

*Qualiter humor & frigus contineant aqua.*

*Qualiter aqua in glaciem cogatur.*

*Aqua habet poros, nec tamen potest comprimi, & cur.*

*Recensentur & explicantur mixtura aqua.*

*Qualiter aqua converti absolute non possit in vinum.*

*Et qualiter id probeatur experientia.*

## Argumentatio, vide Discursus.

*Afferuntur quatuor leges pro recta argumentatione.*

*Quos sint species idem argumentationis.*

## Aristoteles.

*Inventio logica falsò tribuitur Aristoteli.*

*Qualiter divisio, sed arbitrarie, est in decem predicamenta.*

*Assumpsit pro rebus physicis explicandis principia falsa.*

*In quo sensu formam verè acceperit.*

*Passim à sua relinquitur circa vacui metum quem tribuit Natura.*

*Falsò reulit causam motu projectilis ad medium percursum.*

*Falsa est proportio quam putavit esse inter celeritatem casus & gravitatem cadentis.*

*Omnino, obscure se explicuit circa naturam luminis.*

## Ars. Artefactum. Automata.

*Per opera artis nihil vere & absolute producit.*

*Falsum est bruti esse mera artefacta, sive automata, contra Cartesiu.*

*Multi negant talia artefacta potuisse à Deo fieri.*

*At verius conceditur, sed hinc nihil probatur pro Cartesio.*

T. 2. p. 330.

ibid. p. 339.

T. 3. p. 323.

ibid. p. 325.

ibid. p. 330.

ibid. p. 377.

ibid. p. 378.

ibid. p. 381.

ibid. p. 383.

ibid. p. 334.

ibid. p. 385.

ibid. p. 386.

ibid. p. 391.

ibidem.

ibid. p. 393.

T. 4. p. 122.

T. 3. p. 175.

ibid. p. 177.

T. 1. p. 114.

ibid. p. 130.

T. 1. p. 7.

ibid. p. 275.

T. 2. p. 8.

ibid. p. 56.

ibid. p. 279.

T. 3. p. 271.

ibid. p. 284.

T. 4. p. 12.

T. 2. p. 153.

T. 4. p. 174.

ibid. p. 178.

ibid. p. 179.

## Atomus.

*Atomi admitti debent simplices.*

T. 2. p. 31.

*Item admitti debent diverse species.*

ibidem.

*In quo differant atomi Epicuri a nostris minimis physicis, seu veris atomis.*

ib. p. 200.

*Omnes atomi sunt alicujus determinata figura.*

ib. p. 207.

*Atomus potest potius esse indivisibilis, quam anima sensitiva, contra*

*Thomistae:*

T. 4. p. 196.

## Auditus.

*Auditus est quedam species tactus.*

T. 4. p. 226.

*Quale sit organum auditus, & qualiter fiat auditio.*

ibid. p. 227.

## Axis.

*Quid sit axis, & qualiter differat à diametro.*

T. 4. p. 77.

## Bonitas. Bonum.

*Bonitas est proprietatis entis.*

T. 1. p. 220.

*Qua sit bonitas rerum possibilem.*

ibid. p. 221.

*Omnis bonitatis origo est bonitas Divina,*

ibidem.

*Qualiter bonitas sit sui diffusiva.*

ibid. p. 223.

*Sola bonitas est amabilis.*

ibidem.

*Bonum & perfectum convertuntur.*

ibid. p. 222.

*Quid requiratur ad bonitatem moralem actionis.*

T. 4. p. 269.

*Qualiter bonitas actionis pendeat à fine.*

ibid. p. 277.

*Qua sint virtutes qua denominant habentem simpliciter bonum.*

ibid. p. 286.

## Bruta.

*Bruta habent animam vere sensitivam, contra Cartesium.*

T. 4. p. 174.

*Qualiter non possint esse mera automata.*

ibid. p. 178.

*Qualiter bruta sint incapacia reflexionis.*

ibid. p. 177.

*Exponitur quid rei physica sit anima Brutorum.*

ibid. p. 183.

## Caeli.

*Unde probari soleat pluralitas calorum.*

T. 4. p. 84.

*Referuntur varii motus calorum.*

ibid. p. 86.

*Celi non sunt solidi.*

ibid. p. 91.

*Repugnat calos moveri simul pluribus motibus.*

ibid. p. 92.

*Qualiter celi non sint incorruptibiles.*

ibid. p. 93.

## Calor. Calefactio.

*Qua sit definitio Aristotelica caloris.*

T. 3. p. 320.

*Qualiter considerari possit ac debeat calor igneus.*

ibid. p. 321.

*Calor non est qualitas verè producta, contra Aristotelicos.*

ibid. p. 322.

*Quid rei physica sit calor & calefactio.*

ibid. p. 323.

## Calx.

*Experimentum calcis extincta probat ignem non vere produci.  
Qualiter ignis lateat in calce juxta D. Augustinum.*

T. 3. p. 308.  
ibidem.

## Cartesius.

*Cartesii principia physica referuntur.*

T. 2. p. 191

*Ac deinde multis argumentis refutantur.*

ibid. p. 231

*Cartesius admisit principia Geometrica pro Physicis.*

ibid. p. 221

*Cartesii Mundus esset omnino diversus ab isto.*

ibid. p. 241

*Falso negavit activitatem intrinsecam causarum efficientium.*

ibid. p. 1141

*Pravè statuit divisibilitatem materie in infinitum.*

ibid. p. 119

*Male explicuit continuitatem corporum per solum contactu cū quiete.*

ibid. p. 211

*Erravit circa naturam loci.*

ibid. p. 231

*Et similiter circa impossibilitatem vacui.*

ibid. p. 287

*Refutatur mens Cartesii circa fluxum & refluxum maris.*

T. 4. p. 124

*Ejusdem mens refutatur circa automata.*

ibid. p. 172

## Causa. Causalitas.

*Quid & quomplex sit causa.*

T. 2. p. 88

*Omnis causa est perfectior suo effectu.*

ibid. p. 89

*Item omnis causa est prior suo effectu.*

ibid. p. 90

*Quid sit causalitas cause.*

ibid. p. 95

*Quid & quomplex sit causa efficiens.*

ibid. p. 110

*Causa efficiens habet activitatem intrinsecam.*

ibid. p. 114

*Potentia causa efficiens non distinguntur ab ipsa.*

ibid. p. 122

*Nulla causa potest operari in distans.*

ibid. p. 142

*Qualiter causa prima concurrat ad actiones secunda.*

ibid. p. 155

## Centrum.

*Qualiter Terra stet in centro Universi.*

T. 3. p. 402

*Qualiter differat centrum gravitatis à centro magnitudinis.*

ibid. p. 403

*Gravia non feruntur ad centrum Mundi, nisi quia est centrū Terræ.*

T. 4. p. 127

## Certeitudo.

*Quanta sit certeitudo syllogistica.*

T. 1. p. 149

*Alia est metaphysica, alia physica, & alia moralis.*

ibidem.

## Circuli.

*Exponitur quales sint circuli sphaera vulgaris Ptolemaica.*

T. 4. p. 62

*Quid sint specialem circuli verticales, altitudinis, distantie, &c.*

ibid. p. 79

*Quid sint circuli eccentrici & epicycli.*

ibid. p. 87

*Qualiter circuli diantantur in gradus.*

ibid. p. 66

## Climata.

*Quid intelligatur per climata.**Varie dividuntur ab antiquis & à recentibus Geographis.*

T. 4. p. 92.

*ibidem.*

## Color.

*Qualiter lux concurrat ad colorem.*

T. 4. p. 36.

*Color non pendet ex temperamento.**ibid. p. 38.**Sed pendet à sola superficie corporum.**ibid. p. 40.**Qualiter cæcus possit judicare de coloribus.**ibidem.**Colores reales & apparentes non differunt inter se.**ibid. p. 44.**Quæ sit sit definitio Aristotelica colorum.**ibid. p. 52.**Color non est forma accidentalis Aristotelica.**ibid. p. 53.**Vnde procedat varietas colorum.**ibid. p. 333.*

## Compositum.

*Compositum naturale non differt à mixto.*

T. 2. p. 41.

*Composita alia sunt homogenea, & alia heterogenea.**ibidem.**Partes compositi ununtur se ipsis.**ibid. p. 78.**Compositum non distinguitur entitative à suis partibus.**ibid. p. 82.*

## Conceptus.

*Qualis sit conceptus inherens accidentalis.*

T. 1. p. 87.

*Conceptus entis alius est formalis, alius objectivus.**ibid. p. 179.**Uterque ille conceptus est unus.**ibidem.**Qualiter conceptus objectivus competat ratio idea.*

T. 2. p. 106.

## Concursus.

*Concursus Divinus ad omnes nostras actiones est immediatus.*

T. 2. p. 155.

*Qualiter Talis concursus sit necessarius.**ibid. p. 158.**Sed non est absolute pravius ad omnes actiones.**ibid. p. 160.**Qualiter sit determinatus ab indigentia seu exigentia nostra.**ibid. p. 161.**At omnino pravius est ad actiones nostras supernaturales.**ibid. p. 165.*

## Consequentia.

*Consequentia alia sunt formales, alia materiales.*

T. 1. p. 45.

*Qualia sunt leges pro legitima consequentia.**ibid. p. 134.*

## Consuetudo, vide habitus.

*Qualiter consuetudo in passionem vertatur.*

T. 4. 280.

## Continuum, vide partes.

*Partes continui sunt alii omnes in eo, contra Digbani.*

T. 2. p. 174.

*Nulla sunt in continuo puncta mathematica.**ibid. p. 181.**Talia puncta impedirent unionem partium.**ibid. p. 183.**Continuum non est in infinitum divisibile.**ibid. p. 191.**Continuum*

*Continui partes uniuntur per hamulos.*

*ibid. p. 217.*

*Sed non uniuntur per solum contactum cum quiete, contra Cartesium. ibid. p. 211.*

### Corpus.

*In quo conveniat corpus cum spiritu, & in quo differat.*

*T. 2. p. 208.*

*Corpus & spatium omnino differunt.*

*ibid. p. 232.*

*Plura corpora possunt supernaturaliter penetrari.*

*ibid. p. 255.*

*Extensio corporum alia est propria & alia communis.*

*ibid. p. 258.*

*Unum corpus potest esse in pluribus locis.*

*ibid. p. 263.*

*Et opinio opposita circa hanc possibilitatem est periculosa.*

*ibid. p. 265.*

*Omnia corpora habent poros.*

*ibid. p. 294.*

### Creatio. Creare.

*Eductio forme substantialis esset vera creatio.*

*T. 2. p. 15.*

*Quid sit creare.*

*ibid. p. 111.*

*In quo praesertim differat creatio à generatione.*

*ibid. p. 153.*

*Qualiter conservatio sit continuata creatio.*

*ibid. p. 156.*

### Definitio.

*Qualiter definitio sit secundus modus sciendi.*

*T. 1. p. 109.*

*Quid & quotuplex sit definitio.*

*ibid. p. 110.*

*Quae sint leges bonae definitionis.*

*ibid. p. 111.*

*Quid sint definitiones descriptivae.*

*ibidem.*

### Demonstratio.

*Quae & quotuplex sit demonstrationis certitudo.*

*T. 1. p. 149.*

*Demonstratio alia est à priori & alia à posteriori.*

*ibid. p. 150.*

### Densitas. Densum.

*Quid sit rarum & densum.*

*T. 2. p. 305.*

*Qualiter fiat condensatio.*

*ibid. p. 330.*

*Non tantum ad frigus pertinet, sed etiam ad calorem condensare.*

*ibid. p. 339.*

*Densitas non est entitas realiter distincta à re densa.*

*ibid. p. 345.*

### Deus.

*Qualiter Deus concurret ad actiones nostras.*

*T. 2. p. 155.*

*In quo sensu non concurret ad illas praevie.*

*ibid. p. 160.*

*Potuit Deus creare res materiales absque ullis spiritualibus.*

*ibid. p. 234.*

*Deus non produxit creaturas infinitas.*

*ibid. p. 240.*

*Qualiter Deus sit in spatiis imaginariis.*

*ibid. p. 274.*

*Qualiter Deus sit agens universale.*

*ibid. p. 161.*

*Qualiter sit etiam primum agens.*

*ibid. p. 163.*



### Differentia.

*Qualiter differentia sit unum ex quinque universalibus.*

T. i. p. 63.

*Quid & quoniam sit ista differentia universalis.*

ibid. p. 81.

### Discurfus.

*Qualiter discursus sit tertia mentis operatio.*

T. i. p. 34.

*Qualiter contineat duas propositiones.*

ibid. p. 43.

*Qualiter requirat comprehensionem antecedentis.*

ibid. p. 44.

*Qualiter sit tertius modus sciendi.*

ibid. p. 112.

*Qua sint leges perfecti discursus.*

ibid. p. 114.

*Qua & quot sint principia discursus syllogistici.*

ibid. p. 130.

*Quot sint species discursus syllogistici.*

ibid. p. 148.

### Distinctio.

*Qua sit distinctio entium existentium.*

T. i. p. 196.

*Qua sit distinctio entium possibilium.*

ibidem.

*Omnis distinctio aut est omnino realis, aut pure mentalis.*

ibid. p. 197.

*Quid sit distinctio virtualis.*

ibid. p. 199.

*Quid sit distinctio formalis ex natura rei.*

ibid. p. 200.

*Quid sit distinctio modalis.*

ibid. p. 202.

*Qua sit distinctio partium continui ante divisionem.*

T. 2. p. 174.

### Divisio.

*Qualiter divisio sit primus modus sciendi.*

T. i. p. 106.

*Quid & quoniam sit divisio Logicalis.*

ib. p. 107.

*Qua & quot sint leges bonae divisionis.*

ibidem.

### Duratio, vide Tempus.

*Quid & quoniam sit duratio rerum.*

T. 3. p. 63.

*Duratio intrinseca rerum permanentium non est quid successivum.*

ibid. p. 64.

*Duratio non distinguitur realiter à re durante.*

ibid. p. 69.

### Elementa.

*Elementa sunt physica rerum naturalium principia.*

T. 2. p. 38.

*Quanta varietas mixtorum prodiret ex 30 elementis.*

ibid. p. 43.

*Elementa sunt corpora simplicia.*

T. 3. p. 147.

*Ostenditur dari plura, quam quatuor elementa.*

ibid. p. 153.

*Nec generari possunt, nec corrumpi.*

ibid. p. 166.

*Qualiter maneant in mixtis formaliter.*

ibid. p. 180.

*Qualiter habeant vim sese movendi intrinsecam.*

ibid. p. 189.

*Qualiter non sint inter se contraria, seu inimica.*

ibid. p. 201.

*Qualiter ad suos motus debeant determinari.*

*Qualiter ad suos illos motus determinentur.*

*Elementa gravitant in propriis locis.*

*Ibid. p. 209.*

*ibid. p. 217.*

*ibid. p. 221.*

### Ens.

*Quid sit ens rationis reale.*

*Qualiter sit indistinctum à ratione.*

*Quid sit ens rationis chimericum & qualiter detur.*

*Quid sit ens rationis logicum, & qualiter differat à chimerico.*

*Quid sit ens rationis denominativum.*

*Entis conceptus est duplex, formalis & objectivum.*

*Qualiter conceptus entis sit univocus.*

*Quales sint entis præcisiones & qualiter admittenda.*

*Quibus distinctionibus ens subiacet.*

*Quæ & quot sint proprietates entis.*

*Qualiter ordinanda sint ista proprietates.*

*Quid sit sentiendum circa essentiam & existentiam entis.*

*Quid sit entis substantia.*

*Quid sit accidentalitas entis.*

*T. 1. p. 47.*

*ibidem p. 48.*

*ibidem p. 51.*

*ibid. p. 55.*

*ibid. p. 58.*

*ibidem p. 178.*

*ibid. p. 183.*

*ibid. p. 189.*

*ibid. p. 196.*

*ibid. p. 205.*

*ibidem p. 231.*

*ibid. p. 248.*

*ibid. p. 255.*

*ibid. p. 267.*

### Figura.

*Quæ & quot sint figura syllogistica.*

*Quid sit & quam parum utilis figura Galeni.*

*Quæ sint principia syllogistica pro singulis figuris.*

*Qualiter possint deprehendi modi quartæ figura, sicuti aliarum.*

*Omnes partes continui sunt determinatae alicujus figurae.*

*Qualiter non repugnat figura annularis in atomis.*

*T. 1. p. 139.*

*ibid. p. 137.*

*ibidem.*

*ibid. p. 147.*

*T. 2. p. 217.*

*ibid. p. 220.*

### Flamma.

*Flamma nihil est nisi ignis lucens simul et fluens.*

*T. 3. p. 313.*

### Fontes.

*Qualiter aqua per subterraneos meatus perveniat ad fontes.*

*T. 4. p. 121.*

*Quæ sit causa consensus aquæ ad capita fontium sublimium.*

*T. 3. p. 383.*

### Forma. Formalitas.

*Si quæ esset forma substantialis Aristotelica crearetur.*

*T. 2. p. 15.*

*Et responsiones ad hoc Aristotelica omnes solvuntur.*

*ibid. p. 16.*

*Productiva forma substantialis est chimerica.*

*ibid. p. 57.*

*Qualiter sine tali forma possit fieri sensatio.*

*ibid. p. 61.*

*Formæ omnes accidentales pariter repugnant.*

*ibid. p. 67.*

*Quid sit hac in re de formis spiritualibus sentiendum.*

*ibid. p. 73.*

*Formalitates cujusvis objecti sunt seorsim cognoscibiles.  
Non omnes formalitates aequè primò representantur.  
Nec aequè primò representantur intellectui Angelico.*

*T. 1. p. 190.  
T. 1. p. 195.  
ibidem.*

### Frigus.

*Qua sit definitio frigoris apud Aristotelem.  
Quid sit frigus coherenter ad dicta de calore.  
Frigus non semper condensat, imò potius rarefacit.*

*T. 3. p. 320.  
ibid. p. 330.  
ibid. p. 321.*

### Fulgur. Fulmen.

*Qualiter generentur has meteora ignea.  
Recensentur varii effectus fulminis.*

*T. 4. p. 110.  
ibid. p. 111.*

### Gassendus.

*Refutatur opinio Gassendi circa atomos quas non admittit simplices. T. 2. p. 31.  
Tum refutatur circa naturam loci. ibidem. p. 224.  
Item refutatur circa vim tractricem gravium. T. 3. p. 216.  
Neque affert veram causam motus elastici. ibid. p. 235.  
Tum ad mentem Gassendi non rectè exponitur diffractio lacrymarum. ibid. p. 265.*

### Generatio.

*Eductio forma non esset generatio, sed creatio.  
Quid sit causa generans.  
In quo differat generatio à creatione.  
In quo sensu admittatur apud nos generatio rerum.*

*T. 2. p. 15.  
ibid. p. 111.  
ibid. p. 153.  
ibid. p. 62.*

### Genus.

*Quid & quotuplex sit genus universale.  
Qualiter fiat hac universalitas generis.*

*T. 1. p. 76.  
ibidem.*

### Gradus.

*Intensio qualitativa non fit per additionem gradus ad gradum.  
Ostenditur repugnantia saltem graduum.  
Tales gradus essent inutiles ad effectum intentum.  
In quo sensu & modo loquendi gradus accipi possint.  
Qualiter circuli dividantur in gradus, & gradus in minuta.*

*T. 2. p. 357.  
ibid. p. 358.  
ibid. p. 359.  
ibid. p. 360.  
T. 4. p. 66.*

### Grangæus.

*Refutatur circa formas accidentales, quas ex professo protegit.  
Item circa discrimen, quod ponit inter motum & mutationem localem.*

*T. 2. p. 69.  
T. 3. p. 10.*

*Tum etiam circa aeris gravitatem, quam affert pro causa motus elastici.*

*ibid. p. 239.  
ibid. p. 274.*

*Refutatur etiam circa causam motus projectili.*

**Grave**

### Grave. Gravitas, vide Acceleratio.

<i>Ignis neque est gravis, neque levis.</i>	<i>T. 3. p. 314.</i>
<i>Lux similiter neque est gravis, neque levis.</i>	<i>ibid. p. 319.</i>
<i>Gravia cadendo accelerant suum casum.</i>	<i>ibid. p. 283.</i>
<i>Quæ &amp; qualis sit talis acceleratio gravium ex quiete cadentium.</i>	<i>ib. p. 286.</i>
<i>Gravitas alia est absoluta, &amp; alia respectiva.</i>	<i>ibid. p. 227.</i>
<i>Nulla est gravitas realiter distincta a re gravi.</i>	<i>ibid. p. 228.</i>

### Gustus.

<i>Exponitur organum gustûs.</i>	<i>T. 4. p. 216.</i>
<i>Qualiter fiat sensatio gustûs.</i>	<i>ibid. p. 217.</i>
<i>Unde procedat varietas gustuum.</i>	<i>ibidem.</i>
<i>Quale sit vere ac physice loquendo objectum gustûs.</i>	<i>ibid. p. 218.</i>

### Habere. Habitus.

<i>Quid sit predicamentum, quod vocant habere.</i>	<i>T. 1. p. 327.</i>
<i>Qualiter non sit aliquid reale distinctum ab habente &amp; re habita.</i>	<i>ibid. p. 329.</i>
<i>Qualiter habitus sit quadam species qualitatis.</i>	<i>ib. p. 310.</i>
<i>Quid sit habitus &amp; qualiter divisus.</i>	<i>T. 4. p. 285.</i>
<i>Quid rei physica sit habitus virtutis &amp; vitii.</i>	<i>ib. p. 288.</i>

### Humidum. Humiditas.

<i>Qua sit definitio humidi ex Aristotele.</i>	<i>T. 3. p. 331.</i>
<i>Qualiter aqua sit humida.</i>	<i>ib. p. 391.</i>
<i>Qualiter humiditas non sit forma accidentaliter producta.</i>	<i>ibidem.</i>

### Hypothesis.

<i>Hypotheses Aristotelis circa physica rerum naturalium principia referuntur &amp; impugnantur.</i>	
<i>Hypotheses Cartesii pariter referuntur &amp; impugnantur deinceps.</i>	<i>T. 2. p. 7.</i>
<i>Hypotheses Gassendi referuntur etiam &amp; impugnantur.</i>	<i>ib. p. 19.</i>
<i>Hypotheses Maignani referuntur &amp; propugnantur.</i>	<i>ib. p. 28.</i>
<i>De suis hypothesis Cartesius interdum modeste, interdum superbe sensit.</i>	<i>ib. p. 34.</i>
	<i>ib. p. 27.</i>

### Idea.

<i>Idea est forma intelligibilis rei efficienda preconcepta.</i>	<i>T. 2. p. 106.</i>
<i>Ratio idea non convenit conceptui formali, sed objectivo.</i>	<i>ibidem.</i>
<i>Qualis sit existentia idea, seu conceptus objectivi.</i>	<i>ib. p. 107.</i>

### Ignis.

<i>Quid sit generatio ignis apud Aristotelicos.</i>	<i>T. 3. p. 305.</i>
<i>Ignis nec vere produciuntur, nec vere destruitur.</i>	<i>ib. p. 307.</i>
<i>Ignis neque est levis, neque gravis.</i>	<i>ib. p. 314.</i>

d

<i>Ignis mobilitate sua fertur quaquaersum.</i>	<i>ib. p. 315.</i>
<i>Quid vulgò sentiatur de calore ignis.</i>	<i>ib. p. 320.</i>
<i>Calor ignis non est forma accidentalis producta.</i>	<i>ib. p. 322.</i>
<i>Quid rei physica sit calor ignis.</i>	<i>ib. p. 325.</i>
<i>Quid rei physica sit siccitas ignis.</i>	<i>ib. p. 332.</i>
<i>Quid sit sentiendum de ignibus fatnis.</i>	<i>T. 4. p. 111.</i>
<i>Quid sit sentiendum de ignibus subterraneis.</i>	<i>ib. p. 112.</i>

### Imaginativa, sive Phantasia.

<i>Quid vulgò intelligatur per potentiam imaginativam sive phantasiam.</i>	<i>T. 4. p. 205.</i>
<i>Qualiter ordinentur per eam species, sive, ut aiunt, phantasmata.</i>	<i>ibidem.</i>
<i>Non est potentia à ceteris realiter distincta.</i>	<i>ib. p. 206.</i>

### Individuum.

<i>Quid sit individuum apud Logicos.</i>	<i>T. 1. p. 85.</i>
<i>Qualiter fiat verè individuatō.</i>	<i>ib. p. 231.</i>

### Infinitum.

<i>Qua sit notio infiniti.</i>	<i>T. 3. p. 75.</i>
<i>Qualiter constet ex partibus nullo finito numero comprehensibilibus.</i>	<i>ib. p. 76.</i>
<i>Qualiter multitudo rerum omnium possibilitium sit infinita.</i>	<i>ib. p. 81.</i>
<i>Vnum infinitum potest proprie esse majus aut minus alio.</i>	<i>ib. p. 88.</i>
<i>Quid sit infinitum clausum &amp; qualiter non repugnet.</i>	<i>ib. p. 94.</i>
<i>Nec repugnat infinitum qualicumque figura.</i>	<i>ib. p. 105.</i>

### Intellectus.

<i>Intellectus, ratio &amp; mens qualiter differant.</i>	<i>T. 1. p. 33.</i>
<i>Intellectus &amp; memoria qualiter sint una potentia.</i>	<i>T. 4. p. 262.</i>
<i>Intellectus nec ab anima, nec à ceteris potentiis distinguitur realiter.</i>	<i>ib. p. 264.</i>
<i>Quid sit sentiendum de divisione intellectus in agentem &amp; patientem.</i>	<i>ib. p. 265.</i>
<i>Quid sint virtutes intellectuales.</i>	<i>ib. p. 286.</i>

### Intensio.

<i>Qualiter intensio &amp; extensio differant.</i>	<i>T. 1. p. 389.</i>
<i>Quid sit intensio, &amp; quam variè circa illam sentiatur.</i>	<i>T. 2. p. 352.</i>
<i>Intensio non fit per majorem radicationem in subiecto.</i>	<i>ib. p. 354.</i>
<i>Neque fit per additionem gradus ad gradum.</i>	<i>ib. p. 357.</i>
<i>Qualiter verè fiat intensio.</i>	<i>ib. p. 362.</i>
<i>Nonnulla adinventum est ab Aristotelicis forma efficiens intensiōem.</i>	<i>ib. p. 367.</i>
<i>Qualiter intensio conveniat &amp; differat à condensatione.</i>	<i>ib. p. 365.</i>

## Intentio.

*Quid sit secunda intentio apud Logicos.*

*T. 1. p. 554*

*Quotuplex sit secunda intentio.*

*ibidem.*

*Qualiter fundamentum secunda intentionis sit reale;*

*ib. p. 56.*

## Iris.

*Quid & quotuplex sit iris.*

*T. 4. p. 116.*

*Qualiter irides sint concentrica & interdum inversa.*

*ibidem.*

*Qua sit causa colorum iridis.*

*ib. p. 117.*

*Quid senserit Cartesius circa colores iridis.*

*ibidem.*

## Judicium.

*Qualiter iudicium sit secunda mentis operatio.*

*T. 1. p. 372*

*Qualiter iudicium praequirat certitudinem.*

*ib. p. 41.*

*In quo casu requirit evidentiam, vel non requirit.*

*ib. p. 42.*

## Lapides.

*Qualiter multi lapides vivant.*

*T. 4. p. 167.*

*Qua sint lapidum semina.*

*ib. p. 169.*

*Lapis quem Bononiensem & licoosphorum vocant, Incem imbibit.*

*ib. p. 23.*

*Lapis alius, quem vocant theamedem, ferrum abigit.*

*T. 3. p. 300.*

## Libertas.

*Quid sit agere libere & coacte.*

*T. 4. p. 273*

*Libertas alia est à coactione, alia à necessitate.*

*ibidem.*

*Qua sit notio vera libertatis.*

*ib. p. 274.*

*Libertas non est ad bonum in communi, sed in particulari.*

*ib. p. 275.*

## Libramentum.

*Quate sit libramentum aquae, & unde procedat.*

*T. 3. p. 381.*

*Tale libramentum violatur in tubis valde exilibus.*

*ib. p. 382.*

*Non omnia maria habent tale libramentum, & cur.*

*ib. p. 384.*

*Afferuntur aliae exceptiones huius libramenti violati.*

*ib. p. 385.*

## Locus, vide Ubi.

*Qua sint proprietates loci.*

*T. 2. p. 232.*

*Ad notionem loci sufficit immobilitas apprehensa.*

*ib. p. 225.*

*Idem locus potest supernaturaliter capere plura corpora.*

*ib. p. 253.*

*Idem corpus potest esse supernaturaliter in pluribus locis.*

*ib. p. 263.*

*Et id quidem facilius circumscriptive, quam definitivè.*

*ib. p. 263.*

## Logica.

*Qualiter Logica sit janua scientiarum.*

*T. 1. p. 1.*

*Qualiter Logica artificialis perficiat naturalem.*

*ib. p. 3.*

<i>Qualiter Logica infusa fuerit Adamo.</i>	<i>ibidem.</i>
<i>Non fuit ab Aristotele adinventum.</i>	<i>ib. p. 7.</i>
<i>Logica docens &amp; utens non distinguuntur realiter.</i>	<i>ib. p. 9.</i>
<i>Qualiter habeat titulum scientia &amp; artis.</i>	<i>ib. p. 15.</i>
<i>Qualiter sit speculativa &amp; practica.</i>	<i>ib. p. 21.</i>
<i>Qualiter sit necessaria ad alias scientias acquirendas.</i>	<i>ib. p. 22.</i>
<i>Qualiter sit sentiendum de objecto illius.</i>	<i>ib. p. 23.</i>
<b>Lux.</b>	
<i>Qua sit mens Cartesii circa lucem &amp; refutatur.</i>	<i>T. 4. p. 2.</i>
<i>Lux non est qualitas accidentalis verè producta.</i>	<i>ib. p. 13.</i>
<i>Qualiter lux sit substantia.</i>	<i>ib. p. 18.</i>
<i>Lux non pendet omnino à presentia corporis lucidi.</i>	<i>ib. p. 23.</i>
<i>Falsum est lumen propagari in instanti.</i>	<i>ib. p. 28.</i>
<i>Qualiter sit sentiendum de incidentia &amp; reflexione luminis.</i>	<i>ib. p. 36.</i>
<b>Magnes.</b>	
<i>Motus magnetici sympathici generatim explicantur.</i>	<i>T. 3. p. 297.</i>
<i>Et citatur refutatio philosophia Magnetica Cartesiana.</i>	<i>ibidem.</i>
<b>Maignanus.</b>	
<i>Maignanus inter Cartesianos temere computatus.</i>	<i>T. 2. p. 259.</i>
<i>Quantum in primis differat Maignanus à Cartesio circa notionem materiam.</i>	<i>ib. p. 315.</i>
<b>Mare.</b>	
<i>Cur mare non redundet.</i>	<i>T. 4. p. 121.</i>
<i>Refutatur Galliani circa fluxum &amp; refluxum maris.</i>	<i>ib. p. 122.</i>
<i>Quid senserit hac in re Cartesius, &amp; refutatur.</i>	<i>ib. p. 124.</i>
<i>Refutatur pariter Argonini.</i>	<i>ib. p. 126.</i>
<i>Quid sit hac in re probabilius.</i>	<i>ib. p. 128.</i>
<i>Quid sit sentiendum de aequilibrio marium.</i>	<i>T. 3. p. 384.</i>
<b>Materia, vide Quantitas</b>	
<i>Qua sit existentia materia.</i>	<i>T. 2. p. 48.</i>
<i>Materiam male confudit Cartesius cum spatio.</i>	<i>ib. p. 233.</i>
<i>Qualiter materia per se ipsam sit quanta.</i>	<i>ib. p. 307.</i>
<i>Ejusdem materia quantitas est semper eadem.</i>	<i>ib. p. 321.</i>
<b>Memoria.</b>	
<i>Quid sit memoria sensitiva.</i>	<i>T. 4. p. 205.</i>
<i>Qualiter memoria &amp; intellectus sint idem.</i>	<i>ib. p. 262.</i>
<b>Mensura.</b>	
<i>Qualiter ad quantitatem pertineat mensurare &amp; mensurari.</i>	<i>T. 1. p. 299.</i>
	<b>Qualiter</b>

*Qualiter tempus sit mensura motuum.*

T. 3. p. 45.

### Mens.

*Qualiter operationes mentis sint dirigibiles.*

T. 1. p. 29.

*Qualiter sint subordinata.*

ib. p. 34.

### Mercurius.

*Qualiter & cur mercurius maneat suspensus in tubis.*

T. 2. p. 281.

*Qualiter partes mercurii rotundentur, & quare.*

T. 3. p. 385.

### Metaphysica.

*Quid sit Metaphysica & qualiter sit scientia.*

T. 1. p. 170.

*Quale sit objectum illius.*

ib. p. 172.

*Qualia sint ejus principia & exponuntur.*

ib. p. 173.

### Meteora.

*Quid intelligatur per meteora.*

T. 4. p. 107.

*Exponuntur meteora ignea, aërea, &c.*

ib. a p. 108.

### Minima physica.

*Quid sint & qualiter demonstrantur.*

T. 2. p. 200.

### Mixtio. Mixta.

*Qualiter mixta & composita naturalia idem sint.*

T. 2 p. 41.

*Qualiter elementa concurrant ad mixtionem.*

T. 3. p. 155.

*Qualiter elementa maneant in mixtis.*

ib. p. 180.

### Modus.

*Quid & quotuplex sit modus sciendi.*

T. 1. p. 103.

*Quid sint modi syllogistici.*

ib. p. 140.

*Rejiciuntur distinctio modalis.*

ib. p. 202.

### Moralis. Mores.

*Quid sit Moralis et unde dicta.*

T. 4. p. 269.

*Qualiter actiones morales dividantur.*

ib. p. 285.

### Motus.

*Affertur duplex definitio motus.*

T. 3. p. 2.

*Nullus potest fieri motus impertransito medio.*

ib. p. 14.

*Nullus etiam potest fieri in instanti.*

ib. p. 17.

*Quid sit sentiendum circa motus motus.*

ib. p. 20.

*Motus non distinguitur realiter à mobili.*

ib. p. 36.

*Qualiter fiat motus elasticus.*

ib. p. 243.

*Quid sit sentiendum de motu reflexo.*

ib. p. 248.

*De cæteris specibus motuum agitur.*

ib. a p. 261.

### Mundus.

*Mundus, qualem Cartesius finxit, fuisset impossibilis.*

T. 2. p. 33.



*Qualiter Mundus potuerit esse ab aeterno.*

T. 3. p. 131.

### Natura.

*Natura universalis & individua qualiter opponantur.*

T. 1. p. 78.

*Cartesium falso exclusit naturam.*

T. 2. p. 114.

*Natura in suis operibus nihil vere producit.*

ib. p. 149.

### Nubes.

*Qua sit varia nubium temperies.*

T. 4. p. 114.

*Qualiter fiat resolutio nubium.*

ib. p. 115.

*Quare nubes prorumpantur deorsum.*

ib. p. 110.

### Numerus, vide Infinitum.

*Numerus infinitus superat omnem speciem numeri.*

T. 3. p. 78.

*An sint plures numeri quadrati, quam non quadrati.*

ib. p. 121.

### Oculus, vide Visio.

*Qua sint partes interna & externa oculi.*

T. 4. p. 233.

*Qualiter oculus à luce afficiatur.*

ib. p. 234.

*Species, quales vulgò adquirentur, non convenirent oculo.*

ib. p. 236.

### Odor. Odoratus.

*Qualiter odor afficiat cerebrum.*

T. 4. p. 209.

*Quale sit organum odoratus.*

ib. p. 220.

*Qua sit conformitas odoratus cum gustu.*

ib. p. 221.

*Qua sit odorum varietas, & unde procedat.*

ibidem.

*Quid rei physica sit odor.*

ib. p. 223.

*Qualiter non sit forma accidentaliter producta.*

ib. p. 223.

### Oppositio.

*Qua & quotuplex sit oppositio terminorum.*

T. 1. p. 99.

*Qua & quotuplex sit oppositio propositionum.*

ib. p. 121.

### Oratio.

*Qualiter terminus complexus sit oratio.*

T. 1. p. 89.

### Partes, vide Continuum.

*Qua sint partes syllogismi.*

T. 1. p. 132.

*Partes continui sunt distincta ante divisionem.*

T. 2. p. 176.

*Nulla pars est divisibilis in infinitum.*

ib. p. 191.

*Omnes partes quatenus partes sunt creatæ.*

ib. p. 201.

*Qualiter uniantur partes continui.*

ib. p. 217.

*Omnes partes habent suam figuram.*

ibidem.

### Passio.

*Quid sit passio predicamentalis.*

T. 1. p. 321.

*Quid sit passio moralis, & unde dicta.*

T. 4. p. 280.

*Qualiter ratio dominetur passionibus.*

*ib. p. 281.*

*Qua & quot sint species passionum.*

*ib. p. 183.*

### Physica.

*Quid sit Physica & qualiter sit scientia.*

*T. 2. p. 4.*

*Qua sit occasio errorum Physica Aristotelica.*

*ib. p. 184.*

### Planta.

*Qualiter fiat plantarum vegetatio.*

*T. 4. p. 160.*

*Sunt quaedam planta, quae aliquantulum sentiunt.*

*ib. p. 178.*

### Poti.

*Quare omnia corpora habeant poros.*

*T. 2. p. 299.*

*Qua sit frequentia pororum in aere.*

*T. 3. p. 370.*

*Cur aqua non comprimatur, licet habeat poros.*

*ib. p. 393.*

### Possibilitas.

*Quid sit possibilitas rei.*

*T. 1. p. 235.*

*Possibilitas rei non est arbitraria Deo, contra Cartesium.*

*ib. p. 238.*

*Res omnes possibilis possunt simul existere.*

*T. 3. p. 114.*

### Potentia.

*Non datur distinctio realis inter naturam & potentiam.*

*T. 2. p. 122.*

*Qualiter fieri debeat contactus inter potentiam & obiectum.*

*T. 4. p. 213.*

### Præcisio.

*Qualiter ens possit præcindi à differentiis.*

*T. 1. p. 188.*

*Omnis cognitio inadæquata est præcisiva.*

*ib. p. 189.*

*Qualiter admitti debeant præcisiones obiectivæ.*

*ib. p. 190.*

### Prædicamenta.

*Quot & qualia sint prædicamenta.*

*T. 1. p. 275.*

*Qualiter non sint in se ipsis realia.*

*ib. p. 330.*

*Qualiter sit sentiendum de formis prædicamentalibus.*

*T. 2. p. 252.*

### Præmissæ.

*Quid sint præmissæ syllogisticae.*

*T. 1. p. 132.*

*Qualiter concessis præmissis non possit negari consequentia.*

*ib. p. 150.*

### Principia.

*Qua sint principia syllogistica.*

*T. 1. p. 133.*

*Qua sint vera principia in rebus metaphysicis.*

*ib. p. 173.*

*Qua sit vera notio principiorum in rebus physicis.*

*T. 2. p. 12.*

### Prioritas.

*Alia est prioritas naturæ, alia temporis.*

*T. 2. p. 93.*

### Privatio.

*Qualiter falsò enumeretur inter principia physica.*

*T. 2. p. 10.*

## Projectio.

*Qualiter res projecta non moveantur à medio.*

T. 3. p. 271.

*Qua sit vera causa motus projectilis.*

ib. p. 278.

## Propositio.

*Quid et quoduplex sit propositio.*

T. 1. p. 117.

*Qua sint proprietates propositionis.*

ib. p. 120.

*Quid sit veritas & falsitas propositionum.*

ib. p. 212.

*Quid sit sentiendum de propositionibus contradictoriis.*

ib. p. 214.

## Proprium.

*Quotupliciter possit accipi.*

T. 1. p. 81.

*In quo differat proprium ab essentiali.*

ib. p. 83.

## Qualitas.

*Quid sit qualitas predicamentalis.*

T. 1. p. 300.

*Qua sint proprietates qualitatibus.*

ib. p. 308.

*Qualiter qualitates intenduntur & remittantur.*

T. 2. p. 354.

## Quantitas.

*Quid sit quantitas predicamentalis.*

T. 1. p. 287.

*Quantitas non possit subiectare cetera accidentia.*

ib. p. 297.

*Qua sint proprietates quantitatis.*

ib. p. 298.

*Quid sit quantitas apudmodinalis & actualis.*

T. 2. p. 308.

*Quantitas unius accidentis non potest convenire alteri.*

ib. p. 311.

## Quies.

*Quare & qualiter non detur quies in puncto reflexionis.*

T. 3. p. 255.

## Radius.

*Materia in orbem acta non recedit per radios, sive secantes.*

T. 4. p. 4.

*Radii Solares sunt ignei.*

ib. p. 21.

## Raritas. Rarum. Rarefactio.

*Quid sint rarum & densum.*

T. 2. p. 305.

*Qualiter vere fiat rarefactio.*

ib. p. 330.

*Frigus interdum rarefacit perinde ac calor.*

ib. p. 339.

*Raritas non est entitas distincta à re rara.*

ib. p. 345.

## Ratio.

*Ratio & intellectus qualiter differant.*

T. 1. p. 33.

*Qualiter ratio passionibus dominetur.*

T. 4. p. 281.

*Quid & quoduplex sit ens rationis.*

T. 1. p. 47.

## Relatio.

*Quid & quoduplex sit relatio predicamentalis.*

T. 1. p. 309.

*Qualiter*

*Qualiter relatio nihil reale superaddat rei relata.  
Qua sint proprietates relationis.*

*ib. p. 311.  
ib. p. 320.*

### Remissio.

*Qualiter verè fiat remissio qualitativa.*

*T. 2. p. 362.*

### Resistentia.

*Qualiter resistentia alia sit positiva, & alia negativa.*

*T. 4. p. 31.*

### Sapor.

*Quid sit & quàm multiplex sit sapor.*

*T. 4. p. 217.*

*Qualiter saporis contemperentur.*

*ib. p. 219.*

### Scientia.

*Qualiter scientia differat ab opinione & fide.*

*T. 1. p. 156.*

*Qualiter sint compossibiles in eodem subiecto.*

*ib. p. 165.*

### Semen.

*Omnia vegetabilia prodeunt ex aliquo semine.*

*T. 4. p. 142.*

*Qualiter necessitas seminis suppleatur.*

*ib. p. 154.*

*Qualiter vita sit in semine.*

*ib. p. 46.*

### Sensatio. Sensus.

*Qualiter fiat sensatio.*

*T. 4. p. 198.*

*Pluralitas sensuum non satis probatur.*

*ib. p. 205.*

*Omnis sensus est species tactus.*

*ib. p. 213.*

*Qualiter sensationes se inseriunt.*

*ib. p. 204.*

### Signum. Significatio.

*Quid & quòtuplex sit signum.*

*T. 1. p. 98.*

*Termini primario significans conceptum secundariè rati.*

*ib. p. 94.*

*Qua sint signa Zodiaci.*

*T. 4. p. 71.*

### Situs.

*Quid sit predicamentum situs.*

*T. 1. p. 327.*

### Sol.

*Sol non est immotus in centro Mundi, contra Copernicum.*

*T. 4. p. 99.*

*Qualiter Sol sit congregatio ignium.*

*ib. p. 26.*

*Lux Solaris non deperditur quoad substantiam.*

*ib. p. 23.*

*Qualiter aliquando appareant falsi Soles.*

*ib. p. 118.*

### Sonus.

*Qualiter fiat propagatio & reflexio soni.*

*T. 4. p. 228.*

*Exponitur quid res physica sit sonus.*

*ib. p. 230.*

*Referuntur proprietates soni ex Merfenne.*

*ib. p. 233.*

## Spatium.

*Spatium locale non est corpus, contra Cartesium.*  
*Qualiter dentur spatia imaginaria extramundana.*  
*Spatio imaginario non desunt sua attributa.*  
*Omnia spatia imaginaria possunt ex toto impleri actu.*

*T. 2. p. 232.*  
*ib. p. 272.*  
*ib. p. 275.*  
*T. 3. p. 124.*

## Species.

*Quid sit species predicamentalis.*  
*Quid sint species visioni deservientes.*  
*Tales species Aristotelica non conveniunt oculo.*  
*Et visio perinde fieret in tenebris.*

*T. 1. p. 77.*  
*T. 4. p. 236.*  
*ibidem.*  
*ib. p. 237.*

## Sphæra.

*Quid sit sphaera & qualiter differat à globo.*  
*Enumerantur circuli sphaera.*

*T. 4. p. 62.*  
*ib. p. 63.*

## Stella.

*Qualiter differant stelle fixæ ab errantibus.*  
*Qualiter inquirantur eorum magnitudines & distantia.*

*T. 4. p. 85.*  
*ib. p. 88.*

## Subsistentia.

*Qualiter nihil reale superaddat existentia.*  
*Qualiter consistat in respectu quodam morali.*

*T. 1. p. 258.*  
*ib. p. 261.*

## Substantia.

*Quid sit & qualiter hoc nomen accipi debeat.*  
*Qualiter Deus pertineat ad predicamentum substantia.*  
*Que sint proprietates substantia predicamentalis.*

*T. 1. p. 279.*  
*ibid. p. 282.*  
*ib. p. 286.*

## Syllogismus, vide Discursus.

*Quat sint species syllogistica.*  
*Qualiter & ad quid fiant reductiones syllogistica.*

*T. 1. p. 148.*  
*ib. p. 150.*

## Sympathia.

*Qualiter sentiendum sit de motibus sympathicis & eorum causis.*

*T. 3. p. 297.*

## Systema.

*Quid sit sentiendum de systemate Ptolemaico.*  
*Refutatur systema Copernicanum.*  
*Exponitur systema Tychoenicum & laudatur.*

*T. 4. p. 91.*  
*ib. p. 95.*  
*ib. p. 105.*

## Tactus.

*Omnia sensum est quidam tactus.*  
*Qualiter fiat sensatio tactus & quàm varie.*  
*Qualitates tactiles falsò adducuntur pro objecto tactus.*

*T. 4. p. 213.*  
*ib. p. 214.*  
*ibidem.*

## Tempus, vide Duratio.

*Soli tempori imaginario convenit notio temporis.**Nullum est ens successivum, quod sit tempus.**Qualiter durationes rerum corresponsdeant tempori.*

T. 3. p. 46.

ib. p. 54.

ib. p. 67.

## Terminus.

*Quid sit terminus & qualiter divisus.**Termini primario significant conceptus, secundario res.**Qua sint proprietates terminorum.**Quales sint termini magnitudinis & parvisatis.*

T. 1. p. 88.

ib. p. 94.

ib. p. 97.

T. 2. p. 203.

## Terra.

*Terra non est altior mari.**Terra relative ad caelos est instar puncti.**Qualiter deprehendatur magnitudo terra.**Ostenditur terram quiescere in centro Mundi.**Qualiter terra sit sicca & frigida.**Unde interdum proveniat concussio terra.*

T. 3. p. 395.

ib. p. 399.

ib. p. 400.

ib. p. 404.

ib. p. 410.

T. 4. p. 130.

## Theamedes.

*Hic lapis virtutem habet antimagneticam.*

T. 3. p. 300.

## Vacuum.

*Falsum est quidquid creditur de metu vacui.**Qualiter vacuum coactum sit possibile.**Qualiter detur aëu vacuum disseminatum.*

T. 2. p. 281.

ib. p. 283.

ib. p. 295.

## Vapores.

*Quid intelligatur per vapores & exhalationes.**Qualiter aqua abeat in vapores.**Qualiter vapores intra aërem suspendantur.*

T. 4. p. 113.

T. 3. p. 386.

ib. p. 388.

## Ubi. Ubicatio.

*Quid sit ubi pradicamentale.**Qualiter Aristotelici falso sentiant circa ubicationem.*

T. 1. p. 327.

T. 2. p. 241.

## Vegetatio.

*Qualiter fiat vegetatio.**Vegetatio non est nova realis productio.**Qua sint subiecta vegetationis.*

T. 4. p. 141.

ib. p. 159.

ib. p. 167.

## Velocitas.

*Qualiter motus velox non habeat saltum.*

T. 3. p. 20.

## Ventus.

*Quid sit ventus, & qua ejus varietas.*

T. 4. p. 118.

*Qualiter venti prouant ex antris montanis.* ib. p. 119.  
*Quot & quales sint venti è nubibus perflantes.* ib. p. 120.

## Virtus.

*Qualiter virtutes versentur circa passiones.* T. 4. p. 285.  
*Alia sunt intellectuales, alia morales.* ib. p. 286.

## Visus Visio.

*Quale sit organum visus.* T. 4. p. 233.  
*Qualiter fiat visio.* ib. p. 234.  
*Quid sint species visui deservientes.* ib. p. 236.

## Vita.

*Qualiter vita sit in semine.* T. 4. p. 164.  
*Quibus partibus conueniat esse participes vita.* ib. p. 1375.

## Virtium.

*Vitia diuiduntur ex opposito ad virtutes.* T. 4. p. 287.

## Unio.

*Qualiter materia & forma uniantur se ipsis.* T. 2. p. 78.  
*Qualiter uniantur partes continui.* ib. p. 217.

## Unitas.

*Quid sit unitas, qua est tertia proprietas entis.* T. 1. p. 223.  
*Talis unitas est aliquid positivum.* ib. p. 229.  
*Qua sit unitas conceptus entis.* ib. p. 179.

## Universale.

*Quid & quomplex sit universale.* T. 1. p. 63.  
*Qualiter & quare non datur à parte rei.* ib. p. 63.  
*Qualiter fiat per alium comparativum.* ib. p. 72.

## Voluntas.

*Voluntas non est potentia caca.* T. 4. p. 209.  
*Nec distinguitur realiter ab intellectu.* ib. p. 263.

## Utinatores.

*Quare non opprimantur ab aqua incumbente.* T. 4. p. 377.

## Zona.

*Quot sint zona, & qua sint earum proprietates.* T. 4. p. 32.

## Author ad Lectorem.

*Ad errata typographica quod spectat, video & doleo quòd irrepserim tota opere permulta. Quia tamen nulla aduerto, qua moras lectioni aut lectionis comprehensioni ullas notabiles afferre possint, rogo Te, Optime Lector, ut ea per Te ipsum patienter emendes & condones seu mihi, seu potius Typographo, qui diligentias & instantias meas assequi aut nesciit, aut neglexit.*

134 2453934









XXIV  
D-14

